

IMÂN ADDE ISLÂM DÓRMÓ

I'TIQÂD-NÂMA Ré

MAWLÂNÂ DIYÂ' AD-DÎN KHÂLID AL-BAGHDÂDÎ

‘Hakikat Kitabevi’ ttú niyalai’yédé kitaf, lombór: 8

IMÂN ADDE ISLÂM DÓRMÓ

I’TIQÂD-NÂMA

Ré

tafsir'or sânté maání bángóyá óildé

**MAULÂNÂ DIYÂ’ AD-DÎN
KHÂLID AL-BAGHDÂÎ**

Boro buzurgó, Allâh’r niyamot ókkól’ór házáná, sairó mikkár uttom
hásti, hók, háñsá áddé dórmó’r batti

Turki hotát’t dui-bácá goróiyá óildé

HÜSEYN HİLMİ İŞİK

Ingirazi’t dui-bácá goróiyá óildé

Hakikat Kitâbevi

Morót gorí niyalar’de 31 lombór bar’or kitaf



Hakikat Kitâbevi

Darüşşefeka Cad. 53/A P.K.: 35

34083 Fatih-ISTANBUL/TURKEY

Tel: 90.212.523 4556–532 5843 Fax: 90.212.523 3693

<http://www.hakikatkitabevi.com>

e-mail: info@hakikatkitabevi.com

JUNE-2016

NUTH

I'tiqâd-nâma kitaf lekóiyá'wár nam óildé Maulânâ Diyâ' ad-dîn Khâlîd ál-Bagdâdî ál-'Usmânî (Híjrî 1192, A.H./1778'ot, Baghdád'or utor, Shahrazûr'ót óiye, cón 1242/1826'ót Damáskás, quddisa sirráh't entekal ói'yé). Híba're ál-'Usmânî dhaki'tó, híba 3 lombór'ór Khalifá Házzát Usmán Dhu'nnûrain (radiy-Alláhu ta'âla'ânh)ór boncó'ttú accíil'dé hétóllá. Híba'yé híba'r gura báí Házzát Maulânâ Mahmûd Sâhib'óre boro âlim, Imâm án-Nawawî'r kitaf **Ál-ahâdîs ál-árba'ûn**'ór 2 lombór'ór hadîs carlf **Hadîs ál-Jibrîl** forái di'báccót Mahmûd Sâhib'é híba'r bor báí'yóre hadîs'wá'llá uggwá tafsir lekí'tó aroz gojjé. Maulânâ Khâlîd'é nizor báí'yór mon kúci gorí'ballá aroz'gán kobul gorí hadîs carlf'fwár babute **I'tiqâd-nâma** nam di Fârsi hotát' kitaf uggwá lekí buzái'yé. Cón 1969't, kitaf híba Turki hotát't dui-bácá gojjé'dé ehón asédé **Herkese Lâzim Olan Îmân**'óre Ingirazi't dui-bácá gorí, **Belief and Islam**, Fráñs hotát't **Foi et Islam** ar Jarman hotát't **Glaube und Islam** lekkyé. Fisóttú Tamil, Yoruba, Hawsa, Malayalam ádde Danish'ór dhóillá aró becá bicí zuban ókkól'ót dui-bácá gojjé. Alláhu ta'âla'ye beguná, cádácídá hoicca ókkól'óre kitaf ibá forí'ballá áddé Áhl ás-Súnnáh'r âlim ókkól'é cí kai der'de sóyi I'tiqad (imân) cíki loi'ballá tofîq douk!

Kitaf Niyaloiyar Nuth:

Kitaf ibá asé'dé héddurót óuk, onnyo zuban'ot dui-bácá gorí óuk sá báí niyalai'tó saá'dé ze honó zon'ollá ezin diya asé. Héndíllá ekkán laf'ór ham zimma loi goré'dé mancór wore Alláhu ta'âla'r rahámót áddé borkot óuk. Ar aânrá'r torfóttú'yó tará're becá bicí cúkúriyá gorí. Hálí sá báí'baccót córoc habos estemal gorí, golti sólti no táké'fán sáfsutará gorí, lekár fóma ódé odé bone'fán, bail gorí gorá forí'bó.

Nuth: Kírístán'ór dawot doiya ókkól'é tará'r dórmó fóilái'ballá bicí kucíc goré'r. Yahúdí ókkól'é'yó tará'r fadúrí ókkól'ór férókbás hotá ókkól fóilái'ballá kucíc goré'r. Turki'r Istambul cóor'ór ekkán kitaf'or duwan, Hakikat Kitâbevi'yé Islâm

dórmó amfáng gorí'ballá meénnót goré'r. Ar dórmó nomanoiya (dórmó-sará) ókkól'é dórmó ókkól fúrai félái'tó kucíc goré'r. Laf guná'í forok gorí fare'de ahol elóm-ólá maincé buzí sintí iín'óttú hánsá'wa basí loi, aró amfáng gorí'ballá modod gorí'bó. Insániyót'ór kérmós gorí'ballá héndíllá gorón'óttú áró gom torika adde kimoti cis ar náí.

“Subhân-Allâhi wa bi-hámdihî subhân-Allâhîl-'adîm.”

Dua ibá're Kalima-i-tenzîh bóli hoó. Ze honó kiyé dua ibá bínná 100 bar, biyale 100 bar forí'lé, híba'r guná ókkól maf gorí dí baade híba're guná fítín'o gorá'ttú sóoñlí'bó. Dhoóñr buzurgó, âlim Imâm Rabbânî 'quddisa sirráh'yé lekkyé'dé kitaf **Maktûbât**'ór 307 áddé 308't dua ibá'r babute asé. Híba're Turki hotá't lekkyé'dé híba't'ó asé.

Yâ Rahmân, yâ Rahîm, ya 'afúwwu yâ Karîm.

Istanbul'ór Fâtîh't asé'dé borkot-ola kitaf'or duwan **Hakikat Kitâbevi**'r moncá óildé Imân, Islâm dórmó cí kai dí'tó áddé aáñrá'r borkot-ola decó're duniyai'r mancór nozor'ot adojsa banon. Allâhú ta'âlâ'yé aáñrá're modod goré'dé mancór lói razi óuk. Âmin.

Ador'or foróiyá ókkól, Ássalámú aláikúm wa ráhmatúlláh. Onorá'r wore Allâhú ta'âlâ'r cántí áddé rahámót óuk.

Kitaf ibá't asé'dé leká beggún Islâm Dórmó'r boro boro elómdár ókkól'é lekkyé'dé kitaf ókkól'óttú aná gi'yé. Hín'ót aáñrá'r nizer honó keccú gólái dí'yí'dé náí. Aáñrá moniccó'r kérmós gorí'tó áddé mancór kúci'llá áddé mancór hók sóoñlí dí'ballá ham goróiyá ókkól'é'yó siní'yóre mani loi'ballá dui moncá lói haz'or kitaf ibá lekki'dé. Onorá cárá duniyai't namedhak boro boro âlim ókkól'ór leká iín zehón forí'ba, onorá dorhari cis adde dorhari noó'dé cis forók gorí siní'ba, inshâ-Allâhú ta'âlâ. Onorá're aáñrá'r torfóttú ador adde sólám. Allâhú ta'âlâ'yé onorá're gom sehét áddé hazor lamba hóyát boccíc goróuk! Âmín.

Wa sáll-Allâhú 'alâ Sayyidinâ Muhámmadin wa 'alâ Âl-iMuhámmad wa bârik 'alâ Sayyidinâ Muhámmadin wa 'alâ Âl-iMuhammad. Allâhúmma Rábbanâ âtinâ fî-d-dúnyâ hásanatan wa

fí-l-âkhirát-i-hásanatan wa kinâ 'adhâb-ân-nâr bi-ráhmatika yâ
Árham-ár-Râhimîn! Âmîn.

Hakikat Kitâbevi

TURKIT BÁIL GORÍ LEKÍ SÁBÁI'YEDÉ HÍBA ÓILDÉ:

Iklhâs Gazetecilik A.Ş.

**Merkez Mah. 29 Ekim Cad. İhlâs Plaza No: 11 A/41
34197 Yenibosna-İSTANBUL Tel: 90.212.454 3000**

N O S Í Y Ó T

Aiyó Allâh're matai kitaf'fwá cúru gorí.

Allâh'r namo't ebbe barík héfázót asé.

Híba'r hádíyá honó mithár loi mafi no faré.

Híba bicí rahám-ólá ar maf gorí diyá bicí fosón goré.

Allâhú ta'âlâ'yé duniyai'r manúc beggún'óre rahám goré.
Hazor hazor cisbís banai'yoré foitto zon'or hañsé difeçá. O-fúrání
kúci fai'bar rassa dahá. Nizor mon, hóráf manúc lói bírá, lussani
goré'dé kitaf ókkól áddé midhiya'r dúka háí'yóré, sóyi torika eri di,
be-imâni adde golot biccác'ór fisálí dójje'dé manúc ókkól'ór
bútóttu, zar'é mone hoó ta're hédáyót de. Mout'or baad'or abadul
abad azafo'ttú basai raké. Be-rahámóttýá áddé kanun'or baaré
soloya ókkól'óre rahám no goré. Tarár'é, tará'r fosón áddé be-
imâni't mon máik tákí'to de. Ahérót'ót, Zuzuk'ot zai'bar gunágár
bonda ókkól'óttú mone hoódé híba híba basí loi guná maf gorí di
biyossó't gólái dibo. Allâhú ta'âlâ, ekgúillá hásti'yé jandár cis
ókkól bana, foitto uggwá're ziyañta rakí, kulle dhor ocántíttú sóoñlí
raké. Aáñrár'gín aáñrá Allâhú ta'âlâ'r izzottýa nam'or biccáic loi,
maání, Allâhú ta'âlâ'r modot'ór acá loi kitaf leká cúru gorí'r.

Kulle hámd ^[1]Allâhú ta'âlâ'llá. Allâhú ta'âlâ'r adojja Nabi Muhámmad “aláihí-s-salâm”ór wore cántí addé rahámót óuk. Nabi “sállAllâhú a'láihí wasállám”ór góror manúc, egena guccí addé híba'r adojja wafádár Sahâbat ál-kirâm ókkól'óllá, kulle barík barík dua.

Islâm dórmod'r biccác, imân, gorí'bár áddé no-gorí'bár cic'or hókúm ókkól'ór babute ázár ázár kimoti kimoti kitaf ókkól leki'félaiyé. Hintu bicí kitaf bidecí zuban ókkól'ót dui-bácá gorí foitto dec'ót baçi diyé. Ar ek dhák'óttú, ahol baçi áddé ku-kíyál-óla manúc ókkól'é Islâm dórmod'r hazor hazor, borkottya aásán usól ókkól'ór babute bonnai gorí bodoli félai'bállá áddé Musólmán ókkóló're dúka di'to lattát hámálá gorí'bár meénnót'ót asé.

Héen ói'lé'yo, foitto dec'ót, Islâm dórmod'r âlim ókkól'é ajó fojjonto endilla gorí sóonlí'bállá áddé fóilái'bállá meénnót gorér'dé dekí cúkúriyá gorá zá'r. Ar ek dhákóttú, hodún hodún mancé **Áhl ás-Súnnáh**'r âlim ókkól'é lekkyé'dé kitaf ókkól no forí (ar noói'lé) no buzí uldafúldá tháarí'yóré Kur'ân al-karîm áddé Hadîs'óttú loi'yé bólí hoói hoói gorér'dé boyan ókkól áddé lekér'dé leká ókkól dehá za'r. Toó úddá, boyan adde leká híin aáñrá Musólmán ókkól'ór mosbut imân'or muúntú no fólé'dé híyan sábút ói gi'yé'gói. Tará nize obuz de híyan dehái'yé'dé baade ar kéccú háçái nóo fáré.

Manúc uggwá'yé nizoré nize Musólmán bolí'yó hoó, ar híba're jamât'ór sáñté namâz foré'dé'yó dahá zai'lé, híba Musólmán ói'dé híyan buzá zá. Ossé, fisóttú fisóttú, híbar boyan, leká áddé hássá háslót'ót Áhl ás-Súnnáh'r âlim ókkól'é imân'or babute zanai dede híin lói no bone'de keccú ekkán dekí'lé, híyan no mana (ar noói'lé) kuféri dé híyan, híbar'é hoói diya za. Híba're, híin bon gorí'bállá adde toubá gorí'bállá nosiyót gorá za. Ossé, híbayé, híbar baiththá ahol adde niróc buzá loi, ham híyan bon no gorí'lé, híba uggwá ulda buzóyá (ar noói'lé) no manoya'de híyan buzá zai'bó. Híba'yé kuféri ó'dé cisbís (ar noói'lé) ham ókkól bon

[1] Taarif adde cúkúriya.

gorí taubá^[1] gorá-sará, foittó dín 5 ottó namâz forá, hój gorá, ibâda addé gom ham ókkól beggún lattá't gorá't tákí'le úddá, docá yaán'óttú basi no farí'bó. Híba ar Musólmán no tákí'bó. Foitto uggwá Musólmán'óttú kuféri ówá'bádé cis'gín, gom gorí cíki lói imân no zagói'fán nizo ré nize sóoñlí'yóré kafér ókkól áddé Musólmán kúwálá'dé munafék ókkól, háás gorí Bitícó'r sóikkel ókkól'óre gom gorí siní, tarár lussani goráttú duré tákóón saá.

Rasûl-Allâh “sállAllâhú a'lâihí wasállám”é hadîs carîf uggwá't hoi'yé'dé, Kur'ân ál-Karîm addé Hadîs carîf'óttú golot maáni ókkól niyalai'bó ar hétólla ulda buzé'dé faáthí 72'wá foida ói'bó. Hadîs carîf ibá namedhak **Bukhári** carîf áddé **Muslím** carîf, kitaf duníwár háwálá di'yóré kitaf **ál-Beríqa** áddé **ál-Hadíqa**'t buzái'yé. Aáñrá'ttú, faáthí iín'ór 'Islâm dórmó'r boro âlim' (ar noói'lé) 'dórmór porfésár' héndillá hendillá lokób-óla manúc ókkól'ór kitaf adde waáz ókkól biccác no-gorón saá ar aáñrá'ttú dórmó áddé imân'or sur iín'ór fán'ót no foribóllá bicí uñcýyár tákón saá. Be-elómí Musólmán híin baade'yó, ek dhák'óttú komyunís ókkól, dórmó no manoya ókkól adde Kírístán'ór dawot doiya ókkól, ar ek dhák'óttú, bútórgwá férókbás Bitíc'ór gulá wahábí ókkól áddé Yahúdí Zionís ókkó'lé noya noya torika loi Musólmán fuwaín'dóré óur, gumrá gorí'bállá kucíc goré'r. Tará monzokká leká, fíling, toñcá, rediyu, TV adde websáit ókkól estemal gorí Islâm Dórmó áddé imân fúrai félaibá'llá bol zeddúr asé hédduúr dáf goré'r. Tará moncá yaán fura goribá'llá kuthí kuthí hóssá gorér. Islâm Dórmó'ór âlim ókkól (rahímáhumúllâh)é híin beggúnó'llá hámaká dorhari'de héndillá juwaf ókkól di'yóré Allâhú ta'âlâ'r dórmó, kúci áddé basi'bár rassa dahái'yé.

Híin'ór bútóttu, aáñrá, Islâm Dórmó'r namedhak âlim Maulânâ Diyâ' ad-dîn Khâlíd ál-Baghdâdî ál-Usmânî 'quddisa sirráh' yé lekkyé'dé kitaf, **I'tiqâd-nâma** basí loi'yí. **I'tiqâd-**

[1] (Nizor guná'llá) taubá gorón maáni, guná gorá gi'yé'dé híyan'óllá córmídá óón, Allâhú ta'âlâ'ttú guná maf magon, mesál dua ibá forí'yóré: “Astágfirullâh ál-'adhím ál-ladhî, lâ ilâha illâ Ánta Huwal háiy-ál-qayyûm wa atubu ilâih,” ar Híba'ré ar guná no gorí'bó'dé híyan waada doon.”

nâma’ré foóilá, Kemah, ErZinkan’ór Hâji Faizullâh Efendi (mara giyé) ’yé **Farâ’id ál-fawâ’id** nam di Turki hotá’t dui-bácá gorí’yóré cón 1312 A.H’ót, Misír (Egypt)ót sá báiyí. Híba’ré **Belief and Islam** nam di aró buzí’tí aásán ó’fán gojjé. Híba’r foóilá’r cúru’r bárór edition (kitaf) cón 1966’ót toyar gorí fajjíl. Aáñrá’r nizor buzái diyá ókkól’óre “square brackets, [.....]” ór butóré gorí diya asé. Kitaf ibá’ré Ingirazi’t 31 lombór’ór bár niyalai fari’ballá toufik di’yé’dé híyan’óllá Allâhú ta’âlâ’r bicí cúkúriyá. **I’tiqâd-nâma** kitaf ibá’r ebbe cúru’r bár’órgwá óildé Fârsi hotá’t ar híba Istanbul Yuniversity’r kitaf háná (Íbnül Emin Mahmûd Kemal Dept. F. 2639)ót asé.

Kitaf, **Durr ál-mukhtâr**’ót “kafér’ór biyá”r mouzú’r fúrantí’ttú lekkyá asédé “Neká (Islâm dór mó’r cikkatá mozin biyá dólá)^[1] -ólá balek Musólmán maya fuwa ug gwá’yé Islâm Dór mó no sínflé, híba’r neká bángí zai’bo’gói [híba dór mó-sára ói zai’bo’gói]. Híba’ré Allâhú ta’âlâ’r tarif ókkól cí kai diya fori’bó, híba’ttú híin duwárai fori fori “Muiñ iín biccác goróm (manom)” howá fori’bó. Yaán’ór babuté buzái’báccót, Íbn ’Âbidîn ‘rahimah-ullâhu ta’âlâ’yé hoi’yé’dé “Ossé, maya fuwa gura óilé, híba híba’r bafma’r dór mó’t táké, híba ug gwá Musólmán táké. Híba balek ó’dé híyá, bafma’r dór mó lói ar bazá no táké. Balek ó’dé híyá, Islâm dór mó no síná’r zoriya, híba dór mó’ttu baáir ói za’gói. Híba’yé **Kalimat at-tauhîd**, ‘Lâ ilâha il-l-Allâh Muhâmmadun Rasûlullâh’ fori’lé úddá, Islâm Dór mó’r imân’or 6’wan hotá cíki loi biccác gorí’yóré Islâm Dór mó mozin sola fárd’dé híyan mani no loi’lé híba Musólmán no thóorí’bó. Híba’ttú ’Âmantu bi-llâhi ...,’t asé’dé 6’wan hotá’r wore imân aná fori’bó ar híba’ttú “Muiñ Allâhú ta’âlâ’yé gorí’ballá aráiyé’dé áddé no gorí’tó maná gojjé’dé híin biccác, kobul goróm.” howá fori’bó. Íbn ’Âbidîn’ór buzái-diya’ttú, kafér ug gwá’yé **Kalimat at-tauhîd** fori maání biccác gorí’lé mottor, híba ug gwá Musólmán boni za’gói’dé dahá zá. Háli, oinnyo ze hónó Musólmán’é goré’dé héndíllá,’ mouka fai’le, híba’ttú lamar lofzó’gín mukiyazi gorí híin’ór maání háthí gorí cíki lowa fori’bó. **“Âmantu bi’llâhi wa Malâ’ikatihi wa Kutubihi wa Rusulihi wál-yâum-íl-âkhiri wa bilqadari khairihi wa cárrihi minallâhi**

[1] Meérbáni gorí, Éndless Blís, híssá 5’or síyará 12’t soó.

ta'âlâ wâlbâ'su ba'd-al-maut haqqun ác-hadu an lâ ilâha illallâh wa ác-hadu anna Muhammadan 'abduhu wa Rasûluhu." Ossé bus ói'yé'dé, balek Musólmán morot fuwa uggwá'yé imân'or 6'wan hotá iín cíki no loi'yoré híin biccác goré boli hoó'dé óilé'yó, híba'yó dórmó'ttú baáir ói zai'bo'gói. Imân aní baade (imân'or 6'wan hotá iín cíki mani loi baade) híba'ttú **Islâm Dórmó'r torika ókkól**, zendilla niki (**fárd** hoó'dé Islâm Dórmó'r hókúm ókkól) áddé **harâm** hoó'dé no gorí'bállá maná goijjé'dé híin, wazu bana'de torika, gusól gorí'bár torika, namâz forí'bár torika adde parda gorí'bár torika tuwai lowa forí'bó. Ossé híba'yé (cíkkatá iín'ór babute) hónó uggwá mancóttú fusár gorí'lé, híba're cíkai'tó (ar noói'lé) uggwá sóyi Islâm Dórmór kitaf tuwai fa'fán modod gorí'tó manúc híba'llá fárd (ekkáan Islâm Dórmó'r hókúm) boni za'gói. Híba're cíkai di fare'de hónó ekzon (ar noói'lé) honó uggwá háñsá kitaf tuwai no fai'lé, uggwá tuwai'yó diya forí'bó. (Musólmán maiya fuwa're modod gorí'bállá'yó ekkui zimma.) Ossé uggwá no tuwai'lé, manúc híba'ttú imân zai'bo'gói. Híba'ttú zimma iín'ór babute zana náí'dé híyán zanai doiya uggwá fa fojjonto híba'llá híyan uzór boni'bó. (maání, híba're zimma iín cíkai di'tó uggwá manúc (ar noói'lé) uggwá háñsá kitaf zetókkál no fa, hétókkál.) ('uzór' óildé ekkán báhaná ziyán'ór zoriya Musólmán'é golti ói'lé'yó Islâm dórmó'r hókúm no siné'dé híyan'óllá maf fa.) Ottó'r wore fárd adai no goré'dé (ar noói'lé) hárám ham goré'dé Musólmán ókkól'óre Zuzuk'ot toziya diya zai'bo.

IMÂN ADDE ISLÂM DÓRMÓ, kitaf ibá't imân'or 6'wan hotá iín'ór babute zora zora gorí buzái diya asé. Foitto uggwá Musólmán'óttú kitaf ibá cúndór gorí forí baade, nizor nizor fuwain cáin addé sin foriso manúc beggún'é'yó foré'fán zeddúr fare héddur kucíc gorón saá. Gaa'r sotó'ór híssá ókkól'ór babute kitaf, **Endless Bliss** (O-fúraní Kúci), híssá 4'ot buzái diya asé.

Leká'gín'ót, âyat ókkól'ór maání, ma'âl, maání óildé "tofsir'or âlim ókkól'ór hoói-dahá mozin maání" diya giyé, kiyóllá hoi'lé, âyat ókkól'ór maání, baná Rasûlullâh 'sall-Allâhu 'alaihi wa sallam'é bujjííl, ar ek bar híin nizor Sahâbat á-kirâm'óre cíkaáil. Tofsir goróiyá âlim ókkól (Kur'ân ál-Karí zora zora gorí buzái

de'de âlim ókkól)'é hadîs hîin, munafék ókkól addé férókbás Britíc ókkóló'ttú honó uggwá háthí Madhhád-sará dórmó'r âlim íssáf'é golot thening faiye'dé 'zindiq' ókkól'ór banaiya golot hadîs ókkól lói forók'dé híyan alok gorí dahái rakkyé, baade tará náo fá'dé hadîs híinó'r babute Tafsir goré'dé torika estemal gorí nizorgín nize maání gojjé. Arabi hotá zane, hálí tafsir'or babute zana náí'dé addé dórmó'r elóm a-cíkkyá mancé buzé'dé híin'óre Kuran'or tafsir (buzái-diya) no hoó. Hétólla írí, hadîs carîf uggwá't hoi'yé'dé: **“Nizor buz mozin Kur'ân ál-Karîm'ór maání goré'dé manúc be-imân ói zai'bo'gói.”**

Allâhú ta'âlâ'yé aáñrá beggún'óre Áhl ás-Súnná'r âlim ókkól'é dahái de'de sóyi rassa'r wore rakóuk! Allâhú ta'âlâ'yé aáñrá're Islâm Dórmó'r ducmon ókkól'ó'r golot, dúkabás, bútoré bútoré nac gorí félá'dé héndíllá héndíllá misá hotá ókkól áddé 'Islâm Dórmó'r boro âlim' kúwalái kúwalái âlim ókkól'ór nam hóráf goré'dé lâ-Mázhabí manúc ókkól'óttún basai rakóuk!

Dhoilla bo dhoilla zuban loi niyala'de kitaf beggún inthanéth lói cará duniyai't fóilár.

Nuth: Kírístán'ór dawot doiya ókkól'é tará'r dórmó fóilái'ballá bicí kucíc goré'r. Yahúdí ókkól'é'yó tará'r kitaf, Talmud'óre fóilái'ballá kucíc goré'r. Hakîkat Kitâbevi'yé Islâm Dórmó amfáng gorí'ballá zeddúr fare héddur meénnót goré'r. Ar dórmó no-manoya (dórmó-sará) ókkól'é dórmó ókkól fúrai félái'tó kucíc goré'r. Laf gunárí forók gorí fare'de ahol elóm-olá maincé buzí sintí iín'óttú hańsá'wa basí loi'bo. Ar tará sóyi'wá' amfáng gorí'ballá bol diyore insáníyót'óllá duniyai adde Ahérót'ór kúci fai'bár kérmós gorí'bó.

Ehón, duniyai'r musólmán ókkól bódhdha bódhdhá dhaái ói, 3 bák ói gíy'é'gói. Foóilá'r cúru'r dhaái'wá óildé, Sahâbat ál-kirâm'ór torika mozin soler'de sóyi Musólmán ókkól. Híin'óre **Áhl ás-Súnná** (ar noói'lé) **Sunnî Muslims** (ar noói'lé) **Firqa-i-nâjîyyá**, ziyán'ór maání óildé nizoré nize Zuzuk'ottú basai loiyé'dé dhaái. Dui lombór'ór dhaái'wá óildé Sahâbat ál-kirâm'ór ducmon ókkól. Tararé **Cía** (ar noói'lé) **Firqa-i-dâlla**, maání golot rassa dójjé'dé,

gumurá dhaái. Tin lombór'ór dhaái'wá óildé, **Súnní** áddé **Cía** duní dhaái'r ducmon. Tará're **Wahhâbî** (ar noói'lé) **Nejdî** hoó, Saudíyá'r Najd'ót foida óiyé'dé hétólla. Tará're **Firqa-i-mel'ûna** (laánót diya gi'yédé dhaái)'yó hoó. Híin'ór babute aáñrá sábaí niyalaiyí'dé **Endless Bliss** (O-fúrání Kúci) áddé **The Rising and The Hearer** (Háñcór Áddé Ahérót) kitaf dunúwá't lekkyé'dé mozin, híiné Musólmán ókkól'óre kafér dhake. Ar Musólmán'óre héndillá dhake'de mancóre aáñrárr Nabi “sállAlláhú a'láihí wasállám”é laánót di'yé. Musólmán ókkól endilla 3 bák ói gi'yé'gói'dé híyan Yahúdî ókkól áddé férókbás Britic ókkól'ór zoriya.

Foitto uggwá Musólmán'óttú nizer nafs'ór **taskiya'**llá, maání; nizer solasol'ot táké'dé no mana adde guná-gorá iín'óre sáf gorí'bállá, nitti “**Lâ ilâha illâllâh**” forón saá. Ar nizer dilor tasfiya'llá, maání; nizeré nize, nizer hóráf mon, cáitân, hóráf fúwáinjjá, lussani goré'dé hóráf hóráf kitaf ókkól'ór zoriya híba'r dil'ot foida ó'dé na biccáci áddé guná ókkól'óttú basai'bállá nitti bar bar “**Astâghfirullâh**” forón saá. Islâm Dórmó mozin sole ar ói za'gói'dé guná hátá ókkól'óllá taubá goré'dé mancór ibâda adde dua Alláhú ta'âlâ'ye kobul goré. Ossé, manúc uggwá'yé 5 ottó namâz ada no goré, cúndór gorí parda no goré'dé ar sotór dahá'dé beçiyáin'dór uzu saá, haram cis háá fiyá goré'dé óilé, híba'ré Islâm Dórmó mozin no-soloya boli howá fori'bó. Híba'r ibâda adde dua kobul no gorí'bó.

Mîlâdî
2001

Hijrî Shamsî
1380

Hijrî Kamarî
1422

HÜSEYN HILMI IŞIK,
'Rahmat-Allâhi 'alaih'

'Hakikat Kitabevi'r kitaf ókkól sábaí niyaloiya Hüseyin Hilmi Işık, 'Rahmat-Allâhi 'alaih', cón 1329 (A.D.1911)ót, Istanbul'ór Eyyub Sultan'ót óiye.

Híba'yé niyalai'yé'dé 144 (ekcó salic sair'gwá) kitaf'ot, Arabi't 60'wa, Fárasi't 20'wá, Turki hotá't 14'wá, ar badbaki'gín óildé Fráñs hotá't, Jarmán hotá't, Ingirazi't, Racíá hotá't áddé onnyo onnyo zuban ókkól'ót.

(Cágírít ókkól'óre sóyi torika loi cíkkatá difare'de, Tasâuwúf (Sufígíri)'r barík buzurgó, Islâm Dórmó'r izzot adde buddí-ólá namedhak âlim, Sayyid 'Abdulhakim Arwâsî, 'Rahmat-Allâhi 'alaih')'r hédáyát fai'yé'dé Hüseyin Hilmi Işık, 'Rahmat-Allâhi 'alaih', cántír rassa dahái dî fare'de bodhdhá uggwá Islâm dórmór habil âlim acciíl. Híba cón 2001, October macór 25 (1422, Cá'bân'ór 8) adde 2001, October macór 26 (1422, Cá'bân'ór 9) tarík'ór mazór rait'ot mara gi'yé. Híba'ré híba óiyedé zaga, Eyyub Sultan'ót dofón gojjé.

Kitaf'or Sinno

[Uggwá borkottya adde cúndójjyá saat ói'bálla, Maulânâ Khâlid Baghdâdî 'quddisa sirrah'ye ál-Imâm ar-Rabbânî Ahmad al-Fâruqî as-Shirhindî^[1] 'rahmatullâhi 'alaih'r kitaf **Maktûbât**'ór híssá 3'or 17 lombór'ór kitaf'or háwálá lói nizor kitaf cúru goré'r. Imâm-i Rabbânî 'quddisa sirruh'yé kitaf híba't hoór'dé]:

Muiñ Bísmillâh lói mor kitaf cúru gorómór. O-címáná tarif adde cúkúríyá Allâhú ta'âlâ'llá zibá'ye aáñrá'ré kulle nanan dhoilla niyamot diyé, Musólmán banai izzot diyé ar Allâhú ta'âlâ'r rasúl Muhámmád “sállAllâhú a'lâihí wasállám”ór kimoti ummat banai'yé, zíyan óildé beggúnó'ttú aró barík rahámót.

Foitto uggwá insán'óre foitto niyamot de'de baná Allâhú ta'âlâ'yé'dé híyan aáñrá'ttú bafí zani faron saá. Híba óildé foitto ekkán cis'óre bana'de ekgúllýá hásti. Híba óildé foitto jandár cis'óre zíyañta raké'dé ekgúllýá zaat. Manúc ókkól'ór barík'giri, córoc'giri, iín beggún Híba'r rahámót addé niyamot ókkól. Aáñrár zindegi, ahol, elóm, bol, hotá hoi'bár addé hane fúni'bar takot

[¹] Imâm-i Rabbânî Híjrî 1034 [1624 A.D.]'t entekal óiyé.

beggún Híbar torfóttú ó'dé. Híba óildé uggwá nitti o-gona rahámót áddé niyamot ókkól difeçóiyá. Híba óildé mancóré mosibot adde ocántít'tú basai loiya ar ibâda adde dua ókkól kobul gorí sinta adde docá'ttú duré rakóiyá. Híba'yé írí, aáñrá'llá rizúk ókkól foida gorí aáñrá'r héçe difeçá'dé. Híba'ttú rahámót bici'dé hétólla, Híba'yé gunágár ókkól'óre úddá rezúk bon no goré. Híba'yé nizor hókúm no mane (ar noói'lé) maná gojjé'dé cisbís'óttú basí no táké'dé mancóré niróc banai beizzoti no goré ar tará'r guná're onnyo zon'e hoói no faréfán bici gom gorí gúrí raké. Híba bici maf gorí doiyá, bici rahám-óla'dé hétólla, cáñza áddé azab fai'ba'r laikkyá ói'ye'dé hítára're úddá tokgorí cáñza no de. Híba'yé nizor rahámót áddé niyamot ókkól ki dustó ki ducmon beggún'óre cínçi cínçi de. Híba'yé kiyó'ttú keccú bodola no saá. Híba'r mehérbání ókkól'ór búttóttú, aáñrá're basi'yóré kúci fai'fán sóyi rassa dahái de'de híyan óildé ebbe barík áddé kimoti'gán. Aáñrá biyossó't zai fari'fán aáñrá're rassa golot no goribá'llá hóbóddár goré. Ar aáñrá o-gona niyamot ókkól, biyossó'r o-fúrání kúci ókkól, Híba'r cúndójjá siyará áddé ador iín beggún fai'ballá, Híba'yé aáñrá're Híbar adojja Nabi "sállAlláhu a'láihí wasállám"ór torika mozin soli'ballá hókúm goré. Hétólla, Alláhu ta'âlâ'r rahámót ókkól óildé beil'or foór'ór dhóillá fótto mikká dahá zá. Sóyi hoi'lé, onnyo mancór torfóttú fai'de modot, ehsání ókkól'ó Híbar hintu ai'yé'dé. Aró, Híba'yé, onnyo mancé usílá boni modot, ehsání gorí fare'fán rahám dil, azzu adde bol cótti'yó de. Hétólla, foitto zaga adde foitto manúc ókkól'ór torfóttú aiyédé rahámót ókkól óildé Híba'yé nitti difeçá'dé híin. Híba'ttú no gorí, onnyo kiyó'ttú modot adde ehsání'r acá gorón'nán óildé, kérmós goróyáttú kessú maga (ar noói'lé) gorif'óttú sótká hórát maga loi ek dhoilla. Hoi'yí'dé hotá iín foitto ekkán amfáng háñsá'dé híyan, honó andecá-sará ki be'elómí, ki elómdár, ki obuz, ki aholbon, ki josba-ola, beggún'é hoói fare.

Ehsání goró'yá're cúkúriyá áddé izzot gorá fore. Hétólla insán zati'r foitto uggwá mancóttú Alláhu ta'âlâ'r cúkúriyá góri'bár zimma asé zibá'yé aáñrá're niyamot iín boccíc gojjé. Híyan óildé ahol buddí'yé mage'de ékkán zimma. Hálí, komzur, hátá hosúrí-óla insán zati'llá Alláhu ta'âlâ'r tarif adde cúkúriyá ada gorá aásán noó. Alláhu ta'âlâ óildé abadul abad ziyañta tákóiyá. Híba'ttú hónó aib nái. Foitto kisím'ór barík'gírí beggún baná Híba'r. Manóré Alláhu

ta'âlâ'r loi hónó dórán'ór mafi'bár náí. Etó niróc topka'r insán'é héto boro Hásti Allâhú ta'âlâ'r izzotor laikkyá laikkyá ófan gorí tarif addé cukúríyá ada gorí fari'bó níkí? Mancé cúndór áddé kimoti tháaré, hálí Híba'yé hiin hóráf dé hoói fari hiin'óre na fosón goré'dé héndíllá cis ókkól bicí asé. Aáñrá'ttú izzot (ar noói'lé) tarif'or dhóíllá lage'de cisbís, Híballá cádárainnyá (ar noói'lé) na fosón goré'dé cis óit fare. Hétólla, mancé nizor aib-ola ahol adde baçi nozor loi Allâh'r tarif adde izzot goré'dé hotá ókkól forók gorí síní no faré. Allâhú ta'âlâ'r tarif adde cukúríyá gorí'bár torika Híba'yé nize dahái no di'lé, tarif gorí bóli tháari'dé cis ókkól, uzan be-ízzottya boni't fare.

Hétólla, Allâhú ta'âlâ'llá, dil, zuban adde gaa'ttú gorí'bár cukúríyá addé fura gorí'bár zimma ókkól Allâhú ta'âlâ'ye dóri di, Híbar adojja Nabi “sállAllâhú a'láihí wasállám”ór átá dahái diya baiyé! Allâhú ta'âlâ'yé dahái di'yoré ada gorí'bállá hókúm gojjé'dé insán'ór zimma ókkóló're **Islâm Dórmó** hoó. Mancé Híba'r cukúríyá goré'dé hiin Híbar Nabi'ye cíkaiyé'dé torika mozin ówá fori'bó. Hé torika mozin no ó'dé honó cukúríyá, hónó ibâda Allâhú ta'âlâ'yé kobul (ar noói'lé) fosón no goré, kiyóllá hoilé, mancé cúndór tháaré'dé cis ókkól **Islâm Dórmó** mozin gosá noza'de addé fédérá'dé héndíllá bicí asé.

Hé isáfé, ahol díyán thík asé'dé mancóttú, Allâhú ta'âlâ'r cukúríyá gorí'báccót, Hadrát Muhámmád “sállAllâhú a'láihí wasállám”ór torika mozin gorón saá. Híba'r torika're hoó'dé **Islâm**. Muhámmád “sállAllâhú a'láihí wasállám”ór torika mozin sole'de mancóré hoó'dé **Musólmán**. Muhámmád “sállAllâhú a'láihí wasállám”ór torika mozin Allâh'r cukúríyá gorá're hoó'dé **ibâda**. Islâm Dórmó'r cíkkatá óíldé dui bák: dórmór lain'e adde sáañs'ór lain'e.

1) Dil'ottú biccác gorá fore'de cíkkatá ókkól'óre **Usûl-i-dîn** (ar noói'lé) **Imân**'or cíkkatá hoó. Baçi, Imân maání, Muhámmád “sállAllâhú a'láihí wasállám”é cíkai diyé'dé 6'wan hotá biccác gorí, Islâm Dórmó kobul gorí, kuféri'r alamot, icára ókkól howá addé estemal gorá'ttú basi tákón. Foitto uggwá

Musólmán’ottú kuféri’r alamat, icára iin síni loi’yoré estemal gorá’ttú basa fori’bó. Imân-ola mancóré **Musólmán** hoó.

2) Gaa’ye adde dil’e adai gorá fore’de adde gaa adde dil’ottú no gorí basi táká fore’de ibâda’r cíkkatá ókkól. Adai gorá fore’de cíkkatá ókkól’oré **fârd** hoó, ar no gorí basi táká fore’de híin’oré **harâm** hoó. Cíkkatá iin’oré **Furû-i-dîn** (ar noói’lé) **Ahkâm-i-islâmíyyá** (ar noói’lé) **Islâm Dórmó’r Cíkkatá** hoó.

[Foitto uggwá mancóttú foóilá’r cúrut **Kalima-i-tauhîd** hoói’yoré híba’r maání biccác gorá fori’bó. Kalima-i-tawhîd óildé: **“Lâ ilâha il-l-Allâh Muhammadun Rasûlullâh,”** ar híba’r maání óildé “Allâhú ta’âlâ baade ibâda’r laiye kiyé náí ar Muhámmád “sállAllâhú a’láihí wasállám” Allâhú ta’âlâ’r rasúl. Hotá iyán biccác gorá’ré “Imân aná” addé “Musólmán ó’wá” hoó. Imân ané’dé mancóré **“Mu’mín”** áddé **“Musólmán”** hoó. Imân latt’át táká fore. Hétóllá, kuféri ówá’bá’dé ham ókkól gorá áddé kuféri’r alamat, icára’r cisbís estemal gorá’ttú hámaká basi táká fore.

Kur’ân ál-Karîm óildé Allâhú ta’âlâ’r hotá. Allâhú ta’âlâ’yé nizor hotá’ré firíssa Jibra’îl “Aláihis salám”ór átá Muhámmád “sállAllâhú a’láihí wasállám”ór hañsé hónsár ísáfé diféçái’yé. Kur’ân ál-Karîm óildé Arabi hotá’t. Hálí, híin’oré báil gorí guccái’yé’dé Allâhú ta’âlâ’ye. Kur’ân ál-Karîm’ór hotá iin Allâhú ta’âlâ’yé báil gorí guccái’yé’dé óróf, lofzó ókkól lói ayat banai banai lamai di’yé. Óróf áddé lofzó híin’é aní diyé’dé maání’gín’ót Kalâm-i-ilâhî (Allâh’r hotá) asé. Óróf áddé lofzó híin’oré (beggún dola gorí) **Kur’ân ál-Karîm** hoó. Allâhú ta’âlâ’r hotá asé’dé maání’gín’oré’yó Kur’ân ál-karîm hoó. Allâhú ta’âlâ’r hotá, Kur’ân ál-Karîm ibá mokhlúk noó. Híba, Allâhú ta’âlâ’r onnyo hásiyót, izzot ókkól’ór dhóillá abadul abad tákí’bo. Foittó bosór, Jibra’îl “aláihíssalám” Allâhú ta’âlâ’r rasúl’ór hañsé aái hé otto’t Kur’ân ál-Karîm zeddúr lamai diíl hédduúr’oré ódé odé lauhé mahfúz^[1]ót asé’dé héndíllá báil góri guccái forí’tó, ar aáñrá’r Nabi’ye’yó híba’r fisáli duwáraí’tó. Insán zati’r ebbe barík hásti, aáñrár Nabi’ré Allâhú ta’âlâ’r hañsé wafes loi zai’bár ottó dháké

^[1] Meérbání gorí **Endless Bliss** (O-fúrání Kúci), híssá 3’or síyará 36’t soó.

accé'dé híyá ebbe barík firíssa Jibraíl (aláihíssalám) híba'r hañsé aái aái guñça Kur'an ál-Karîm dui motto fúnái'ye. Aáñrá'r Nabi addé híba'r becbák Sahâbat ál-kirâm'é guñça Kur'an ál-Karîm mukiyazi gojjé. Aáñrá'r Nabi'ré Allâh'r hañsé loi zai'gói baade, Allâhú ta'âlâ'r rasûl'ór foóilár cúru'r khálifá, Hadrát Abû Bakr as-Siddîq'yé Kuran mukiyazi gojjííl'dé Sahâbat ál-kirâm addé híyá leikkííl'dé Kuran'or híssá'gín beggún fúwáñti dola gorí uggwá háás komithi baindé. Tói bade guñça Kuran córif leká't gojjííl. Tói, **Mucaf** hoó'dé lekkyá Kur'an ál-Karîm'ór copy'wá loi 33000 (tiríc tin ázár) Sahâba fúwáñti aái kitaf'wá'r foitto uggwá óróf ódé odé foóilár zaga mozin asé boli ettefákór sáñté fáisélá diyé.

Muhámmád “sállAlláhu a'láihí wasállám”é hoi'yé'dé hotá ókkól'óre **hadîs carîf** hoó. Híin'ór bútóttu, Muhámmád “sállAlláhu a'láihí wasállám”é Alláhu ta'âlâ'r icára mozin hoi'yé'dé hadîs carîf ókkól'óre **hadîs-i-kuddusi** hoó. Hadîs carîf'ór kitaf bicí asé. Híin'ór butóré **Bukhári carîf** áddé **Muslím carîf** bicí namedhak. Alláhu ta'âlâ'r hókúm ókkól'ót, dil'e kobul gorí biccác gorá fore'de cis ókkól'óre **Imân**, hámahá gorá fore'de híin'óre **fárd** ar no gorí'tó maná gojjé'dé híin'óre **harâm** hoó. **Fárd** áddé **harâm** beggún milai **Ahkâm-i-Islámíyya** hoó. Honó uggwá mancé Islâm Dórmó'r cíkkatá ókkól'óttú ekkán no mani'lé úddá híba'ré **Kafér** hoó.

Mancóttú hámaká gorá fore'de dui lombó'ór cis óildé, nizor dil sáf raká. “Dil” hoilé móttór, dui'yán cis dehá zá. Becbák mancé aáñrá'r sínat asé'dé gusso'r thukuça'gán'óre “dil” hoó. Héndíllá dil'dé januwar ókkól'óttú'yó asé. Dui lombór'gán óildé dehá no za'de dil. Dui lombór'ór dil yaán'óre'yó “dil” hoó. Dil yaán'ór babute írí dórmó'r kitaf ókkól'ót leká asédé. Dil yaán'ót írí Islâm Dórmó'r cíkkatá ókkól raké'dé. Biccác (ar noói'lé) inkar goré'dé híin'ó dil yaán'é írí. Dil ziyán'é biccác goré, híyan pak sáf ar inkar goré'dé híyan óildé napak, hoñsora. Híyan mora. Aáñrá'r foóilá'r cúru'r zimma óildé dil'óre doró móro dáf gori pak sáf gorá. Ibâda, háás góri namâz áddé istigfar (hóo'dé háás dua) forí'lé dil pak sák ó. Harâm cis ókkól gorí'lé dil napak, hoñsora ó. Aáñrá'r Nabi “sállAlláhu a'láihí wasállám”é hoi'yédé, “**Istigfar (guná maf saá)** bicí bicí goró. **Musólmán** ókkól'é istigfar hoó'dé dua'wá

lattá't forí'lé, Allâhú ta'âlâ'yé tará're kulle be-aram síarám áddé docá ókkól'óttú sóoñlí'dé. Tará'llá, tará ek fúçá nóo tháaré'dé héndíllá héndíllá zaga'ttú rizúk difeçá." Istigfar maání "Astágfirúllâh." hoón. Dua kobul ói'té, dua goróiyá'ttú Musólmán ówá fore, gojjé'dé guná ókkól'óllá toubá gorá fore, ar duwa goríbáccót maání'r uzu díyán di biccácó'r sánté gorá fore. Dil hoñsora rakí goré'dé dua kobul no gorí'bó. Tin bar dua goré, ar dine fañs ottó namâz adai gorát táké'dé mancór dil sáf ói za'gói. Ar goitté goitté oneggané adot ói zagói. Dilor bútórtu howá-sará baná galottú hoó'dé duwa hónó hazor no ói'bó.

Islâm Dórmó't asé'dé cíkkatá ókkól óildé **Áhl ás-Súnnáh'r** âlim ókkól'ór kitaf ókkól'ót asé'dé cíkkatá ókkól. Áhl ás-Súnnáh'r âlim ókkól'é dahái de'de cíkkatá ókkól'ór bútóré, **náss** hoódé héddurót áddé kulá maání-óllá Kur'ân ál-Karím'ór âyat ókkól áddé hadís caríf ókkól asé. Honó uggwá mancé híin'óttú baná ekkán no mani'lé úddá **Kafér** ói zai'bogói. Nizor no mana'gán lukai raké'dé mancóré **munafék** hoó. Nizor nomana'gán lukai'yó raké, Musólmán kuwálái'yóré Musólmán ókkól'óre golot rassa dahái'tó'yó kucíc goré'dé mancó're **zindik** hoó. Hálí, Náss hoó'dé Kur'ân ál-Karím'ór âyat ókkól áddé hadís ókkól'óre cúndór gorí no buzí, ar ek dhoilla buzí'yóré no mane'de manúc Kafér no ói'bó. Toó, Áhl ás-Súnnáh'r sóyi torika'ttú lori gi'yé'gói'dé híyán'é híba're Zuzuk'ot loi zai'bó. Híba'yé kúllúnghalá maání-óllá **Náss** ókkól'óre mane'de híyán'óllá bóli, híba' toziya't honó abadul abad no táki'bó. Híba're Zuzuk'óttú niyalai loi Biyossó't gólái di'bo. Endilla mancóré **bíd'á goré'dé manúc** (ar noói'lé) **dalalat'or dhaái** hoó. Dalalat'or dhaái 72 (hóittór duwá) asé. Manúc iín, kafér ókkól áddé murtad ókkól'é goré'dé ibâda, insáníyót'óllá goré'dé kérmós ókkól ekkán'ó kobul no gorí'bó. Tará'r sótká hórát goré'dé nek ham ókkólé tará're ahérót'ót honó haz no di'bó. Sóyi imân-ola Musólmán ókkól'óre **Áhl ás-súnnát wa-l-jamâ'at** (ar noói'lé) **Súnní** Musólmán hoó. Súnní Musólmán ókkól tará'r ibâda gorá'r torika mozin 4 dhaái^[1] (sóyi-torika-ola) forók óiye. Tará ek dhaái'yóré ek dhaái'yé Áhl ás-súnnáh'r Musólmán isáfé mani ador

[1] Dhaái (noói'lé Mázháb) 4'ówá óildé: 1- Hanafí Mázháb; 2- Câfi'í Mázháb; 3- Mâlikí Mázháb; áddé Hánbalí Mázháb.

muhábbát goré. E dhaái (Madhháb) 4'ówá'r bútóttu honó uggwát úddá náí'dé manúc Súnni Musólmán noó. Súnni Musólmán noó'dé hítára Kafér (ar noói'lé) bíd'á goré'dé manúc bóli Hádhrát Imâm Rabbânî'r kitaf'ot, háás góri híba'r barík kitaf **Maktúbât**'ór foóilá híssá'r dui-có aci sóo (286)'ót, **Durr-ul-mukhtâr**'óllá lekkyé'dé **Táhtâwî** sáf'ór tafsir'ot, kitaf híba'r síyará **Zebâyikh**'ót addé **al-Besâir li-munkîr-it-tawassul-i-bi-ahl-il-maqâbir**'ót sábut fónná lói lekk'yé. Kitaf dunú'wá óildé Arobi't. Fisór'gwá Híjri 1395 [A.D 1975]'ot, Indhíá't leki sába'ye. Kitaf híba'r Turki'r, Istanbul'ór kitaf gór "Hakîkat Kitâbevi"ttú offset printing (uggwá bec kitaf sába'dé torika) loi Istanbul cóor'ót ho ek motto sábaí niyalai'yé.

Ossé, muzhaf 4'ówáttú honó uggwá mozin ibâda goré'dé manúc uggwá'yé guná gorí'lé (ar noói'lé) ibâda gorá't hónó golti sólti gorí'lé'yó, híba'yé toubá gorí'lé Allâhú ta'âlâ'yé híba'ré maf gorí dibó. Ossé híba'yé toubá no gorí'lé'yó Allâhú ta'âlâ'yé sai'lé híba'ré maf gorí dí, honó dín Zuzuk'ot no dí'lé'yó no dí't fare. Allâhú ta'âlâ'ye sai'lé híba'ré toziya dí'lé'yó dí't fare, hálí fisóttú híbá'ré toziya'ttú eri dí'bo. Islâm Dórmó't hámaká biccác gorá fore'dé, hácá sirá hotá ókkól, maání: be-elómi ókkól'é úddá zane'de hotá ókkól'ór bútóttú baná ekkán no mani'lé úddá, manúc híin'ó'ré **Kafér** hoó ar tará'ré abadul abad Zuzuk'or toziya't rakí'bó.

Kafér dui dhoilla asé: asmaní kitaf-ola adde kitaf-sará Kafér. Musólmán bafmaa'ttú ói'yóré fisóttú Islâm dórmó cúcí di kuféri goré'dé macóré "**murtad**" hoó. Íbn 'Âbidîn "rahimahullâhu ta'âlâ'yé cirík goré'dé hétóllá neká harâm ói'zagói'dé manúc ókkól'ór babute hoi'yé'dé héce; Musólmán'ór hóitt'ór dui'wá (72) gumráh dhaái'yór bútóttu uggwá't táki baade'yó golot biccác loi dórmó'r bici be izzoti goré'dé manúc okkól óildé "murtad, mulhid, zindik, oin fuñzoia, Brahmin, Buddhist, Bâtinî, Ibâhatî áddé Durzîs, mutti fuñzoia, Greek'ór furan hailla montek manoiya okkol addé munafék óllkól ar iín beggún kitaf-sará Kafér okkól." Komyuníst áddé dórmó no manoiya okkól'ó asmani kitaf-sará Kafér. **Taurah** adde **Bibal**'or dhóillá asmani kitaf okkól maniyoré fissóttú kitaf híinót golot sólót hodún gólái dí'yé'dé Kíristán addé Yahúdí okkól óildé kitaf-ola Kafér. Híin'ór butóttú ossé hónó kiyé

honó mohólúkó're Allâhú ta'âlâ'r dhóillá manilé híba **mucrík** boni zai'bo'gói. Allâhú ta'âlâ'r hási'yót **Sifât-i-tubûtiyya** áddé **Sifât-i-dâtiyya** iín'óre Allâhú ta'âlâ'r hásiyót (**ulûhiyyat**) hoó.

Ossé, asmani kitaf-ola (ar noói'lé) kitaf-sára Kafér uggwá'ye Islâm Dórmó kobul gorí'lé, híba Zuzuk'ot zaa'ttú basi fari'bó. Híba uggwá guná-sára pak sáf Musólmán boni'bó. Hálí híba'ttú uggwá Súní Musólmán ówá fori'bó. Súní Musólmán óón maání, (sóyi torika hoó'dé) Ahl ás-Súnná'r hónó uggwá âlim'e lekkyé'dé kitaf forí nizor Imán, ham horos adde hotá're kitaf'ottú cíkkye mozin thík gorí solon. Duniyai't manúc uggwá Musólmán ói né noó híba'yé hoó'dé áddé goré'dé háçá sírá hotá áddé ham horos'ottú honó dorhari sára sáf sáf buzí fare. Manúc uggwá ahérót'ót Imân loi gi'yé né híba'r foran zai'baccót háthí ói zagói. Ossé bódhdha bódhdha guná gojjé'dé Musólmán uggwá'yé guná híin'óllá toubá gorí'lé híba're hámaká maf gorí di'bo ar híba guná-sára pak sáf Musólmán ói zai'bogói. Toubá áddé toubá gorí'bár torika babute dórmó'r kitaf ókkól, mesál “**Imân adde Islâm Dórmó**” (kitaf ibá)'t áddé **Endless Bilss**'ór híssá só't zora zora gorí buzái di'yé.]

IMÂN ADDE ISLÂM DÓRMÓ

I'tiqâd-nâma, kitaf ibát, imân adde Islâm Dórmó'r babute Nabi "sállAlláhu a'láihí wasállám"ór Hadís caríf'fwá buzái diya zai'bo. Acá gorómór, Hadís caríf ibá'r borkot loi Musólmán ókkól'ór imân bórómbottí ói'bó ar tará héfázótí áddé kúci fai'bo. Ar híba'yé, bicí guná-olá muiñ Khâlíd'óre basai loi'bo boli'yó acá gorómór. Muiñ bicí biccác goróm'dé Alláhu ta'âlâ, zibá'ttú keccú'r dorhar náí, zibá'r ehsání áddé rahámot etó bicí ar zibá'yé nizor bonda ókkól'óre bicí rahám goré, híba'yé bicí hala dil-ola, bicí cúñçó topka'r, besara Khâlíd'ór no bone'de hotá ókkól maf gorí di'yoré aib-ola ibâda ókkól kobul goróuk. Híba'yé aáñrá're dúkabáz, misá cóitán'ór hóráfí [áddé Islâm Dórmó'r ducmon ókkól'ór golot adde misá hotá ókkól addé leká ókkól'ór dúka háá']ttú sóoñlí'yóré aáñrá're kúci goróuk! Híba óíldé rahámót-ólá ókkóló'r bútóré ebbe rahámót-ólá ar dil dhoóñr-ólá ókkólór bútóré ebbe dil dhoóñ-ólá.

Islâm dórmó'r âlim ókkól'é hoó'dé: foitto uggwá **mukallaf**, maaní, buddí-ólá áddé balek óiye'dé Musólmán maiya áddé morod'ottú Alláhu ta'âlâ'r hásiyót, ás-Sifât ádh-Dhâtíyyá^[1]

[1] Alláhu ta'âlâ'r 6'wan hásiyót asé zín'óre **Ás-Sifât ádh-Dâtíyyá** hoó: **ál-Wujûd**, boni táká; **ál-Qidam**, gíyói'dé hal'ot cúru-sará abadul abad boni tákóiyá; **ál-Baqâ'**, ai'bó'dé hal'ot fúran'tí-sará abadul abad tákóiyá; **ál-Wahdáníyyá**, fúwãnti (ar noói'lé) ekkui dhoilla kiyé náí; **ál-Mukhâlafatu li-l-hawâdis**, honó mokhlúk lói hónó dórán'é ekkui noó; **ál-Qiyâmu bi nafsíhi**, nizor'gín nize boni táká (ar noói'lé) boni tákí'ballá honó cis'or dorhar náí. Honó mokhlúkó'ttú 6'wan hásiyót iín'óttú hónó ekkán'ó náí dé náí, híin loi honó bazá'yó náí. Híin óíldé baná Alláhu ta'âlâ. Hodún hodún Islâm dórmó'r âilm'e hoó'dé, **ál-Mukhâlafatu li-l-hawâdis** áddé **ál-Wahdáníyyá** ekkui dhoilla'de hétólla Alláhu ta'âlâ'r hásiyót ás-Sifât ádh-Dhâtíyyá 5'sán.

áddé ás-Sifât át Tubûtiyyá^[2], ré sóyi góri zani biccác gorá fori'bó. Híyan óildé foittó zon'ollá foóilár cúrú'r fârd.

No zaná honó uzór noó. No zaná óildé guná. Khâlid ibn Ahmad ál-Baghdâdî'yé kitab íbá't lekkyé'dé mossús, hónó onnyo zon'oré nizor elóm áddé uñsol topka dahái'tó (ar noói'lé) namedhak óitó noó, osól mossús óildé ekkán tháar tulí'de'dé nicáná, kermós isáfé eri zai'ballá. Allâhú ta'âlâ'yé Nizor Kudrat adde Nabi “sállállâhú a'lâihí wasállám”ór borkottya ruúh loi borái-sará Khâlid^[1], óré toufík douk! Ámín.

Allâhú ta'âlâ'r baade foitto ekkán cis'oré **ma-siwá** (ar noói'lé) âlam (mokhlúk, duniyai) hoó ziyán'oré yaa “**kudurot**” hoó. Kulle mokhlúk iín age no accííl. Híin beggún Allâhú ta'âlâ'yé banai'yé'dé. Híin beggún óildé **mumkin** (keccú-sará foida ói't fare'dé híin) áddé **hâdís** (keccú-sará foida óoil'dé híin); híin'ór maání, náí'dé cis foida ói fare, no accííl'dé cis foida ói fajjíl. “**Allâhú ta'âlâ accííl'dé, onnyo honó cis no accííl.**” Hadís íbá'yé yaán háñsá'dé híyan dahá'r.

Cára duniyai adde jandár cis beggún hâdís'dé híyan dahá'dé dui lombór'ór sábút ekkán óildé jandár cis ókkól nitti ek dhoilla'ttú ar ek dhoilla bodola't táké. Sóyi hoitó sai'lé, qadîm ekkán (cúru-sará) honó dín no bodolon saá. Allâhú ta'âlâ'r Dhât (Nize, Zaat) adde hásiyót ókkól óildé qadîm ar híin honó din no bodole^[2]. Jandár cis ókkól'ót ó'dé bodola sódólá iín abadul abad giyói'dé hal'ottú boni no farí'bó. Híinó'ttú cúru ói'yoré no accííl'dé cis'ottú banai'yé'dé cisbís'ottú foida ówá fori'bó.

[2] Sábba 6, 19 áddé 33'ot soó.

[1] Khâlid-i Bagdâdî, cón 1247 [1826 A.D.]'t Damáskás'ot entekal óiye.

[2] Héen óilé'yó, duniyai't, cisbís'ór hák áddé háir (ar noói'lé) taásíl ekkui dhoilla no táké, bodola't táké. Cisbís'ór táká bon ói za'gói; maání ar no táké, bodolí'yoré onnyo cis boni za'gói'dé dehá za. Yaa, hõñdé tuwai loot faiyé'dé **ethom**'or bodola adde **niyúklíyár**'ór juwafi lora sora't, **methar** (ar noói'lé) **éliménth**'ó zargá te ar no tákí **enarji** (bol) boni za'gói.

Duniyai mumkin (keccú-sará foida óit fare'dé híin) hoó'dé hotá'gán'óllá ar ekkán sábut óildé, aáñrá hâdís (keccú-sará foida óoil'dé híin) hoói'dé jandár cis ókkól ó.

Boni táká dui doilla asé: **mumkin** adde **Wâjib**^[1]. Ossé baná mumkin accíil'dé ói'tó, (ar noói'lé) Wâjib ál-wujûd no accíil'dé ói'tó, honó cis no táki'tó^[2]. Hétólla, mumkin honó zar'gín te oneggané foida ói no farí'tó. Híin'ór wore honó ekkán cóttí (faábár)'ór asór ówá-sará híin foida no ói'tó.

Mumkin'é zar'gín te oneggané foida ói nóo fare'dé ísáfé, híiné onnyo mumkin ókkól'ó banai nóo fâré. Mumkin'oré banai'yé'dé híba'ttú Wâjib ál-wujûd ówá fori'bó. 'Álam boni asé'dé híyan'é híyan'oré banoiya uggwá'yé boni no táké'dé cis'óttú banai'yé'dé híyan dahá za. Hétólla, mumkin, jandár cisbis beggún'ór Háas Alog Banoiya óildé ekgúllýá Wâjib ál-wujûd. Híba óildé hâdís'ó noó, mumkin'ó noó, nitti boni tákóiyá qadîm (abadul abad táké'dé). 'Wâjib ál-wujûd'ór maání óil'dé, onnyo honó cis-sará nizor'gín nize boni táká, maání, híba'ré onnyo kiyé banai'yé'dé noó, nitti nizor'gín nize tákóiyá. Ossé héndillá no ói'tó, híba uggwá onnyo zon'e banai'yé'dé mokhlúk (mumkín áddé hâdís) ówá fori'tó. Tói, yaán worttú maání fai'yí'dé híyan loi ulda ór.

[1] 'Wujûd'maání 'boni táká, táká'. Táká 3 kisím asé. Ek lombór'órgán óildé **Wâjib al-wujûd**, Hámahá lage'de Táká. Híba nitti táké. Híba age'yó honó óttó't no accíil'dé náí, mum míkkyá abadul abad honó dín táká bon ói'bó'dé'yó náí. Wâjib ál-wujûd óildé baná Allâh. Dui lombór'órgán óildé, **mumtanî ál-wujûd**, táki no fare'dé híin. Híin honó óttó't no tácón saá. Héndillá'ré carík ál-Bârî'(Allâhú ta'âlâ'r fûwâñti sâp) hoó. Allâhú ta'âlâ'r fûwâñti ar uggwá húdá (ibâda'r laikkyá sâp) (ar noói'lé) Híba'r dóillá honó óttó't táki no fâré. Tin lombór'ór'gán óildé **mumkin al-wujûd**, táki'le táki't fare no táki'le no táki't fare'dé híin. Duniyai adde mokhlúk beggún'ó héndillá. Wujûd'ór ulda óildé **âdam** (no táké'dé cis). Mokhlúk beggún boni'bár age no táké'dé cis accíil.

[2] Kiyóllá hoilé, ze honó ekkán cis no táké'dé hálót'óttú boni aá óildé ekkán bodola, mamala ar aáñrá'r physics'ór elóm mozin honó ekkán cis'or hálót bodoli'bállá, cis híyan'ór wore, híyan'oré rosai fare'de héndillá uggwá'r alog bol diya fore.

Fársi hotá't (Allâhú ta'âlâ'r nam ísáfê estemal goré'dé) 'Khudâ'r maání óil'dé 'nitti nizor'gín nize boni tákóiyá, abadul abad tákóiyá'.

Mokhlúk ókkól taajjuppya gorí báil gojjá (háçáiyá, guccáiyá) asé'dé dehá zá, ar sáaiñs'é bosór bosór noiya noiya kudurotí'r torika ókkól tuwai faa't asé. Héto taajjuppya niyom banaiyé,'dé híba'ttú hámaká **Hái** (abadul abad tákóiyá), '**Álim** (Beggún zanoiya), **Qâdir** (Bicí taqot-ola), **Murîd** (kulle moncá-olá) **Samî** (Beggún fúnóiyá), **Basîr** (Beggún dekéiyá), **Mutakallim** (Beggún hoóiyá) áddé **Khâliq** (Banoiya)^[1] ówá fori'bó. Kiyóllá hoilé, mora, no zaná, no fará (ar noói'lé) honó booitta dukkór sáñté gorá, náfang owá, ańdá owá áddé buk owá óildé beggún aif adde una ókkól. E 'âlam (ar noói'lé) kâ'inât (kulle mokhlúk)'óre héen niyom mozin banai'yoré fáná^[2] no ó'fán sóoñlé'dé uggwá Hásti'ttú hédíllá aif tákí no farí'bó.

Aró, wortú asé'dé furussaf owá'r babute taarif ókkól mokhlúk ókkól'ót'ó dahá'zá. Híba'yé hásiyót híin Híba'r mokhlúk ókkól'ót banai'yé. Ossé hásiyót híin Híba'ttú no tákí'tó, Híba'r

[1] Ín óildé Allâhu taálá'r 8'wán hásiyót, Sifât át-Tubûtfyyá.

[2] **Ethom** (gura gura, zora zora cis) dórí **tara** fojjonto, foitto mokhlúk'óre ísáf áddé niyom loi banaiyé. Beec'e siné'dé elóm **Fízíks (Physics)**, **Kemisthiri (chemistry)**, **Esthronomi (astronomy)** adde **Baioloji (biology)**'r kanun'or niyom'e moniccó'r demak'oré kerenghal'ot félai'dé. **Darwin**'ottú uddá, suk banai'yédé torika't asé'dé kerenghallya siyon siyon niyom deki, báfi'te báfi'te fool ói zai'bo'gói'fán laiggíil bóli howá fojjé. Boiyar'ot **naithrojen** (cót háçá 78), **oxijen** (cót háçá 21) adde **nobel** (osola) gées ókkól (cót háçá 1) miyál asé. Gées híin uggwá lói uggwá mili no za'gói, alog alog táké. Ossé oxijen cót háçá 21 no ói'tó, aáñrá'r féccá zoli zai'to'gói. Cót háçá 21'ottú áro hom ói'tó, lou'wót táké'dé geza ókkól'óre zali no farí'tó. Moniccó áddé januwar ziyańta tákí no farí'tó. Cót háçá bák 21 íbá honó ottó't, honó mikkyá, zór'ót uddá no bodoli'bó. Ar yaán bicí bódhda niyamot. Taajjuppya cis yaán lói maf di sai'lé, suk banai'yé'dé torika honó cis uddá noó. Sáaiñs'ór elóm ísáfê forá'dé kaanun, siyon siyon kerenghaillya ísáf áddé fórma ókkól beggún banaiyé'dé Hásti Híba aif-ola ói fare'de hotá né?

mokhlúk ókkól'ót keén gorí banai di'tó, ar mokhlúk ókkól Híba'ttíu áró barik ói'tó.

Aró hoitó sailé, kulle duniyai adde mokhlúk beggún'óre Banoiya'ttú worór topka'r adde furussaf ówá'r babute taarif beggún tákón saá, ar honó aif-ola taarif no tákón saá. Kiyóllá hoi'lé, aif-ola, banoiya ói no faré.

Ahol demag'e lo'de sábút fónná iín baade, Kuran'or âyat ókkól áddé hadís carîf ókkól'é'yó Allâhú ta'âlâ'ttú fusussaf ówá'r taarif ókkól asé'dé híyan buzá. Hétóllá, híyan'or babute andecá gorí'bár ezin náí. Andecá'yé kuféí ówá'bá. Agottú hoiyé'dé furussáf ówá'r babute taarif 8'wán iín'óre **ás-Sifât át-Tubûtiyyá** hoó. Allâhú ta'âlâ'ttú furussaf ói'dé híyan'ór taarif 8'wán beggún asé. Híba'r Zaat, Hásti, Taarif (ar noói'lé) Ham'ot honó aif, betal (ar noói'lé) bodola náí. **Ás-Sifât ádh-Dhâtiyyá** áddé **ás-Sifât át-Tubûtiyyá** ré **Sifât-i-Ulûhiyyat** (Allâhú ta'âlâ'r Hásiyót) hoó. Ze honó kiyé mokhlúk'ót **Sifât-i-Ulûhiyyat** asé bólí tháarí'lé, manúc híba **mucrík** (cirík goróiyá) ói zai'bo'gói.

ISLÂM DÓRMÓ'R DORHARI CIS ÓKKÓL

Kulle duniya're foida gorí rakkyé'dé, kulle meérbání addé niyamot boccíc goré'dé addé honó ottó't gúm no za'de Allâhú ta'âlâ'yé diyé'dé modod adde bol loi, yaa, aânrá'r Nabi Muhámmád “sállAllâhú a'láihí wasállám”ór borkottya hotá ókkól buzái diya cúru gorí'yúm.

Nabi'r barík Sahâbat ál-kirâm'ór bútór'tú uggwá, bicí háñsá bóli hoói namedhak accííl'dé, musólmán ókkól'ór baádú'r sóddár, aânrá'r adoijjá, woror topka'r hásti, házrát Umár bín ál-Khattâb ‘radiyAllâhu ta'âlâ ánh'yé hoi'yé'dé:

“Ek din, aânrá ho uggwá Sahâba, Allâhú ta'âlâ'r rasûl “sállAllâhú a'láihí wasállám”ór kermós'ót, híba'r hañsé boiça accíílám. Hé dín'or hé ottó híyan, ar ekbar fai'bar mouka noó'dé héndíllá, bicí borkottya, kimoti accííl. Hé dín, aânrá'r bággyó, aânrá Nabi'r fúwánti híba'r dháké tákí'yóre híba'r cúndójjá muk sai'tó mouka faiyí ziyán'é ruú addé córíl'ólla cóttí, kúci addé aram di'yé. Din híba'r kimot adde izzot'oré dam di'yoré, bokottya Sahâbí'yé hoiyéde: “Híba uggwá één din accííl'dé.....” Jibrâíl “aláihíssalám”oré moniccó'r sónná loi accé'dé deki fajjí, híbar abas fúni fajjí ar moniccó'ttú lage'de hóbór báttírí Rasûlullah “sállAllâhú a'láihí wasállám”ór borkottya zuban'ottú cúndór gorí ádde háçá sirá gorí fúni fajjí'dé héndíllá uggwá bággíttýá, izzottya adde kimoti ottó ar tákíbo né?

“Hétunót, soiddó dínnyá san uler'fán gorí manúc uggwá aânrá'r hañsé accé. Híba'r hoor fúúd dólá ar sul bicí hala accííl. Híba'ttú dúil ádde gám'ór dhoillá honó sófor'ór alamot dehá nóo zá. Aânrá, Nabi “sállAllâhú a'láihí wasállám”ór Saâbat ál-kirâm'ór bútóttú kiyé híba're nóo siné, maání, híba aânrá age loot fayí'dé (ar noói'lé) siní'tám'dé híin'ór bútóttu no accííl. Híba Allâhú ta'âlâ'r rasûl “sállAllâhú a'láihí wasállám”ór híyoñt boiccé. Híba'yé híbar

añçú're Nabi'r borkottya añçú'r fúwáñti rakkyé.” Moniccó'r sónná dójje'dé ibá, firissa Jibraíl. Híba'r boiça adab loi no bone'de héndíllá mikkyá óiye'dé óilé'yó, híyan'é aañrá're ekkán bici dorhari hotá dahái'yé: dórmó'r elóm ciki'báccót, córóóm, borái (ar noói'lé) fohór'ór honó zaga náí. Házzát Jibráíl'é Sahâbat ál-kirâm'óre dahái'tó sayé'dé híyan óíldé, foitto zonottú Islâm dórmó'r babute zani'tó mone hoó'dé híin ustad ókkól'óttú no córmái azadi'r sáñté fusár gorón saá. Islâm dórmó ciki báccót córóóm laga (ar noói'lé) Allâhú ta'âlâ'r hókúm ókkól fura gorí'bállá, cíkai'bállá (ar noói'lé) ciki'bállá liyáz laga no tákón saá'dé hétóllá.

“Izzottya hásti híba'yé nizor át Allâhú ta'âlâ'r Rasûl “sállAllâhú a'láihí wasállám”ór borkottya añçú'r wore di'yoré, **Ó Allâhú ta'âlâ'r Rasûl! Islâm Dórmó ki ar Musólmán keén gorí ó'dé moré hoói dahó'** boli hoói Allâhú ta'âlâ'r Rasûl'óttú fusár gojjé.

“Lugat motafek, **'Islâm'**ór maání óil'dé, ‘nizor holla thaki di manon (uzan no zai **manon**)’. ‘Islâm’ lofzó'wá óíldé lama'ttú asé'dé Islâm Dórmó'r hámaká dorhari 5'sán cis'or muth nam boli Allâhú ta'âlâ'r Rasûl “sállAllâhú a'láihí wasállám”é buzái díyé.

1. Allâhút ta'âlâ'r Rasûl “sállAllâhú a'láihí wasállám”e hoiyé'dé: Islâm Dórmó'r dorhari cis fañs'ówán'óttú ek lombór'órgan óíldé, **“Kalima cahâdót hoón”**; maání, **“Áchadú áñl lâ ilâha illâllâh, wa áchadú ánná Muhámmadan ábdúhú wa rasûlúh.”** hoón. Hoi'tó sailé, uggwá mati fare'de ahol buddy-óla balek'óttú gale howá fori'bó'dé: **“Asman'ot óuk, zobin'ot óuk, Allâhú ta'âlâ'r baade ibá'da gorá zai'bár lakklyá kiyé náí. Ibâda gorá zai'bar asóli hásti óíldé baná Allâhú ta'âlâ.** Híba óíldé Wâjib ál-wujûd. Foitto kisím'ór barík'giri Híba'ttú asé'dé. Híba'ttú honó aif náí. Híba'r nam óíldé **Allâh.**” ar híin'óre dile furussaf háthí gorí biccác gorá fori'bó. Tói, aró, híba “gulafi ronggya sam, dúúf lalaiccyá sosokkya ador lage'de muk, hala hala futoli adde zurbóng, borkottya coça kuwal adde cúndór cúndór hássá hásolót-óla ar norom córóóm áddé miça gorí hotá hoóiyá accífl. Híbar sába honó dín meçit nóo fóré. Mokka cóor'ót Hácimí'r gucci'ttú óiye'dé hétólla híba're Arabi dhakitó. **Híba óíldé**

Ábdullah’r fuwa, Muhámmád, ar Allâhú ta’âlâ’r bonda adde rasûl accííl.” bóli’yó howá forí’bó. Nabi’r maa óildé Wahâb’ór zíí Házrát Âmina accííl. Híba Makka’t [cón A.D 571’ór Epril’or kuri tarík, Cómbar’é fuwáinŋtá] ói’ye. Híba salic (40) bosójjá óiye’dé híyá, híba’ré híba Nabi’de híyán zanai di’yé. Bosór híba’ré “Bí’sót”ór bosór hoó. Híyá’r baade híba’yé Makka’t mancóré 13 bosór’fán Islâm Dórmó’r dâwat di’yé. Toí, Allâhú ta’âlâ’r hókúm lói Madina cóor’ór uzú híjrót gojjé. Héce, híba’yé Islâm Dórmó’re agagura gorí diyé. Híjrót’ór 10 bosór baade, Rabí alAwwal’or 12 tárik, Cómbar’é (cón 632’r Julai) híba entekal ói’yé^[1].

2. Islâm Dórmó’r dorhari cis fañsówán’óttú dui lombór’órgán óildé, “foitto dín fañs ottó **namâz** (ar noói’lé salât)’oré híin’ór kulle corót áddé fárd ókkól lói **ottó’r wore (zar ottó’t taré) adai gorón.**” Foitto ugg’wá Musólmán’óttú fañs ottó namâz’órr dóijjá ottó ókkól siní’yóré foitto din, noó age, noó fisé,

[1] Ícthírí’r elómdár ókkó’lór howá mozin, Nabi, A.D. 622, Sófor’ór 27 tarik, Bicíbbar’é háñzinná, Makka Mukarrama’ttún Madina Munawwara’t Híjrót gorí’baccót **Saur Murá’r** kúnda’t góille. Cómbar’é raittya, kúnda’wá’ttú niyoli’yoré, híba’yé, Ingirzi keledhar’or Sétúmbór’ór 20 tarik ar Roum’or kelendhar’or Sétúmbór’ór 7 tarik, Rabi alAwwal’or 8 tarik, Cómbar’é Madina’r dhákór ekkán fara, Kubâ’t góille. Kúci’r din híbá’ttú dóri Musólmán’ór Híjri - Cámsi (Beil’or) kelendhar’or bosór cúru óiye. Cía’r Híjri – Cámsi kelendhar’or bosór’ór cúru, yaánó’ttú aró 6 mac age ói’yé. Híba óildé, Maarec’or 20 tarikkyá cúru ó’dé, oin fuñza goré’dé kafér, Mejûsí ókkól’ór Norûz it. Duniyai’r foitto zaga’t din adde rait ekkú fúwán óoil’dé ottó, Cómbar’é híba Kubâ’t thóori’yoré Cúkkúrbár’é fara’gán’óttú bacá loi din’e din’e Madina’t góille’gói. Bosór híba’r Muhárram macó’r foóilá din (Jun’or 16 tarik, Cúkkú’r bar)’oré **Híjri-Qamarí** (San’or) kelendhar’or cúru isá’fé mani loi’yé. Qamarí (san’or) bosór híba’r noya bosór’ór din accííl’dé Julai’r 16 tarik, Cúkkúrbár. Ingirazi cón’ór cúru’t fore’de Híjri Kamarí bosór’gwá óildé Ingirazi’r cón híba’ttú aró 622 bosór sóoré také. (Ingirazir cón’óttú Híjri Kamarí bósór isáf gorí loi’ballá Ingirazi cón híba’ttú 622 homai félá fore.) Ar Híjri Cámsí bosór’ór cúru’t fore’de Ingirazi’r cón’wá óilde Híjri Cámsí’r bosór híba’ttú aró 621 bosór duwóré táké. (Híjri Cámsí bosór’óttú Ingirazi cón isáf gorí loi’bollá Híjri Cámsí bosór híba’t 621 zomá diya fore.)

zar zar ottó't taré taré, adai gorón'nán fârd. ^[1] Namáz'óre híin'ór dóijjá ottó'r age ada gorón boro guná; héndillá bodhdha guná híin beecbák be'elómí áddé lâ-mádhhabî ókkól'é bana'de golot sólót kelendhár ókkól'estemal gorá'r zoriya ó. Namáz híin sóyi noói'bó. (lâ-mádhhabî manúc óildé uitará, zitará Mázháb sair'ówá'ttú honó uggwá mozin'ó no sole.) Héndillá golot dahái díyá'yé Musólmán ókkól'óre Zuúr'ór namáz'ór agor súnnót'óre zuúr'ór age beil thík'ót, ar Magrif'or fârd namáz'óre beil gólí'bár age héndillá héndillá kirâhát hoó'dé guná ó'dé óttó ókkól'ót forá bá. Kirâhát'ór óttó ókkól'ór babute kitaf, **Endless Bliss**'ór híssá 6't áddé **Miftâh-ul Janna** kitaf'fwá'r norom dháló'r bútorór dhákór sábbá't buzái diya asé. Meérbání góri sábbár tolór nuth'thán saiyo^[1]. Namáz'óre híin'ór fârd, wâjib adde súnnáh ókkól'óre kíyál gorí'yoré Allâhu ta'âlâ'r uzú díyán dí dóijjá ottó bárái nóo zái'té ada gorá fore. Kuran córif'ót namáz'óre '**salât**' hoiyé. Salât maání óildé moniccó'r duwa-gorá, firíssa'r istigfâr howá áddé Allâhú ta'âlâ'r kúwantí-diyá áddé rahámót-gorá. Islâm Dórmó't, salât maání **ilm ál-hâl** kitaf'ot daháiyá asé mozin, hodún alok ham gorón, hodún dóijjá cis forón. Salât'óre duní át, han fojjonto tulí'yoré '**takbîr ál-iftitâh**' hoó'dé lofzó '**Allâhú ákbar**' lói nagí'r nise (morod'ollá) loi zai bañdí dórí cúru goré. Fúrantí'r bár boiçók'ót matá're den dhákkyá áddé ban dhákkyá hañdá'r uzú fírái fírái Sólám hoóiyoré fúrai'dé.

3. Islâm Dórmó'r tin lombór'ór dorhari cis óildé, "**nizor cómbóttí'llá zakât doon.**" Zakât'ór lofzó ísáf'fyá maání óil'dé 'sáfsutará, pak sáf, tarif gorá, gom adde cúndór óón.' Islâm Dórmó't asé'dé mozin, zakât maání, 'nizottú lage'de héttú aró beec ói'yóre **nisâb** hoó'dé **zakât diya fore'de hédun dóijjá cómbóttí** táké'dé mancóttú nizor cómbóttí híinóttú hodún alok gorí niyalai loi Kur'ân ál-Karîm'ót dahái diyé'dé héndillá Musólmán ókkól'óre kutumutu gorá-sará di félé fore.' Zakât háñt kisímmyá mancóré diya za. Sairó Mázháb mozin, zakât sair dhoilla asé: cúná áddé rufá'r zakât, códórí'r mal'or zakât, kílá't só macó'ttú aró beec

[1] Namáz'ór babute zora zora gorí zani fari'bállá meérbání góri **Endless Bliss** kitaf'or híssá 4 foró. **Miftâh-ul-Janna**'t'ó soó. Híba'r Ingirazí'r dui-bácá gojjá'wá Turkí'r Istanbl'ór kitaf gor **Hakíkat Kitâbevi**'t asé.

soijjé'dé nizottú táké'dé januwar [sóól, merá sóól áddé goru muc]'or zakât áddé zabin'ottú fa'de foitto kisimmyá dorhari cisbís'ór zakât. Zakât sairó kisim'óttú, sair lombór'ór zohát'ór kisim ibaré **úcr** hoó ar hiin (zobin'ottú fa'de dán, dana duna, gula gala, totorhari) kétí'ttú dai gólái felái móttór di félé. Ar tini kisim'ór gín'óre nisáb'or hédun ói'yóré ek bosór furai'lé de'de.

4. Islâm Dórmó'r sair lombór'ór dorhari cis óildé, **“Ramadân mác'ór foittó dín ruza rakón”**. Ruza raká're **‘sawm’** hoó. Sawm maání, honó ekkán cis'óre ar ekkán cis'ottú sóoñlón. Islâm Dórmó mozin, sawm maání, Allâhú ta'âlâ'r hókum mozin Ramadân mác'ót [dín ókkól'ót] tinnán cis: háá, fiyá áddé milmilat gorá'ttú basi tákón. Ramadân mác, fosim mikkyá'ttú noya san deká'r fúwáñti cúru ó. Kelendhar'or isáf mozin cúru no ói'lé'yó no ói't fare.

5. Islâm Dórmó'r fañs lombór'ór dorhari cis óildé, **“hástiyé borái fare'de mancé nizor boc'ót ek bar háj gorón.”** Makka cóor'ót héfázót'ór sañté zai wafes ai'bállá áddé híba wafes aiyé fojjonto híba'yé eri zai'bo'gói'dé híba'r górgúccí tori fari'bállá, sehét áddé thiyáñ fucá'yé borái fare'de maincóllá, bocót ek bar Kaa'ba're tawaf gorón (fak doon) áddé Arafât'ór moidan'ot Waqfa gorón (thóorón) fárd.

“Allâhú ta'âlâ'r Rasûl “sállAllâhú a'láihí wasállám”óttú juwaf iín fúní móttór, manúc'cwá'yé, **‘Ó Allâhú ta'âlâ'r Rasûl, one hoiyó'dé hiin háñsá.’** bolí hoi'yé.” Fusár góri fai'yé'dé juwaf fán háñsá bólí hoói'yóré háthí goijje'dé manúccwá'r hammán dekí házér accíil'dé Sahâbát ál-kirâm'mín ammúk ói'giilgói bólí házrát Umár 'radiyállâhú ánh'yé hoói dahái'yé. Mancé, nize no zané'dé cis'or babute cíki lói'bár niyot loi fusár goré'dé hécé, “One hoiyó'dé hiin háñsá.” hoiyé'dé híyan'óttú híba'yé juwaf age dóri zane'de daházá'r.

Wortú asé'dé dorhari cis fañs'ówán'óttú ebbe uñsol topkar'gán óildé, **Kalima cahâdat** hoói'yóré híin'ór maání're biccác gorón. Baadór uñsol topkar'gán óildé namâz adai gorón. Hiyá'r baad'or'gán óildé ruza rakón. Toi baade háj. Ebbe

laás'ór'gán öldé zakât doon. Kalima cahâdat beggún'óttú aró uñsól topkar'de híyan beggún'é háthi gorí mane. Ar sairó'gán'ór topka'r babute, Islâm Dórmó'r âlim beebák'é ódodé aáñrá wortú hoiyí'dé héndíllá hoiyé. Islâm Dórmó'r foóilá'r cúru't Kalima cahâda beggún'ór agottú fârd ói'yé. Namáz foitto din'ollá fañs ottó fârd ói'ye'dé Bísót'ór baró bosór, Mírááj'ór Raittya, híjrót gorfbár ek bosór ho ek mác age. Ramadân mác'ót ruza raká fârd ói'ye'dé Híjri 2, Cábân mac'ót. Ruza fârd ói'ye'dé hé bósor, zakât diya'yó fârd ói'ye. Tói, Híjri 9't háj fârd ói'ye.^[1]

Ossé, honó uggwá mancé, Isám Dórmó'r dorhari cis e fañs'ówán'óttú honó ekkán'óre inkar gorí'lé, na biccác gorí'lé, no mani'lé, técerái'lé (ar noói'lé) dam no di'lé, híba kafér ói'za'gói, Allâhú ta'âlâ'yé aáñrá're (híin'óttú) basai rakóuk! Héndíllá, cis ókkól'ór babute harâm né halâl, beggún'é ettefák'ór sáñté sáf sáf góri zanai di'yé'dé híin'óre, honó ekzon'e no mani'lé óuk, harâm cis'óre halâl hoi'lé óuk, halâl cis harâm hoi'lé óuk, híba kafér ói za'gói. Ossé, Islâm Dórmó'r honó andecá-sará cíkkatá ókkól, maání, Musólmán dec ókkól'ót táké'dé cádárannya mancóttú uddá zana fúná asé'dé héndíllá cíkkatá ókkól'óttú honó ekkán'óre inkar (ar noói'lé) na fosón gorí'le úddá, kafér ói'zagói.^[2] Ossé,

[1] Namâz, ruza, zakât, háj áddé Míráj'ór babute **Endless Bliss**, híssá tin'or síyará háith'ót, híssá sair'or síyará ek adde dui'yot, áddé híssá fañs'or síyará háñt'ót zora zora hóbór báttíri asé. Bísót maání, Allâhu ta'âlâ'yé Nizor borkottya Fírissa, Hážrát Jibraíl'óre Nizor adojja Nabi Muhámmád “sállAllâhú a'láihí wasállám”ór hañsé híba fúrantí'r Nabi'de híyán hoi'tó difeçái'yé. Híjrót hoi'lé, Allâhú ta'âlâ'r rasûl “sállállâhú a'láihí wasállám”ór Makka'ttú lori Madina't zai táká.

[2] Mesál, cúwór'ór gusso hóón, nicá faní hóón, zuwa kélón; beçiyáin (ar noói'lé) maiya fuwain'dé onnyo zon'óre gaa dahái'bállá, nizor matá, sul, dhuwáñ áddé théng uñidda rakón áddé beçaáin'dé onnyo zon'óre gaa dahái'bállá, añçú áddé nagí mazó'r híssá ókkól uñidda rakón, iin beggún harâm. Maání, Allâhú ta'âlâ'yé ham iin maná gorí di'yé. Allâhú ta'âlâ'r hókúm áddé maná-górâ ókkól'ór babute buzái de'de Mádhhab sairó'wá'yé, beçaáin'dór gaa'r sotór (áurát) hoó'dé, onnyo zon'óre dahón áddé onnyo zon'e soón harâm'dé hén'díllá beçaáin'dór gaa'r híssá ókkól'ór babute forók forók sólla ókkól di'yé. Foitto uggwá Musólmán'óttú gaa'r híssá híin nizor Mádhhab'é dahái di'yé mozin

gorí gúrí rákóón'nán fárd. Gaa'r hissá iin no gúré'dé hitára'r uzu soón'ó harâm. Kitaf, **Kimyâ-yi Sâdet'**ót lekkyé'dé, beçiyáin'dé áddé maiya fuwain'dé tará'r mata, sul, dhuwân áddé théng uifdda rakí baár'kúlé niyolon harâm, ar héndíllá, fatol, háñzáiyá, thaith adde kuñjjo lagaiya háñs firon lói baár'kúlé niyolon'ó harâm. Tará're héndíllá góri baár'kúlé zai'to ezin de'de, hiin fare tháaré'dé, áddé tará'llá ak haçe'de tará'r maa'ain, baf'ain, beça'ain áddé báiyain'dé'yó tará'r guná áddé azab hiin fai'bo, maání, tará beggún Zuzuk'ot fúwānti zoli'bó. Ossé, tará toubá gori'lé, tará're maf gori di'yoré Zuzuk'ot no zali'bó. Alláhu ta'âlā'yé toubá goré'dé mancó're fosón goré. Híjri tin'ot balek óoil'dé maiya fuwain adde beçiyáin'dó're **nāmahrám** (biyá gori fare'de, for) beçááin'dé no deké'fán nizo're nize gúrí rakí'tó hókum gojjé. (Meerbáni góri, **Endless Bliss**, hissá sair'or siyará 8't soó.) "Hijāb (Beçiyáin'dór forda gorá)'r áyat lami'bār age beçiyáin'dé nizoré nize no gúri'tó, no óiyá hókum híyan'dé fisór fisór fúkahā hoó'dé Islām Dórmó'r álim ókkól'é banai'yé'dé." Hoói'yoré Bitic'ór soikkal ókkól'é no óiyá banai di, tará'r fāñ'ót fori fisálí soloiya ókkól'é barbár hoó'dé misá hotá hiin aāñrā'ttú biccác no gorón saá. Nizoré nize Musólmán hoó'dé mancóttú nize gori'bó'dé hammán Islām Dórmó loi hácé né no hácé zana fori'bó. Ossé híba'yé no zani'lé, híba'ttú Ahl ás-Súnnáh'r álim ókkól'óttú fusár gori óuk, (ar noói'lé) tará lekkyé'dé kitaf ókkól fori'yoré óuk, cíkí lowa fori'bó. Ossé híba'r ham Islām Dórmó'r usól'ór ulda óilé, híba'yé ham híya'ór zoriya ó'dé guná áddé kuféri'ttú maf no fai'bó. Híba'ttú foitto dín sóyi góri toubá gorá fori'bó. Toubá gori'lé, (ham híyan'ór zoriya óiye'dé) kuféri (ar noói'lé) guná hámaká maf gori di'bo. Ossé, híba'yé toubá no gori'lé, híba'ttú híyan'óllá duniya't adde Zuzuk'ot duní mikkyá cáñza faa fori'bó. (Híba're di'bo'dé) Cáñza'r kisím ókkól aāñrār kitaf'or bici hissá ókkól'ót lekkyá asé. (Meerbáni góri **Endless Bliss**, hissá 6'r siyará 10'ot'ó soó.) Namāz'ór ottó't áddé onnyo mikkyá, gúrí raká fore'de beça'ain áddé beçiyáin'dór gaa'r hissá ókkól'óre '**sotór'ór hissá**' hoó. Ossé, honó uggwá mancé, "Islām Dórmó't sotór hoói alok hissá dahái diya náí." hoi'lé, híba kafér ói'zai'bo'gói. Mázháb sairó'wá'r (ettefák'ór sáñté mana) mozin sotór hoó'dé hodún gaa'r hissá asé, ar hiin maiya morod duní zát'óllá ekkui dhoillá noó. Ossé, honó uggwá mancé nizor gaa'r hissá iin gúrí raká, onnyo zon'or sotór no saá're dam no di'lé, maání, híba'ttú (harâm cis gorá'llá diya zai'bo'de) toziya'r babute honó dhor no tákí'lé, híba kafér ói'zai'bo'gói. Hámbálí Mázháb'ót, kiñyail adde añçú'r mazó'r hissá beça'ain'dór gaa'r sotór noó. Ossé, honó uggwá

cádárannyá manúc uggwá'yé bicí aamfáng noó'dé (ar noói'lé) bicí dorhari noó'dé héndíllá cíkkatá ókkól no zané'dé óilé, híba kafér noói'lé'yó, gunágár ói'bó.

mancé, “Muiñ Musólmán.” hoi'lé, híba'ttú Islâm Dórmó'r biccác gorá fore'dé imân'or hotá ókkól, fârd ham ókkól áddé Mázháb sair'ówá't (ijmá) ettefák'ór sânté harâm mane'de cis ókkól cíki lowa fori'bó. Ar híba'ttú híin'óre dorhari mana fori'bó. No zanón'nán lowaza'de uzór noó. Maání, zani fúní imân no anér fân ói'bó. Mázháb sair'ówá mozin, beçi'yáin'dór át áddé muk bad di guñça gaa sotór. Beçi'yáin'dé beça'áin'dór cíkka't nizer sotór dahón gana goón ar noói'lé ceér goón'ó óde óde héndíllá maná. Ossé, honó uggwá mancé, ijmá mozin noó'dé, maání, onnyo tiní Mázháb'ót sotór noó'dé (nizer Mázháb mozin sotór ói'lé'yo onnyo tin'íwá'ttú duwá't noó.) héndíllá nizer gaa'r híssá ekkán ekkená góri uiñddai'lé, híbattú bóhdha guná óibó'dé háñsá, hálí híba kafér ói no zai'bó'gói. Yaán'ór ekkán mesál óil'dé, beça'áin'dór kiñyail áddé añçú'r mazór híssá ran uiñdda rakón (ziín, aañrá hoi'yí'dé mozin onnyo Mázháb tin'íwá't sotór ói'lé'yó Hámbáli Mázháb'ót sotór no ó.). Islâm Dórmó'r biccác gorá fore'dé, nize no zané'dé imân'o'r hotá ókkól cíki loon fârd. Híin cíki loi mottor, toubá gori'yóre sotór gúra fori'bó (ziín nizottú sotór dé zana no accíil'dé ísáfé gúra nóo zá'dé ói't fare.) Misá hotá howá, gibot gorá, bonnai gorá, suri gorá, síthing gorá, be'imâni gorá, dil bángá, be'izzoti gorá, mancór cis ezin sára estemal gorá, goóur muzur'or dam no diya, bagawat gorá, maání, kanun adde córhár'ór hókúm'ór ulda zoon adde theéks no doon, iin'ó guná ókkól. Híin kafér'ór ulda óuk, kafér'ór decót óuk gorón'nán'ó ekkui dhoilla harâm.

IMÂNO'R DORHARI CIS ÓKKÓL

“Izzot'tya manúc'cwá'yé ar ek bar fusár goijjé, ‘**Ó Allâhú ta'âlâ'r rasûl! Yaa, moré imân ki'de hoói dahó.**’” Islâm Dórmó'r ki fusár gorí juwaf diya ói baade, Háizrát Jibraîl “aláihíssalâm”é, Allâhú ta'âlâ'r rasûl “sállAllâhú a'láihí wasállám”óttú, imân hoó'dé osól kiyóré, ar híyan hoddúr háñsá'dé buzai maiggé. Lugat'or maání mozin, imân maání, ‘honó ek zon furussaf adde háñsá'dé siní híba're biccác gorón.’ Islâm Dórmó mozin, ‘imân’ maání, Muhámmád “sállAllâhú a'láihí wasállám”óré Allâhú ta'âlâ'r Nabi manon; maání, híba Allâhú ta'âlâ'yé basí loi'yé'dé Nabi, Hóbörgwá'dé manon; ar híyan dil'ór bútóré biccác rakí hoón; ar híba'yé Allâhú ta'âlâ'r torfóttú muth gorí zanai diyé'dé hotá ókkól'óré muth gorí biccác gorón, zora zora gorí zanai diyé'dé hotá ókkól'óré zora zora gorí biccác gorón; addé ar fare'dé híyá Kalima cáhâdá hoón. Doró ‘imân’ óildé ondilla biccác gorón, zendilla aáñrá oin'ot fure'dé, háf'é bic di mari félá'dé zani'yoré híin'óttú basi tákí, ebbe héndillá gorí, aáñrá'ttú Allâhú ta'âlâ ádde Híba'r hásiyót ókkól'óré dil'e furussaf háthí gorí biccác gorón saá, Híba'r (Ridâ) Ador addé (Jamâl) Cúndórí'r úzú dáf góri duñri zoon saá, Híba'r (ghadab) gozof adde (jalál) toziya'ttú uñcíyár tákón saá. Aáñrá'ttú ‘imân’ yaán'óré doró fattór'r leká'r doillá, no búzé'fán dil'ot doró moró gorí sábai rakón saá.

Imân adde Islâm Dórmó ekkui. Diní'yán'ót, mancóttú Kalima cáhâdá'r maání biccác gorá fore'de. Híin'ór lugat'or maání forók ar heçe aam báfé ádde háás háás forók ókkól tákí'leyó, Islâm Dórmó mozin híin'ót honó forók náí.

Imân ekkán'nyá cis né náki híssá ókkól'ór uggwá buñda? Ossé, buñda óil'é, híba't híssá howán asé? **Imân**'ot ham (ar noói'lé) ibâda^[1] ókkól asé né? “Mo'ttú **imân** asé.” Hoi'báccót,”incâ Allâh” hoón'nán sóyi né, noó? **Imân**'ot beec hom ó né? **Imân** mokhlúk né? **Imân** nizer iccá mozin ané'dé né náki **imân**'dár ókkól'é bolazuri (góijjé'dé hétóllá) **imân** ainné'dé? Ossé, **imân** aná't

[1] Fuñza goré'dé ham ókkól.

bolazuri gorá tákí'lé, foitto zon'oré imân aní'tó kiyóllá hókúm goijjé? Ín beggún ekkán ekkán góri buzái'lé lamba thaim hái'bó. Hétóllá, muñ eçé alok alok gori hiin'ór juwaf no dim. Hálí, yaán zanon saá'dé, **Ác'arî** áddé **Mu'tazila'r** howá mozin Allâhú ta'âlâ'yé aañrá're ói no fare'dé cis gori tó hókúm no goré. Ar **Mu'tazila'r** howá mozin, Allâhú ta'âlâ'yé aañrá're ói fare'de óí'lé'yó, moniccó'r iccá mozin ówá'bái no fare'dé cis gori'tó hókúm no de. **Ác'ari'r** howá mozin, gori'lé fare, toó gójjé'dé náí. Mancóré boiyar'or wore uri'tó hókúm gorón'ó héndíllá írí. Allâhú ta'âlâ'yé Nizor mokhlúk ókkól'óre hiin'é no farí'bó'dé héndíllá cis gori'tó hókúm gojjé'dé noó imân'ot asé, noó ibâda'r asé. Hétólla, manúc uggwá Musólmán'ór háalót'ót, fool (ar noói'lé) fóróc ói'zai'lé'gói, (ar noói'lé) gúm'ót forí zai'lé'gói (ar noói'lé), mori zai'lé'gói' úddá, híba háthí gori fare'de háalót no'ói'lé'yó híba ajó Musólmán.

Aañrá'ttú hadís caríf ibár lugat mozin asé'dé **imân'**or maání'r babute no báfón saá, kiyóllá hoi'lé, Arab'or cádarán'nyá mancór bútoré, híyan'ór maání “háthí gori biccás gorón.” dé no zané'dé ek zon'ó no accííl. Saâbat ál-kirâm “radíyállâhú taálá ánhúm ájmaín”óttú'yó hámaká zana accííl; Hálí, Jibraíl “alái híssalám”óttú Islâm Dórmó mozin **imân'**or maání ki'de fúsár gori'yóré Sahâbat ál-kirâm'óre cíkai di'to mon accííl. Tói, Allâhú ta'âlâ'r rasúl “sállAllâhú a'láihí wasállám”é hoi'yé'dé, imân óíldé 6'wan háas hotá're biccác gorón:

1. Híba'yé “**Foóílár cúru't, Allâhú ta'âlâ'r wore imân anón.**” bóli hoi'yé. **Imân** óíldé, kácf (Allâh'ye lamai diyé'dé wahí: Kur'â ál-Karím'ór âyat) lói óuk, úñc (wijdán) loi óuk, gom hóráf forók gori'bár ahol (buddí, kíyál)'or buzá mozin óuk, sábút fónná áddé basí'yóré háthí gójjá hotá ókkól'óre biccác gori'yóré óuk dójjá hotá 6'wan'óre dil'e jan'e biccác gori gale'yó kobul gorón.

Só'wan, iín'óttú ebbe cúru'rgán óíldé, Allâhú ta'âlâ Wájib alwujûd, Sóyi Ma'bûd (ibâda'r laikkyá) áddé kulle mokhlúk'óre Banoiya. Híba'yé, e duniyai't áddé ahérót'ót, gaa gaa, honó cis, zobona, mesál-sará, foitto ekkán cis'oré [foitto ekkán cis, ethom, éliménth, molikyúl, miyáiyá buñda cis ókkól, jandár cis ókkól,

gusso'r thuura ókkól, hóyát, moot, foitto mamala, foitto juwafi lora sora, foitto kisím'ór bol cóttí, lora sora, niyom, ruú, fírissa áddé jandár, jan-sará foitto cis'oré banai'yoré híin'oré ziyañta basai raké.] bana'de híyan háthí gorí biccác gorón saá. Híba'yé kulle duniyái'r mokhlúk beggún'oré [kessú no accífl'dé háálót'ót héhon] zeén gorí banaiyé, ódé odé héen gorí, Híba'yé [hodún'oré ekkán'óttú ar ekkán bana, ar Kiyamot'or ottó ai'lé, héhon] foitto ekkán cis fánáyó gorí félai'bó. Híba óildé kulle mokhlúk'or Banoiya, Girós, Furussaf hókúmót goróiyá. Híba'r woor'tú rosai fare'de, Híba'ré hókúm gorí fare'de héndíllá Híba'ttú aró woor'or kiyé náí'dé híyan biccác gorí mani lowa fori'bó. Foitto kisím'ór barík'girí, foitto furussaf ówá'r taarif baná Híba'ttú asé'dé. Híba'ttú honó aif, honó una náí. Híba'ttú mone hoó'dé híyan Híba'yé gorí fare. Híba'yé goré'dé híin Nizollá ar noói'lé oinnyo kiyóllá hazot gólé'fán niyot gorí goré'dé noó. Híba'yé waafes bodola faiballá kessú no goré. Toó úddá, Híba'yé goré'dé foitto ekkán'ót luhaiya uzór (híkmá), laf, rahámót áddé niyamot ókkól asé.

Alláhu ta'álá'ttú Nizor mokhlúk ókkól'óllá gom adde haz'ot gólé'dé cis ókkól hámaká bana fore'de, hodún mancóré bodolá di hodún'oré cáñza diya fore'de hámaká héen honó noó. Ossé Híba'yé gunágár beggún'oré Biyossó't di'lé, híyan Híba'r barík'girí áddé meérbání óibó. Ar Híba'yé Híba'ré mani híba'r ibâda goré'dé beggún'oré Zuzuk'ot di'lé'yó híyan'ó óde ódé Híba'r hók bisar mozin ói'bó. Toó úddá, Híba'yé Híba'r ibâda goré'dé Musólmán ókkól'oré Biyossó't di niyamot ókkól di'bo boli addé kafér ókkól'oré Zuzuk'ot abadul abad toziya di'bo boli waada gojjé. Híba'yé waada no bángé. Jandár mokhlúk beggúné Híba'r wore imân aní Híba'r ibâda gorí'lé'yó Híba'ttú honó fáidá no ói'bó'dé héndíllá, mokhlúk beggún Híba'ré no manoiya, Kafér ói zai'lé'gói'yó Híba'ttú honó hání'yo no ói'bó. Moniccó'yé kessú ekkán gorí'tó saá'dé híyan Híba'ttú ói'tó di'to mone hoó'dé ói'lé, Híba'yé híyan ówái de. Monniccó, januwar áddé kulle cisbís'ór foittó ekkán ham'oré ówái de'de baná Híba'yé. Ossé Híba'yé ówái'tó no saá'dé (ar noói'lé) ówái no de'de ói'lé, honó cis lori no fari'bó. Híba'yé ói'tó di'to no sai'lé, honó kiyé ulda zoiya Kafér boni no fari'bó. Híba'yé kuféri áddé guná banai'yé'dé háñsá Híba'yé híin fosón no goré. Híba'yé goré'dé híin'ót honó kiyé

bézál gori no faré. Híba'yé yaán kiyóllá gojjé, waán kiyóllá gojjé fusár gori'bállá (ar noói'lé) eén gorá fori'bó'déyá hoi'bállá honó kiyóttú bol náí, ezin náí. Híba'ttú mone hoi'lé, toubá-sará mori giyé'gói'dé mancóré, cirík áddé kuféri guná bad di, onnyo zettóór guná gojjé'dé oi'bó óuk, maf gori di'bó. Mon'e hoi'lé, ebbe ekkán gura guná'llá'yó toziya di'bo. Híba'yé kafér áddé murtad ókkól'óre maf gori no díbó boli áddé tará're abadul abad toziya di'bo boli hoiyé.

Híba'r ibâda goré'dé oi'lé'yó imân **Áhl ás-Súnná**'r imân loi no bone'de Musólmán ókkól áddé toubá-sará mori za'gói'dé hí tara're Híba'yé Zuzuk'ót toziya di'bo. Toó, héndíllá (**bíd'á-ólá**) Musólmán híin Zuzuk'ót abadul abad honó no tákí'bó.

Allâhú ta'âlâ're duniyai't, suké dekon'nán jayez oi'lé'yo ajó honó kiyé dekkýé'dé náí. Kiyamot'or Dín, kafér áddé gunágár Musólmán ókkól'é Híba're guccá áddé azaf-ólá deki'bó ar dindar Musólmán ókkól'é Rahám-ólá áddé Cúndojjá deki'bó. Fírissa ókkól áddé beçiyáin'dé'yó Híba're deki'bó. Kafér ókkól'óre mouka yaán no di'bó. Jin ókkólé'yó mouka yaán no fai'bó bóli hoiyé'dé asé. Álim beec bák'ór howá mozin, “Allâhú ta'âlâ'yé Nizo'ttú ador lage'de Musólmán ókkól'óre foitto biínná áddé foitto háñzinná; nisor tokkar Musólmán ókkól'óre foitto Cúkkúrbár'é, ar beçiyáin'dóré e duniyai'r id forok'or dóíllá bosór'ót ho ek bar Nizor Cúndórgíri sai'tó mouka boccís gori'bó.”^[1] Allâhú ta'âlâ're

[1] Házrát Céikh 'Ábd ál-Haqq ád-Dahlawî [(1642 A.D) 1052 Delhi't entekal oiye]'yé Fársi hotát'lekkyé'dé híba'r kitaf **Takmil-ul-îmân**'ót: “Hadís caríf uggwát asé'dé **'Kiyamot'or Dín, tuwáñrá tuwáñrá'r Rab'óre soiddó dinnyá san deko fán deki'bá.**’ E duniyai't, Allâhú ta'âlâ're zendilla cúndór gori buzi'yóré siní no faré, ahérót dehá'zái'bo'dé'yó óde óde cún'do'r gori buzi no fari'bó. Abul-Hasan ál-Ác'arí, ál-Imâm ás-Suyûtí áddé ál-Imâm ál-Bayhakí'tarár dhóíllá bódhdha bódhdha elómdár ókkól'é hoiyé'dé, fírissa ókkól'é'yó **Biyossó't** Allâhú ta'âlâ're deki'bó. Ál-Imâm ál-a'zâm Abu Hanífa áddé ar hodún álim ókkól'é hoi'yé'dé, jin ókkól'é sawâb nóo hámá, tará Biyossó't no zai'bó ar baná imân'dár jin'gin Zuzuk'ottú basi fari'bó'dé. Beçiyáin'dé, e duniyai'r id forok'or dóíllá bosór'ót ho ek bar Allâhú ta'âlâ're deki'bó. Híba're, furussaf imândár ókkól'é foitto

dehá zai'bo'dé híyán biccác gorá fori'bó. Toó, aáñrá'ttú híin hon dillá ar keén ói'bó'dé báfi nozor'ot ani'tó kucíc no gorón saá; Allâhú ta'âlâ'r Ham ókkól'óre (moniccó'r) ahol loi buzí no faré'dé hétóllá. Híin duniyai'r ham ókkól'ór dóillá noó. [Híin'óre **Fízíks (Physics)** (ar noói'lé) **Kemisthiri (Chemistry)**'r elóm'ór usól mozin mafi no faré.] Honó ekkán cis loi muámúkyá óón (ar noói'lé) uzu uzu óón, mikkyá (dhákkyá) héndíllá iín Allâhú ta'âlâ lói honó bazá náí. Híba ga-ola, hák-ólá cis noó. [Híba noó honó cis'or butórór gura cis, noó miyáíllá cis, noó buñda cis.] Híba're noó goni faré, noó Híba'r babute ísáf gorí fare. Híba'ttú honó bodola sódóllá noó. Híba ekkán zaga't asé'dé'yó noó. Híba (moniccó'r dhoilla) háálót mozin sole'de noó. Híba'ttú gíyói'dé hal, ai'bó'dé hal, muúm, fis, gujjali, tuilla, den ban héndíllá náí. Hétólla, Híba'r cis honó ekkán'óre moniccó'r buz loi buzí no faré'dé no faré, moniccó'r ahol buddí loi héce thái uddá no fa. Hétólla, Híba're hondilla dehá zai'bo'de híyan moniccó'r buzón'ót no aiyé. Át, théng, mikkyá, zaga adde aró héndíllá héndíllá Allâhú ta'âlâ'r lói no hácé'dé lofzó ókkól Kur'ân ál-Karîm'ot áddé Hadís carîf'ót asé'dé ói'lé'yó, híin aáñrá ehón zani'dé adde estemal gorí'dé hé maání lói estemal gojjé'dé noó. Héndíllá âyat híin'óre **mutacâbihât** hoó. Aáñrá'ttú híin biccác gorá fore, hálí, híin kí, ar hondíllá ói'bó'dé buzí'bár kucíc no gorón saá. Ar noói'lé híin'óre baçi't óuk, zora zora gorí óuk Allâhú ta'âlâ'r lói hácé'fan gorí maání gorí buzái fare. Mesál át hoó'dé lofzó'wá're bol, takot ísáfé maání bángí fare.

Muhámmád “sállAllâhú a'láihí wasállám”é Mírâj gi'yé'dé híyá, Allâhú ta'âlâ're dekkýé.^[2] Hálí deká híbá, aáñrá eçé duniyai't

háñzinná biínná, onnyo imândár ókkól'é foitto Cúkkúbár'é deki'bó. Kúci'r hóbór yaán'ót, cádarannýa manúc muiñ nize, imândár beçi'yáin, firissa ókkól áddé jin ókkól'ó góláiyá asé. Fâtímat áz-Zahrâ, Khadíjat al-Kubrâ, Áict ás-Síddíqa áddé [Nabi'r] onnyo Pak Sáf Bibi'yáin, Házárat Maryam áddé Házárat Ásiya'tará'r dhoillá barík áddé furussaf imândár beçi'yáin'dóré háás gorí alok izzot diya zai'bo. Ál-Imâm ás-Suyûti'yé'yó héen hoi'yé.”

[2] Meérbáni gorí **Endless Bliss**, híssá tin, síyará 60'ót 'borkottya rait okkól'ór babute soó.

dekífan suké dekkýé'dé noó. Honó kiyé Allâhú ra'âlâ're e duniyai't dekkýé hoó'dé híba óildé **zindiq**. Auliya ókkól'é dekkýé'dé híin'ó e duniyai'r deká áddé ahérót'ór deká'r dhóillá noó. Ar ek dhoilla gorí hoi'lé, híin suké deká (rúyát) noó, mancé ót goré'dé **cuhûd**, [maání, mancé nizor dil'or suké deké'dé mesál ókkól.] Hodún buzurgó ókkól'é Híba're dekkýé bóli hoi'yé. Tará be-úñc'ór óttó't, ót gojjé'dé **cuhûd**'óre **rúyát** lói biyan kúwál goijjé. Ar noói'lé tará'r hotá híin'óre mancé buzéfán gorí hoiyé'dé ói'bó.

Súwál: “Allâhú ta'âlâ're e duniyai't suké dekon'nán ói'fare (jaâ'iz) dé bóli wortú hoiyá asé. Tói, honó uggwá mancé ói'fare'dé cis ekkán, óiye'dé bóli hoi'lé, híba'ttú zindiq kiyóllá ówá fóre'r? Ossé, héndíllá hoó'dé manúc uggwá, kafér ói'zai'lé'gói, híyan'óre ói fare hoói fari'bó ne?”

Juwaf: Lugat mozin 'jâíz' hoón'ór maání óildé, 'ói fará (ar noói'lé) ói no fará'. Toó, Ál-Ác'arî [Cón 330 (941 A.D.)'t Bagdád'ot entekal ói'ye'dé, Abul-l-Hasan Áli ibn Ismâil]ór Mázháb mozin rúyát ói fare hoiyé'dé híyan'ór maání óildé, Allâhú ta'âlâ'ttú, Híba'yé banai'yé'dé e duniyai'r niyom loi forók ó'fán gorí, Híba're dhákóttú (ar noói'lé) muwámukkyá ói deké'dé héndíllá noó'fán gorí, e duniyai't deki fari'bállá moniccó're alok sút ekkán di fare'de takot asé. Mesál, Híba'yé **Andalusia**'t asé'dé mucá uggwá **Cina**'t asé'dé ańdá manúc úggwá're dahái di fare ar duniyai't asé'dé manúc úggwá're san (ar noói'lé) tara't asé'dé honó ekkán cis dahá di fare. Hétólla írí, híyan ói fare hoó'dé. Héndíllá alok takot híin baná Allâhú ta'âlâ'ttú asé'dé. Aró, “Muiñ e duniyai't Híba're dekkýóm.” hoón'nán Kur'ân ál-Karîm'ór âyat adde âlim ókkól'ór ek-sólla mozin'ó no hácé. Hétóllá heén hoó'dé manúc híba **mulhîd** (ar noói'lé) **zindîq**. Tin lombór hoi'tó sailé, “E duniyai't Allâhú ta'âlâ're deki fare.” hotá'gán'ór maání, Híba're duniyai'r gaa adde hák-óla cis ókkól'ór niyom mozin deki fare'dé noó. Toó, Allâhú ta'âlâ're dekkýé hoó'dé híyan'ór maání tará onnyo cis deké'dé héndíllá góri ó'dé hétólla; héndíllá gorí deki no faré (jâíz noó). Kuféri (no mana) ó'dé héndíllá hotá hoó'dé mancó're **mulhîd**

(ar noói'lé) **zindîq** hoó^[1]. [Házrát Maulânâ Khâlid'é juwaf iín di baade “Ūñciyâr táikkyó!” hoiyé'dé híyan óildé juwaf dui lombór'órgán bici háthí'dé hoi'tó sai'yé'dé.]

Ottó, din addé rait fúron iín Allâhú ta'âlâ'r lói honó bazá naí. Noó Híba'ttú Nizor bútoré honó dórán'ór bodola sódólá ó, noó Híba gi'yé'gói'dé hal'ot endilla accífl (ar noói'lé) ai'bó'dé hal'ot endilla ói'bó hoói fare. Híba honó kessú'r bútoré no gólé (hulûl). [Nizoré nize **Nusayríyyá** dhake'de **Cía**'r dhaái uggwá'yé, Allâhú ta'âlâ Házrát Alí'r gaa'r bútoré goíllé'gói bóli biccác góri hoó. Golot biccác híyan'é tará're Kafér (no manoiya) bana.] Híba honó cís loi mil no há. Ulda, wafes, ekkui, fúwántí táké'dé sáp, mododgár (ar noói'lé) raábár, Allâhú ta'âlâ'ttú héndillá honó óttó't náí. Híba'ttú baf, maa, fut, zíí (ar noói'lé) bibi náí. Híba nitti foitto zon'olla házér asé, foitto cis'oré sair'ó mikkyá'ttú saá ar deké. Híba foitto zon'ollá nizor nizor gola'r lou'wór bor rok'óttú aró dháké. Zeén ói'bó óuk, Híbar aáñrá're gíri dorá, Híba'r házér taká, fúwántí taká hoi'lé hoó, dháké taká hoi'lé hoó, híin lofzó iín'óttú aáñrá buzi'dé héndillá noó. Híba'r dháké taká'r maání're álim ókkól buz loi óuk, sáiñsdár ókkól'ór ahol loi óuk, Buzurgó ókkól'ór kácí áddé cuhûd loi buzi no faré. Híin'ór bútorgwá maání're moniccó'r buz loi éti no faré. Allâhú ta'âlâ Nizor Zât áddé Nizor Hasiyót-óla ekgúllýá, (Héndillá onnyo kiyé náí.) Híin ekkán'ót'ó honó bodola sódólá noó.

Allâhú ta'âlâ'r Nam ókkól óildé, **tauqîfi**; maání, Islâm Dórmó't asé'dé, Híba'r Nam ókkól'ór estemal gori'bá'r ezin asé ar onnyo lofzó ókkól estemal gori'bár ezin náí.^[1] Allâhú ta'âlâ'r Nam

[1] Mulhîd áddé zindîq ókkól'é nizoré nize Musólmán hoó. Mulhîd ókkól'é tará're tará sóyi rassá't asé'dé Musólmán mane, ar tará'r hotá cádácidá. Hálí, zindîq óildé Islâm Dórmó'r ducmon. Híin'é Musólmán'oré bútoré bútoré hání góri'ballá áddé bóóñr di'ballá Musólmán kúwálá'dé.

[1] Mesál, Allâhú ta'âlâ're “Álim” (Ebbe Beggún Zanoiya) dhahai fare. ‘Faqîh’r maání'yó ‘Álim’(Islâm Dórmó'r theníng faiya, elómdár). Hálí, Islâm Dórmó't Allâhút ta'âlâ ‘faqîh’ estemal no goré'dé hétólla aáñrá'yó estemal gori no fajjúm. Héndillá, Allâhú ta'âlâ'r bodol ‘Gód’ hoi'ballá'yó ezin náí, ‘gód’ór maání ‘bici mane'dé mutti, cis'de

ókkól óildé o-címáná. Híba'ttú ek házár ekkán Nam asé bólí beec'e zane. Maání, Híba'yé moniccó'r hañsé Híba'r Nam ek házár ekkán difeçái'yé. Muhámmád “sállAlláhú a'láihí wasállám”ór dórmó't, híin'óttú “**ál-Asmâ ál-húsnâ**” hoó'dé nobboi nowán (99) lamai di'yédé.

Mâturîdiyya Mázháb mozin **Sifât-i tubûtiyya** hoó'dé Alláhú ta'âlâ'r hásiyót (tarif) 8'wán ar **Ác'ariyya** Mázháb mozin 7'tan asé. Híba'r Hásiyót iín Híba'r Zât'or dóillá nitti abadul abaad táké. Híin borkottya. Híin mokhlúk ókkól'ór hásiyót ókkól'ór dhóillá no ó. Híin'óre e duniyai'r jandár ókkól lói borabojja gorí mafí ouk, ahol adde tháará lói ouk, buzí no faré. Alláhú ta'âlâ'yé moniccó're Nizor Hásiyót foitto ekkán'ór ekkán ekkán mesál boccíc gojjé. Mesál iín deki'yóré, Alláhú ta'âlâ'r Hásiyót ókkól'óre túra gorí buzí fare. Moniccó'yé Alláhú ta'âlâ're buzí no faré'dé hétólla, Alláhú ta'âlâ'r babute báfi'bar ar noói'lé buzí'tó kucíc gorí'bár ezin ó náí. Alláhú ta'âlâ'r Hásiyót 8'wán híin, noó Híba Nize loi ekkui, noó alok; maání, Híba'r Hásiyót híin Híba'r Híssá'yo noó, Híba'r lói alok'ó noó. Aiñthowán Hásiyót híin óildé:

Hayât (Hóiyát), **Ílm** (Ebbe beggún zana), **Sem'**(Fúná), **Basar** (Deká), **Qudra** (Kulle bol), **Kalâm** (Hotá), **Irâda** (Moncá) áddé **Tekwîn** (Banai Fara). Ác'ariyya Mázháb'ót, Tekwîn áddé Qudra duní'yán hásiyót ekkán. Macíyyá áddé Irâda óildé ekkui dhoilla maání-ólá lofzó ókkól.

Alláhú ta'âlâ'r Hásiyót 8'wán'óttú foitto ekkán (onnyo honó keccú lói borabojja gorí no faré dé héndíllá) háás alok ar nitti ekkui dhoillya táké. Ekkán'ót'ó honó bodola sódólá noó. Hálí híin foitto ekkán mokhlúk'ógín'ór hásiyót lói forók forók. Híba'r ekkán ekkán Tarif mokhlúk'ógín lói forók ówá áddé mokhlúk'ór wore asór ówá'yé Híin'ór háás alok ówá't hání no goré. Héndíllá, Alláhú

hétóllá; mesál “Híndú ókkól'ór bici mane'de cis óildé Goru.” “Allâh Uggwá; Allâh baade honó mane'de mutti, cis náí.” Dieu (Frañs hotá't) ar Gott (Jarmani hotá't) héndíllá héndíllá lofzó ókkól tará mane'de mutti, cis'ollá estemal gorí fare, hálí Alláhú ta'âlâ'llá no faré.”

ta'âlâ'yé beca bíci dhoilla bodhoilla mokhlúk ókkól banai'yoré híin'óre fáná noó'fán gorí sóoñlí raké'r'dé óilé'yo, Híba ajjó Ekgúillyá. Híba'r bútoré honó bodola sódólá noó. Híba'ré kulle mokhlúk'óttú, foitto óttó't áddé foitto hálót'ót lagé. Híba'ttú honó hálót'ót kiyó'ré no lagé.

2. Imân'or dorhari cis 6'wan'ór dui lombór'ór'gán óildé, **“Híba'r fírissa ókkól'ór wore imân anón.”** Fírissa ókkól óildé norom córóom, báfor dhoillá cis (latíf), gées'óttú áro' beec latíf. Híin foór-ólá (sosokkya, ruú-ólá (gaa-sará)). Híin ziyañta asé. Híinó'ttú ahol asé. Moniccó'ttú asé'dé taajjuppya aif ókkól fírissa'ttú náí. Tará, ze honó cokól boni fare. Gées ókkól fainnyá bone ar doróccyá ói'yóre ze honó cokól bone'de héndillá, fírissa ókkól'éyó cúndór cúndór cokól-ólá boni fare. Fírissa ókkól barík barík manúc ókkól'óttú alok óiyé'dé ruú noó. Kírístán ókkól'é fírissa ókkól'óre héndillá ruú ísáfé mane. Híin bol adde cóttí dhoillá na-cis'ó noó. Agor zobona'r montek'or elómdár hodún'é héen tháajjíl. Híin beggún'óre **malá'ika** hoó. ‘Malak’ (fírissa) maání ‘nomainda, hóbórgwá’ ar noói'lé ‘cóttí’. Fírissá ókkól'óre onnyo jandár mokhlúk beggún'ór agottú banai'yé. Hétólla, aañrá'ré Nabi ókkól'ór wore imân aná'r age ayé'dé asmani kitaf ókkól'ór wore imân aní'bár úddá age híin (fírissa ókkól)'ór wore imân aní'bár hókúm gojjé'de. Imân'or dorhari cis iín'ór nam Kur'ân ál-Karím'ót endilla gorí guccái'yoré diya asé.

Fírissa ókkól'ór wore imân aná eén ó'wá fori'bó yá: fírissa ókkól óildé Allâhú ta'âlâ'r mokhlúk. Híin Híba'r fúwáinjjá, zuri noó'dé noó, kafér áddé cirík goróiyá ókkól'é tháaré'dé héndillá Híba'r zíyain'ó noó. Allâhú ta'âlâ'yé fírissá beggún'óre ador goré. Híin'é Híba'r hókúm ókkól mane ar guná goré'dé (ar noói'lé) hókúm no mane'de hónó óttó't náí. Híin noó morod, noó maiya. Híin'é biyá no goré. Híin'óttú fuwain náí. Híin'óttú foran asé; maání híin ziyañta. Házzrát Abdullah íbn Mas'úd ‘radiy-Allâhu ta'âlâ ánh'é hoói daháííl'dé mozin, hodún fírissa ókkól'óttú fuwain accífl, Cóitán áddé jin ókkól híin'ór butóttú hoi'tó; híyan kitaf ókkól'ót zora zora gorí lekí buzáiyá asé. Allâhú ta'âlâ'yé moniccó banai'bó'dé híyan elan goijjé rár, fírissa ókkól'é “Ó Allâh! Oñne duniyai't hóráfí áddé kúná kuní gorí'bó'dé mokhlúk ókkól

banai'ba'dé níki?" hoóí fusár gojjííl. Fírissa ókkól'ór **dhella** hoó'dé héndíllá súwál híin'ór zoriya híin guná-sará'dé híyan honó no bodolibó.

Kulle mokhlúk'ór bútoré, fírissa beggún'óttú aró bici. Híin'ór gona Allâhú ta'âlâ baade kiyé no zané. Fírissa ókkól'é ibâda no goré'dé héen honó hálí zaga náí. Asman'ot foitto ekkán zaga rukú (namâz'ór óttó't niyúrón) (ar noói'lé) sóidá gorér'dé fírissa ókkól lói bóráiyá. Asman, zobin, kér, tara, foitto jandár áddé jan-sará mokhlúk ókkól, zór'ór fúçá, gas'ór fata, ethom, molikyúl, foitto juwafí lorsor héndíllá héndíllá foitto cis'ot fírissa ókkól zimma loi loi asé. Híin'é agagura Allâhú ta'âlâ'r hókúm ókkól fura goré. Híin óildé Allâhú taâlâ áddé onnyo mokhlúk ókkól'ór mazó'r sábbak gorí dooiya ókkól. Tará'r bútóttu hodún óildé onnyo fírissa ókkól'óre hókúm dooiya ókkól. Hodún'é moniccór bútorór Nabi ókkól'óllá hobór annííl. Hodún'é moniccó'r monot "**ilhâm**" hoó'dé gom gom báfáná ókkól aní de. Ar hodún óildé kulle moniccó áddé mokhlúk'ór babute no zané, ar Allâhú ta'âlâ'r cúndór'giri're ót gorí'yóré úñc harái félá. Foitto uggwá fírissa alok alok dóijjá zaga't táké ar nizor nizor zaga'ttú no za'gói. Hodún fírissa'ttú dui'yán dui'yán fak asé, hodún'óttú sair'gán (ar noói'lé) híyá'ttú aró bici^[1]. Biyossó'r fírissá Biyossó't táké. Híin'ór Bóddha'wá óildé **Ridwân**. Zuzuk'or fírissa ókkól óildé **Zabânîs**, ar tará hêçe tará're ará'dé híin goré. Zuzuk'or oin'e tará're hání no gore zendilla doriya'ye mas'óre hání no goré. Sóddári goré'dé Zabânîs unnóc'cwá asé. Tará'r ebbe bóddha'wá óildé **Mâlik**.

[1] Foitto kisím'ór faik foccú'r fak adde peleng'or fak zar zar fôrma lói te te, ar onnyo'gin'ór fak loi forók. Héndíllá, fírissa'r fak'ó zar fôrma lói te. Aáñrá nóo deki'dé (ar noói'lé) no siní'dé honó ekkán cis'or nam fúni'le, híyan aáñrá siní'dé híin'ór dhoilla tháari. Híyan golot. Aáñrá mani'de, fírissa'ttú fak asé, hálí, híin hon dhoilla no zaní. Girza ókkól, sábaíyá cis ókkól (ar noói'lé) filíng ókkól'ót táké'dé fak-ola beçi'yáin'dór sába ókkól óildé beggún golot. Musólmán'é héndíllá sába ókkól no bana. Aáñrá'ttú kafér ókkól'é sába'dé héndíllá no óiyá sába ókkól háñsá no manon saá, ar aáñrá'r ducmon ókkól'órgín biccác no gorón saá.

Foitto uggwá moniccó'llá, sawâb áddé guná ókkól ót góri ló'dé (leki lo'dé) 4'gwá 4'gwá fírissa táké. 2'wá raittya ai'yé ar 2'wá din'ot ai'yé. Híin'óre **kirâman kâtibîn** (ar noói'lé) **hafaza'r** fírissa hoó. Âlim ókkól'é 'hafaza'r fírissá ókkól kirâman kâtibîn lói forók.' hóiyé'déyó asé. Manúc uggwá'r den dhák'óttú táké'dé fírissa'wá híbar ban dhák'örgwá'ttú aró topka wore, ar híba'yé goré'dé sawâb ókkól ót góri ló. Ban dhákó'rgwá'yé guná'gín leki lo. Kafér addé na fórmán Musólmán ókkól'óre tará'r hobor'ot toziya dibo'de adde súwál goribó'dé fírissa ókkól asé. Súwál gori'bó'dé fírissa ókkól'óre, **munkar** adde **nakîr** hoó. Musólmán ókkól'óre súwál gori'bó'dé fírissa ókkól'óre **mubáccîr** áddé **bacîr** ó hoó.

Fírissa ókkól'óttú uggwá'ttú aró uggwá topka uñsol uñsol asé. Ebbe uñsol topka'rgín 4'gwá asé. Híin'óttú ek lombór'ór'gwá óildé, **Jabrâ'îl** "aláihíssalám". Híba'r zimma Nabi ókkól'ór hañsé **wahí** aní doon addé tará're gori'bár áddé basi tákí'bár cis ókkól'ór hókúm ókkól zanai doon accííl. Dui lombór'örgwá óildé Isrâfil "aláihíssalám", zibá'yé '**Sûr**' hoó'dé cínggá't fúu di'bó. Híba'yé cínggá't fúu dui bar di'bo. Foóilá bár'ót, Allâhú ta'âlâ baade foitto jandár mori zai'bo'gói.^[1] ^[1] Dui lombór bar'ót beggún ar ekbar ziyañta ói'zai'bo'gói. Tin lombór'örgwá óildé **Mikaâ'îl** "aláihíssalám". Hóossá, moónggá ówá, rath, bicí mila [códóri topka, kuwaic, aásán gori diya] adde foitto ekkán cis lara iín beggún híba'r zimma. Sair lombór'ór'gwá óildé '**Azrâîl** "aláihíssalám" zibá'yé moniccó'r foran [Fársi't: Jaan, Arabi't: Rúk] loi félé. E sairówá baade, fírissa'r wor'or topka 4'gwá asé: **Hamalat al-Árc** hoó'dé fírissa 4'gwá, híin hãncór'ór din 8'wá ói'zai'bo'gói; Allâhú ta'âlâ'r Hañsé házér táké'dé fírissa ókkól'óre **muqarrabûn** hoó; toziya de'de fírissa ókkól'ór sóddár ókkól'óre **karûbiyûn** hoó, ar Rahámót'ór fírissa ókkól'ór nam óildé **rûbâniyûn**. Wor'or topka'r fírissa iín beggún'ór topka Nabi ókkól "alaihimu-s-salawâtu wa-t-teslîmât" bad di moniccó beggún'óttú aró'yó wore. Musólmán gom manúc addé Buzurgó ókkól'ór topka

[1] Meérbání gori, Turki'r, Istanbul'ór kitaf'or duwan, **Hakikat Kitâbevi't** fa'de **The Rising and the Hereafter** (Hãncór áddé **Ahérot**) nam-ola kitaf'fwá soó.

cádárannyá (ar noói'lé) nisor topkar fírissa ókkól'óttú aró wore. Ar cádárannyá fírissa ókkók'ór topka niróc Musólmán, mesál: nafórmán; gunágár ókkól'óttú aró wore. Thoó, kafér ókkól'ór topka kulle mo'klúk'óttú aró nise.

Cínggá't fúú foóilá bár'ót, Hamalat ál-'Árc áddé bódhdha bódhdha fírissa sairówá bad di kulle fírissa nac ói fúrai zai'bo'gói. Dui lombór'ór fúú't fírissa beggún fítín ziyañta ói'bó. Hamalat ál-'Árc áddé bódhdha bódhdha fírissa sairówá dui lombór'ór fúú'r agottú uçi'bó. Maání, fírissa iín'óre beggún'ór age banaáíl'dé isáfé, kulle jandár'ór baade fáná gori'bó.

3. Imân'or dorhari cis 6'wan'óttú tin lombór'órgán óildé, **“Allâhú ta'âlâ'yé lamai diyé'dé Kitaf ókkól'ór wore imân anón.”** Híba'yé Kitaf iín hodún Nabi ókkól'ór hañsé fírissa'wár átá forí fúnabaiyó'ré difeçáiyé. Hodún'ór hañsé lekkyá faththa ókkól loi difeçáiyé, ar hodún'ór hañsé mazó'ttú fírissa-sará fúnái diyé. Kitaf iín beggún óildé Allâhú ta'âlâ'r Hotá (Kalâm-Allâh). Híin óildé abadul abad táké'dé Kitaf. Híin mokhlúk noó. Híin fírissa ókkól'é banai'yé'dé hotá'yó noó, Nabi ókkól'ór hotá'yó noó. Allâhú ta'âlâ'r Hotá, aañrá leki'dé, mon'ot rakí'dé áddé hoói'dé hotá'r dhóllá noó. Aañrá'rgín aañrá'r fúwáñti táké'dé. Híin'ót óróf, abas náí. Allâhú ta'âlâ áddé Híba'r Hásiyót keén'dé moniccó'yé buzí no fare. Hálí mancé Hotá híin forí fare, mon'ot rakí faré ar leki faré. Aañrá'r fúwáñti táké'dé híyá Híin Hâdís, mokhlúk ói'za'gói. Maání, Allâhú ta'âlâ'r Hotá't dui kisím asé. Híin moniccó'r fúwáñti ói'lé, Hâdís^[1] áddé mokhlúk. Hálí Híin'óre Allâhú ta'âlâ'r Hotá isáfé báfi'lé, Híin ababul abad táké (qadîm).

Allâhú ta'âlâ'yé difeçáiyé'dé Kitaf beggún sóyí ar hañsá. Híin'ót honó misá áddé golot náí. Âlim ókkól'ór howá asé'dé, Híba'yé (tará'ré) cânza áddé toziya dibo boli elan gojjé'dé óilé'yó Híba'yé (Híba'r hodún hodún bonda ókkól'óre) maf gori doon'nán Híballa jaez (ói fare'de hotá). Ar maf gori diyá híyan aañrá buzí no farí'dé héndillá becábici butórgwá háálót ókkól áddé corót ókkól

[1] 'Hâdís' maání '(waán) ziyán Allâhú ta'âlâ'yé banai'bár age no accíil ar Allâhú ta'âlâ'yé zeñtté fáná gori'tó saá héeñtté fáná ói'zai'bo'gói.

mozin goré (ar noói'lé) Hiba'r Nizor Moncá addé Basáná mozin goré bóli mani loon saá. Ar noói'lé (âlim ókkól'ór) hotá híyan, bonda'wá're hók mozin diya fore'de toziya **Híba'yé** maf gorí dí'bo hoó'dé acá raká'bai'tó niyot loi hoiyé'dé ói't fare. Híyan honó ekkán cis'or babute hóbór diba'r niyote noó'dé isáfé, cáñza áddé toziya diya'r hóbórdári dédé elan'nán keén gorí misá ói'bó. Allâhú ta'âlâ'yé di'bo hoói waada diyé'dé niyamot ókkól no doon'nán jaez noói'le'yó, Hiba'yé toziya maf gorí doonnán jaez. Buzái diyá yaán lowaza'de lowaza, híyanó're sábut gorí'bállá, Kur'ân ál'-Karím'ór âyat'ot'ó age dóri hoiyá asé.

Honó hótórâ áddé betal noó'dé ói'lé, Kur'ân ál-Karím'ór âyat adde Hadís caríf ókkól buzái di'baccót híin'ór lugát'or maání mozin gorá fore. Híin'ór lugat'or maání lói ekkui dhoilla mikká onnyo maání ókkól doon'nán jaez noó^[1]. **Mutacâbihât** hoó'dé Kur'ân ál-Karím'or âyat ókkól'ót buzá noza'de siyon kerehalliya maání ókkól asé. Híin baná Allâhú ta'âlâ'yé zane'de. Ar híin'ór maání, elóm (ál-íl'm álladunnî) boccís fai'yé'dé ho uggwá bódhdha bódhdhá namedhak hásti'yé buzé, híin'ó tará're zeddúr buzí'tó de hédduúr buzé'dé. Híin onnyo honó kiyé no buzé. Hétólla, aáñrá'ttú **mutacâbihât**'ór áyat ókkól'óre Allâhú ta'âlâ'r Hotá'dé biccác gorón saá ar híin'ór maání tazrot no gorón saá. Ác'arî Mázháb'ór âlim ókkól'é hoi'yé'dé, héndíllá áyat híin'óre baçit óuk zora zora gorí óuk buzái dibár (**ta'wîl**) ezin asé. 'Ta'wîl' maání, 'Uggwá lofzó'r bicí dhoilla maání'ttú o-sinnyo'wá basí loon.' Mesál, Allâhú ta'âlâ'r Hotá "**Allâh'r Át Tará'rgín'óttú aró wore.**" Áyat'twá'r babute, aáñrá'ttú hoón saá'dé, "Allâhú ta'âlâ'yé (âyat) ibá't ziyán hoi'bó hoúk, muiñ manom." Ebbe barík'kán óildé, "Híba'r maání muiñ no buzí no faróm. Baná Allâhú ta'âlâ'yé zane'de." hoón'nán. Ar noói'lé aáñrá'ttú howá fori'bó'dé híyan óildé, "Allâhú ta'âlâ'r zana aáñrá'r zana'r dhóillá noó. Híba'r Moncá aáñrá'r moncá'r

[1] Kur'ân ál-Karím áddé Hadís caríf óildé Kuraic ókkól'ór elaka'r hotá't. Lofzó ókkól'ór maání gorí'báccót, teró cót bosór age estemal gojjíil'dé maání híin doon saá. Cótá cotí bosór fojjonto thaim'e thaim'e bodoli bodoli aiccé'dé héndíllá e zobona'r noiya maání dí dui-bácá gorón'nán sóyi no ó.

dhóillá noó. Héndillá, Allâhú ta'âlâ'r Át'ó Híba'r mokhlúk moniccór'gín'ór dhóillá noó."

Allâhú ta'âlâ'yé lamai diíl'dé Kitaf'gín'ót, hodún hodún âyat ókkól'ór moton óuk, maání óuk ar noói'lé moton adde maání duní'gín óuk Híba'yé bodoli diíl (náskh gojjííl). Kitaf híin beggún'ór bodol, Kur'ân ál-Karîm'é aái'yóré Híin'ór usól ókkól'óré bon gori di'féláiyé. Kiyamot ayé fojjonto, Kuran córif'ót honó ottó't honó golti, una, bóttí diya, foóirái felá no tákíbo'dé no tákíbo, mancé híba foórai'yó no féláibo. Kuran córif'ót gíyói'dé hal addé ai'bó'dé hal'or zana (elóm) beggún asé. Hétóllá, híba Kitaf'gín beggún'óttú aró bicí wore adde kimoti. Allâhú ta'âlâ'r Rasûl "sállAllâhú a'láihí wasállám"ór ebbe bódhdha mu'jiza óildé Kur'ân ál-Kirâm. Ossé, moniccó áddé jin beggún dola ói'yóré Kur'ân ál-Karîm'ór ebbe baiththá Súra'wá'r dhóillá mikkyá keccú hoi'bár kucíc gori'lé'yó, tará híyan gori no farí'bó. Aró, Arab'or barík barík habil habil cáyér ókkól dola ói'yóré bicí dáf gorí kucíc gojjííl, toó, tará Kur'ân ál-Karîm'ór tinnwá baiththá áyat'or dhóillá úddá keccú hoói nóo faré. Tará Kur'ân ál-Karîm'ór ulda tíyai nóo faré. Tará cíyák'ót fori giíl'gói. Allâhú ta'âlâ'yé Islâm Dórmó'r ducmon ókkól'óré Kur'ân ál-Karîm'ór muúntú niróc banái'yóré hónçái dé. Kuran córif'ór dóillá sápsutará, háçásirá hotá hoón'nán moniccór taakot'or baaré. Híba't asé'dé héndillá gorí moniccó'yé hoói no faré. Kur'ân ál-Karîm'ór âyat ókkól moniccó'yé zura'de ceér áddé ze honó dún banaiya hotá dhóillá noó. Héen ói'lé'yó, Kur'ân ál-Karîm Arab'or fonná-ólá habil hotábáz mancé hoó'dé hotá'r órof lói hoi'yé.

Aáñrár hañsé lamai di'yé'dé asmaní Kitaf (104) ek có sair'gwá'ttú: Âdam "aláihíssalám"ór hañsé suhuf (lofzó **sahîfa**'r zomá, gura kitaf) 10'wá, Cîs (Shît) "aláihíssalám"ór hañsé 50'wá, Idrís "aláihíssalám"ór hañsé 30'wá addé Ibrâhîm "aláihíssalám"ór hañsé 10'wá; **Tourât** (Torah) Mûsá "aláihíssalám"ór hañsé, **Zebûr** Dâwûd "aláihíssalám"ór hañsé, **Injîl** Ísá "aláihíssalám"ór hañsé ar **Kur'ân ál-Karîm** Muhámmád "sállAllâhú a'láihí wasállám"ór hañsé lamai diyé'dé híin beec mancé cúndór gorí hoói fare.

Honó uggwá mancó'ttú honó ekkán cís gorí'bállá hoi'tó (ar noói'lé) no gorí'bállá maná gorí'tó, keccú ekkán fusár gorí'tó (ar noói'lé) hóbór di'to mone hoi'lé, híba'yé híyan mone mone báfi toyar goré. Hé monor bítórór maání híin'óre **“kalâm náfsî”** (monor hotá) hoó, híin honó Arabi hotá, Fársi hotá (ar noói'lé) Ingirazi hotá boli hoói no farí'bó. Híin'óre dhoilla bo dhoilla hotá't howá'yé híin'ór maání no bodole. Maání híin zanai de'de lofzó ókkól'óre **“kalâm lafzî”** (gal'or hotá) hoó. Kalâm lafzî'ré alok alok hotá (zuban) ókkól'ót hoói fare. Hétóllá, honó uggwá mancór kalâm nafsî óildé elóm, moncá, fáisálá héndíllá hédíllá onnyo hásiyót ókkól'ór dhóillá híba'ttú asé'dé miyál-sará, bodoli no faré'dé ekkán alok hásiyót. Ar kalâm lafzi óildé kalâm nafsî hoói dahá'dé manú'cwá'r gal'ottú niyoli aaiyóre hanot fooñsé óróf ókkól'ór dhaái. Héndíllá, Allâhú ta'âlâ'r Hotá nitti ar abadul abadul táké, niján noó, mokhlúk noó ar Híba Nizor fúwânti táké. Híyan óildé Zana adde Moncá'r dóillá Allâhú ta'âlâ'r Hásiyót Sifât ádh-Dhâtiya lói áddé Sifât át-Tubûtiyya lói forók ekkán hásiyót.

(Allâh'r) Hásiyót Kalâm (Hotá) óildé honó ottó't no bodole ar fak sák. Híin óróf addé abas loi noó. Híin'óre hókúm gorá, maná górá, hóbór diya (ar noói'lé) Arabi hotá, Fársi hotá, Híbrú hotá, Turki hotá, Síríyá hotá isáfé alog gorí nam di no faré. Híin'óttú héndíllá fórma náí. Híin'óre lekí no faré. Híin'óttú ahol, han adde zil'or dóillá sámáná (ar noói'lé) mazóttú estemal gorá fore'dé cis no lágé. Toó, cís híin báí, Híin (Allâh'r Hotá) aáñrá siní'dé onnyo cis beggún lói alok cis'de buzí fare. Híin'óre mone hoó'dé ze honó hotá't hoói fare. Hétóllá, ossé, Híin'óre Arabi hotá't hoói dahái'lé, Híin'óre Kur'ân ál-Karîm hoó. Híbrú hotá't hoói daháílé, Tourât. Síríyá hotá't hoói daháílé Injîl. [Híin Grík hotá't hoói daháílé, Injîl ar Síríyá hotá't hoói daháílé Zabûr bóli **Cárh ál-maqâsid**^[1] nam ola kitaf fwá't leká asé.]

Kalâm ál-ilâhíyyá (Allâhú ta'âlâ'r Hotá)'yé becí dhoilla cis ókkól hoói dahá; Híin'é óiyé'dé (ar noói'lé) ói'bó'dé mamala ókkól hoói dahái'lé, Híin'óre **Khábár** hoó; Héndíllá noói'lé, Híin'óre

[1] Híjírí 792 [1389 A.D.]'t Samarkand'ót entekal ói'yé'dé Saád ád-dîn at-Taftâzânî sáfór kitaf.

incâ' hoó. Gorón saá'dé cis ókkól hoói dahái'lé, Híin'óre, **amr** (hókúm) hoó. Harâm cis ókkól hoói dahái'lé, **nahy** (maná-gorá). Hálí, Allâhú ta'âlâ'r Hotá't honó bará (ar noói'lé) bodola sódóla noó. Lamai diyé'dé foitto uggwá kitaf (ar noói'lé) sábbá óildé Allâhú ta'âlâ'r Hotá; maání Híin Híba'r Kalâm án-náfsî. Arabi hotá't ói'lé Híin'óre Kur'ân ál-Karîm hoó. Cáerí loi lamai diyé'dé ar lekí faré, hoói faré, fúni faré ar monot rakí faré'dé **wahí're Kalâm ál-láfzî** (ar noói'lé) **Kur'ân ál-Karîm** hoó. Kalâm ál-láfzî'yé Kalâm ánnáfsî' hoói dahá'dé ísáfé Híin'óre Kalâm ál-ilâhíyyá (ar noói'lé) Allâhú ta'âlâ'r Hásiyót hoi'bár ezin asé. Hotá iín ek buñda ói'lé'yó, Híin'óre moniccór babute alok góri, sírá sírá híssá ókkól banai fare. Híin guñça're Kur'ân ál-Karîm hoó'dé héndíllá, híssá ókkól'óre'yó Kur'ân ál-Karîm hoó.

Sóyi torika'r wore asé'dé âlim ókkól'é ettefák'ór sáñté hoó'dé, Kalâm ánnáfsî mokhlúk noó ar qadîm (nitti táké). Kalâm ál-láfzî hâdís né qadîm híyan'ór babute ettefák'ór sáñté hoiyé'dé náí. Kalâm ál-láfzî're hâdís mainné'dé hodún'é hóbórdár gojjé'dé, híin'óre hâdís no hoón'nán beétór óibó, noói'lé golot buzi Kalâm án-náfsî hâdís hoi'yé buzi't fare'dé dhor asé. Yaán óildé mamala'gán'ór babute ebbe barík hotá. Moniccó'r mon'e onnyo ar ekkán cis'or babute dahá'dé honó ekkán cis funé dé híyá, fúwáñti fúwáñti, dahá'dé cis híyan'ór ó, monot uçé. Sóyi torika'r wore asé'dé âlim ókkól'óttú honó uggwá'yé Kur'ân ál-Karîm hâdís hoó'dé fúni'lé, aáñrá'ttú buzá foribó'dé, híba'yé híin aáñrá'r gale hoói'dé abas adde lofzó ókkól'ór uzú icará gojjé'dé. Sóyi torika'r wore asé'dé âlim ókkól'é ettefák'ór sáñté hoiyé'dé, Kalâm án-náfsî áddé Kalâm ál-láfzî duní'gín Allâhú ta'âlâ'r Hotá. Héndíllá hoi'yé'dé híyan'óre hodún âlim ókkól'é hotár bot hótá hoi'yé'dé ísáfé mani'lé'yó, tará beggún'é Híin Allâhú ta'âlâ'r Hotá'dé híyan'ót razi ói'yé. Kalâm án-náfsî Allâhú ta'âlâ'r Hotá hoó'dé híyan maání, Híin Allâhú ta'âlâ'r Hotár Hásiyót ar Kalâm ál-láfzî Allâhú ta'âlâ'r Hotá hoó'dé híyan maání, Híin'óre Allâhú ta'âlâ'yé banai'yé.

Súwál: “Wor'or leká'gín'óttú, Allâhú ta'âlâ'r nitti táké'dé Hotá fúná no faré'dé buzá za. Mancé, ‘Muiñ Allâhú ta'âlâ'r Hotá funnyom.’ hoó'dé híin'ór maání, ‘Muiñ lofzó ókkól'ór abas'gín

fúnnjom.’ (ar noói’lé), ‘Muiñ lofzó híin’óttú nitti táké’dé Kalâm án-náfsî bujjóm.’ Nabi beggún áddé ebbe foitto ek zon’e, e torika duní’wá’ttú honó uggwá loi fúni fare. Mûsâ “aláihíssalâm”óre kállá alog gorí “Kalîm-Allâh” (Allâhú ta’âlâ’yé hotá hoiyè’dé manúc.), hoi’yé?”

Juwaf: Mûsâ “aláihíssalâm”é ‘Âdat ál-ilâhíyyá (talukot’or niyom) mozin noó’dé alok torika loi óróf-sará, Abas-sará Nitti Táké’dé Hotá Híin fúnne’dé. Híba’yé Híin hondilla gorí fúnne’dé buzái no faré, zendilla, Biyossó’t Allâhú ta’âlâ’ré dahá zaibó’dé hondilla, ahole dóri no faré and buzái no faré. Héndíllá gorí ar onnyo honó kiyé náo fúné. Ar noói’lé, híba’yé Allâhú ta’âlâ’r Hotá’r abas baná nizer hane boli noó, foitto mikká’ttú nizer gaa’r foitto híssa lói’yó fúnne. Ar noói’lé, híba’yé Híin baná uggwá gas’ór híkka’ttú fúnne, hálí híin abas loi noó, ar noói’lé boiyar’óttú, ar noói’lé, onnyo onnyo dhoilla gorí. Híba’yé Híin, e tin dhoilla háálót’óttú honó ek dhoilla gorí fúnne’dé hétólla híbaré lokóf **‘Kalîm-Allâh’** boccíc gojjé. Muhámmád “sállAllâhú a’láihí wasállám”é’yó Mi’râj’ór Raittya héndíllá góri Allâhú ta’âlâ’r Hotá fúnne. Jibrâ’il “aláihíssalâm”yé’yó wahí gosí loi’baccót héndíllá fúnniíl’dé.

4. Imân’or dorhari cis 6’wan’óttú 4 lombór’órgán óildé, **“Allâhu ta’âlâ’r Nabi ókkól’ór wore imân anón,”** zín, mancóre Híba’yé fosón goré’dé torika dórâ’bái’yóre sóyi rassa dahái di’tó difeçái’yé. Lugat’or maání mozin, ‘rusul’(rasûl’ór zomá) óildé ‘difeçái’yé’dé manúc, hóbórdouya ókkól.’ Islâm Dórmó mozin, ‘rasûl’maání, ‘borkottya, izzottya manúc zibá’r hássá hásolót, zana adde ahol buddí híba’r zobana’r manúc beggún’óttú aró barík, ar zibá’ttú na fosón adde hórâf hássá ekkán’ó náí. Nabi ókkól’óttú hásiyót **Ísma** accíl; maání, tará nizer nubuwwá (Nabi’giri)^[1]r

[1] Islâm Dórmó fúrai fêlái’bállá doró móró kucíc goré’dé hodún hodún kafér ókkól’é, “Nabi boni’bár age, Muhámmád “sállAllâhú a’láihí wasállám”é mutti ókkól’óre kurbani’r januar ókkól diíl,” hoó’yóre sábút ísáfê lâ-Mázhabí kitaf ókkól’ór uzu dahái dé. Héndíllá héndíllá noóiyá hosúrit bazá’dé hotá híin misá dé híyan wor’or hotá’gín’é sábút de.

hóbór faiba'r age óuk bade óuk bódhdha guná gura guná nóo goré. Tará nubuwwá'r hóbór fai baade adde Nabi de híyan mancé siní, mani loi aamfáng ó fójjontó, tará'ttú ańdá ówá, náfáng owá ar noói'lé héndíllá héndíllá honó aif no accííl. Foitto uggwá Nabi'ttú háńttan'ór dójjá háás hásíyót accííl'dé biccác gorá fori'bó: **Amâna** (amanotdárí), **Sidq** (Allâh'r Dhor), **Tebligh** (sábbák), **'Adâla** (fúwán bisar), **'Ísma** (guná górá'ttú basi táká), **Fatâna** (uttom ahol buddí) áddé **Âmn ál-ázl** (loi no fêlá'dé héndíllá nubuwwa'r héfázótí).

Noiya uggwá dórmó annííl'dé Paigambor'oré **"Rasûl"** (Hóbór dooiya) hoó. Noiya dórmó no aní mancó're agor dormó úzú dawot diyé'dé Paigambo'oré **"Nabi"**^[1] hoó. Gorí'bár maná'dé cis ókkól no gorí'tó howá't áddé Allâhú ta'âlâ'r dórmó'r úzú dahá'dé ham (tebligh) gorá't Rasûl áddé Nabî'r maz'é honó forók náí. Paigambór ókkól ek zon no eri beggún dindar adde háńsá accííl'dé híyan aáńrá'ttú biccác gorá fori'bó. Híin'óttú baná uggwá're no mani'lé'yó beggún'oré no mane fán.

Nubuwwá, dáf gorí, búk (ar noói'lé) bekuwaic boddac gorí, (ar noói'lé) dindari'r sáńté bicí ibâda gorí'yoré fa'de noó. Híyan baná Allâhú ta'âlâ'r meérbání áddé basána lói fa'de. Dórmó ókkól Nabi ókkól átá foóńsái'yé'dé, mancóllá duniyai adde ahérót'ór hazor zindegi toyar gorí'bállá, ar tará're hání goré'dé ham ókkól'óttú sóońlí di'yoré héfázótí, hédáyót, cántí áddé kúci faa'bai'bállá. Tará'ttú ducmon bicí accííl, ar tará're téceráil, ar hóráf gorí sóllúk gójjiíl'dé óilé'yó, Nabi ókkól'é ducmon ókkól'oré nóo dhoorá, ar imân aná fore'de cis ókkól áddé dórmó'r ham ókkól'ór babute Allâhú ta'âlâ'r hókúm ókkól mancóré hoói díya't honó óttó't bór nóo goré. Allâhú ta'âlâ'yé Nizor Nabi ókkól'oré tará dindar adde háńsá accííl'dé híyan dahái'bállá mu'jiza ókkól lói bol dííl. Tará'r mu'jiza ókkól lói kiyé mukabala gorí nóo fare. Ze honó Nabi're manoiya mancó're híba'r **umma** hoó. Hańcór'ór Din, Nabi ókkól'oré tará'r umma ókkól, háás gorí, bicí gúná-ólá'gín'óllá, cúwaríc gorí'tó ezin di'bo ar tará'r cúwaríc híin kobul gorí'bó. Allâhú ta'âlâ'yé tará'r umma ókkól'ór bútóttú álim ókkól,

[1] Kitaf'fwá't 'Rasûl'oré'yó 'Nabi' ísáfé dui-bácá gojjé.

gom manúc ókkól áddé buzurgó ókkól'óre'yó cúwaríc gorí'tó ezin di'bo ar tará'r cúwaríc'ó kobul gorí'bó. Nabi ókkól “aláihimússalawâtú wat taslîmât”, aáñrá ót gorí no fari'dé héndíllá gorí nizer nizer hobor'ot ziyañta asé; meçi'ye tara'r borkottya gaa no há. Hétólla, Hadís caríf uggwá't hoiyé'de: “**Nabi ókkól'é tara'r hobor'ot namâz fore ar háj goré.**”^[1]”

Nabi uggwá'r borkottya suk gúm giíl'dé óttót, híba'r mon'or suk gúm nóo zá. Nabi “aláihim-ús-salâm” beggún Nabi'r zimma ada gorá't áddé Nabi boni'bár habiliyoti furussaf táká't ekkui dhooilla accííl. Wortú hoiyé'dé háás hásiyót háñtowán tará beggún'óttú accííl. Nabi ókkól'óre hónó óttó't Nabi'r hamottú félái diíl'dé náí. Buzurgó ókkól'óttú, hálí, buzugó'gírí loi félái't fare. Nabi ókkól jin (ar noói'lé) fírissa no accííl, moniccó accííl'dé. Jin adde fírissa'yé moniccó'llá Nabi boni nofaré (ar noói'lé) Nabi'r topka no fa. Nabi ókkól uggwá'ttú aró ar uggwá wor'or topkar adde izzottya accííl. Mesál, uggwá Nabi'r umma onnyo Nabír'gínóttú aró

[1] Yaa, Arab'ot **Wahhâbî** hoó'dé manúc ókkól asé. Tará héndíllá Hadîshîin no mane. Tará Hadîs hiin mane'de sóyi Musólmán ókkól'óre “kafér” dhake. Sápsutará áddé háçasirá noó'dé maání-óla Kur'ân ál-Karîm'ór âyat ókkól áddé Hadîs caríf ókkól'óre golot maání báingge'dé híin lói honó tará kafér ói no za'gói; tará bíd'a-óla boni za'gói. Tará Musólmán'óre bíci hání goré. Wahhâbî'r torika're Najd cóor'ór Muhámmád bín 'Abd-ul-Wahhâb nam-ola uggwá hóráf mancé cúru gorí banai'yé. Britíc'ór uggwá soikal, Hempher'é (Híjrí 728, A.D. 1328'ot, Syríyá'r Damáskás cóor'ót mara giyé'dé) Ahmád Íbn Taymiyya'r golot báfáná ókkól estemal gorí híba're tulá diyé. Hiin (Híjrí 1323, A.D. 1905'ót, Ijíp'ót mara giyé'dé) Muhámmád 'Abduh nam-ola Ijíp'ór decóttýá uggwá'r kitaf'gin'óttú Turki'r koum ókkól'ór mazé beec ói'yé, baádé agagura sórái gí'yé'gói. Wahhâbî ókkól'é honó fañs lombór'ór Mázhâb uggwá mane'de noó, tará muthmath golot rassa báí soler'de golot manúc'dé híyan, **Áhl ás-Súnná**'r álim ókkól'é tará'r cótácotí kitaf ókkól'ót sábút gojjé. Hiin'ór babute kitaf **Endless Bliss**'ót, **Confessions of a British Spy (Britíc Soikkal Uggwár Hosúrí Kobul-gorá)**'t áddé **Advice for the Muslim (Musólmán'óllá Buddi)**'t hóbór báttírí ókkól zora zora gorí diya asé. Alláhu ta'âlâ'yé hoicca dindar manúc ókkól'óre Wahhâbî'r golot torika't fora'ttú sóoñlí dóuk ar becábicí hadís caríf ókkól'ót bíci góri taarif gojjé'dé **Áhl ás-Súnnáh**'r álim ókkól'ór sóyi torika'ttú alok ói'tó no douk! Ámin.

bicí accííl'dé ói't fare, (ar noói'lé) híba're difeçaiyé'dé deccán onnyo Nabi'rgán, onnyo Nabi ókkól'órgín'óttú aró dhoóñr accííl'dé ói't fare. Ar noói'lé, híba're borkot adde niyamot bicí di'yé, (ar noói'lé), híba'r mu'jiza ókkól onnyo'gín'óttú aró beec adde deri'fán accííl; ebbe fisór Nabi, Muhámmád “aláihí-s-salâm” onnyo Nabi beggún'óttú aró wor'or topkar. Ulu-l-‘azm hoó'dé Nabi'gín onnyo'gín'óttú aró wor'or topkar. Nabi ókkól Rasûl no accííl. Rasûl ókkól Nabi ókkól'óttú aró wor'or topka'r accííl.

Nabi ókkól “aláihím-ús-salâm”ór gona zana náí. Beec'e zane'de híyan óíldé, ek lák sobbic ázár'óttú aró bicí accííl. Híin'óttú, 313 (ar noói'lé) 315'wá Rasûl accííl, híin'óttú **Ulu-l-ázm** hoó'dé wor'or topka'r Rasûl sówa accííl: **Âdam, Nûh, Ibrâhîm, Mûsá, 'Îsâ áddé Muhámmád Mustafa** “aláihim-ús-salâtu was-s-salâm’.

Lamar'ttú asé'dé Nabi tiríc-tinnwá óíldé namedhak'gín: **Âdam, Idrîs, Cîs, Nûh, Hûd, Sâlih, Ibrâhîm, Lût, Ismâ'îl, Is'hâq, Ya'qûb, Yûsuf, Ayyûb, Cu'aib, Mûsâ, Hârûn, Khidir, Yûcâ' ibn Nûn, Ilyâs, Alyasa', Dhu-l-kifl, Cam'un, Icmoil, Yûnus ibn Matâ, Dâwûd, Sulaimân, Luqmân, Zakariyyâ, Yahyâ, 'Uzair, 'Îsâ ibn Maryam, Dhu-l-qarnain and Muhammad** “alaihîm-ús-salâtu wa-ssalâm’.

Híin'óttú baná kuri-aiñctowá (28)'r nam Kur'â ál-Karîm'ót leká asé'dé. Cîs, Khidir, Yûcâ', Cam'u áddé Icmoil leká náí. Kuri-aiñctowá'ttú, Dhu-l-qarnain, Luqmân áddé 'Uzair tará Nabi accííl né no accííl háthí noó. Khidir “aláihíssalâm” Nabi accííl hoiyé'dé híyan'ór sóyí sábut asé bóli kitaf **Maktûbâti-Ma'sûmiyya**'r híssá dui, tiríc-só síyará't leká asé'dé. Tói, ekcô ací-dui síyará't lekkyé'dé: “Khidir “aláihíssalâm”óre (táái tai) moniccó'r cókól loi aiyé'dé, ar keccú keccú ham'ó goré'dé dahá za'de híin honó híba ziyañta'de noó. Allâhu ta'âlâ'yé híba'r ruú áddé onnyo aró bicí Nabi adde Buzurgó'r ruú ókkól'óre moniccó'r cókól lói dahá zai'bar ezin di'yé. Tará're dahá zade híyan honó tará ziyañta asé'dé sábut noó.” Dhu-l-kifl “aláihíssalâm”óre Harqil'ó hoi'yé, híba're Ilyâs, Idrîs áddé Zakakiyyâ'yó dhahaáil.

Ibrâhîm “alâihissalâm” ôildé Khalîl-Allâh, kiyóllá hoilé, híba’r mon’ot mokhlúk’or honó ador no accííl, híba’r monot baná Allâhú ta’âlâ’r ador accííl’dé. Mûsâ “alâihissalâm” ôildé Kalîm-Allâh, híba Allâhú ta’âlâ’r lói hotá hoiyé’dé hétóllá. ‘Îsâ “alâihissalâm” ôildé Kalimat-Allâh, kiyóllá hoilé, híba’ttú baf no accííl ar híba, ‘Ó!’ hoó’dé (Alah’r Lofzó) ál-Kalimat ál-ilâhiyya lói foida ôi’yé’dé. Aró, híba’yé Allâhú ta’âlâ’r Ahol Budd’í loi bórâiyá hotá ókkól waás gorí hoói mancór han’ot foóñsái’yé.

Moniccór bútóttú ebbe uñsol topka’r, ebbe namedhak, beggún’óttú aró izzottya **Muhámmád** “alâihissalâm”, zi’bállá bóli mokhlúk beggún’óre banai’yé híba ôildé Habîb-Allâh (Allâhú ta’âlâ’r Adojja). Híba barík, uñsol topka’r adde Habîb-Allâh’dé híyan dahá’dé sábút ókkól bicí accííl. Hétólla, híba’r babute “(híba’re) bárâi’yé (ar noói’lé) hónçái’yé” hoó’dé héndíllá hotá hoói no faré. Háñcór’ór Din, híba beggún’ór age nizor hobor’óttú uçí’bó. Híba Insáf-goré’dé zaga’gán’ót foóílár cúrut zai’bo. Híba foitto zon’or age Biyossó’t zai’bo. Híba’r cúndójjá adot adde hássá hasílót ókkól goni fúrai no faré, hínó’re moniccór taakot loi goni kul gorí no farí’lé’yó, aáñrá hínó’ttú hodún leki’yóre aáñrá’r kitaf’fwá’re háñzái’yum.

Híba’r mu’jiza ókkól’óttú ekkán ôildé **Mi’râj** giíl’dé híyán: híba ál-Mákkat ál-Mukarramá’t nizor bicán’ót accííl’dé híntu, híba’re seton gorí híba’r borkottya gaa Jerusâlim (Quds)’ór Aqsâ Mosít’ót loi giíl, tói asman’or uzu, tói háñt asman’ór baade, Allâhú ta’âlâ’ttú mone hoiyé’dé zaga ókkól’ót loi giíl. Aáñrá’ttú Mi’râj’ór babute endilla gorí biccác gorá fori’bó.^[1] Mi’râj ôiye’dé keen gorí becábicí kimoti kitaf ókkól, háás gorí **Cifâ-I Cerîf**^[2]ót zora zora

[1] Gumráh ôi gi’yé’gói’dé Ismâ’îlî dhaai áddé Islâm Dórmó’r âlim kúwalá’dé Islâm Dórmó’r ducmon ókkól’é Mi’râj’ót gaa’ye guttoro’ye uththyé’dé noó, ruú lói uththyé’dé bóli hoói hoói áddé leki leki hoicca ókkól’óre bóóñr di’tó kucíc goré. Aáñrá’ttú héndíllá hórâf hórâf kitaf híin, no kinon saá’; aáñrá’ttú tará aáñrá’re bóóñr di no faré’fán gorón saá.

[2] **Cifâ**’ré lekóiyá, Qâdi ‘lyâd ál-Mâlíki Híjri 544 [1150 A.D.]’t, Moroko’t entekal ôi’yé.

gorí lekkyé. Híba áddé Jibrâ'il "aláihíssalám" Makka'ttú só addé háñt asman'ór uggwá gas, **Sídrat ál-muntahâ**'r héçe giíl. Hiyá'r wore ar kiyé zai nóó fare. Sídrá't, Rasûlullâh "aláihíssalám"é Jibrâ'il "aláihíssalám"óre só cot fak-ola híba'r nizor cokól-ólá dikkyé. Jibrâ'il "aláihíssalám" Sídra't tákí giíl'gói. Rasûlullah "aláihíssalám"óre Makka'ttú Jerusâlim'or uzu, (ar noói'lé) háñt asmon'ot loi giyé'dé uggwá Burâk'ot gorí, ziba ôildé uggwá dólá, bici salu, modda maiya-sará, hóssór'óttú aró gura ar gadá'ttú aró bódhdha uggwá Biyossó'r januwar. Híba duniyai'r januwar'or dhóillá noó. Híba'r haiñ mara suké éti no faré'dé héndillá accííl. Aqsá Mosít'ót, Rasûlullâh "aláihíssalám"é imâm boni, onnyo Nabi ókkól'ór fúwáñtí jamâá gorí Icá (ar noói'lé) Fózo'rór namâz ada gojjé. Héçe házé'r óoíl'dé Nabi ókkól'ór ruú híñ, ode ódé tará'r nizor nizor moniccó'r cokól lói accííl. Jerusâlim'óttú háñt asman fojjonto, híba'ré **Mi'râj** hoó'dé ekkán osinnyo círri báí ek bar'ot buçúr gorí uçá bai'yé. Foñt'ót, den dhák'óttú áddé ban dhák'óttú cúr dorí firíssa ókkól'é híba'r taarif gojjé. Foitto asman'ot Jibrâ'il "aláihíssalám"é Rasûlullâh "aláihíssalám" foññccé'dé kucír hóbór elan gojjé. Foitto asman'ot híba'yé híba'ré sólám goijjé'dé uggwá uggwá Nabi loot faiyé. Sídra't, híba'yé beca bíci taajjuppya cis ókkól dekkýé, Biyossó'r niyamot ókkól, Zuzuk'or toziya ókkól. Híbayé, Allâhú ta'âlâ'r Cúndórgíri deká'r azzu adde kúci'llá bólí Biyossó'r niyamot ekkkán'ór uzu'yó nóo saá. Sídrá bárái'yóre, híba muúm míkkyá nûr (foór)'ór maz'óttú gaa gaa gi'yé. Híba'yé firíssa ókkól'ór holom'or abas fún'nye. Híba hóittór ázár forda báí gi'yé. Forda dui'yán ekkán loi ekkán fañs cót bosór'ór rassa dóillá duré. Hiyá'r baade, beil'óttú aró zolzoilla, **Rafrâf** hoó'dé ekkán tucók'ór bicán'ót gorí híba Kursî báí zai 'Árc'ót foññccé'gói. Híba 'Árc, zobona, akâc áddé císbís'óre bárái giíl'gói. Híba Allâhú ta'âlâ'r Hotá fúní'bar zaga'gán'ót foññccé.

Allâhú ta'âlâ'ré Ahérót'ót zobana adde zaga-sará háálót'ót dahá zai'bo'de héndillá, híba'yé Allâhú ta'âlâ'ré (mancé) buzí, buzái no faré'dé héndillá gorí dekkýé. Híba'yé Allâhú ta'âlâ'r loi óróf áddé abas-sará hotá hoi'yé. Híba'yé Híba'r cúkúriya áddé taarif gojjé. Híba'ré o-gona hádíyá ókkól áddé boccíc ókkól dí'yé. Híba áddé híba'r Umma (Musólmán ókkól)'óre din'e fonzaic (50) óttó namâz ada gorí'tó hokum gojjííl. Héen óilé'yo, foittó dín ada

gorí'bár namâz ókkól'ór gona Mûsâ “alâihissalâm” maze ôiyoré, assé assé homai homai fañs ottó gojjííl. Híyá'r age, namâz baná biínná biínná áddé duújjá duújjá (ar noói'lé) rattya rattya ada gorí'tó'dé. Héndíllá uggwá lambá sófor'óttú, hádíyá áddé niyamot ókkól fai'yoré becábicí taajjuppya cis ókkól suké saái hane fúní baade, híba'r um noó zaítégói, nizer bicán'ót wafes accííl. Aáñrá wortú lekki'dé híin hodún Kur'ân ál-Karîm'óttú bujjí ar hodún hadîs carîf ókkól'óttú. Iin beggún biccác gorón'nán wâjîb honó noó. Toó, iin zehón Áhl ás-Súnná'r âlim ókkól'é hoi'yé, hotá iin no mane'de hitára're, Áhl ás-Súnná'r lói alok gorí'bó. Ar Kur'ân ál-Karîm'ór uggwá âyat ouk (ar noói'lé) uggwá hadîs ouk no mane'de híba kafér ôi za'gói.

Muhámmád “alâihissalâm” óíldé, Nabi ókkól “alâihimússalâwâtu wattaslimât”ór búto'ttú ebbe uñsol topka'r (Sayyid alAmbiyâ') dé híyan dahá'dé o-gona sábut fónná ókkól'óttú hodún saái.

Háncór'ór Din, Nabi beggún híba'r boutha'r sába'r tole ôi'bó. Allâhú ta'âlâ'yé Nabi beggún “alâihimússalâm”óré hókúm gojjé'dé, ossé tará, kulle mokhlúk'or búto'ttú, muún'tú ai'bó'dé Híba'r adoja Muhámmád “alâihissalâm”ór zobona fojjonto ziyañta tákíl'é, tará'ttú híbar wore imân aná forí'bó ar híba're ouzai barái diya forí'bó. Nabi beggún'éyó, tará'r nizer nizer umma're héndíllá gorí'bállá wosíyót gojjé.

Muhámmád “alâihissalâm” **Khâtam ál-anbiyâ'** (ebbe Fúrantí'r Nabi) accííl; maání óíldé, híba'r baade ar honó Nabi no ai'bó. Nabi beggún'óre banai'bár age híba'r borkottya ruú're banai'yé. Nubuwwá'r topka, foóílár cúru't híba're diíl'dé. Nubuwwá, híba'r duniyai't ayón'ór fúwáñtí furussaf ôi'yé. Duniyai fúrai'bár dháké dhákkyá, házrát álMahdí'r zobona't, ‘Îsâ “alâihissalâm”mé asman'ottú Damákás'ót lami'yoré, Muhámmád “alâihissalâm”ór umma loi mili duniyai't Islâm Dórmó'r waás gorí'bó.

[Britic'é híjrí 1296 [1880 A.D.]'t, Indhíá't banaáil'dé **Qâdiânî** (ar noói'lé) **Ahmadî** hoó'dé, gumráh manúc ókkól'é ‘Îsâ

“aláihíssalám”ór babuté’yó bonnai ó’dé héndíllá misá hotá ókkól hoó. Tará nizoré nize Musólmán hoói dabi gorílé’yó, tará bútóré bútóré Islâm Dórmó nac gorí’bállá bicí kucíc goré. Tará Musólmán noó’dé híyan elan gorí’bállá fátwâ ekkán niyalaáil.

Indhiá’t boinné’dé aró uggwá gumráh zindîq dhaái óildé, **Jamâ’at-ut-tablîghiyya** hoó’dé uggwá dhaái^[1]. Tará’r dhaái híba’re foólá’r cúrut, uggwá be-elómi manúc, Ilyâs’é hijrí 1345 [1926 A.D.]’t bená gojjé. Híba’yé “Musólmán ókkól, Islâm Dórmó’r sóyi rassa’ttú fori giíl’gói. Tará’re basai loi’ballá kúwáf’ót more hókúm gojjé.” bóli hoi’tó. Híba’yé óde óde gumráh accíil’dé híba’r ustad ókkól: Neẓīr Huseyn, Rashīd Ahmad Kankuhī áddé Khalīl Ahmad Sehāranpūrī tará lekkíil’dé kitaf ókkól’óttú cíkkiil’dé híin hoi’tó’dé. Tará nitti namâz áddé jamâ’at’ór fáaidá’r babute hoói hoói Musólmán ókkól’óre bárái’ballá bóñr diya’t asé. Héen óilé úddá, hotá óildé, gumráh mancór honó namâz áddé tará goré’dé onnyo ibâda ókkól ekkán’ó kobul no goré, tará **Áhl ás-súnná**’r dhaái’yót noó’dé hétóllá. Manúc iín’óttú foóilá’r cúru’t gorá fori’bó’dé cis óildé, Islâm Dórmó’r sóyi âlim ókkól’é lekkyé’dé kitaf ókkól forón, misá áddé golot biccác ókkól félai doon áddé sóyi Musólmán bonon. Kur’ân ál-Karīm’ór mur maání-ólá âyat ókkól’óre golot maání bángé’dé manúc ókkól’óre, **bedaátí** (ar noói’lé) **gumráh manúc** hoó. Nizor férókbás ádde gumráh báfáná ókkól lói háçé’fán góri Kur’ân ál-Karīm’ór âyat ókkól’ór maání goré’dé Islâm Dórmó’r ducmon ókkól’óre **zindîq** hoó. Manúc iín’é héen gorí gorí, Kur’ân ál-Karīm áddé Islâm Dórmó’re bodoli’bállá kucíc gor’é. Misá áddé golot báfáná iín banai rakí’yóré aamfáng gorí’bár niróc moncá’llá bilíyén bilíyén thiyañ hóssá goré’dé osól bódhdha ducmon óildé Brític. Brític kafér ókkól’ór fán’ót fori sámáná boinné’dé **Tablîgh-i-jamâ’at**’ór obuz adde misá manúc ókkól é nizoré nize **Súnní** hoó, foitto dinnya namâz ada goré, ar misá hotá hoói hoói Musólmán ókkól’óre bóñr di’ballá dorómóró kucíc goré’r. Tará’re Zuzuk’or gañrá’r tola’t o-fúrání oin’ot fura’t diya zai’bo. Manúc iín óildé minara’r tuillya’t bañdé’dé faikór bahá’r dhóillá foori matá’t di, lamba lamba darí rakí, jubba fiñdí, Kur’ân ál-Karīm’ór âyat ókkól fori fori híin’óre golot maání góri boyan goré’dé híin óildé, manúc híin’é Musólmán ókkól’óre

[1] Meérbání góri **Endless Bliss**, híssá dui’yor tiríc-só síyará’t bisari soó.

gumrah gorí'ballá estemal goré'dé tará'r hótórá bondus ókkól'ór bútó'ttú ekkán. Héen oilé'yo, hadís caríf uggwá endilla asé yá: **“Inn-Allâha lâ yanzuru ilâ suwarikum wa siyâbikum wa lâkin yanzuru ilâ qulûbikum wa niyyâtikum,”** zibá'r maání óildé: “Allâhú ta'âlâ'yé tuwáñrá'r babute fáisálá goré'dé tuwáñrá'r cokól súúrót áddé háñsfiron lói noó, tuwáñrá'r mon adde niyot loi goré'dé.” Ceér uggwá óildé:

***Kad-du buland dâred, dester pâra, pâra.
Chun âshiyâni laklak, ber kalla-i-minâra.***

Manúc iíné, **Hakikat Kitâbevi'**ttú niyalai'yé'dé kitaf ókkól'ór juwaf di náo fâré'dé híyán'óttú be-elómí hórâf manúc híin misá thóoré'r'dé hétólla, tará hoó'dé, “Hakikat Kitâbevi' ttú niyala'de kitaf ókkól óildé golot ar híin'é mancóré gumrah goré. Kitaf híin no foríyó.” Islâm Dórmó'r dusmon, gumrah áddé zindîq ókkól'ór'é bisari sái'lé, tará'ttú ebbe kúllúng halá loot faa za'de alamot'tán óildé, Áhl ás-Súnná'r âlim ókkól'ór cíkkatá ókkól'óre beec mancé zane'fán aamfáng goré'dé kitaf ókkól, no foré'fán gorí, híin gumrah goré'dé kitaf hoói bazái di mancó'r mon no za'fán goré'dé híyan. Manúc iín'é Islâm Dórmó'lla goré'rdé hání ókkól áddé tará'llá diyé'dé Áhl ás-Súnná'r âlim ókkól'ór juwaf ókkól'ór babute Aañrá'r (Turki hotá't lekkyé'dé) kitaf **Fâideli Bildiler** (Haz'or Hóborbáttíri)'t bicí gorí dahái'yé.^[1]

Muhámmád “aláihíssalám” óildé Nabi ókkól'ór bútoré ebbe uñsol topkar, ar kulle mokhlúk'óllá Allâhú ta'âlâ'r rahámót. Híba'r baará rahámót'óttú añçáro ázár 'âlam (jandár táké'dé duniyai ókkól)'é fáidá far. (Islâm Dórmó'r âlim ókkól'ór) Ettefák rai mozin, híba kulle moniccó áddé jin'or Nabi. Bicí (âlim ókkól)'é hoiyé'dé, híba óildé fírissa, gasgusalá, januwar adde foitto cis'ollá Nabi. Onnyo Nabi ókkól'óre alok alok dec'ór alok alok koun ókkól'óllá difeçái'yé'dé háñsá, Rasûlullah “aláihíssalám” kulle

[1] Meérbání gorí, Ingirazí't niyalai'yé'dé aañrá'r onnyo kitaf ókkól soó, háás gorí, **The Súnnî Path (Súnnî Torika), Endless Bliss**’ór híssá sówa't, **Belief and Islam (Imân adde Islâm Dórmó),** áddé **Document of the Right World (Osól Duniyai'r Sábút Fónná).**

duniyai adde jandár, jan sára mokhlúk beggún'óllá Nabi. Alláhu ta'âlâ'yé onnyo Nabi ókkól'óre tará'r nam dórí dhaikiíl. Muhámmád “aláihíssalám”óre “Ó Mor Rasûl!” hoói dhaki hátíl dahái'yé. Foitto uggwá Nabi're mu'jiza ókkól boccíc gojjííl'dé héndíllá híba'reyó gojjé. Alláhu ta'âlâ'yé Nizor Adojja Nabi're onnyo ze honó Nabi're boccíc gojjííl'dé híyá'ttú aró beec gorí hádíya ókkól addé mu'jiza ókkól boccíc gojjííl. Híba're o-gona izzot adde barík'gírí ókkól lói Nabi beggún'ór sóddár banai'yé: híba'yé nizor borkottya oñol loi uggwá icará gojjé'rár, san dui bák ói'yé; híba'r át'or tallwa't cíl'ór dola ókkól'é Alláhu ta'âlâ'r nam zoppyé; gas ókkól'é híba're “Ó Rasûlullah.” hoói sólám diyé; Rasûlullah “aláihíssalám”é hálígá félai eri áñçi giíl'gói'dé hétóllá, Hannâna nam-ola cúwaná hodda ekkán'é haindé; híba'r borkottya oñol ókkól'or cér'óttú paksáf faní baái fojjé; Ahérót'ót, híba're uñsol uñsol topka ókkól **ál-Maqâm ál-Mahmûd, ác-Cafâ'at álkubrâ, ál-Hawd ál-Kawsar, ál-Wasíla** áddé **ál-Fadíla** di'bar waada di'yé; híba'yé Biyossó't nóo gólí'té, Alláhu ta'âlâ'r Jamâl dékíbar izzot boccíc fai'yé; híba'ttú duniyai't beggún'óttú aró cúndójjá adob ahklák, ebbe barík imân, elóm, hélom, ahol buddí, sobór, cúkúríyá gorá, zuhd^[1], paksáf táká, insáf, hímmót, córóom, háiyá, baádúrí, cúndór cúndór izzottya adot hásólót, modot gorá, rahámót adde o-fúrání izzot kodor accííl. Híba're diyé'dé mu'jiza ókkól'ór gona Alláhu ta'âlâ baade kiyé no zané. Híba'r dórmó'yé agor onnyo dórmó beggún'ór bodól zaga loi'yé.^[2] Híba'r dórmó óildé kulle dórmó'ttú aró barík ar wore. Híba'r umma óildé onnyo umma beggún'óttú aró uñsol topkár. Híba'r umma'r Buzurgó ókkól onnyo umma'r Buzurgó ókkól'óttú aró izzot-ola.

Muhámmád “aláihíssalám”ór Umma'r Buzurgó ókkól'ór bútóttú, híba'r (foóílár cúru'r) Khalífa boni'bár laikkyá accííl'dé híba óildé **Abû Bakr ás-Siddîq** “radiy-Alláhu taálá ánh”. Híba beebák Buzurgó áddé imâm ókkól'ór adojja accííl, ar onnyo zon'óttú aró Khalífâ'r laikkyá beec accííl. Nabi ókkól baade, (duniyai't) accé'dé áddé aibó'dé moniccó beggún'óttú aró híba uñsol topkar ar ebbe bággítyá. Híba'yé Khalífa'r topka adde izzot

[1] Duniyai'r ayaci kúci'ttú duré táká.

[2] (Híba ahéri dórmó'dé híyan howá no forér.)

foóilá'r cúrut faiyé. Allâhú ta'âlâ'r meérbání áddé rahámót'ór zoriya, híbya'yé Islâm Dórmó kobul gorí'bár age'yó bút fuñza nóo goré. Híba're kuféri áddé gumráyí'r aib ókkól'óttú basai raikkíil.^[1]

Híba'r baade, moniccór bútóttú ebbe uñsol topka'rgwá óildé, dui lombór'ór Khalífa '**Umar íbn ál-Khattâb** "radiy-Allâhú ta'âlâ ánh" zibá're Allâhú ta'âlâ'yé Nizor Adojja Nabi'r fúwáinjjá ísáfé basí loóil.

Híba'r baadé, ebbe uñsol topka'r manúc'cwá óildé, Rasûlullah "aláihissalám"ór tin lombór'ór Khalífa, Dhun-Nûrain '**Usmân íbn 'Affân** "radiy-Allâhú ta'âlâ ánh". Híba óildé uggwá meérbání áddé rahámót'ór házáná, háiyá, imân adde ruú'r elóm'ór gujjali.

Híba'r baade, ebbe borkottya manúc'cwá óildé Rasûlullah "aláihissalám"ór sair lombór'ór Khalífa, Allâhú ta'âlâ'r Cíngo, taajjuppya taajjuppya hásiyót-óla, '**Alí íbn Abî Tâlib** "radiy Allâhú ta'âlâ ánh".

Hâdrát Hasan íbn 'Alí 'radiy-Allâhú ta'âlâ 'anhúm'^[2] híba'r baade Khalífa boinné. Hadís caríf'ót hoiyé'dé Khalífa'giri'r tirić bosór híba're lói fura óil. Híba'r baade, ebbe wor'or topkar manúc óildé, Rasûlullah "aláihissalám"ór suk'ór foór, Házzát Husayn íbn 'Alí 'radiy-Allâhu taálá 'anhum'.

Barík'giri' iín, tará beec beec hamaáil'dé sawâb mozin óoil'dé; Islâm Dórmó'lla tará'r nizor dec, nizor adojja ókkól lói sirá ói'giíl'gói; onnyo zon'or age Musólmán boinniíl; tará're nizoré nize Rasûlullah "aláihissalám"ór torika adde súnná lói beggún'óttú aró háćé'fan gorí soil'liíl; híbar Dórmó fóilái'ballá meénnót gojjííl; ar kuféri, fítná áddé hóráfi'ttu basi táikkíil.

[1] Rasûlullah "aláihissalám"é nizor nubuwwá fai'bar age, bút fuñza gojjííl bólí tháaré'dé áddé leké'dé manúc híin, hondilla niróc ar hoddúur be elómí'dé híyan Abû Bakr ás-Siddiq "radiy-Allâhú ta'âlâ ánh"ór babute hotá iín'óttú, yaa buzí fari'bó.

[2] Hasan bin Ali're, cón [669 A.D]'t, Medina-i Munawwara't bic di marí félaáil.

Házzrát Abû Bakr “radiy-Allâhú ‘anh”ré no dórí’lé, Hózzrát “Alí ‘rady-Allâhú ánh”é, onnyo beggún’ór age Islâm Dórmó kobul gojjííl. Hálí, híba uggwá gura fuwa accííl ar híba’ttú honó dón cómbóttí no accííl, ar híba Rasûlullah “aláihíssalám”ór górótt tákí híbar kérmós gojjííl’dé hétólla, híbar Islâm kobul gorá, Kafér ókkól’é híba’r fisálí dórí Islâm Dórmó kobul gorí’bállá (ar noói’lé) tará’ré hónçái’bar zoriya nóo bóné. Ar ek dhák’óttú, onnyo Khalífá tiniwá’r Islâm kobul gorá’yé Islâm Dórmó’ré doró gojjé. Házzrát ‘Alí áddé híba’r fuwain “radiy-Allâhú taálá ‘anhúm’ tará, Rasûlullah “aláihíssalám”ór borkottya lou’wór ebbe cúddór egena accííl’dé hétólla, hitará’ré Házzrát Abû Bakr adde Házzrát Umar tará’ttú aró wor’or topkar boli hoói farílé’yó, tará’r barík’gírí híyan honó sairó mikkyá’r barík’gírí accííl’dé noó, ar tará híyan loí honó barík hásti iin’óre foitto mikkyá’ttú báráail’dé noó. Híyan, Khindir “aláihíssalám”é Mûsâ “aláihíssalám”óre ho ekkán cis cikaáil’dé híyan loi ekkui dhooilla ói’yé.^[1] Házzrát **Fâtima** Házzrát **Khadîja** áddé Házzrát **‘Áica** “radiy-Allâhu taálá ‘anhunna”ttú aró woror topka’r accííl, híba lou’wór isáfé Nabi sááf lói beec dhákór accííl’dé hétólla. Hálí ek kisimmyá barík’gírí’yé sairó dhákór barík’gírí no dahá. E tiní zon’or búttóttú honnwá ebbe uñsol topkar hoó’dé híyan’ót Islâm Dórmó’r álim ókkól’é hoiyé’dé híin ekzon’orgín ar ekzon’or’gín lói no bone. Hadîs carîf’óttú buzí fajjî’dé mozin, e tiní zón, Hâzzrát **Maryam** adde Fir-Óun’or bibi, Házzrát **Âsiya** tará óildé duniyai’r maiya fuwain’dór búttó’ttú ebbe uñsol topkar fañs zon. Hadîs carîf’ót “**Fâtima óildé Biyossó’r maiya fuwain’dór soddár, ar Hasan áddé Husayn óildé Biyossó’r hoicca ókkól’ór soddár,**” hoói asé’dé híin baná ek kisim’ór barík’gírí’r úzú icará gojjjédé.

Sahâbat ál-kirâm (Nabi’r Fúwáñtí Tákóiyá Ókkól’)ór búttóttú híyá’r baador ebbe uñsol topka’rgín óildé, **ál-‘Acarat ál-Mubaccara**, Biyossó’r [zai’bar] kúci’r hóbór boccíc faáil’dé manúc doc’ózón. Tará’r baade, ebbe uñsol topka’r Musólmán’gín óildé Musólmán tin có teró (313) zón zi’tará Badr’ór Larái’t híssá loóil.

[1] Ossé lou’wór eganouti óón’nán barík’gírí’r ek’gúillyá corót ói’tó, Házzrát ‘Abbâs’óre Házzrát ‘Alí’ttú aró wor’or topkar mana foitto. Aró, lou’wór isáfé bicí dhák’ór accííl’dé, Abû Tâlib adde Abû Lahab tará, ebbe niróc imân’dár’ór topka úddá nóo fá.

Híyár baadór'gín óildé, Uhúd'ór Larái't híssá loóil'dé baádúr Musólmán hánt cót (700). Tará'r baador'gín óildé, **Bí'at ar Ridwân**, Rasûlullah'r hañsé, gas tala, baait óoildé Musólmán soiddó cót (1400) zón.

Sahâbat ál-kirâm “radiy-Allâhu taálá ‘anhúm ajma’in” ókkól'é Rasûlullah “sállAllâhú a'lâihí wasállám”óllá tará'r nizor jan adde mal kurbaní gorí híba'r é modot gojjé. Aáñrá'ttú hí'tará honó ek zon'or nam, izzot kodor adde ador'or sáñté dórá fori'bó (wâjib). Tará'r barík'gírí homa'de héndillá lofzó ókkól, honó ottó't hoi'bár ezin náí. Tará'r nam, be adofi gorí dórón'nan gumráyí.

Rasûlullah “alâihíssalâm”óré ador goróiyá'ttú híba'r Sahâbat ál-kirâm beggún'óré'yó ador gorá fori'bó. Hadís caríf uggwá't asé'dé: **“Ze honó uggwá mancé mor Sahâbat ál-kirâm'óré ador goré'dé hûn, híba'yé moré ador goré'dé hétóllá. Tará'r é ador no goré'dé híba'yé moré ador no goré. Tará'r é duk de'dé híba'yé moré duk de'de. Ar moré duk de'de híba'yé Allâhú ta'âlâ'r é duk de'de. Allâhú ta'âlâ'r é duk de'de híba'yé hámaká toziya fai'bo.”** Ar uggwá hadís caríf'ot, híba'yé hoiyé'dé: **“Allâhú ta'âlâ'ttú mor honó uggwá ummat'óré rahámót gorí'tó mone hoilé, híba'r mon'ot, mor Sahâbat ál-kirâm'ór ador gólái'dé, tói híba'yé tará'r é bici ador goré.”**

Hétólla, Sahâbat ál-kirâm ókkól'é Khalîfa ói'bállá (ar noói'lé) tará'r nizor nizor hóráf báfáná áddé mono'r iccá ókkól fura gorí'bállá, ek zon loi ek zon hoijja dífl bóli no thááron saá. Tará Rasûlullah “sállAllâhú a'lâihí wasállám” házér accíil'dé boiçók ókkól'ót boói'yóré híba'r borkottya hotá ókkól fúní fúní tará'r mon'ottú, háñsórót, topka'r azzu adde duniyai'r hof, ín furussaf sáf gorí féláil'dé hétólla, héndillá tháar'íyóré tará'r babúte hóráf hotá hoón'nán nac ói'za'gói'dé héndillá munaféki. Tará'r é sóyi gorí'dí baade tará lalós, azzu, kena adde hóráf hássá keccú-sará ói'giíl'gói; tará furussaf paksáf ói'giíl'gói. Barik Nabi'r Umma'r honó uggwá Buzurgó'r boi'çók'ót, ho ek din boi'lé, Buzurgó'wá'r cúndór cúndór hásolót áddé hásiyót ókkól'óttú fááidá fai'yóré, duniyair azzu ókkól'óttú paksáf ói'za'gói'dé híyan'óré báfi sai'lé, Rasûlullah'r é onnyo zon'ottú aró bici ador gojjíil'dé, ar híba'llá

tará'r mal adde jan kurbani diíl'dé, ar híba'llá nizor dec eri diíl'dé, ar tará híba'r fúwáñtí táká nizor ruú'r geza ísáfé bicí fosón gorí'tó'dé Nabi'r Sahâbát ál-kirâm, aáñrá'r ustad ókkól iín'óttú hóráf adot accííl, tará'r mon sáf no accííl, ar tará fáná ói'zaibo'gói'dé tooitta duniyai yaán'óllá hojja gojjííl'dé héen keén gorí ói'fari'bó? Barík barík manúc híin, sóyi sóyi foitto zon'óttú aró bicí paksáf accííl. Tará tará óoil'dé nobona adde hojja ókkól'óre, aáñrá, ku-sukkyá mancór mamala ókkól lói borabojja gorón (ar noói'lé) tará nizor nizor hóráf hóráf mon'or iccá addé duniyai' azzu ókkól fura gorí'bálla hojja bazááil hoón'nán, na insáfi ói'bó. Sahâbát ál-kirâm ókkól'ór babute héndíllá niróc báfáná ókkól foida gorí'bár ezin náí. Tará'r ulda hoóiyá ókkól'óttú, Sahâbát ál-kirâm'ór lói be addofi gorón'nán, Rasûlullah "sállAlláhu a'láihí wasállám" lói be addofi gorá, ar tará'r babute hóráf hoón maání, tará're elóm addé cikkatá diíl'dé híba'r babute hóráf howá lói ekkui'de híyan zani rakón saá. Hétólla, Islâm Dórmó'r boro ókkól'é hoó'dé, Sahâbát ál-kirâm'óllá izzot no táká áddé tará'r barík'gírí're no manon maání, Alláhu ta'álâ'r Nabi're inkar gorá. "Jamal" addé "Siffín" larái'gín'ór uzu saái tará'r bonnai gorí no farí'bó. Dórmó'r lain'or hodún hodún uzór ókkól mozin sai'lé, larái híin'ót Házzát Alí'r ulda tíyaáil'dé Sahâbát ál-kirâm'óttú ek zon'ó hóráf no accííl; aró tará Kiyamot'or Dín boccíc fai'bar laikkyá accííl'dé. Hadís uggwá't asédé: **"Goltí'r sáñté goré'dé mujtahid'óre ekkán sawâb, ar sóyi gorí goré'dé híba're dui'yán (ar noói'lé) doc'cán sawâb di'bo. Sawâb dunígín'óttú ek'gín óil'dé ijti'hâd gorá'llá. Ar ek'gín óil'dé sóyi'gán tuwai dórá'lla."** Islâm Dórmó'r barík barík manúc iín'ór mazé óoil'dé anbon adde hojjá ókkól iín zit adde guccá'llá óoil'dé noó, tará'r [forók forók] ijti'hâd ókkól'óllá áddé Islâm Dórmó't hókúm gojjé'dé híin gorí'bár moncá'ttú óoil'dé. Sahâbát ál-kirâm ókkól foitto ek zon uggwá uggwá mujtahid accííl.^[1]

Foitto uggwá mujtahid'óttú nizor nizor ijti'hâd lói fáail'dé ahérí fáisálá mozin ham gorón'nán fárd, híba'r ijti'hâd híin, híba'ttú aró bicí uñsol topka'r mujtahid'ór'gín lói nobone'de ói'lé úddá

[1] Mesál, álHadîqa'r sábbá 298't, hadís carít'ót, 'Amr ibn ál-'Âs "radiy-Alláhu taála ánh" uggwá mujtahid accííl bóli hoí'yé.

óggói. Híba'ttú ar ek zon'or ijthâd mozin soli'bár ezin no accííl. (150 A.H [767])'ót, Bagdad'ot entekal óiyé)'dé Ál-Imâm ál-ázam Abû Hanîfa Nu'mân ibn Sâbit'ór cágíríd, Abû Yûsuf addé Muhámmád ác-Caibânî, áddé (204 [820 A.D.])'t, Ijíp'ót entekal óiyé)'dé Imâm Muhámmád ibn Idrîs ác-Câfi'i'r cágíríd, Abû Sáur áddé Icmâ'il ál-Muzanî tará, booút mamala ókkól'ót, tará'r ustad ókkól ói razi nóo óoil'dé asé. Tará'r ustad ókkól'é '**harâm**' (maná) hoóil'dé cis hodún, tará '**halâl**' (jaez) hoi'yé ar tará'r ustad ókkól'é 'halâl' hoóil'dé hodún, tará 'harâm' hoi'yé. Híin'ót tará'ré guná'gár (noói'lé) hóráf hoói no fari'bó. Héndíllá kiyé nóo hoó, tará'yó tará'r ustad ókkól'ór dóíllá mujtahid accííl'dé.

Házzrát 'Alî "radiy-Allâhú taálá ánh" óíldé Házzrát Mu'âwiya adde Házzrát Ámr ibn ál-'Âs "radiy-Allâhu taálá 'anhumâ" tará'ttú aró uñsol topkar adde bicí cíkkatá-ólá accííl. Híba tará'ttú aró háas accííl, híba'ttú barík barík hásiyót ókkól bicí accííl, ar híba'r ijthâd, tará'r ijthâd ókkól'óttú aró taakot-ola adde doró accííl. Héen ói'lé'yó, Sahâbât ál-kirâm beggún mujtahid accííl'dé hétólla, uitará duní zon'óttú dórmó'r bódhdha sóddár, híba'r ijthâd mozin ham gori'bállá, ezin no accííl. Tará'ttú tará'r nizor nizor ijthâd mozin ham gorón'nán bicí dorhari accííl.

Súwál: "'Jamal' áddé 'Siffín' larái'gín'ót, Sahâbât ál-kirâm ókkól'ór bútórtú becé bicí Muhâjirûn áddé Ansâr ókkól'é Hózzrát 'Alî'r fúwâñti híssá loi'yoré híba'rgín man'nííl. Tará beggún mujtahid accííl'dé ói'lé'yó, híba'rgín manon'nán, tará wâjib bujjííl. Híyan'óttú dahá zar'de, mujtahid ókkól'óttú'yó, Házzrát 'Alî'rgín manon'nán wâjib accííl. Tara'r ijthâd, híba'rgín lói no boni'lé úddá, tará'ttú híba'rgín mozin gorá foitto, no foitto níki?"

Juwaf: Házzrát 'Alî'rgín mani'yóré, híba'r hé dhakó'ttú larái gojjííl'dé Musólmán ókkól'é híba'r ijthâd mozin gojjé'dé ísáfé híba'r lói uggwá óoil'dé noó, tará'r ijthâd híba'r ijthâd loi bonnííl ar híyan'óttú imâm 'Alî'rgín manon'nán wâjib'de híyan dahá'giíl'dé hétólla. Héndíllá, Nabî'r becé bicí namedhak namedhak Sáhabá ókkól'ór ijthâd, Házzrát 'Alî'rgín lói nóo bóné, tói, tará'ttú híba'r ulda larái gorón'nán wâjib ói'giíl'gói. Híyá, Sahâbât ál-kirâm ókkól'ór ijthâd tin dooilla ói'giíl'gói: Tará'r

bútó'ttú hodún'é, Házhrát 'Alî sóyi accííl, ar tará'ttú Házhrát 'Alî'rgín manon'nán dorhari óoil bóli bujjííl; ar ek dhaái'yé Házhrát 'Alî'r loi bajjé'dé hitára'r ijtiḥād sóyi accííl, tói, tará Házhrát 'Alî'r loi bajjé'dé hitára'rgín mani'yoré Házhrát 'Alî'r loi larái gorón'nán wâjib óoil'dé dikkííl; tin lombór'ór dhaái'wá'yé, ek dhák'ór'gín'ó no mani'yoré, hojja no gorón'nán dorhari óoil hoi'yé, tói tará'r ijtiḥād mozin tará'ttú larái'wá't híssá no lowa foijjé. Hé dhaái tiní'wá, beggún, gom gom sóyi accííl, ar Ahérót'ót sawâb fai'bar laikkyá accííl.

Súwál: “[Wor'or] Juwaf'fán'óttú, Házhrát 'Alî “radiy-Allâhu taálá ‘anh”ór ulda larái gojjííl'dé hitára'yó sóyi accííl'dé dahá zar. Ar ek dhák'óttú, Áhl-ás-Súnná'r âlim ókkól'é hoi'yé'dé Házhrát 'Alî sóyi accííl, híba'r ulda'gín golot accííl, ar tará'ttú uzór accííl'dé hétolla tára maf gorí di'bar laikkyá accííl ar tará sawâb uddá fai'yé. Híyan'ór babute ki hoói farí'bó?”

Juwaf: Islâm Dórmó'r bódhdha bódhdhá hástí, Ál-Imâm ác-Câfi'î áddé 'Umar ibn Ábd al-'Aziz, duní zón'é hoi'yé'dé, Sahâbat ál-kirâm ókkól'ór bútóttú hónó ek zon'or babute úddá 'golot' hoó'dé lofzó'wá estemal gorí'bár ezin náí. Hétolla írí: “Boro ókkól'ór babute 'golot' hoón'nán golot.” Hoi'yé'dé. Nisor topkar'gín'óttú tará'r boro ókkól'ór babute “Híba'yé sóyi gojjé.”, “Híbayé golot gojjé.”, “Aáñrá híba'rgín mani.”, (ar noof'lé) “Aáñrá híba'rgín no mani.” héndíllá héndíllá hotá ókkól hoi'bár ezin náí. Zendilla, Allâhú ta'âlâ'yé boro boro hásti híin'ór lou aáñrá'r át'ot bórí'to noó'dé, hén'díllá, aáñrá'ttú'yó aáñrá'r gal ókkól'óre 'insáf-ólá' áddé 'be-insáf'fya' hoó'dé héndíllá héndíllá tará'r ulda hotá ókkól howá'ttú basai rakón saá. Sábút ókkól áddé mamala'gín taákík gojjé'dé ahol buddy-ólá âlim'gíné Imâm 'Alî sóyi accííl ar híba'r ulda'gín'óttú golti ôi'yé hoóíl'dé, híin'ór maání'yó, hoi'tó sai'lé, ossé Házhrát 'Alî'ye o dhák'ór'gín lói biyasana gorí'bár mouka fai'to, híba'yé tará're híba'r ijtiḥád'ór dhóíllá gorí ijtiḥād gorí'tó dahái di'to. Hoi'tó sailé, larái 'Jamal'ót, Házhrát Zubair ibn Awwâm, Házhrát 'Alî'r ulda accííl, hálí murhai taákík gorí sóyi loot fai baade, híba'yé híba'r ijtiḥād bodoli'yoré, larái gorá bon gojjííl. Golti híyan jayez mane'de Áhl ás-Súnná'r âlim ókkól'ór hotá'gín'ó, óde ódé héndíllá gorí buzá fori'bó. Tói, Házhrát 'Alî

áddé híba'r fúwáñti accííl'dé híin sóyi rassa't accííl ar aáñrá'r maa 'Á'icat ás-Siddîqa'r fúwáñti o dhaái'yót accííl'dé onnyo Sahâbât ál-kirâm golot rassá't accííl, héndíllá hoi'bá'r ezin náí.

Sahâbât ál-kirâm ókkól'ór mazé óoil'dé hojja-haçi híin, Ahkâm ác-Car'íyya (Islâm Dórmó'r Usól)ór dhéiñlá ókkól'ót accííl'dé ijtiḥâd forók ówá'r zoriya. Tará'ttú Islâm Dórmó't hámahá lage'de dorhari cis ókkól'ór babute honó anbon no accííl. Yaa, hodún hodún mancé Háizrát Mu'awiya adde Háizrát Ámr íbn ál-Âs “radiy-Alláhu taála ‘anhumâ” tará'r dhóilla Islâm Dórmó'r boro boro hásti ókkól'ór babute hóráf áddé be-adoffya hotá ókkól hoó. Tará, Sahâbât ál-kirâm ókkól'ór bonnai goré'rdé híin, Rasûlullah “sállAlláhu taála a'láihí wasállám”ór bonnai adde be-izzoti goré'r fán ór'dé híyan, tará étí no faré'r. **Cifâ' ác-cerîf'**ót Imâm Mâlik íbn Enes'é hoi'yé hoói lekkyé'de: “Mu'âwiya^[1] adde Ámr íbn al-Âs^[2] tará're galali goré'dé, tará'r bonnai goré'dé manúc híba nizebaze tará'r ulda hoó'dé lofzó híin'ór laikkyá. Tará'r ulda hoó'dé, leké'dé ar tará'r be-adoffi goré'dé hitára're dorómoró cáñza doon'nán dorhari. Alláhu ta'âlâ'yé Nizor Adojja Rasûl'ór Sahâbât ál-kirâm'óllá aáñrá'r dil'ot ador bórí dóúk! Barík barík hásti híin'óre, dindar adde Allâh'r dhor asé'dé Musólmán ókkól'é ador goré'dé, munâfiq áddé guná'gár mancé noó.

Rasûlullah “sállAlláhu taála a'láihí wasállám”ór Sahâbât ál-kirâm'ór kimot adde barík'girí buzí, tará're ador adde izzot gorí'yóre, tará'rgín mane'de manúc ókkól'óre **Áhl ás-Súnná** hoó. Tará'r bútóttú, hodún'óre ador goré, onnyo'gín'óre na fosón goré, hétólla beecbák'ór bonnai goré hoó'dé hitára áddé tará'r butóttu kiyór'gín no mane'de híin'óre **Cí'áit** hoó. Iran, Indhíá áddé Iraq'ot Cí'át bicí asé. Turki't ek zon'ó náí. Híin'óttú hodún'é Turki'r sóyi Musólmán ‘Alawí’ ókkól'óre bóñr di'ballá, tará're tará ‘Alawí’ dhake. Híyán'ór maání óildé Háizrát ‘Alí're ador goré'dé Musólmán. Honó ek zon'óre ador gorí'lé, híba'r torika mozin solon, ar híba'yé ador goré'dé hitára're ador gorón'nán hámahá

[1] Háizrát Muâwiya bín Abû Sufyân Híjrí 60 [680 A.D.]'t, Damascus'ót entekal ói'ye.

[2] Ámr íbn al-Âs Híjrí 43 [663 A.D.]'t, Ijíp'ót entekal ói'ye.

dorhari ó; tará Házárt ‘Alí “radiy-Alláhu taála ‘anh”óre ador gorí’tó, tará híba’r torika mozin soli’tó. Híba’yé Nabi’r Sahâbat ál-kirâm beggún’óre ador gojjé. Híba, híba’ré ocántí’r hotá buzái’tó’dé dui lómbór’ór Khalífa, Házárt ‘Umar’ór uggwá buddí dooíya accífl. Híba’yé híba áddé Házárt Fâtima’r zíí Umm Ghultum’óre Házárt ‘Umar’óre biyá diyé. Uggwá khútba’t, híba’yé Házárt Mu’âwiya’r babute hoiyé’dé: “Aáñrá’r sáañtí ókkól aáñrá’r lói no bone’r. Toó, tará kafér (ar noói’lé) guná’gár noó. Tará’r ijtiḥād mozin tará héen gorér’dé.” Híba’r ulda larái gorá’t cóhíd óoil’dé Házárt Talhá “radiy-Alláhu taála ‘anh”ór moot’or baade, híba’yé nizebaze híba’r mukó’ttú duíl sáf gorí’yóré imâm boni híba’r jonoza forái’yé. Alláhu ta’âlâ’yé elan goré’dé: “Imândár ókkól báiyain.” Sûrat ál-Fat-h’ór ahéri âyat-i-keríma’t, Híba’yé elan goré’r: “**Nabi’r Sahâbat ál-kirâm ek zon’óre ek zon’e ador goré.**” Nabi’r Sahâbat ál-kirâm’ór bútóttú baná ek zon’ollá ador rakóón’nán uddá, (ar noói’lé) ebbe hórâffan, híba’llá guccá dahón’nán maání, Kur’ân ál-Karím no manon. Áhl ás-Súnná’r âlim ókkól’é Sahâbat ál-kirâm “radiy-Alláhu ta’âlâ’ ‘anhum ajma’in” ókkól’ór barík’giri’ré sóyi gorí buzí’yóré, tará beggún’óre ador gorí’bállá Musólmán ókkól’óre hókúm gojjé. Héen gorí Musólmán ókkól’óre hótórá’ttú basai loi’yé.

Súnní Musólmán ókkól’ór ebbe adoíja boro boro hástí ókkól, Házárt ‘Alí “radiy-Alláhu taála ánh” áddé híba’r futáin, nosól’óre dekí no farí’yóré guccá daháil’dé manúc ókkól’óre **Khawârij** hoi’tó. Yaa híin’óre **Yazîdí** hoó. Tará’r mane’de biccáci usól ókkól bici hórâf’dé hétólla, tará’ttú Islâm Dórmó lói taalukot ebbe náí’fan ói’gí’yé’gói.

Wahhâbí ókkól’é Sahâbat-ál-kirâm beggún’óre ador goré bóli hoói hoói, borkottya manúc híin’ór’gín honó mane’dé noó, Sahâbat ál-kirâm’ór nam bazá dí tará’r nízor gumráh rassa mozin sole’de. Híin’é Áhl-ás-Súnná’r álim ókkól, boro boro súfi áddé ‘Alawí ókkól’óre fosón no goré, ar tará beggún’ór bonnai goré. Baná tará’ré tará Musólmán bóli tháaré’dé. Tará’r dóillá noó’dé mancó’ré ‘círík goróya’ hoói’yóré héndíllá manc’ór jan adde mal harí loi fêlón’nán tará’llá halâl hoó. Hétólla, tará **Ibâhí** ói za’gói. Tará Kur’ân ál-Karím áddé Hadís caríf ókkól’óttú golot adde forók

forók maání ókkól thani loi baná híin'óre Islâm Dórmó bólí tháaré. Tará adillat ác-Car'íyyá áddé hadís caríf beecbák no mane. Mázháb sair'ówá'r bódhdha bódhdhá âlim ókkól'é saábút fónná loi bici kitaf ókkól'ót lekkyé'de; Áhl ás-Súnná'r lói no bone'de hítára gumráh ói alok ói'yé, ar tará Islâm Dórmó'lla bici hání goré.^[1]

Eyyûb Sabrî Paca “rahimah-Allâhu ta'âlâ”yé hoiiyé'dé: “Wahhâbi'gírí Híjrí 1205 [1791 A.D.]’t (Arabian Peninsula) Beecbák Faní loi gírjá Arab Dec'gín'ót lói solaiyé'dé kúnákúní, toziya-ola, dhor lage'de (bagawat) hojja fozzat'óttú foida ói'yé.” Kitaf lekí lekí Wahhâbi'gírí áddé Mázháb-no-mana duniyai't fóilái'ballá kucíc gojjíí'ldé híin'ór búttóttú Ijíp'ór Muhámmád ‘Abduh'yó accííl. Síyasót'ór dol “Ettefákí Áddé Unnoti” nam'or Pathi)r ottó't, ‘Abduh'r kitaf ókkól'óre Turki hotá't maání bânghi híin'óre “Islâm Dórmó'r boro âlim, aholbon buddy-ólá, namedhak bodoloiya, ‘Abduh'r kitaf ísáfé” hoicca ókk'ól'óre diyé.” Héen

[1] Aró zora zora gorí hóbórbáttírí fai'ballá, meérbání gorí Ingirazi't lekkyé'dé **Advice for the Muslim (Musólmán'óllá Buddi)** áddé **Endless Bliss (O-fúrání Kuci)**, híssá só, Arabi't lekkyé'dé **ál-Mínhat ál-wahbiyya fi-r-raddi-I-Wahhâbiyya, át-Tawassuli bi-n-Nabî wa jahâlat-I-Wahhâbiyyîn** áddé **Sebíl-un-nejât**, ar Fârsi't lekkyé'dé **Seif ál-abrâr** héndíllá héndíllá aânra'r kitaf ókkól foró. Áhl ál-bid'a ókkól golot sábut gorí'ballá lekkyé'dé kimoti kimoti kitaf iín Istanbul'ót asé'dé kitaf gó, Hakíkat Kitâbevi'ttú sábai niyalai'yé'dé. Híjrí 1252 [1836 A.D.]’t, Damáskás'ót entekal óiyé'dé Muhámmád Emin Íbni ‘Ábidin'é lekkyé'dé **Radd ál-muhtâr**'ór (híssá tin, “Bâghí”r babute síyará't) áddé Turki hotá't lekkyé'dé **Ni'met-i Islâm**'ór (“Nikâh”r síyará't), kitaf duniwá't Wahhâbi ókkól Ibâhí'dé híyan sáf gorí lekkyé. Sultân ‘Ábd al-Hamîd Khân (II)'or hókúmót'ór ottó'r Faní'r Fóús'ór Jenérél, [1308 A.H. (1890)'ót mara giyé]’dé Eyyûb Sabri Pasha'yé Turki hotá't lekkyé'dé nizor kitaf **Mir'ât ál-Haramain and Târikh-I Wahhâbiyyûn**'ót, ar Ahmed Cevdet Paca'yé Turki hotá't lekkyé'dé nizor kitaf **Ottoman History (Usman'or Ícthírí)**'r híssá háñt'ót Wahhâbi ókkól'ór babute zora zora hóbórbáttírí ókkól di'yé. Yûsûf ánNebhâní'yé'yó Arabi't lekkyé'dé nizor kitaf **Cawâhid al-haqq** (3rd ed. Kairo 1385/1965)'ót Wahhâbi ókkól áddé ibn Taymíyyá tará're lambácuça gorí golot sábut gorí dahá'yé. Híba'r kitaf'or fonzac (50) sabbá, Arabi't lekkyé'dé **‘Ulamâ-ál-Muslimîn wa Wahhâbiyyûn** (Istanbul, 1972)'ót gorí ar ek bar niyalai'yé.

óilé'yo, 'Abduh'yé 'Kairo cóor'ór Mason Lodge'ór sóddár, freemason (1314 A.H [1897 A.D.])'ót mara giyé'dé) Jamâl ád-dîn ál-Afghânî'ré bící fosón gorí'tó'dé híyan aamfáng gorí lekkííl. Islâm Dórmó'r boro boro âlim kúwalái kúwalái Âlh ás-Súnná (hoó'dé sóyi torika) dónco gorí'yó'ré Islâm Dórmó fáná gorí'tó luki tákí hámálá gorí'bállá cíyá'r dorí táké'dé Islâm Dórmó'r ducmon ókkól'é nizor'gín nize dindar mancór sónná dórí, ót no fa'fán bútoré butóré fitná yaán uskai diyé. 'Abduh'ré tarif gorí'té gorí'té asmano't tulí diíl. Âhl ás-súnná'r boro boro âlim ókkól addé a'immat ál-madhâhib (Mázháb'ór Imâm) be'elómi hoói elan gojjííl. Tará'r nam ar no úddá dórí'to. Rasûlullah "sállAlláhu taálá a'láihí wasállám"óllá addé Islâm Dórmó'llá nizor nizor foran, zindegí kurbani gojjííl'dé aáñrá'r agor agor manúc ókkól'ór paksáf áddé izzottya silsilá ókkól, aáñrá'r cohít ókkól'ór fut zí'yáin'dé milíyén milíyén pound thiyañ hóssá gorí'yóré banai banai noói'yá kembás ókkól'ór búlabuthkí't nóo fóré. Tará 'Islâm Dórmó'r baádúr' kúwalóiyá híin'ór hotá mani nóo ló, nóo uddá fúné. Alláhu ta'âlâ'yé cohít ókkól'ór fuwain'dóré hótórâ hótórâ hámálá iín'óttú basai raikké. Yaa, Mawdûdî^[1], Sayyid Qutb^[2], Teblîgh-i-jamâ'at áddé Hamidullah tará'r dóíllá lâ-MadhabI mancór maání báinggyá kitaf ókkól hoicca ókkól'óre zañser. Híin'ót Âhl ás-Súnná âlim ókkól'ór hótá lói no bone'de gumráh hotá ókkól asé ar híin'óre be niyom'or bicí thiyañ hóssá gorí'yóré hâñzái hánggám gorí kembás dér. Aáñrá'ttú nitti úncíyár ówá fori'bó. Alláhu ta'âlâ'yé Musólmán ókkól'óre Nizor Adojja Nabi Muhámmád "aláihíssalám"ór meérbáni no síná'ttú seton gorí dóuk! Aáñrá'ré ducmon ókkól'ór misá hotá áddé bodnai gorá ókkól'ór dúka háá'ttú sóoñlóuk! Âmin. Aáñrá'ttú baná duwa gorí magi magi nizoré nize bóoñr no doon saá! Alláhu ta'âlâ'r (Kaanun) 'Âdat al-ilâhiyya mozin sola-sará, meénnót no gorí (noói'lé) fai'bar rassa no dórí'yóré, duwa magon'nán Alláhu ta'âlâ'ttú mújiza magon'or dóíllá ói'bó. Musólmán'óttú meénnót gorá áddé duwa maga duní'yán gorón saá. Aáñrá'ttú foóilá'r cúru't fai'bar rassa dórí, tói baade duwa magon saá. Kuféri'ttú hári fari'bár foóilár cúru'r rassa'gán óíldé, Islâm

[1] Moudûdî óíldé Indhíá'r Jamâ'atul Islâmiyya hoó'dé dhaái'yór baani. Híiba Híjri 1399't mara gi'yé.

[2] Sayyid Qutb'óre Híjrit 1386 [1966 A.D.], Ijíp'ót fâñci di'yé.

Dórmó cíki cíki gorón. Sóyí'gán óildé, Áhl ás-Súnna'r biccác gorá fore'de dorhari cis ókkól áddé Islâm Dórmó't gorí'bár áddé no gorí'bár cis ókkól, cíki loon'nán óildé morod, maiya foitto zon'ollá osól zimma, fárd. Yaa, cis híin cíki loi'te ebbe aásán. Islâm Dórmó'r sóyi kitaf ókkól lekí'yoré sábai niyalai'bár azadi asé'dé hétolla. Musólmán ókkól'oré héndillá azadi diyé'dé dec'oré foitto uggwá Musólmán'óttú bol doon saá.

Áhl ás-Súnná'r biccác gorá fore'de dorhari cis ókkól áddé cíkkatá (ílm ál-hâl) ókkól cíki loi'yoré híin nizor nizor fut ziyáin'doré cikai no de'de manúc ókkól, Islâm Dórmó'ttú rassa golot gorí kuféri'r gañrá't fori'bá'r hótórá asé. Héndillá mancór ibâda kobul no goré. Tói, tará nizoré nize kuféri'ttú keén gorí sóoñlí'bó? Rasûlullah “sállAlláhu taálá a'láihí wasállám”é hoiyé: **“Elóm táké'dé héce Islâm Dórmó táké. Elóm no táké'dé héce Islâm Dórmó no táké.”** Búk'e áddé tirác'é no more'fán, háá fíyá hámaká gorá fore'de héndillá, kafér ókkól'óttú dúka hái'yoré imân hárái no félá'fán, aañrá'ttú hámaká aañrá'r dórmó cíki lowa fore. Aañrá'r agor agor manúc ókkól'é gónó gonó dola ói ói ‘ilm ál-hâl kitaf ókkól fojjé, tói tará Islâm Dórmó lói kucí ói Musólmán basi táikké'dé. Kúci'r foór híyan tará aañrá'ré sóyi gorí át faldai diyé. Hétolla, basi asé'dé Musólmán ókkól áddé aañrá'r fut ziyáin'doré bütórór (noói'lé) baárór ducmon ókkól'ór áto't dórá no há'fán, foólá'r cúru'r áddé ebbe dorhari, agori basi tákí'bár rassa'gán óil'dé Áhl ás-Súnná'r âlim ókkól'é banai'yé'dé ‘ilm al-hâl kitaf ókkól forí'yoré demag'ot gólái loon. Nizor fuwa'ré Musólmán ówá báit'ó saá'dé bafma ókkól'óttú híba'ré uggwá ustad'or héce difeçái'yoré tík góri Kur'ân ál-Karîm forá cika'boon saá. Aañrá'ttú mouka asé'dé ottó't, aiyó aañrá forí, cíki ar aañrá'r fuwain adde aañrá'ttú zimma asé'dé hitára'ré cikai dí. Tará'ttú maktab modorósá't za'de ottó't, Kur'an forá duk ói zai'bo'gói, ar forí no uddá fari'bó. Borbad zai'gói baade afsús gorí hañdon'nán behazor ói'bó. Aañrá'ttú Islâm Dórmó'r dusmon ókkól, tará'r dúká-ólá, golot golot kitaf, hóbóri habos, magazin, TV adde redhiyu'r bondus, fíling áddé wéb saith ókkól'oré biccác no gorá fori'bó. Íbn ‘Âbidîn “rahimah-Alláhu ta'âlâ”yé [**Radd almuhtâr**] híssá tin'ot lekkyé'dé, nize honó uggwá dórmó no mane, hálí Musólmán kúwalái kúwalái Islâm Dórmó'r cíkkatá der'fán gorí gorí kuféri

ówábá'dé cis ókkól cíkaiyóré Musólmán ókkól'óre golot rassa báí solai Islâm Dórmó'ttú baáir gori fêlai'bállá dorómóró kucíc goré'dé hítára're **zindiq** hoó.]

Súwál: “Tará'r hóráf hóráf kitaf'or dui-bácá gojjá kitaf ókkól foré'dé mancé hoó'dé:

‘Aáñrá'ttú Kur'ân ál-Karîm'ór tafsîr (kúli buzái'diya ókkól) forón saá. Aáñrá'r dórmó áddé Kur'ân ál-Karîm cíki loi'bar ham'mán dórmó'r âlim ókkól'óre gosái doon'nán óildé ekkán hótórâ áddé dhor'or báfánâ. Kuran córif'ót, “Ó Dórmó'r Âlim ókkól.” hoói náí, “Ó Musólmán ókkól.” áddé “Ó Moniccó.” hoói'yóré asé'dé. Hétólla, foitto uggwá Musólmán'óttú Kuran córif nizebaze buzí faron saá, ar onnyo zon'or átâ buzái loi'bar acá no gorón saá.”

“Manúc híba'yé foitto zon'óre tafsîr adde hadîs'ór kitaf ókkól forái'tó saár. Híba'yé Islâm Dórmó'r âlim ókkól áddé Áhl ás-Súnnâ'r boro boro âlim ókkól'é lekkyé'dé kalâm, fîqh áddé ilm ál-hâl'ór kitaf ókkól forí'tó hoór'dé noó. Dórmó'r Mamala'r Táná'r Cííf Ofís'óttú (sábái niyalai'yé'dé lombór 157; 1394/1974) loi niyalaáil'dé Racid Ridâ^[1]r kitaf **Islâmda Birlik ve Fikh Mezhebleri**'t foróiyâ ókkól'óre bicí kerenghal'ot fêlaiyé. Híba'r sábbâ ókkól'ót áddé háás góri “Só lómbor'ór Hotâ howá howí't asé'dé:

‘Tarâ [Mázhab sairó'wá'ttú honó uggwá manoi'ya, muqallid ókkól'é] mujtahid imâm ókkól'óre tarif gori tuil'té tuil'té nabi'r topka't loi gi'yé'gói. Tarâ Nabi'r hadîs carîf lói no bone'de héndíllâ héndíllâ mujtahîd'ór hótâ ókkól úddâ fosón gojjííl. Tarâ hoi'yé'dé, hadîs carîf híba bon gori dííl'dé ói'bó (ar noói'lé) tará'r imâm'e hadîs ar uggwá dekkiíl'dé ói'bó. Honó golti no accííl'dé Nabi'r hadîs carîf bad di'yóré, fáisálâ di'ya't golot ói't fâré'dé, mamala'gán'ór babute hoói no fari't fare'de héndíllâ

[1] Racid Ridâ óildé Muhámmád Abduh'r cágiríd. Híba Híjrí 1354 [1935 A.D.]'t mara gi'yé.

héndíllá manúc ókkól'ór hotá mozin soli soli, muqallid iín'é mujtahid ókkól'órgín lói'yó ulda za. Tará héen gorí gorí, Kur'ân ál-Karîm loi úddá uzan za. Tará hoó'dé, Kur'ân honó kiyé buzí nóo fàré, baná mujtahid imâm'é fajjé'dé. Faqîh áddé onnyo muqallid ókkól'ór héndíllá héndíllá hotá híin tará yahúdí áddé kíristan ókkól'óttú loi'yé'dé dahá za. Aró uzan, Kur'ân adde hadîs ókkól buzí'té, fíqh'ór âlim ókkól'é lekkyé'dé kitaf ókkól buzá'ttú aró bicí aásán. Arabi lofzó ókkól áddé kaida baçi hái'félaiyé'dé manúc ókkól'óttú Kur'ân al-Karîm áddé hadîs carîf ókkól buzí'té duk no ói'bó. Allâhú ta'âlâ'yé Nizor dórmo háçasirá gorí buzái di fare hoó'dé hotá'gán hone inkar gorí fari'bó? Rasûlullah'yé, Allâh'ye hoiyé'dé híin onnyo zon'óttú aró bicí buzí fajjé ar híin onnyo zon'óttú aró bicí gom gorí buzái di fajjíl hoó'dé hotá'gán hone no mani fari'bó? Nabi'r buzái-diya ókkól Musólmán'óllá furussaf nóo ó hoón maání, híba'yé híba'r tabligh goribá'r zimma háçasirá gorí fucái di nóo fàré hoói bazón. Ossé beecbák mancé Kur'ân ál-Karîm áddé hadîs carîf ókkól buzí nóo fàré'dé ói'tó, Allâhú ta'âlâ'yé manúc beggún'óre Kur'ân ál-Karîm áddé hadîs carîf'ór usól ókkól lói no dóri'tó. Nize biccác goré'dé híyan kitafi sábut fónná lói zanon saá. Allâhú ta'âlâ'yé taqlíd (honó uggwá Mázháb mozin sola) no gosé, ar [muqallid ókkól'ór] bafðada'r lesá dórá honó kisím'ór uzór isáfé no gosí'bó hoi'yé. Âyat ókkól'óttú dahá zá'dé, Allâhú ta'âlâ'yé taqlíd honó óttó't no gosé. Dórmó'r furû híssá're sábut fónná mozin buzá óildé imân'or híssá're buzá'ttú aró bicí aásán. Mockil'gán'óllá dórér'dé óttó't, Híba'yé aásán'gán'óllá no dóri'bó ní kí? Omil mamala hodún'óttú usól ókkól banai'té duk ói'bó, toó úddá híin'ór babute no zaná áddé híin mozin no sola'llá uzór isáf'fyá mani loi'bo. Fíqh'ór âlim ókkól'é becá bicí mas'ala (mamala) ókkól tará nizebaze banai'yé. Tara híinóllá usól ókkól niyalai'yé. Tará ra'y, qiyâs jalî adde qiyâs khafi're cis híin'ór

sábút isáf'fyá dahái'yóre héndíllá cis híin mancóré sinnyo gorái di'to saáil. Cis iín ibâda'r lain'ot be नियम'or beec gorí barái di'bállá banai'yé, ar híin'óre ahol loi buzí no faré. Héen gorí gorí dórmo'ré bou't bár barái'yé. Tará Musólmán ókkól'óre duk'kót félai di'yé. Muiñ qiyâs no manon'de noó; Muiñ 'ibâda'r lain'ot honó qiyâs náí hoóm'dé. Imân adde ibâda Nabi'r ottó't furussaf ói'giíl'gói. Híin'ót honó kiyé honó keccú bóttí di no fari'bó. Mujtahid imâm ókkól'é mancó'ré lesá dórâ (taqlîd)óttú maná gorí'diyóre taqlîd harâm gorí diyé.'

“Dórmó'r Mamala'r Táná'r Ciíf Ofis'óttú niyalai'yé'dé kitaf'fwá'ttú ainne'dé hotá iín'ót lâ-Mázhábí kitaf beggún'ór dhóillyá gorí, Mázháb sáir'ówár imâm ókkól'óre manon'nán'óttú maná goré. Héçe, foitto zon'óre tafsîr áddé hadîs cíki'bállá hókúm goré'r. Híyan'ór babute Oñne ki hoi'bá zé?”

Juwaf: Lâ-Mázhábí ókkól'é lekkyé'dé kitaf'ór hotá ókkól díyán dí forí'lé, tará Musólmán ókkól'óre tará'r óur-goré'dé báfáná áddé alok-goré'dé buz ókkól'óre bicí gorí háñzái'yóre ahol'e no lo'de héndíllá héndíllá golot golot hotá lói bóñr di'to saár'dé híyan aásán'ór sáñté deki'bó. Lekkyé'dé hotá híin ahol adde buz mozin zana'r babute boli tháaré'dé obuz ókkól bazíl'é bazi't fare, toó, elómdár, demag-sáp manúc ókkól honó ottó't tara'r fân'ót no bazi'bó.

Musólmán ókkól'óre o-fúrání cáñza'r uzu loi'zar'de Mázháb no-mana (ar noói'lé) Súnni'r-ulda sola'r hótórâ'r babute hoicca ókkól'óre hóbóddári di'ballá, Islâm Dórmó'r âlim “rahimahum-Allâhu taalâ” ókkól'é soiddó cót bosór'ór bútoré ázár ázár kimoti kimoti kitaf ókkól lekkyé. Lama'rgín òildé, [Híjrí 1350, Ingirazir cón (1932)ot, Beirut cóor'ót entekal óiyé'dé] Yûsuf án-Nabhânî'r kitaf **Hújjat-Allâhâhi 'ala-l-'âlamîn**'óttú wor'or súwâl'lan'ór juwaf isáf'é hóulá mári loi'yóre maání báingge'dé hodún hotá ókkól:

“Foitto zon’e Kur’ân ál-Karîm’óttú ahkâm (usól, fáisálá) ókkól niyalai no faré. Mujtahid imâm ókkól’é úddá Kuran córif’óttú usól beggún niyalai no faríbó’dé hétólla, Rasûlullah “sállAllâhú taálá a’láihí wasállám”é Kur’ân ál-Karîm’ór usól ókkól’ór babute nizor hadîs carîf ókkól’ót buzái’yé. Zendilla Kur’ân ál-Karîm baná híba’yé buzái’yé, héndíllá hadîs carîf ókkól nize buzí’yóré onnyo zon’oré buzái fajjé’dé’yó baná as-Sahâbat ál-kirâm áddé mujtahid imâm ókkól’é. Tará híin buzí fari’bállá, Allâhú ta’âlâ’yé Nizor mujtahid imâm ókkól’oré sáiñsí áddé dórmi elóm, takot-ola buz, sáf-demag, bicí barík díyan, áddé becábicí onnyo aró wor’or topka’r hásiyót ókkól boccíc gojjé. Hásiyót híin beggún’ór wor’óttú accíil’dé taqwâ. Baade, tará’r dil’ot Allâhú ta’âlâ’r Foór góille. Hásiyót híin’ór modot loi, aáñrá’r mujtahid imâm ókkól’é Allâhú ta’âlâ áddé Rasûlullah’yé hoi’yé’dé híin’ór maání bujjé, ar tará nóo buzé’dé híin [’ór juwaf] qiyâs’óttú dahái’yé. Mázháb’ór imâm sai’ró’wá’ttú foitto uggwá’yé, nize hoi’yédé hotá híin nizor buz mozin hoi’yé’dé noó’dé híyan zanai di’yóré cágírít ókkól’oré hoi’yé’dé: ‘Ossé, tuwáñrá uggwá sóyí hadîs loot faile, mor hotá ek dháikkyá félai eri, Rasûlullah’r hadîs mozin maniyó!’ Aáñrá’r Mázháb’ór imâm ókkó’lé hókúm híyan diíl’dé manúc híin bódha bódha álim ókkól accíil, ar tará’r dhóíllá mujtahid accíil. Álim híin, Mázháb sair’ówá (’r sóddár ókkól’é) nizor nizor ijtihâd’óllá mani’tó’dé sábút fónná’gín’ór babute zana accíil’dé tarjih’r mujtahid ókkól accíil. Tará, Mázháb’ór sóddár’é mani’yóré ijtihâd gojjíil’dé sábút fónná ókkól áddé hadîs hoói dahóiyá áddé noiya loot fai’yé’dé sóyi hadîs ókkól’ór babute taákík gorí’yóré fisóttú hoi’yé’dé híin hon’nín áddé aró héndíllá héndíllá bicí córiyót ókkól zará góri, bisari saái’yóré hon’nín’oré beec taaid (tarjih) diya foribó’dé bujjíil. Ar noói’lé, mujtahid imâm [Mázháb’ór imâm]e mamala (masálá) ekkán hól gorí’bállá híba’ttú sábút gorí’bár hadîs’swá zana no accíil’dé isá’fé, qiyâs mozin ek dhoilla fáisálá diíl, tói híba’r cágírít ókkólé hadîs coríf’fwá fai baade ar ek dhoilla fáisálá gojjé’dé accíil. Toó úddá, héndíllá ijtihâd gorí’báccót’ó, cágírít híiné, imâm’mwáyé main’niíl’dé usól’gín’ór baaré noó zá. Tará’r baade accíil’dé mujtahid mufti ókkól’éyo héndíllá fátwá di’yé. Eçé lekkyé’dé hotá’gin beggún’óttú buzí fajjíi’dé mozin, Mázháb sair’ówá’r imâm’mín áddé zar zar Mázháb’ór elóm’dár mujtahid ókkól’oré maner’de Musólmán ókkól’é Allâhú taálá áddé

Híba'r Rasûl'ór usól ókkól mane'r. Mujtahid híin'é Kur'ân ál-Karím áddé hadís caríf ókkól'ót asé'dé usól ókkól buzi'yóré boyan gojjííl zíín ar onnyo honó kiyé buzi' nóo fáré. Musólmán ókkól'é, mujtahid ókkól'é Náss, maání Kitaf (Kur'ân) adde Súnna'ttú buzi'yóré boiyan gojjííl'dé híin mozin sole'r'de. Alláhu ta'âlâ'yé sûrat án-Nakhl'ór salic tin (43) lombór'ór âyat'ot elan gojjé'dé: **“Ossé tuwâñrá no zaní'lé, zane'de hitará'ttú fusár lo.”**^[1]

“Alláhu ta'âlâ'yé, Mázháb'ór imâm'mín'é ijti'hâd gorí'yóré tará'r Mázháb bañdí'bár, áddé Musólmán beggún mili mili Mázháb iín'ót gólí'bar niyamot'tán baná Nizor Adojja Nabi “sállAlláhu taálá a'láihí wasállám”ór Umma're boccíc gojjé'dé. Alláhu ta'âlâ'yé, ek dhák'óttú, i'tiqâd^[2]or imâm ókkól banai'yóré gumráh, zidiq, mulhid áddé Cóitán'nyá manúc ókkól'óre i'tiqâd'or elóm hórâf gorá'ttú óñsí fêlái'yé. Tói, ar ek dhák'óttú, Nizor dórmó hórâf noó'fán Mázháb ókkól banai'yóré sóiñllé. Niyamót yaán kíristán áddé yahúdí'r dórmó ókkól'ót no accííl'dé hétólla, tará'r dórmó ókkól hórâf ói'yóré kélúná boni gi'yé'gói'dé.

[1] Âyat ibá'ttú, foitto zon'e Kitaf (Kur'ân) adde Súnna sóyi gorí buzi no faré'dé híyan dahá zá. Híba't híin buzi no faré'dé hitára're Kur'ân ál-Karím áddé hadís caríf ókkól'óre nizebaze buzi'bállá kucíc no gorí'bállá áddé bujjé'dé hitará'ttú fusár gorí cíki loi'ballá hókúm goré. Ossé Kur'ân ál-Karím áddé hadís caríf ókkól'ór maání'gín sóyi gorí buzi'tó, hóittór-duwá (72) gumráh dhaái foida no ói'tó. Dhaái iín foida ówá'bai'yé'dé manúc híin beggún bicí elómdár accííl, hálí, ek zon'e'yó Kur'ân ál-Karím áddé hadís caríf ókkól'ór maání'gín sóyi gorí buzi nóo fáré. Híin'óre golot buzi'yóré, tará sóyi rassa háraí'yóré lak lak Musólmán ókkól'óre Zuzuk'ot fêlai di'yé. Tará'r búttóttú hodún'é, âyat ókkól áddé hadís ókkól'ór be-niyomór bicí golot maání gorí fêlai'yé, tará ói'té oi'té eddúúr óur ói'gi'yé'gói'dé, sóyi torika mozin soler'de Musólmán ókkól'óre úddá 'kafér' áddé 'mucrík' dhaha't dójjé. Turki hotá't dui-bácá gorí surha Turki't gólái'yé'dé kitaf, **Kácf á-cubuhât** ót hoi'yé'dé, Áhl ás-Súnna'r torika mozin sole'de Musólmán ókkól'óre marí fêlái'bállá áddé tará'r cómbóttí hári loi fêlái'bállá jaez (mubáh) asé.

[2] Biccác'ór dorhari hotá ókkól.

“Islâm Dórmó’r âlim ókkól’ór ektefák’ór sânté howá mozin, Rasûlullâ “sállAllâhú taálá a’láihí wasállám” entekal ói’yóré sair cót bosór baade dóri ijtiḥâd gorí fare’de héndíllá mur elómdár uggwá’yó nóo úcé. Ossé, honó uggwá mancé, yaa ijtiḥâd gorí’bá’r dohar óiyé hoi’lé, híba hámaká fool (noói’lé) híba’ttú Isám Dórmó’r bicí cíkkatá náí’dé ói’bó. (Híjrí 911 [1505 A.D.]ot, Ijíp’ót entekal ói’yé’dé) bódhdha elómdár, Jalâl ad-dîn ás-Syûtí ‘Ábd ar-Rahmân “rahimahullâhu taâlâ”yé híba ijtiḥâd’ór topka’t foónccé bólí hoóil’dé híyá, hé zóbóná’r onnyo âlim ókkól’é híba’ttú, súwál ekkán’ór dui’yán forók forók juwaf’ottú honnán bicí lowa za hoói fusár gorí’yóré híbaré mafi saáil. Híba’yé híin’ór juwaf di nóo fáré. Híba’yé híba bicí duwadí’t accííl’dé hétóllá híin’óllá azuir no accííl bólí hoóil. Zeén ói’bó óuk, híba’ré ekkán fátwá’r babute ijtiḥâd gorí’tó hoóil’dé, ziyán ebbe lama’r topka’r ijtiḥâd. Ás-suyûtí’r dhóillá hédduúr uggwá mur elómdár’é ekkán fátwá’r babute ijtiḥâd gorí’bállá fissá maijjé’dé híyan deki’yóré, manúc ókkól’óre furussaf (mutlaq) ijtiḥâd gorí’bállá bolazuri goré’dé hítára’ré fool (noói’lé) be-elómí no dhakilé, aáñrá ar ki dhaki’tám? Ál-Imâm ál-Ghazâlí^[1] “rahimah-Allâhú ta’âlâ”yé híba’r kitaf, **Íhyâ** ‘**Ulûm ad-Dîn**’ót hoi’yé’dé, híba’r óttó’t honó mujtahid no accííl.

“Ossé gair-mujtahid uggwá’yé sóyi hadîs carîf úggwá cíki’yóré, nizer Mázháb’ór imâm’or cíkkatá lói no bone’rde hétóllá hadîs híba mozin keccú ekkán gorí’té a-kuwaic fai’le, híba’ttú híyan gorí’té, Mázháb sair’ówá’ttú hadîs híba mozin ijtiḥâd gojjííl’dé mujtahid’dwá tuwai dóri’yóre mujtahid híba accííl’dé Mázháb’fwá mozin gorá fori’bó. Híyan’ór babute, bódhdha âlim ál-Imâm Yahyâ án-Nawâi ‘rahimah-Allâhu ta’âlâ (Híjrí 676 [1277 A.D.]’t Damáskáss’ót entekal ói’ye)yé nizer kitaf **Rawdat at-tâlibîn**’ót zora zora gorí buzái’yé. Ijtiḥâd’ór topka’t nóo foónsé’dé manúc ókkól’óttú Náss, maání, Kitaf (Kur’ân) áddé Súnna’ttú usól ókkól niyalai’bállá ezin náí’dé hétólla, yaa, be-elómí hodún’é tará ijtiḥâd’ór topka’t foónccé’dé hétóllá tará Náss’óttú usól ókkól niyalai fare, tará’ttú ar Mázháb sair’ówá’ttú uggwá’yó mana no fori’bó bólí hoói’yóré tará etó bosór mainnííl’dé Mázháb eri di

[1] Imaâm-> Muhámmád Ghazâlî Híjrí 505 [1111 A.D.]’t, Tus cóor’ót entekal ói’yé.

félai'yé. Tará nizer nizer golot báfaná ókkól lói Mázháb ókkól golot thóorái'bár kucí'ót asé. Tará endilla be-elómí, be-akkollya hotá ókkól hoó'dé, 'Aáñrá óde óde aáñrá'r dóllyá be-elómí accíil'dé uggwá dórmó'r âlim'or sólla mozin no soli'yúm.' Cótán'ór kusuk adde nizer mon'or fánó't fori'yoré tará barík kúwalá. Tará héen hoói hoói nizer barík'gírí dahá'rdé noó, nizer be-akkóli adde be-elómí dahá'rdé híyan tará étí no farér'dé. Híin'ór bútó'ttú, hodún hodún be-elómí, gumráh ókkól'é, foitto zon'ottú tafsîr'or kitaf ókkól áddé Bukhâri [Sóyi] fori'yoré usól ókkól niyalon saá bóli'yó hoó. Ó mor Musólmán bá! Héndíllá mancó'r lói fúwáñjja gorá (noói'lé) tará're dórmó'r âlim ókkól tháara'ttú ebbe basi táikkyó! Nizer imâm'or Mázháb dóró móró dórí tákó! Tuúin, Mázháb sair'ówá'ttú mone hoó'dé híba azadí'r sáñté mani fari'bá. Hálí 'talfiq'^[1] hoó'dé, Mázháb'pín'óre uggwá gorí'bállá Mázháb ókkól'ór aásán aásán'gín tuwai dola gorí'bár ezin náí.

"Hadîs carîf ókkól fori'yoré cündór gorí buzí fare'dé Musólmán uggwá'ttú, agor'tú híba'r Mázháb'ót sábút mane'de hadîs carîf'gín cíki'yoré, baade hadîs carîf híin'ót taid diyé'dé ham'mín gorí, maná gojje'dé híin'óttú basí tákón saá. Baade, Islâm Dórmó'r barík'gírí áddé kimot, Rasûlullah "sállAlláhu taálá a'láihí wasállám"ór hásiyót, Alláhu ta'âlâ'r Nam ókkól áddé Séfátí-Nam ókkól, Rasûlullah'r zindegi, híba'r dindari adde mu'jiza ókkól, duniyai, ahérót, Kiyamot, Háñcór, Biyossó, Zuzuk, fírissa ókkól, jin ókkól, agor zobona'r umma ókkól, Nabi ókkól áddé tará'r asmani kitaf ókkól, Rasûlullah áddé Kur'ân ál-Karîm'ór háás barík'gírí ókkól, híba'r Âl (cúddór egena okkól'ór) zidegi, Sahâbat ál-kirâm'ór zindegi, Kiyamot'or alamot ókkól áddé duniyai adde ahérótór babute aró becé bicí cís ókkól cíki loon saá. Duniyai adde

[1] 'Talfiq'ór maání óíldé, 'Mázháb sair'ówá'ttú, Mázháb uggwá'r lói'yó no hácé'fán gorí aásán aásán torika'gín dola gorí loi, miyái'yoré uggwá gorá'. Honó ek zon'e, Mázháb sair'ówá'ttú honó uggwá mozin soli'yoré Islâm Dórmó'r ham ekkán gorí baade, maání, híba'r ham híyan Mázháb híba't sóyi (jæz, hácé) ói baade'yó, onnyo Mázháb tin'íwá'r corót ókkól mozin'ó sóyi áddé kobul ói'bár niyot loi aró zeddúúr fare héddúúr tuwai soón'nán'óre 'taqwâ' hoó, ziyán'óllá ahérót'ót bicí sawâb fai'bo.

ahérót'ór babute hóbór báttíri beggún Rasûlullah'r hadîs carîf'ót dola gojjá asé.

“Aañrá eçé lekkyí'dé híin buzí fare'de híyá, hadîs'óttú noó niyalá'dé héndíllá héndíllá Islâm Dórmó'r usól ókkól be-hazor hoó'dé hitára hoddúúr be-elómi'dé dahá zai'bó. Hadîs carîf ókkól'ót diya asé'dé o-gona hóbór báttíri ókkól'ót, 'ibâda áddé mu'âmalât cîka'dé hadîs bicí hom. Hodún âlim ókkól'ór howá mozin, fañs cót hañsá hañccyá asé; [duwárái duwárái hoi'yé'dé híin úddá gólái, tin ázár'ór wore náí.] Mázháb'ór imâm sairówá'r bútó'ttú honó uggwá'yéyó héto hom hadîs híin'óttú uggwá sóyi hadîs'ó noó fúné'dé héndíllá biccác gorá noza. Mázháb'ór imâm sair'ówá'ttú ebbe homo't uggwá'yé ói'lé foitto uggwá sóyi hadîs sábut ísáf'fyá estemal gojjé. Musólmán uggwá'yé nizor Mázháb'ót, sóyi hadîs uggwá lói no bone'de honó ekkán mamala loot fai'le, híba'ttú, mamala híyan'ór babute hadîs híba mozin ijtiḥād gojjé'dé Mázháb ar uggwá'rgín mozin manon saá. Óit fâré, híba'r nizor Mázháb'ór imâm'eyó hadîs híba fúnñíil, toó, híba'ttú beec sóyi laiggíil'dé ar uggwá hadîs mani'yoré óuk, fisóttú aáf'yoré [Nabi'ye hoiyédé] ar uggwá lói foóiláwá tulí félaáil'dé óuk, noói'lé, mujtahid ókkól'é zane'de onnyo hodún uzór'óllá óuk, híba'yé foóilá'wá sábut ísáf'fyá nóo ló. Hadîs foóilá'wá sóyi'dé híyan buzé'dé Musólmán'nwá'ttú hadîs'swá lói no bone'de, híba'r nizor Mázháb'ór ijtiḥād eri doon'nán beétór ói'bó, toó, héndíllá ói'lé, súwál'lan'ót asé'dé mamala'gán'óllá hadîs'swá nizor ijtiḥād'ót estemal gojjé'dé Mázháb ar uggwá'rgín mozin gorá fori'bó. Dui lombór'ór Mázháb'fwár imâm'mwáyé manúc híba'yé nóo síné'dé usól (ahkâm)gín'ór sábut fónná ókkól siní'yoré hadîs híba mozin no soli'bállá honó keccú loot nóo fá'dé hétólla. Héen óilé'yó, híba'ttú mamala híyan híba'r nizor Mázháb mozin gorí'bár'ó jaez asé, híba'r nizor Mázháb'ór imâm'mwá'yé nizor ijtiḥād, ekkán háthí sábut'óre biccác gorí gojjíil'dé híyan'ót honó andecá náí'dé hétólla. Muqallid'e sábut híyan no sinón'nán, Islâm Dórmó't báhaná ísáf'fyá mani lo. Mázháb sair'ówá'r imâm ókkól'óttú uggwá'yéyó ijtiḥād gorá't, Kitaf adde Sunná't barái'yé'dé náí. Tará'r Mázháb ókkól óildé, Kitaf (Kur'ân) adde Súnna'r buzái-diya ókkól. Tará Musólmán ókkól'óllá Kitaf (Kur'ân) adde Súnna'r maání áddé usól ókkól buzái diyé. Tará híin Musólmán ókkól'é buze'fán gorí buzái

di'yé, baade hiin kitaf ókkól'ót lekkyé. Mázháb'ór imâm "rahímahúm Allâhú ta'âlâ" tará'r ham híyan, Islâm Dórmó'llá eén ekkán bicí barík kermós óiyé'dé, ziyán Allâh'ye modod no gori'tó moniccó'r taakot loi fura gori no farí'tó. Mázháb iín [táká] óildé, Rasûlullah "sállAllâhú ta'âlâ aláihí wasállám" Sóyi Nabi'de híyan áddé Islâm Dórmó Sóyi Dórmó'dé híyan'ór ebbe furussaf sábút fónná ókkól'ór bütóttú ekkán.

"Aañrá'r Mázháb'ór imâm ókkól'ór ijtiḥâd'ót forók óoil'dé hiin, baná furû' ád-dîn'ót, maání Fíqh'ór mamalá ókkól'ót. Usûl ád-dîn'ót, maání, I'tiqâd (noói'lé) imân'ot honó anbon no accííl. Dórmó't hámaká dorhari mane'de áddé tawatûr'or mozin fai'yé'dé sábút fónná-ólá hadîs ókkól'óttú loiyé'dé héndíllá furû'r cíkátá ókkól'ót'ó tará ek zon loi ek zon forók no accííl. Tará furû' áddîn'ór babute baná hodún mamala't forók ói'ye'dé. Hiin, mamala hiin'ór sábút fónná ókkól háthí buzá forók ówá'ttú uiththé'dé. Ar Tará'r mazé ekkini addán forók óiyé'dé hiin óildé Umma'r wore [Allâhú taálá'r] rahámót ói'ye'de; Musólmán'óllá nizottú fosón áddé aásán lage'dé zehónó uggwá Mázháb mani'bár ezin (jâ'iz) asé. Rasûlullah "sállAllâhú taálá a'láihí wasállám"é forók hiin kúci'r hóbór bólí agori hoi'yé, óde ódé híba'yé hoi'yé'dé héndíllá ói'yé.

"I'tiqâd, maání, imân aníbá'r hotá ókkól'ót ijtiḥâd estemal gorí'bár ezin náí. Hiin estemal gorá'r zoriya torika golot ói gumráh ói za'gói. Héen gorí'lé bicí bódhda guná. I'tiqâd'or mamala ókkól'ór babute sóyi torika baná ekkán asé'dé: **áhl ás-Súnnát wá 'l-Jamâ'a**. Hadîs carîf'fwá't [Allâhú ta'âlâ'r] rahámót hoi'yé'dé forók híyan óildé, furû' (noói'lé) ahkâm'ót accííl'dé hiyan.

"Mázháb sair'ówá'r fáisálá'gin uggwá'r'gín ar uggwá'rgín lói forók ói'yóre, baná ek'gín sóyi'dé ói'lé. Hé sóyi'gín mozin goré'dé hitára're sawâb duiyán di'bo, ar golot'gín'óttú ek'gín mozin goré'dé hitára're sawâb ek'kán di'bo. Mázháb ókkól rahámót hoó'dé híyan'óttú Mázháb uggwá eri di ar uggwá mozin soli'bár ezin asé'dé híyan dahá za. Hálí, Áhl ás-Súnná't asé'dé Mázháb sair'ówá baade ar oinnyo honó uggwá mozin soli'bár ezin náí. Sahâbât ál-kirâm'ór ói'lé úddá, tará'r Mázháb ókkól lekí náo

raké ar foórái giyé'gói'dé hétóllá. "Yaa, siné'dé Mázháb sair'ówá baade onnyo ar honó uggwá mozin solon'nán ói fari'bár náí. (Cón 37 A.H. (980)'t entekal óiyé'dé) Imâm Abû Bakr Ahmad ar-Râzî [rahimah-Allâhu ta'âlâ]'yé'ó, Islâm Dórmó'r âlim ókkól'é, [ekkuware] Sahâbat ál-kirâm'órgin mozin soli'bár ezin no accífl'dé híyan ettefák'ór sânté hoóil bóli hoi'yé. Mázháb ókkól, mujtahid ókkól, háás góri a'immat ál-madhhâhib'ór barik'girí'r babute gom gorí buzí'tó saá'dé hitará'ré, mo'ttú taid di hoitó mone hoór'dé híyan óil'dé, tará'r Mázháb ókkól Kitaf'fwá áddé Súnna'r baár kúlé nóo zá, ar tará'ijmâ' áddé qiyâs loi niyalaáil'dé usól híin tará'r nizor rai noó, híin Kitaf'fwá áddé Súnna'ttú loóil'dé. Imâm 'Ábd ál-Wahhâb ác-Ca'rânî (rahimah-Allâhu taálá)'r kitaf **Ál-mîzâm ál-kubrâ** áddé **Al-mîzân ál-Khidríyyá** forí soón saá."^[1]

"Kur'ân ál-Karîm'ót 'dórmó'r âlim ókkól' hoói náí." hoón'nán sóyi noó. Âlim ókkól ('ulamâ') adde zana ('ilm)'ór tarif gojjé'dé dhooilla bodhooilla áyat ókkól asé. [1143 A.H (1731)'ot entekal óiyé'dé] házrát 'Ábd al-Ghânî án-Nablusi'yé nizor kitaf **Ál-hadîqa**'t lekkyé'dé: "Sûrat álAnbiyâ'r 7 lombór'ór âyat'ot: '**Tuwáñrá no zanó'dé híyan dhikr-ólá ókkól'óttú fusár loo.**' 'Dhikr' maání 'zana'. Âyat Karîma íbá't, no zané'dé hitára'ré âlim ókkól tuwai dóri tará'ttú ciki loi'bar hókúm goré. Sûrat ál-Âl 'Imrân'or 18 lombór'ór âyat'ot: "**Háçásirá-noó'dé âyat ókkól'ór maání, baná zanoiya ókkól'é buzé'dé.**"; ódé ódé Sûrá híba't: "**Allâhú ta'âlâ óildé nitti táké'dé áddé honó keccú lói borabojja gorí no-faré'dé hásti'dé híyan, zanoiya ókkól'é buzé ar hoói dahá.**"; Sûrat álQasas'ór 81 lombór'ór âyat Karîma't: "**Zanoiya ókkól'é tará'ré hoi'yé, 'Tuwáñrá'ttú córóim lagon saá! Allâhú ta'âlâ'yé imân aní gom ham goróiyá ókkól'óré dibo'de bodola**

^[1] Yûsuf án-Nabhânî, **Hújjat-Allâhi 'ala 'l-âlamîn**, 771'ot entekal ói'ye. Osól Arabi'ttú dui-bácá gojjé'dé wor'or háwálá'gán'ót aáñrá'r kitaf beggún'ót goré'fân, dui-bácá goróiyá'wá'yé hoi'yé'dé honó hotá náí, eçé'yó, dui-bácá gojjé'dé leká'gín lói ciyákbíyák noó'fân, buzí'bállá onnyo kitaf ókkól'óttú aní bótti diyé'dé híin brekéth'ót gólái di'yé. **Hújjat-Allaâhi 'ala-l-âlamîn**'óttú ainné'dé osól Arabí hotá't wor'or háwálá'gán cón Híjrí 1394 [1974], Istanbul'ot óffséth priñth lói fitín'ó niyalaáil.

ókkól duniyai'r niyamot ókkól'óttú aró beétór.' ”; Sûrat Rûm'ór 56 lombór'ór âyat Karîma't, “Zanoiya adde imân-ola ókkól'é hoi'bó, ‘Thík ásé, tuwáñrá duniyai't inkar gojjíllá'dé Hãncór'ór Dín ibá írí.’ “; Sûrat Isrâ'r 108 lombór'ór âyat córif'ót: “Zanoiya ókkól'é Kur'ân ál-Karîm fúní sájda di'yore hoi'bó'dé, ‘Waada no bángé'dé aáñrá'r giróssó'ttú honó aif náí.’ “; Sûrat Háj'ór 54 lombór'ór âyat'ot: “Zanoiya ókkól'é Kur'ân ál-Karîm Allâhú ta'âlâ'r Hotá'dé buzé.”; Sûrat Ânkabût'ór 50 lombór'ór âyat carîf'ót: “Kur'ân ál-Karîm zanoiya ókkól'ór dil'ot gólí gi'yé'gói.”; Sûrat Sabá'r 6 lombór'ór âyat carîf'ót: “Kur'ân ál-Karîm Allâhú ta'âlâ'r Hotá, ar (Híba'yé mancóré) Allâhú ta'âlâ'r ador faa ba'de híyan zanoiya ókkól'é hoói fare.”; Sûrat álMujâdala'r 11 lombór'ór âyat Karîma't: “Zanoiya ókkól'óre Biyossó't uñsol uñsol topka ókkól boccíc gorí'bó.”; Sûrat ál-Fâtir'ór 27 lombór'ór âyat Karîma't: “Baná zanoiya ókkól'é Allâhú ta'âlâ'r ré dhora'dé.”; Sûrat ál-Hujurât'ór 14 lombór'ór âyat Karîma't; “Tuwáñrá'r bútóttú ubá ebbe bicí kimoti zibá'yé Allâhú ta'âlâ'r ré beec dhora.” Óde ódé kitaf híba'r sábbá 365'ot háwálá di'yé'dé hadîs'gín'ót hoi'yé: “ ‘Allâhú ta'âlâ áddé fírissa ókkól áddé kulle jandár ókkól'é manúc ubá'llá duwa goré zibá'yé mancóré gom cis cíka.’; Kiyamot'or Din, foólá'r cúru't Nabi ókkól, tói âlim ókkól, tói cahíd ókkól'é cúwaríc goríbó; Ó manúc ókkól! Zani lo, elómdár ókkól'óttú fúní fúní zani fare'de.’; ‘Elóm cíki ló! Elóm cíka ekkán ibâda. Elóm cíkai doiya adde cíki loiya'r é jihâd'ór bodola di'bo. Elóm cíkai diya sódká gorá'r dóillá. Âlim'óttú elóm cíki lowa tahajjúd namâz forá'r dhóillá.’ ”; Fatwâ'r kitaf, Khulâsa lekkyé'dé Tâhír Buhâri^[1], yé hoi'yé'dé: “Fíqh'ór kitaf ókkól forá't, raittya raittya namâz forá'ttú aró sawâb beec fa. [Âlim ókkól (noói'lé) tará'r] Kitaf ókkól'óttú fârd ókkól áddé harâm ókkól cíki loon'nán fârd'dé hétólla. Cíkkatá mozin soli'bár niyote óuk, onnyo zon'oré cíkai'bár niyote óuk, fíqh'ór kitaf ókkól forí'lé tósbi'r namáz'óttú aró beétór. Hadîs carîf uggwá't hoiye'dé: ‘Elóm cíki lowa't, kulle nofól ibâda'ttú aró sawâb beec ásé, hûn nizollá áddé nize cíkai di'bo'dé hítára'llá'yó duní mikkyá'llá haz'ot gólé'dé hétólla.’; ‘Onnyo zon'oré cíkai di'bar niyote cíke'dé

^[1] Tâhír Buhâri Híjrí 542 [1147 A.D.]’t entekal ói’yé.

mancóré Siddiq ókkól'ór sawâb di'bo. Islâm Dórmó'r elóm baná ustad (ar noói'lé) kitaf ókkól'óttú ciki faré'dé. Islâm Dórmó'r kitaf ókkól áddé torika-dahái-diya ókkól dorhari noó hoó'dé manúc ókkól misá (ar noói'lé) zindiq. Tará Musólmán ókkól'óre bóñr di'yoré nac gorí fêla'dé. Dórmó'r kitaf ókkól'ót asé'dé elóm híin Kur'ân ál-Karîm áddé hadîs carîf ókkól'óttú ainné'dé.” **Hadîqa**^[1] kitaf'or dui-bácá gojjé'dé híin iyóñt fúrái'yé.

Allâhú ta'âlâ'yé Nizor Rasûl “aláihis-salâm”óre difeçái'yé'dé, híba'yé Kur'ân ál-Karîm amfáng gorí'yoré cíkai fare'fán. Sahâbát ál-kirâm'é Kur'ân ál-Karîm'ór elóm Rasûlullah'ttú cikke. Islâm Dórmó'r âlim ókkól'é Sahâbát ál-Kirâm'óttú cikké, tói kulle Musólmán'é Islâm Dórmó'r âlim ókkól áddé tara'r kitaf ókkól'óttú cikke. Hadîs carîf'ót hoi'yé'dé: “**Elóm óil'dé uggwá házáná. Híba'r sabí óil'dé fusár gorí gorí cikon.**”; “**Elóm cíkí cíkí ciko!**” “**Zehonó cis'óttú gujjali asé. Takwâ'r gujjali óildé 'ârif ókkól'ór dil.**” “**Elóm cíkai-diya óildé gúná ókkól'ór kaffara.**”

Âl-Imâm ár-Rabbânî 'rahmatullâhi ta'âlâ 'aláih'yé nizor kitaf **Maktûbât**'ór foóilá híssá'r síyará 193'ot lekkyé'dé:

“Uggwá mukallaf (balek buddí-óla) mancóttú foóilá'r cúru't nizor biccác, nizor imân sóyi gorá fori'bó. Híyan óil'dé, Áhl ás-Súnnát wá'l-Jmâ'a'r âlim ókkól'é lekkyé'dé héndíllá gorí i'tiqâd (imân'or usól ókkól)ór elóm ciki'yoré tará'r cíkkatá mozin nizor imân thík gorón. Allâhú taálá'yé hé bódhdha bódhdha âlim ókkól'óre tará gojjé'dé ham ókkól'óllá becábící sawâb douk. Âmîn. Ahérót'ór azaf'óttú basi fara, boro boro âlim iín'é sóyi gorí dola gorí buzái di'yé'dé elóm'gín ciki'yoré biccác gorá lói hotá. [Tará'r torika mozin sole'de mancóré **Súnní** hoó.] Hadîs carîf uggwá't hoi'yé'dé, dhaái uggwá're Zuzuk'óttú basai loi'bó, híin óil'dé âlim iín'ór kúñc'e kúñc'é sole'de Musólmán ókkól. Rasûlullah “sállAllâhú taálá a'láihí wasállám” áddé híba'r Sahâbát ál-Kirâm 'radiyAllâhú taálá 'anhum' ókkól'ór rassa báí sóle'de asolí Musólmán'gín óil'dé baná Musólmán iín. Áhl ás-Súnná'r âlim

[1] **Hadîqa** kitaf lekóiyá Híjrí 1143 [1731 A.D.]'t entekal ói'ye.

ókkól'é Kur'ân ál-Karîm áddé hadîs carîf ókkól'óttú loi'yé'dé elóm'gín óil'dé Kur'ân ál-Karîm áddé hadîs carîf ókkól'óttú loi'yé'dé sóyi áddé kimoti elóm ókkól. Musólmán nam-ola dórmór elómdár kúwalá'dé foitto uggwá gumráh mancé nizer nizer gumráh gumráh biccác ókkól Kur'ân ál-Karîm áddé hadîs carîf'óttú loi'yé bólí dabí goré. Golot adde gumráh báfáná-ólá foittó uggwá mancé, nizer'gín nize Kur'ân adde Súnná mozin thík asé bólí hoó. Dahá zá'dé mozin, foitto zon'e Kur'ân ál-Karîm áddé Hádis carîf'óttú buzí'yóré niyalai lo'dé híin soyí noó.

Áhl ás-Súnná'r âlim ókkól'é imân'or babute sóyi góri zanai di'yé'dé híin buzí fari'bálla, uggwá bicí bóhdha âlim, HáZRát Tur Puctí^[1] yé lekkyé'dé Fársi kitaf **ál-Mu'tamad** óildé bicí kimoti. Kitaf'fwá't hoi'yé'dé maání'gín bicí háçasirá. Buzí'té bicí aásán. Kitaf híba, Kitaf'or duwan Hakikat kitâbevi'ttú Híjri 1410 [1989 A.D.]'t sábaail.

Hámaká biccác gorá fore'de cíkkatá'gín mozin aáñrá'r imân thík góri baade, aáñrá'ttu Áhl ás-Súnná'r âlim ókkól'ór kitaf ókkól'óttú **halál, harám, fárd, wâjib, súnná, mandub áddé mokru ókkól** cíki'yóré manon saá. Aáñrá'ttú eto boro âlim iín'or'gín buzí nóo fâré'dé héndillá héndillá be-elómí manúc ókkól'é niyalai'yé'dé gumráh kitaf ókkól no forón saá. Áhl ás-Súnná'r imân loi no bone'de héndillá biccás raké'dé Musólmán ókkól ahérót'ót Zuzuk'ot zaa'ttú hári no fari'bó. Allâhú ta'âlâ'yé aáñrá're basai rakóuk! Ossé sóyi imân-ola Musólmán uggwá'yé ibâda't gaáli gorí'lé, toubá no gorí'lé úddá híba're maf gorí di't fare. Maf no fai'lé úddá, híba toziya fai baade ói'lé Zuzuk'óttú basi fari'bó. Osól cis óildé imân thík gorón. [qaddas-Allâhu taála sirrahu-l-'azîz, Híjri 895 (1490)'t, Samarkánd'ót entekal óiyé'dé] Khwâja 'Ubaid-Allâh álAhrâr'é hoi'yé'dé: 'Ossé, moré kulle kacf áddé kulle karâma di'lé'yó, toó zodi muiñ Áhl ás-Súnná'r 'itiqâd no fai'lé, moré muiñ fáná ói'yóm manim. Ossé, mo'ttú honó kacf (ar noói'lé) karâma no táki'yóré aró becábíci aif táki'lé'yó, toó zodi,

[1] Fadlullah bin Hasan Tur Puctí uggwá Hánañi Fiqh'ór âlim accíil, Híjri 661 (1263)'t entekal ói'yé.

more baná Áhl ás-Súnná'r imân'nán boccíc gorí'lé, muiñ afsús no gorím.'

“Yaa, Indhía'r Musólmán ókkól ebbe modod-sará ói'gi'yé'gói. Islâm Dórmó'r ducmon ókkól'é foitto mikkyá'ttú hámálá goré'r. Yaa, Islâm Dórmó'r kérmós'óllá de'de ek thiyañ, onnyo óttó't de'de ázár ázár thiyañ'ttú aró bicí sawâb. Islâm Dórmó'llá gorí'bár ebbe bódhdha kérmós óildé imân adde Islâm'ór babuté cika'dé Áhl ás-Súnná'r kitaf ókkól loi zai'yoré faraila adde hoicca ókkól'óre baçi doon. Kérmós yaán gorí'bállá kuwal'ot asé'dé hitára'ttú kúci manai'yoré Allâhú ta'âlâ'ré becábicí cúkúríyá gorá forí'bó; tará bicí bággítyá, bicí bor-kuwaillya. Islâm Dórmó'r kérmós gorá óilde nittí gom ham. Hálí endilla ottó't, Islâm Dórmó komzur goré'dé ottó't, misá hotá hoói hoói áddé bonnai gorí gorí Islâm Dórmó fúrai'félaibállá becábicí kucíc goré'dé ottó't, Áhl ás-Súnná'r imân aamfáng gorí'bállá meénnót gorón'nán aró bicí beétór ham. Rasûlullah “sállAllâhú taálá a'lâihí wasállám”é nizor Sahâbat ál-kirâm'óre hoi'yé'dé: **‘Tuwáñrá asó'dé ottó ibá't, tuwáñrá Allâhú ta'âlâ'r hókúm áddé maná-gorá doccán'óttú no'wán mani ekkán no mani'lé, tuwáñrá'ré nac gorí di'bó. Tuwáñrá'ré toziya di'bo! Tuwáñrá'r baade, eén uggwá ottó ai'bó'dé, híyá hókúm áddé maná-gorá doccán'óttú baná ekkán mani'bó'dé manúc okkól basi zai'bo'gói.’** [Hotá iín Mickât-ul mesâbih, hissá 1, 179 lombór'ór sufá't áddé Tirmizi, Kitâb-ál Fitan, 79 lombór'ór sufá't lekkýé.]Hadís carîf fwá't hoi'yé'dé híba ottó ibá írí. Kafér ókkól'ór ulda zai'yoré Islâm Dórmó're hámálá goróiyá ókkól'óre siní tará'ré no-fosón gorón'nán bicí dorhari.^[1] Áhl ás-Súnná'r âlim ókkól'ór kitaf adde hotá ókkól aamfáng gorí'bállá, mancóttú karâma-ola ar noói'lé âlim ówá no fore. Híyan gorí'bállá foitto uggwá Musólmán'óttú cóith gorón saá. Mouka hárâi no félón saá. Kiyamot'or Dín, foitto uggwá Musólmán'óre yaán'ór babute súwál gorí'bó, tará Islâm Dórmó'r kérmós kiyóllá nóo goré fúsár gorí'bó. Islâm Dórmó cika'dé kitaf

[1] Bol estemal gorí jihád (jihád qatlî) Córhar'é nizor armí loi goré'dé. Musólmán'ór jihád gorá'r zimma'yó melethiri'ré Córhar'é de'de zimma dóillyá. Hoói hoói áddé lekkí'yoré goré'dé, Jihád qawlî óildé jihád qatlî'ttú aró beétór'dé híyan'ó siyará 65 lombór'ót lekkýé.

ókkól baçi di'ballá meénnót no goré'dé hitára áddé Islâm Dórmó'r elóm beec'oré zanai'bállá, manúc ókkól áddé jomaát ókkól'oré modot no goré'dé mancó're bici hótórá góri toziya, azaf di'bo. Báhná táhná no gosí'bó. Nabi ókkól "aláihimu-s-salâm" ebbe uñsol topka'r ar beggún'óttú aró barík manúc accíil'dé oiléyó, tará honó ottó't nizor cánti nóo saá. O-fúrání kúci fai'bar rassa, Alláhu ta'âlâ'r Dórmó aamfáng gorí'bállá tará din'e rait'e meénnót gojjé. Mu'jiza dahái tó hoóil'dé hitára're, tará juwaf diíl'dé: **Mu'jiza banai'yé'dé Alláhu ta'âlâ'yé, ar Nabi'r ham óil'dé Alláhu ta'âlâ'r Dórmó'r dawot doon.** Tará hé nýót'é ham gojjíil'dé hétólla, Alláhu ta'âlâ'yé tará're modod gojjé ar mu'jiza ókkól foida gorí dahá'yé. Aáñrá'ttú'yó Áhl ás-Súnná'r âlim 'rahimahum-Alláhu ta'âlâ' ókkól'or kitaf adde hotá ókkól aamfáng gorí'yóré, kafér'or niróc'gíri, bonnai gorí gorí Musólmán'oré zaloiya ducmon ókkól'or misá hótá ókkól'or babute, hoicca ádde aáñrá'r fúwáiñjjá ókkól'oré hoói dahón saá.^[1] Nizor nizor dón, kémótá (ar noói'lé) haz harbar loi yaán'óllá ham no goré'dé manúc ókkól azaf'óttú basi no fari'bó. Yaán'óllá ham gorí'baccót duk ocánti ókkól fa'de híin'oré becábici kúci áddé bódhdha fáidá buzá fori'bó. Nabi "aláihimu-s-salâm" ókkól'é Alláhu ta'âlâ'r hókúm ókkól mancó're zanai di'baccót, be-elómi áddé hóráf mancór hámálá fai'yé. Tará'ttú bici cówá fojjé. Boro boro manúc híin'óttú basí loi'yé'dé ebbe barík, Alláhu ta'âlâ'r Adojja, Muhámmad "aláihis-salâm"é hoi'yé'dé: **'Muiñ fai'yóm'dé héduún hóráf-sóllúk honó Nabi'ye loot nóo fá."**

Duniyai't kulle Musólmán'oré sóyi rassa dahái di'yóré aáñrá're honó bodola sódólá (ar noói'lé) bottí-díyá sára Muhámmád "aláihis-salâm"or dórmó cíki fare'fán torika dahái'yé'dé Áhl ás-Súnná'r âlim ókkól óildé ijti'hâd'or topka't foóñccíil'dé Mázháb

[1] Híin hoói dahái'lé gibot no ói'bó, aró ál-ámru bi'l-ma'rûf ói'bó'dé. Foitto uggwá Musólmán'óttú Áhl ás-Súnná'r imân'or usól'gin cíki lói'yóré híin nize hotá rosai fare'de mancó're cíkai di'ya fori'bó. Áhl ás-Súnná'r âlim ókkól'or hotá ókkól buzái de'de kitaf, magazin ókkól kini loi'yóré hoicca adde sinforiso ókkól'or hañsé foóñsái doon saá. Tará híin foré'fán aáñrá'ttú bici dáf gorón saá. Islâm Dórmó'r ducmon ókkól'or osól moncá ókkól'or babute hoói dahá'dé héndíllá kitaf ókkól'ó baçi doon saá.

sairówá'r âlim ókkól. Híin'óttú sair zon óildé ebbe namedhak. Tará'ttú ebbe cûru'rgwá óildé ál-Imâm ál-a'zâm **Abu Hanîfa Nu'mân ibn Sâbit** 'rahimah-Allâhú ta'âlâ'. Híba Islâm Dórmó'r ebbe boro âlim ókkól'ór bútóttú uggwá accííl. Híba Áhl ás-Súnná'r sóddár ói'yé. Híba'r babute Turki kitaf **Seadet-I Ebediyye áddé Faideli Bilgiler**'ót lekkyé^[1]. Híba Híjri 80 [699]'t, Kûfa't óiyé, ar híba're Híjri 150 [767]'ót, Bagdad'ot cóhíd góri félái'yé.

Dui lombór'ór'gwá óil'dé bódhdha âlim, Imâm **Mâlik ibn Enes** 'rahimah-Allâhú ta'âlâ'. Kitaf Íbni 'Âbidîn'ót, híbayé ací-no bosór hóyát fai'yé hoi'yé. Híba'r dada Mâlik bín Ebî 'Âmir accííl.

Tin lombór'ór'gwá óildé Imâm **Muhammad ibn Idrîs âc-Câfi'i** 'rahimah-Allâhú ta'âlâ. Híba Islâm Dórmó'r âlim beggún'ór adojja accííl. Híba Híjri 150 [767]'ót, Faléstín'ór Ghaza't ói'yé, ar Híjri 204 [820]'t, Ijíp'ót entekal ói'yé.

Sair lombór'ór'gwá óildé, **Imâm Ahmad ibn Hanbal** 'rahimah-Allâhú ta'âlâ', zibá Híjri 164 [780]'t, Baghdad'ot ói'yé, ar Híjri 241 [855]'ot, hécé entekal ói'yé. Híba Islâm Dórmó'r ósól thúni accííl.

Yaa, e bódhdha bódhdhá imâm sair'ówá'r bútóttú honó uggwá'rgín mozin no sole'de manúc ókkól bicí hótórá't asé. Tará baade'yó sóyi sóyi Mázháb-ólá onnyo Áhl ás-Súnná'r âlim ókkól'ó bicí accííl. Hálí, óttó bicí bití'bár fúwâñti fúwâñti, tará'r Mázháb ókkól foórái'gííl'gói'dé hétóllá kitaf'ot leki loi noó fâré. Mesál, **ál-Fuqahâ** 'ás-sab'a hoitó'dé Madina'r bódhdha bódhdhá âlim háñt'owá áddé **'Umar ibn Ábd al-'Azîz, Sufyân ibn 'Uyayna**^[2], **Is'haq ibn Râhawah, Dâwûd át-Tâ'i, 'Âmir ibn Carâhil âc-Ca'bí, Layt ibn Sa'd, 'A'mac, Muhammad ibn Jerîr át-Tabarî,** (Híjri 161 [778]'ot, Basra't entekal ói'yé'dé) **Sufyân at-Tahwrî** áddé **Ábd ar-Rahmân Awzâ'i** 'rahimahumAllâhú ta'âlâ' tará híin'ór búttóttú.

[1] **The Súnní Path (Súnní'r Torika)** 'r síyará fañs adde só't áddé **Endless Bliss (O-fúrání Kuci)**'r híssá ek'ót'ó lekkyé.

[2] Sufyân bin 'Uyayna Híjri 198 [813 A.D.]'t Makka cóor'ót entekal ói'yé.

Sahábát ál-kirâm ‘radiy-Allâhú taálá ánhúm ajma’in’ beggún sóyi sóyi hédáyót’ór “tara” accííl. Tará’r bûtóttú foitto ek zon duninai thiyá’ré sóyi torika dahái’bár laikkyá accííl. Tará nizor nizor Mázháb mozin mujtahid accííl. Tará’r Mázháb beecbák ekkúí accííl. Toó, tará’r Mázháb ókkól kitaf’ot leki noó ráké’dé hétólla aáñrá híin mózín soli no farí’r. Imâm sair’ówá’yé biccác gorá fore’dé cis ókkól áddé gora fóré’dé cis ókkól’ór babute cíkaáíl’dé híin tará’r cágírít ókkól’é dola gorí buzái diyé’dé híin óil’dé imâm sair’ówá’r **Mázháb**. Tará kitaf ókkól’ót accííl’dé hé mozin hokke hókké gojjé. Yaa, foitto uggwá Musólmán’óttú hámaká wor’óttú hoiyé’dé imâm sair’ówá’r Mázháb honó uggwá’r bûtóré tákí’yóré Mázháb híba mozin ibáda gorá fori’bó.^[1]

E imâm sair’ówá’r cágírít ókkól’ór bûtó’ttú, âlim duwá imân’or cíkkatá fóila’t bicí uñsol topka’t foõñccííl. Héen’é, **i’tiqâd** (ar noói’lé) **imân**’or babute **Mázháb** duwá ói’yé’dé. Kur’ân ál-Karîm áddé hadîs coríf ókkól mozin sóyi imân óildé, Basai loiya Dhaái, Áhl ás-Súnná’r imân duniyai’t sórái’yé’dé imâm e dunúwá’yé dahái’yé’dé híin’á baná. Tará’r bûtó’ttú ek zon óildé **Abu ‘l-Hasan ‘Alí ál-Ác’arí** ‘rahimah-Allâhú ta’âlâ’. Híba Híjrí 226 [879]’t, Basra’t óoil, ar Híjrí 330 [941]’ot Bagdad’ot entekal ói’yé. Ar ek zon óildé, Híjrí 333 [944]’t, Samarkand’ót óoil’dé **Abu Mansûr ál-Mâturîdî** ‘rahimah-Allâhú taálâ. Imân’or babute, foitto uggwá Musólmán’óttú boro âlim e dunúwá’r bûtó’ttú honó uggwá’rgín mozin sola fori’bó.

Auliya ókkól’ór torika ókkól (turuq) sóyi asé. Híin Islâm Dórmó’ttú ek fúçá úddá nóo lóré^[2]. Auliya ókkól’óttú Karâmât

[1] E Mázháb sair’ówá’r bûtó’ttú honó uggwá mozin soli’tó no saá’dé manúc hibá Áhl ás-Súnná’r bûtó’ttú noó.

[2] Foitto hal’e hal’e Buzurgó, murcid (ar noói’lé) dórmó’r kémótá-óla âlim ókkól kúwalá’yóré nizor nizor duniyabi fáidá’llá dórmó’ré golot estemal goijjé’dé misá áddé gumrah ókkól accííl. Foitto hazharbar’ot, foitto bidda’t adde córhár’ór foitto zimma ókkól’ót hórâf manúc ókkól ajó asé. Onnyo zon’oré hání gorí gorí nizor nizor fáidá áddé kúci tuwa’de manúc ókkól’ór uzu saái’yóré tará’r fúwãnti táké’dé dhoilla bodhoilla bidda-ola manúc beggún’óre hosúrí doon’nán na-insáfí (ar noói’lé) be-elómi ham ói’bó. Héen goríl’é, sirá-goróiyá ókkól’é bol

táké. Tará’r karâmât beggún hók ar sóyi. (Híjri 768 [1367])’ót Makká’t entekal óiyé’dé) Ál-Imâm ‘Abdullah ál-Yâfi’i’yé hoiyé’dé: “Ghawt át-Taqalain Mawlânâ Ábd al-Qâdir ál-Jîlânî ‘qaddas-Allâhu taálá sirrahu-l- ‘azîz^[1]’ór karâmât ókkól bicí mancé zani giye’gói. **Tawâtur** (aamfáng ówá) óildé sóyi ówá’r ekkán sábut’dé ísáfé híin kiyé andecá gorí no farí’bó.

Namâz foré’dé manúc uggwá’ttú, híba kafér ói zagói’dé héndíllá héndíllá honó hotá (ar noói’lé) estemal ókkól loot nóo fáí’té, híba’ré onnyo mancé goré’fán, aamfáng honó darûra (bicí dorhar)-sára “Kafér” dhahon’nán jaez náí. Híba uggwá Kafér ísáfé mojjé’dé háthí góri hoói no farí’lé, aáñrá híba’ré laánót di no farí’yúm. Kafér’óré úddá laánót dibar jaez náí. Hétólla, Yazîd’óre laánót no dilé beétór ói’bó.

5. Imân’or osól dohari sówan’óttú fañs lombó’rór’gán óildé, “**Ahéri Din (ál-Yâum ál-âkhir)’or wore imân anón.**” Híba manúc uggwá more’dé híyá dórí cúru ói’yóré Kiyamot’or dín’or fúrantí fojjonto lattá’t táké. Híba’ré “Ahéri Din” hoó’dé, híyá’r baadé ar rait aíbár náí’dé hétólla, (ar noói’lé) híba duniyai fúrai baade aibó’dé hétólla. Hadîs carîf’fwá’t hoiyé’dé “Din”nwá óildé aáñrá sini’dé din (ar noói’lé) rait’or dhóíllá noó. Híba’yé uggwá ottó’r icará goré. Kiyamot hoóñtté ói’bó, zanai nóo’dé. Kiyé kiyas gorí noó fáré. Hálí, aáñrá’r Nabi “sállAlláhu taálá a’láihí wasállám”é híba’r alamot’or mesál ókkól bicí dahai’yé: Házzrát ál-Mahdí^[2] ai’bó; ‘Ísâ “aláihí-sâlâm” asman’óttú Damáskás’ót

fai’bo. Hétólla, dórmó’r gumráh, be-élómí manúc áddé golot torika-ola manúc ókkól asé’dé híyan’ór zoriya aáñrá’ttú nizor nizor izzottya kérmós ókkól lói íctírí bórái’félai’yédé, Tassáuwýf-ola Islâm Dórmó’r âlim ókkól’ór babute hóráf hotá no hoón saá. Tará’r bonnai goré’dé manúc ókkól be-insáf’fyá’dé híyan aáñrá’ttú buzi faron saá.

[1] Abdulqâdir Jilânî Híjri 561 [1161 A.D.]’t, Bagdád’ot entekal ói’yé.

[2] Házzrát ál-Mahdí aáñrá’r Nabi Muhammad “aláihís-salâm”ór nosól’óttú ói’bó. Híba’r nam Muhámmád ói’bó, ar híba’r baf’or nam ói’bó’dé ‘Abdullah. Híba’yé Musólmán’ór sódddár ói’bó, Islâm Dórmó doró gorí’yóré agagura fôilai’bó. Híba’yé ‘Ísâ “aláihíssalâm”ór loot fai’bo, tará fúwáñti mili larái gorí ád-Dajjâl’óre mari félai’bó. Híba’r ottó’t, Musólmán ókkól agagura aram adde aásán’ór sáñté bocóti gorí’bó.

lami'bo; áD-Dajjâl^[1] niyoli'bo; Ya'jûj addé Ma'jûj^[2] hoó'dé koum'é cará duniyai're biyankúwál'ót félai dí'bo; beil fosím'óttú uli'bo; dorómóro búsál ókkól zai'bo; dórmo'r elóm foórái félai'bo; hóráfi áddé guná barí'bo; dórmo mozin no-soloiya, be-adof, be-háiyá manúc ókkól sóddár boni'bo; Allâhú ta'âlâ'yé gorí'tó hoi'yé'dé cis ókkól maná ôi zai'bo'gói; harâm foitto zaga't gorí'bo; Yemen'óttú oin niyoli'bo; dojja adde murá ókkól thura thura ôi'zai'bo'gói; beil adde san aãdár ôi zai'bo'gói; dojja ókkól ekkán lói ekkán miyái'yóre godhgoçai cúwai zai'bo'gói..

Guná goré'dé Musólmán'óre **fâsiq** hoó. Fâsiq ókkól áddé kafér beggún'óre nizer nizer hobor'ot toziya (azab) di'bo. Hotá iín hámaká biccác gorá fore. Dofón gorí baade, murda'wá fitín'ó osinnyo ekkán zidegi't foónsí'yóre niyamot ókkól'ót kuci tákí'bo (ar noói'lé) toziya't ôi'bo. Hadís caríf ókkól'ót hoi'yé mozin, **munkar** adde **nakîr** hoó'dé firíssa duwá dhor lage'dé héndillá duwá mancór sónná dorí híba'r hobor'ot aái'yóre híba'ttú fusár gorí'bo. Hobor'or súwál ókkól, hodún âlim'or howá mozin,

[1] ÁD-Dajjâl (za're Kiristán ókkól'é Enthikráist dhaki'bo, duniyai agagura hitá'r nam ôi'bo'dé hétólla ta're Masíh'yó dhaki'bo.) Iran'or utor'or, Khurasan'or uggwá yahúdí'r fuwá ôi'bo. Hité becábici melethéri ókkól'óre hókúmót goré'dé uggwá Islâm Dórmo'r ducmon ôi'bo. Hité Musólmán ókkól'óre mari félai'yóre Middle East (Duniyai'r Fuk Dhák'or Mazo'r Híssá)t ocánti addé ferecani ókkól aní'bo. Bici kúná kúni gorón'or baade, hitá're Házzrát ál-Mahdí'yé mari félai'bo. ÁD-Dajjâl'or nam Íbn ás-Sayyâd ôi'bo bólí Ábd ál-Wahhâb ác-Ca'râní'yé kitaf **Mukhtasaru Tadkirat ál-Qurtubí**t háwálá ókkól di'yóre lekkyé

[2] Kur'ân ál-Karím'ót leká asé'dé; bici agor zobona't Yâjûj adde Ma'jûj hoó'dé hóráf hóráf koum duwá're ekkán dhebal'or fissá gorí rakké, ar tará duniyai'r fúránti't zobin'ot sórái zabógói. Furanhaillya cisor taákík-gorá mozin, meçi'r tole tole cóor ókkól, murá'r tuillya tuillya dojja'r furan cîl ókkól loot fa'de híin sai'lé, dhebal híyan ajó loot nóo fá'dé ówá no fore'r, yaa aãnrá tará're deki (ar noói'lé) siní'fán, koum híin'óttú'ó héduún bici ó'wá no fore'r; híyan eén báfi fari'bo yá: manúc híin hoçé'dé hoi no farilé'yó, yaa'r házár házár laká lakí manúc ókkól duwá mancó'ttú cúru ôiyé'dé héndillá, koum hé dúní'wá'yó ho uggwá mancó'ttú beec ôi'yóre duniyai't sórái zai'bo'gói'dé írí.

imân'or hodún dorhari cis ókkól, ar hodún âlim'or howán mozin, guñça imân'or babute ói'bó. Hétólla, aáñrá'ttú aáñrá'r fuwain'doré lamar súwál'lin'ór juwaf'fín cíkai doon saá. Tuwân'r Rabb (Allâh) Hon'nwá? Tuwáñ'r dórmó ki? Tuúíñ har umma (hon Nabi'r koum)? Tuwáñrá'r (asmani) Kitaf ['or nam] ki? Tuwáñ'r Kebla ki? Tuwáñ'r imân adde ibâda'r lain'or Mázháb ki ki? Súnñi noó'dé hítará sóyi góri juwaf di no farí'bó bóí **Tadkirat ál-Qurtubî**^[1]t lekkyé. Háthí hathí juwaf di farí'bó'dé hítára'r hobor bódhda ói'yoré Biyossó'r uzu ekkán kirkíri kúlí di'bo. Foitto dín házinná biínná, tará Biyossó't nizor nizor zaga ókkól deki'bó, ar fírissa ókkól'é tará'r lói hátil ói tará'ré kúcír hóbór di'bo. Háthí góri juwaf di no farí'bó'dé híba'r luwá'r goda loi eén doró góri fiçi'bó'dé, híba'yé guzore'de híin moniccó áddé jin bad di, onnyo foitto jandár'é fúni'bó. Híba'r hobor eén thaith ói'bó'dé, híba'ttú nizor áñdhdhí ókkól ekkán'ór céré ekkán gólé'rgoi'fán lagibó. Zuzuk'or uzu uggwá hana gorí dí'bó. Háñzinná biínná, híba'yé Zuzuk'ot nizor zaga deki'bó. Híba'yé Háñcór'ór Dín aiyé fojjónto, nizor hobor'ot toziya faa't táki'bo.

Mout'or baad'or zindegi asé'dé híyan hámaká biccác gorá fore. Gusso adde áñdhdhí uñdhdí foñsi goli meçi boni'yoré gées bóni baade, híin fitín'ó uggwá ói'bó; ruú ókkól zar zar gaa't te te gólí'bo'gói, tói foitto zon nizor nizor hobor'ottú uçi'bó. Hétólla írí, ottó híba'r **Kiyamot**'or (Uçíbár) Din^[2] hoó'dé.

[1] Kitaf **Tadkirat al-Qurtubî** lekóiyá, Muhámmád Qurtubî Málikî Híjrí 671 [1272 A.D.]'t entekal ói'yé.

[2] Gasé boiyar'ottu kabon-dhai-óxaidh gées áddé meçi'ttú faní áddé nun (meçi'r tolór cis ókkól) suúíñ loi ek'gín'óre ar ek'gín lói milai'yoré híin lói gaa'r cis ókkól bana, aáñrá'r gaa'r híssá'r cis ókkól'ó héndíllá gorí bone. Boóut bosór lage'dé kemikel-talukot'or zoriya ó'dé ham ekkán, ekkán 'kathalíst' (hoó'dé ekkán asór-farái'bállá estemal goré'dé cis) estemal gorílé segén'ottú aró hom'ot ói za'gói'dé híyan, yaa mancé zane. Héndíllá, Alláhu ta'âlâ'yé hobor ókkól'ót, faní, kabon-dhai-óxaidh áddé meçir tolór cis ókkól'óre milai'yoré gaa'r híssá'r cis áddé gaa'r ziyañta híssá ókkól héhon'ór bútoré bana. Mukhbir-i sâdiq (Sóyi Hóbór Doiya, Nabi)'ye aáñrá héndíllá gorí ar ek

Jandár beggún **Mahcár**’ór zaga’t dola ói’bó. Amól’ór-kitaf (amal-nama) ókkól zar zar’gín tar tar uzu uri uri ai’bó. Duniyai, asman, tara adde kulle cisbíc foida goróiyá Bici takot-ola Allâh’yé iín beggún ówá bai’bó. Allâhú ta’âlâ’r Rasûl “sállAllâhú taála a’láihí wasállám”é iín beggún ói’bó bólí hoi’yé. Híba’yé hoi’yé’dé híin háthí háthí sóyi. Beggún hámaká ói’bó.

Dindar (sâlih) adde gom mancór amal-nama tará’r den dhák’óttú di’bo, ar gunágár (fâsiq) áddé hóráf mancór’gín tará’r fis (ar noói’lé) ban dhák’óttú di’bo. Kitaf híba’t, gom, hóráf, bódhdha, gura, luhai óuk, aamfáng óuk, gojjé’dé ham foitto ekkán tákí’bo. Kirâm kâtibîn fírissa’gín’é ót nóo fá’dé ham ókkól úddá, moniccór’r gaa’r híssá ókkól’ór gobá-díyá áddé buggún hoói fâré’dé Allâhú ta’âlâ’yé dahái di’bó. Tói foitto ekkán ham’or babute fusár-gorá áddé ísáf kitaf ói’bó. Háñcór’ór Din, Allâhú ta’âlâ’ttú mone hoi’lé, surha-ham foitto ekkán niyalai dahái’bó. Fírissa ókkól’óttú tará asman adde zobin’ot gojjííl’dé híin’ór babute fusár gorí’bó, Nabi “aláihimus-salâm” ókkól’óttú tará Allâhú ta’âlâ’r Dórmó áddé hókúm ókkól mancó’re keén keén góri zanai dííl’dé híin’ór babute fusár loi’bo, ar Nabi’r torika mozin hoddúur soillííl, hoóiyé’dé zimma ókkól keén keén góri ada gojjííl, ar ek zon’e ar ek zon’or hók’or hoddúur kíyál gojjííl’dé híin’ór babute mancó’ttú súwál gorí’bó. Háñcór’ór Din, imândár áddé ham adde adof cúndór accííl’dé mancóré nam adde niyamot boccíc gorí’bó, ar hóráf hásolót-ólá áddé golot ham gojjííl’dé mancóré dorómóro cáñza di’bo.

Allâhú ta’âlâ’yé, Nizor Bisar mozin, hodún Musólmán’oré tará’r cúñçó cúñçó guná ókkól’óllá toziya di’bo, ar hodún’oré, Nizor Rahámót loi, basí basí tará’r dhoóñr dhoóñr áddé cúñçó cúñçó guná maf gorí di’bo. Kuféri áddé cirík bad di’yoré, Allâhú ta’âlâ’ttú mon’e hoi’lé, foitto ékkán guná maf gorí dí’bó, mon’e hoi’lé cúñçó cúñçó guná’llá toziya di’bo. Allâhú ta’âlâ’yé kuféri áddé cirík honó óttó’t maf no gorí’bó bólí elan gojjé. Asmani Kitaf-

zindegí’t accúm bóli hoi’yé. Tói yaa, Sáaiñsé duniyai’t héndíllá goré’r’dé dahá’r. Meérbání góri aañrá’r kitaf **the Rising and Hereafter (Háñcór áddé Ahérót)**’ot soó.

ola (ar noói'lé) asmani Kitaf-sára Kafér ókkól'óre, maání, Muhámmad “aláihis-salâm”óre kulle moniccó'llá Nabi no mane'de manúc áddé hiba'yé zanai diíl'dé usól [gorí'bár áddé no gorí'bár hókúm ókkól] ókkól'óttú baná ekkán no mane'de mancóré úddá, hámaká Zuzuk'ot gólái dí'yóré abadul abad toziya di'bo.

Kiyamot'or Dín, ham horos mafi'bállá, aáñrá siní'dé híin lói forók ekkán **Mífán** ('falda') táki'bó. Híyan eén dhoóñr ói'bó'dé, híyan'ór ek dhákó'ttú duniyai adde asman añçi'bó. Gom ham'or falda foór ói'bó, ar Árc'ór den dhák'óttú Biyossó'r híkká ói'bó, guná'r falda andár ói'bó ar Árc'ór ban dhák'óttú Zuzuk'or híkkyá ói'bó. Hotá, báfaná áddé saá héndillá héndillá duniyai't goré'dé ham ókkól héce alok alok cokól-óla boni'yóré, gom'mín foór ói'bó, hóráf'fín andár áddé féderá ói'bó, híin falda híyan'ót mafi'bó. Falda híyan duniyai'r falda'r dóillýa nó; bór'ór dhák woor mikká uçí'bó ar fatol'or dhák hém mikkya lami'bó bóli hoi'yé. Hodún álim'or howá mozin, falda boóut dhóillyá táki'bó. Ar bicí onnyo álim ókkól'é hoi'yé'dé: “Falda'gín hondilla adde howán ói'bó'dé, Islâm Dórmó't sáp góri dahái nóo dé'dé hétólla, híin'ór babute no báfilé beétór ói'bó.”^[1]

Héce Alláhu ta'âlâ'r hókúm lói Zuzuk'or wor'tú bañdí'bó'dé **Sirât** hoó'dé ekkán ful táki'bó. Foitto zon'óre ful híyan farái'tó hókúm gorí'bó. Hé dín, Nabi beggún'é “Ó Alláh! Héfazót goró!” hoói hoói dorhás gorí'bó. Biyossó't zai'ba'r asé'dé manúc ókkól, ful'lán aásán'ót sáñté farái'yóré Biyossó't foóñsí'bó'gói. Tará'ttú hodún foóñsí'bó'dé bijoli dóillá tes góri, hodún boiyar'or dóillá, ar hodún tes guñrá'r doillá gorí gorí foóñsí'bó. Ful-Sirât sul'óttú áro siyon ar doo'ttú áro dár ói'bó. Duniyai't nizoré nize Islâm Dórmó mozin solon'nán'ó héndillá; nizoré nize Islâm Dórmó mózin háçé'fan góri solon'nán Ful-Sirát fará'r dóillá. Eçé nizor nizor (náfs) moncá'r ulda meén'ót gorí'baccót fa'de dúk ókkól boddac goré'dé hítára, héce Ful-Sirát aásán'ór sáñté farái'bó. Nizor nizor náfs'óllá bóli Islâm Dórmó mozin no sole'de hítára Ful-Sirát farái'té duk fai'bo. Etollá írí,

[1] Maání, falda'gán (ar noói'lé) falda'gín'ór sába tuwáñr mon'ot anító soón'nán be-hazor ói'bó.

Allâhú ta'âlâ'yé Islâm Dórmó't asédé sóyi rassa'gán'óre **“Sirât ál-Mustaqîm”** hoi'yé'dé. Nam ekkui ó'wá yaán'óttú buzá zar'de, Islâm Dórmó'r torika'r bútoré táká Ful-Sirât fará'r dóillá. Zuzuk'or laikkýá asé'dé hítára Ful-Sirât'óttú fori'yoré Zuzuk'ot gólí'bo'gói.

Héce, aáñrá'r adojja, Muhámmad Mustafâ “sállAllâhú taálá a'lâihí wasállám”óllá alok gorí ejje'dé **Hawd ál-Kawsár** hoó'dé uggwá faní'r hóuz tákí'bo. Híba ek mác sófor gorá foré'dé héttöór dhoóñr ói'bó. Hiba'r faní híin dud'óttú áro dólá ói'bó, ar híin'ór kúñjjó mockó'ttú áro gom lagi'bó. Híin hái'bállá dháké golóic tákí'bó'dé híin asman'or tara'ttú áro beec ói'bó. Faní híin há'dé mancó'ttú ossé Zuzuk'ot ói'lé úddá ar honó dín tirác no lágí'bó.

Héce, **cafa'a** (cúaríc) tákí'bó'dé híyan hámaká biccác gorá fori'bó. Nabi ókkól, Buzurgó ókkól, dindar Musólmán ókkól, fírissa ókkól áddé Allâhú ta'âlâ'yé ezin di'bo'de hítára toubá-sará mori za'gói'dé Musólmán ókkól'ór cúñçó áddé bódhdha guná ókkól'óllá cúaríc gorí'bó, ar tarár cúaríc kobul gorí'bó. [Aáñrá'r Nabi “sállAllâhú taálá a'lâihí wasállám”é hoi'yé'dé: **“Mor umma'r bútó'ttú bódhdha guná goré'dé hítára'llá muiñ cúaríc gorím.”**] Ahérót'ót, cúaríc fañs kisím ói'bó:

Ek lombór'órgán óildé, bisar'or zaga'gán'ót mancór doladoilla't bicí deri thóorá fori'bó'dé hétó'llá bólí ocántí ói'yoré, guná'gár ókkól'é tará'r Ísáf zeddúúr fare hédduúr tokgorí gorí félai'bállá aros gorí'bó. Híyan'óllá cúaríc gorí'bó.

Dui lombór'órgán óildé, fusár lói'bo'de híin norom gorí áddé tora tori gorí'bállá cúaríc gorí'bó.

Tin lombór'órgán óildé, gunágár Musólmán ókkól'óllá, tará Ful-Sirât'óttú Zuzuk'ot fori no za'gói'fán áddé Zuzuk'or toziya'ttú basai loi'ballá cúaríc gorí'bó.

Sair lombór'órgán óildé, bódhdhá bódhdhá gunágár Musólmán ókkól'óre Zuzuk'óttú niyalai'félai'bállá cúaríc gorí'bó.

Fañs lombór'órgán óildé, Biyossó't abadul abad tákí'bó ar héce o-gona niyamot ókkól tákí'bó'dé óilé'yó Musólmán

ókkól'ór topka barái di'ballá cúwaríc gorí'bó. Héçe topka 8'wán tákí'bó, foitto zon'or topka nizor imân adde ham mozin ói'bó.

Yaa asé'dé Biyossó áddé Zuzuk. Biyossó óildé asman háñtowán'ór wor'ottú. Zuzuk óildé foitto cis'or tole. Biyossó 8'wán asé ar Zuzuk 7'tan asé. Biyossó óildé zobin, beil adde asman ókkól'ór woore, ar Zuzuk óildé beil'ottú aró bicí bódhdha.

6. Imân'or dohari cis 6'wan'ottú ebbe fûrantír'gán óildé **“qadar'ór wore imân anón, maání, gom (khair) áddé hóráf (cárr) Allâhú ta'âlâ'r torfóttú ó'dé híyan biccác gorón.”** Moniccó'ttú ó'dé gom adde hóráf, fáidá áddé hání, laf adde gunári beggún Allâhú ta'âlâ'r Moncá mozin ai'yé'dé. 'Qadar'ór maání óildé 'uggwá mafa; fáisálá, hókúm; beec-ówá áddé hom-ówá.' Honó ekkán cis rakí'ballá Allâhú ta'âlâ'r Nitti táké'dé Moncá're **qadar** (agori-fáisálá) hoó. Qadar'ór ó'wá ('r mesál) óildé, moncá goré'dé cis'oré **qadâ** hoó. Qadâ' áddé qadar'óre uggwá'r bódól ar uggwá'yó estemal goré. Héndíllá, **qadâ**'r maání óildé giyoí'dé abadul abad hal'ottú dóri ai'bó'dé o-fúrání hal fojjonto banai'yé'dé áddé banai'bó'dé cis ókkól'ór nitti'llá Allâhú ta'âlâ'r agori-fáisálá, ar **qadar**'ór maání óildé qadâ' mozin beec hom noó'fán óde óde góri bana'dé ze honó cisor bana. Giyoí'dé abadul abad hal'ot, foitto cis óibó'dé Allâhú ta'âlâ'ttú zana accífl. Allâhú ta'âlâ'r Zana híyan'óre **qadâ' áddé qadar** hoó. Híyan'óre Greek decó'r agor zobona'r montek'or elómdár ókkól'é ál-'inâyat ál-azaliyya (o-fúrání meérbání) hoi'tó. Foitto jandár cis qadâ'ttú accé. Allâhú ta'âlâ'r giyoí'dé abadul abad hal'ór Zana mozin banaíil'dé cis ókkól'ór bana're'yó qadâ' áddé qadar hoó. Qadar'ór wore biccác gorí'baccót, aáñrá'ttú hámaká zani'yore biccác gorón saá'dé, ossé Allâhú ta'âlâ'yé Nizor abadul abad moncá lói hónó ekkán cis banái'ballá sai'lé, híyan'ottú hámaká Híba'r Moncá mozin beec hom-sará ó'de óde boni táká fori'bó; Híba'yé banai'ballá fáisálá gojjé'dé cis no-táká, (ar noói'lé) Híba'yé no banai'ballá fáisálá gojjé'dé cis táká ói no faré.

Kulle januwár, gavgusálá, jan-sará mokhlúk [doró cis, fannyá cis, gées, tara, molikyúl, ethom, elektron, kaárún-keñsaluwá'r than'or goir, foitto mokhlúk'ór foitto lursor, gaa'r

mamala, kemikel mamala adde niyúklíyár'óttú ó'dé ham, bol'or talukot, jandár cis'or gaa'r mamala], foitto cis'or táká, no táká, moniccó'r gom adde hóráf ham ókkól, tará'r duniyai'r adde ahérót'ór cáñza áddé foitto ekkán cis Allâhú ta'âlâ'r o-fúrání elóm'ót accííl. Híba'ttú beggún'ór babute abadulabad zana accííl. Giyói'dé abadulabad hal'óttú dóri ai'bó'dé o-fúrání hal fojjonto ó'dé cis ókkól, híin'ór hásiyót, lonsor adde foitto mamala, ókkól'óre Híba'yé Híbar abaduabad Zana mozin banai'yé. Moniccó'r kulle gom adde hóráf ham, tará'r Islâm Dórmó't imân aná (ar noói'lé) no aná, mone hoói goróuk, mone no hoói goróuk, tará'r kulle lorasora beggún Allâhú ta'âlâ'yé bana. Sabab (zoriya, maz'óttú estemal ó'dé zoriya) loi ó'dé foitto ekkán cis banai'yore ówá'bábé bana Híba'yé írí. Híba'yé foitto ekkán cis hodún hodún zoriya ókkól lói bana.

Mesál, oin'e fura de. Sóyi gán óildé, furani bana'de Allâhú ta'âlâ'yé. Oin'óttú fura di'ballá keccú náí. Hálí, Allâhú ta'âlâ'r Córó ('Âdat) óildé honó ekkán ciso't oin no dóri'lé, Híba'yé fura no de.^[1] Furaba'de baná Allâhú ta'âlâ'yé. Híba'yé oin-sará'yó fura

[1] Oin'e zor fúçí uçé'fán gorom de'de baade ar keccú no goré. Karbun adde haidhrojen'óre jandár cis ókkól'ót táké'dé oksijen (ar noói'lé) electhron'or lonsor de'de híin loi dola gorí de'de oin'e noó. Sóyi'gán buzí no faré'dé hitára iín oin'e goré bóli tháaré. Fure'de ham yaán goré'dé noó oin'e, noó oksijen'e, noó gorom'e, noó electhron'or lonsor'e. Fura de'de Híba óildé baná Allâhú ta'âlâ. Híba'yé iín foitto ekkán'óre fura di'bar zoriya íssáf'fyá banai'yé. Zana náí'dé mancé oin'e fura de boli tháaré. Eskul'or Foóilá-Bák (Sair-Fañs kelás) fúrai'yé'dé forónnyá uggwá'yé "Oin'e fura de." hoó'dé hotá'gán no mane. Híba'yé híyan'ór bodol, "Boiyar'e fura de." boli hoó. Híyan Eskul'or Maz'ór-Bák (Añtho-No kelás) fúrai'yé'dé forónnyá uggwá'yé no gosé. Híba'yé hoó'dé, "Boiyar'ot asé'dé oksijen'e fura de'de." Eskul'or Woro'r-Bák (Egaro-Baró kelás) fúrai'yé'dé forónnyá uggwá'yé, fura de'de baná oksijen'e noó, elekthron'óre thane'de ze honó cis'e fura de boli hoó. Koóléj'ór forónnyá uggwá'yé cóttí áddé cis'ó gólái báfé. Iín'óttú dahá zar'de, manúc uggwá'yé zetó bicí zane, héto bicí gorí híba'yé mamala ekkán'ór bútoré gólí'yóre mancé zoriya boli tháaré'dé cis ókkól'ór fisóttú'yó aró zoriya ókkól bicí asé'dé híyan buzí fare. Foitto ekkán cis'or sóyi'gán deki'tó'dé zana adde sáaiñs'ór elóm'ót beggún'óttú aró wor'or topka't accííl'dé Nabi "aláihís-salâm" ókkól, áddé tará'r torika mozin soli'yore tará'r elóm'ór baará doriya

di fare, hálí oin loi fura doon'nán óildé Híba'r Córo. Ossé Híba'yé no fura'bai'tó sai'lé, oin'or bútóré úddá furi'tó no de. Híba'yé oin'or bútóré Ibrâhîm “alâihîs-salâm”óré fura nóo dé; híba bici adojja accíil'dé hétólla, Híba'yé Nizor Córó tŷagárâi félâaíl.^[1] [Hétólla, Híba'yé oin'or fura-diya ruki'bállá cis ókkól'ó banai'yé. Kemisthiri'r elómdár ókkól'é cis híin loot faa't asé.]

Ossé, Allâhú ta'âlâ'yé sai'tó, oin-sará fura doon, aáñrá're háá-sará geza doon, peleng-sará uraboon, redhiyu-sará duróttú fúnón, héndíllá héndíllá foitto ekkán cis zoriya-sará banai fari'tó. Hálí Híba'yé foitto cis hodun hodun mazór zoriya ókkól lói banai'yoré moniccóré meérbáni gojjé. Híba'yé hodún hodún cis'oré hodún mazór zoriya ókkól lói banai'bár moncá gojjé. Híba'yé Nizor ham zoriya ókkól lói gojjé. Híba'yé Nizor Takot zoriya ókkól'ór fis'óttú lukai raikkyé. Ossé, honó uggwá mancóttú Híba'r átá keccú ekkán banabai'tó mone hoi'lé, híba'yé híyan'ór zoriya'gín lói meénnót gori'yoré híyan fa.^[2]

Ossé Allâhú ta'âlâ'yé Nizor Ham ókkól mazór-zoriya ókkól lói no banai'tó, hónó kiyó'ttú kiyó're no lági'tó; foitto zon'e

ókkól'óttú fúçá fuçá zani fajjé'dé Islâm Dórmó'r âlim ókkól'é yaa, ham ó'dé (ar noói'lé) goré'dé bóli tháará za'de cis foitto'wán óildé Osól Banoiya'ye rakkyé'dé taakot-sará áddé mojburi mazór zoriya ókkól'dé híyan buzái'yé.

[1] Hétólla, Allâhú ta'âlâ'yé oin'or fura-diya ruki'bállá cis ókkól banai'yé. Kemisthiri'r elómdár ókkól'é híin tuwai loot fa.

[2] Serak dórai'tó mone hoi'lé, sólói estemal goré; zaitun gula'ttú tel nyalai'tó mone hoi'lé, dufi baçe'de cis estemal goré; matá hoóñrái'lé matá hoóñráni'r dabai (espirin) há; Biyossó't zai'to mone hoi'lé, nizoré nize Islâm Dórmó mozin háçé'fan góri soli'yoré o-fúrání meérbáni fa; nizoré nize guli mari'lé (arnoói'lé) bic hái'lé, mori'bó; gám'é roc'é faní hái'lé sehét'óllá hání ói'bó; guná gori gori imân hárai'lé, Zuzuk'ot zai'bo; mazór-zoriya ziyán estemal gori'bó, zoriya híyan'óllá banai'yé'dé cis híyan fai'bo. Islâm Dórmó'r kitaf ókkól forí, Islâm cíki'yoré fosón gori'lé, Musólmán bone. Dórmó-no-manoiya ókkól'ór mazé táki'yoré tará hoó'dé híin fúni'lé Islâm Dórmó'r elóm-sará bone. Islâm Dórmó'r elóm-sará beec bák kafér bone. Mancé ze sóroní't uçé, hé sóroní'r monzil'ot foóñsé'dé.

foitto'gán uzu uzu Allâhú ta'âlâ'ttú magi'tó ar honó meénnót no gorí'tó; wor'or topka'r adde lamar topka'r, girós áddé muzur, cágiríd áddé ustad, héndillá héndillá manúc ókkól'ór mazé honó acázabá'r sábbak no táki'tó, ar tói, duniyai adde ahérót ulda fúldá ói zai'to'gói, ar cúndor áddé féderá, gom adde hóráf, cár-goróiyá áddé cár-no-goróyá ókkól'ór mazé honó forók no táki'tó.

Ossé Allâhú ta'âlâ'ttú mone hoi'tó, Híba'yé Nizor Córó ar ek dhoilla banai'yoré foitto ekkán cis hé mózin banai'tó. Mesál, ossé Híba'ttú mone hoi'tó, Híba'yé Kafér ókkól, duniyai'r moza'r hofu ókkól, oinnyo zon'oré duk doiya ókkól áddé dúka-bás ókkól'oré Biyossó't gólái di'to, ar imândár ókkól, ibâda goróiyá ókkól áddé dil-gom manúc ókkól'oré Zuzuk'ot gólái di'to. Hálí, Híba'yé héndillá nóo saá'dé híyan âyat Karíma ókkól áddé hadîs carîf ókkól'é dahá.

Mon'e hoói áddé moné no hoói goré'dé, moniccó'r ham adde lorasora beggún Híba'yé bana'de. Híba'yé Nizor bonda ókkól'ór bútoré tará'r nizor nizor iccá áddé moncá'máik goré'dé ham ókkól banai'báccót **ikhtiyâr** (iccá) áddé **irâda** (moncá)banai di'yoré, iccá áddé moncá híin'oré tará'r ham banai di'bar zoriya banai di'yé. Moniccó'ttú keccú ekkán gorí'tó mone hoó'dé híyá, Allâhú ta'âlâ'r Iccá'yó héndillá ói'lé, Híba'yé ham híyan banai de. Ossé moniccó'ttú mone no hoó (ar noói'lé) iccá no táki'lé, Allâhú ta'âlâ'yé'yó no saá'dé ói'lé, Híba'yé no bana. Allâhú ta'âlâ'yé moniccó'r moncá mozin bana'de noó; Nizor moncá'yó heén ói'lé tói banai de'de. Moniccó'yé iccá mozin goré'dé ham ókkól Allâhú ta'âlâ'yé banai de'de híin óildé honó ekkán cis'ot óin dórá lói ekkui, Híba'yé cis híyan'ót furani banai de, ar híyan'ót oin no dórí'lé, Híba'yé furani banai no de. Honó ekkán cis'ot súri bazí'lé, Híba'yé haça banai de. Surí'yé noó, Híba'yé haçe'de. Híba'yé súri're haça'llá ekkán zoriya bana'de. Maání, Híba'yé moniccó'r iccá mozin ham ókkól banai de'de híin tará'r basáná, fosón áddé moncá mozin gorí de'de. Héen óilé'yó, kudurot'or lorasora moniccó'r iccá lói ó'dé noó, híin Allâhú ta'âlâ'ttú mone hoó'dé híyá, onnyo hodún zoriya loi bana. Híba baade ar honó Banoiya náí. Híba'yé beil, guri, fúçá, híssá, cingiçi fukzúk, ethom adde híin'ór cisbîs áddé hásiyót ókkól'ór foitto lorasora baná Híba'yé bana'de.

Toó, jan-sará cisbís'ór lorsor moniccó áddé januwar'or iccá mozin goré'dé ham ókkól lói forók: uggwá manúc (ar noói'lé) uggwá januwar'e ham ekkán basí, fosón gorí'yóre gorí'tó saá'dé híyá, Híba'yé'ó sai'lé, Híba'yé híba'ré híyan gorá'bái híba'r ham'mán banai de. Moniccó'yé nizer ham gorí faron moniccó'r taakot'ot náí. Aró, mancé, nize keén gorí goré'dé nize úddá no zané.^[1] Jan-sará cisbís'ór lorsor'ot honó iccá náí. Allâhú ta'âlâ'yé, honó ekkán cis'ot oin dórí'lé furani foida gorí de, ar híyan oin'or fosón-gorá (ar noói'lé) furi'bállá basá'ttú ó'dé noó.^[2]

Mancé iccá mozin goré'dé ham ókkól dui'yán cis loi bone. Foóilá'gán'ót, híba'r dil'or basáná, moncá áddé taakot táké. Hétólla, mancó'r ham'oré, **kesb** (háásél gorá) hoó, híyan mancór hásiyót. Dui lombór'órgan óíldé, Allâhú ta'âlâ'r foida-gorá. Allâhú ta'âlâ'r hókúm, maná-gorá, sawâb-diya áddé toziya-diya iín beggún kesb moniccó'ré di'yé'dé hétólla. **Sûrat as-Sâffât**'ór nobboi só lombór'ór ayat'ot, hoíyé'dé: **“Allâhú ta'âlâ'yé tuwâñrá'ré banai'yé ar tuwâñrá'r ham ókkól banai'yé.”** Âyat ibá'ttú monicc'ór ham ókkól'ót kesb (ar noói'lé) monor iccá áddé **irâdat juz'iyya** (hodduúr ánik azad iccá) asé'dé áddé honó bolazuri-gorá náí'dé dahá zá'dé híin bóli noó baná— hétólla, [ham ókkól'ót

[1] Moniccó'r foitto ekkán ham óíldé gaa'r adde kemikel becábici mamala ókkól'ór zoriya ó.

[2] Allâhú ta'âlâ'ttú'yó, mone hoói'yóre Nize ador adde rahám goré'dé Nizer bonda ókkól'ór gom gom adde haz'or haz'or moncá ókkól fura gorí de. Híba'yé tará'r hórâf horâf áddé hání-ólá moncá ókkól fura gorí di'to no saá, fura no goré. Adojja bonda híin'é nitti gom gom adde haz'or haz'or ham ókkól goré. Tará gorí nóo fáré'dé hodún hodún ham'ollá afsús'ó goré, hálí, ossé tará báfiyóre ham híin hání-ólá óitó'dé hétólla foida gorí noó dé'dé híyan buzi'tó, tará ebbe'yó afsús no gorí'tó. Aró, tará fáisálá híyan lói kúci ói'yóre, moniccó'yé dile mone basí'yóre iccá mozin goré'dé ham ókkól foida gorí di'ballá nitti'llá héndíllá moncá gojjiíl'dé Allâh'ré cúkúriyá gorí'tó. Ossé, Híba'yé héndíllá nitti'llá irada no gorí'tó, Híba'yé nitti aáñrá'r iccá mozin gorí'dé ham ókkól úddá, aáñrár moncá-sará, bolazuri foida gorí'tó. Híba'yé nitti'llá héndíllá irada gojjiíl'dé hétólla, aáñrá irada gorí'yóre iccá mozin gorí'dé ham ókkól foida gorí de'de. Héen óilé, osól kémótá-ólá cis óíldé Híba'r Irâda.

moniccór nam bazái di fari'bó ar] aáñrá “Ali'ye mariyoré báingge.” hoói'fán “mancór ham” boli hoói fari'bó. – aró foitto ekkán cis qadâ áddé qadar lói bana'de híyan'ó dahá.

Mancór ham foida gorí di'ballá, agottú, nizor mone basí híyan'ór irâda gorá fore. Mancé nizor iccá mozin gorí fare'de ham híin'ór irâda goré'dé. Irâda (ar noói'lé) moncá híyán'óre kesb (hásél-gorá) hoó. Mara giyé'dé 'Âmidí'yé hoi'yé'dé **kesb**'ór zoriya ham ókkól banai-diya't asór ói'ye. Héen óilé'yo, mancé irâda goré'dé ham adde foi'da gorí de'de híyan'ót ekkán lói ekkán forók no táké'dé isáfé, iccá mozin goré'dé ham'ot kesb'óyé honó asór no goré hoi'lé'yó golot no ói'bó. Hé isáfé, mancé ziyán mone hoó híyan gorí fare'de noó; nizo'ttú mone no hoó'dé cis ókkól'ó óit fare. Ossé mancottú mon'e hoó'dé híyan gorí'tó ar tará no saá'dé honó cis no ói'tó, tói híin dé manúc no ói'tó, híin'é húdá dabi gorí'tó. Allâhú ta'âlâ'yé gorí'ballá áddé no gorí'ballá Nize gojjé'dé hókúm ókkól mozin soli fari'ballá Nizor moniccó zati're rahám gorí'yoré, baná tará'ttú lage'de héduún bol adde cóttí di meérbání gojjé'dé. Mesál, sehét áddé thiyáñ loi kulai borái fari'lé boc'ót ek bar háj gorí fare; asman'ot Ramadân'or noya san deki'lé, ek mác (din'ot din'ot) ruza rakí fare; din'e fañs ottó fárd namâz forí fare; nisâb mozin thiyáñ (ar noói'lé) cómbóttí táké'dé mancé cómbóttí áddé thiyáñ híin nisâb furai'yoré Híjrí bosór ek bosór baade, híin'óttú cúná (ar noói'lé) rufa'r isáf'é salic-borat'or-ek-borat loi'yoré Musólmán ókkól'óre di fare.^[1] Hétólla, mancé nizor iccá mozin gorí fare'de ham ókkól'óre mon'e hoi'lé goré, ar mon'e no hoilé no goré. Allâhú ta'âlâ'r barík'gírí yaántú'yó buzá za. Be-elómí áddé o-buz ókkól'é qadâ' áddé qadar'ór elóm'mán buzí no faré'dé hétólla, tará Áhl ás-Súnná'r álim ókkól'é hoiyé'dé híin biccác no goré ar mancó'ttú asé'dé takot adde iccá'r babute andecá goré. Tará mancó'ttú takot náí, ar nizor iccá mozin goré'dé ham ókkól hórâi no farí gorá fore boli tháaré. Mancé hodún hodún mamala ókkól'ót nizor iccá mozin gorí no faré'dé deki'yoré, tará

[1] Ibâda'r ham iín'ór babute zora zora gorí zani'ballá, meérbání gorí Endless Bliss'ór híssá sair, fañs'ot adde Miftâh-ul-Janna (Biyossó'r Sabí) nam-ola kitaf'fwá soó.

Áhl ás-Súnná (hoódé Musólmán) ókkól'óre hóráf hoó. Tará'r golot ham yaán'ê tará nizo'ttú moncá áddé iccá asé'dé dahá.

Ham ekkán gorí fara, no fará óildé **qudra** (takot) loi hotá. Honó ekkán ham gorí'bállá ar noói'lé no gorí'bállá fosón gorá, basá're **ikhtiyâr** (iccá) hoó. Basé'dé híyan gorí'bállá mon'e howá're **irâda** (moncá) hoó. Honó ekkán cis gosá ar noói'lé inkar no gorá're **ridâ** (fosón) hoó. Honó ekkán cis ói'bállá takot adde moncá fólé'fan góri fúwañti mili'lé, **Khalq** (foida-gorá) bone. Ossé híin'ór mila fólé'fan noói'lé, híin'óre **kesb** (hásél-gorá) hoó. Basóiyá foitto uggwá honó hámaká banoiya ó boli hotá náí. Héndíllá, moncá goré'dé foitto ekkán cis'oréyó honó hámaká fosón goré bóli hotá náí. Allâhú ta'âlâ're Khâliq (Banoiya) adde Mukhtâr (Iccá-Ólá) hoó, ar moniccó're kâsib (kesb-ólá) áddé mukhtâr (iccá-ólá) hoó.

Allâhú ta'âlâ'yé Nizor bonda ókkól'ór ibâda ádde guná ókkól irâda gorí'yóré foida goré. Toó, Híba'yé ibâda fosón goré, ar guná na fosón goré. Foitto ekkán cis Híba'r Moncá áddé Bana loi foida ó'dé. Súrâ Ál-Án'am'ór 102 lombó'rór âyat'ot, Híba'r elan asé: **“Hónó húdá náí baná Híba asé'dé. Baná Híba óildé foitto cis Banoiya.”**

Mu'tazila (hoó'dé dhaái'wá)yé, irâda áddé fosón'or mazór forók'kán no deki biyankúwál'ót fori'yoré hoi'yé'dé: “Mancé nizottú mon'e hoó'dé ham nizebaze foida goré.” Tará qadâ' áddé qadar'óre inkar gojjé. Jabriyya ókkól beggún ekkú fúwáñti biyankúwál'ót fojje; foida no goré'dé iccá'yó takít fare'de buzi nóo fâré. Mancó'ttú iccá náí bóli tháari'yóré, tará mancó're cíl áddé gas loi borabojja dahái'yé. Tará hoiyé'dé – Allâhú ta'âlâ'yé hé gumráyí'ttú sóoñlí rakóuk!-: “Moniccó guná goróiyá noó. Guná beggún gorá bá'dé Allâh'ye.” Jabríyyá manoiyá ókkól'é hoiyé'dé héndíllá, ossé mancó'ttú moncá áddé iccá no takí'tó, ar hóráfí áddé guná ókkól Allâhú ta'âlâ'yé bolazuri gorá bai'yé'dé ói'tó, murá'r wor'ttú hém mikkyá melá mare'de át-theng baindá manúc uggwá'r lorasora adde dáikkyá dhukkyá saái'yóré añçi lame'de manúc uggwá'r lorasora't honó forók no takí'tó. Sóyi hoi'tó sai'lé, foóilá'wá're bolazuri gorgorai lama ba ar fisór'gwá'yé nizor moncá

áddé iccá lói lame. Híin'or maz'ór forók'kán no deké'dé manúc ókkól'ór nozor baçi ar tará ayat'gín'ó no mane. Tará Allâhú ta'âlâ'yé gojjé'dé gorí'bár-hókúm áddé no gorí'bár-maná ókkól'ór dorhar náí, ar híin nóo háçé'dé bólí buzé. Mu'tazila (ar noói'lé) Qadaríyyá hoó'dé dhaái ibá'yé biccác gojjé'dé héndíllá, mancé niz'ottú mone hoó'dé híyan nizebaze foida goré tháarón maání, **“Foitto cis Banoiya óildé baná Allâhú ta'âlâ,”** asé'dé âyat Karím'wá're no manon adde mancó're Allâhú ta'âlâ'r fúwáñti cârík gorón.

Ci'â ókkól'é, Mu'tazila ókkól'ór dóíllá, mancé nizottú mon'e hoó'dé híyan nizebaze bana boli hoó. “Gadá're fiçi'lé'yó fani'gín no fará.” bólí hoói'yóre híyan'ór sábút isáf'fyá dahá. Ossé, manúc uggwá'yé keccú ekkán gorí'tó irâda gorí'lé, Allâhú ta'âlâ'yé híyan no gorí'tó irâda gorí'lé, irâda e duníyán ekkui fúwáñti ói no faré'dé híyan tará honó dín nóo úddá báfé'dé: ossé Allâhú ta'âlâ'yé irâda goré'dé híyan ói'lé, Mu'tazilá ókkól'ór barábári gollot ói'yé; maání, mancé nizottú mon'e hoó'dé foitto'gán noó banai fare, noó gorí faré; ossé, tará hoó'dé héndíllá, mancé ziyán saá híyan ói'tó, tói Allâhú ta'âlâ'dé komzur adde na-kabel ói'tó. Allâhú ta'âlâ komzur-ówá'ttú bicí duré. Baná Híba'yé saá'dé híyan ó'dé. Foittó'gán banoiya óildé baná Híba. “Mancé yaán banai'yé,” “Aañrá waán banai'yí,” (ar noói'lé) “Tará híyan banai'yé.” hoón áddé lekón bicí féderá hotá.^[1] Híyan Allâhú ta'âlâ'r lói be-adofi gorá. Híyan'é imân hárá'bá.^[2]

[1] Wor'ottú buzái'yé'dé mozin, mancé iccá mozin goré'de ham ókkól kemisthiri adde gaa'r becá bicí mamala ókkól'óttú ó'dé, híin nizor irâda loi hotá noó ar híin nize étí uddá no faré. Siyon hotá yaan buzí faijjé'dé ahol-buddí mozin hók hoóiyá saíñsdár uggwá'yé nizor iccá mozin goré'dé ham'or babute “Muiñ banaiyóm'dé.” howár hotá bad do, “Muiñ gojjóm'dé.” úddá hoi'té córmái'bo. Híba'yé Allâhú ta'âlâ're córmái'bo. Hálí, Zana, buzá áddé córóom hom-ola mancé ziyóñt híyóñt ziyán híyán hoi'té no córmá. Allâhú ta'âlâ'yé duniyai'r manúc beggún'óre rahám goré. Híba'yé tará'ttú ziyán lage híyan banai'yóre foitto zon'or héçe difeçá. Híba'yé tará'ttú e duniyai't cánti áddé kúci'r sáñté bécóti gorí fari'ballá, áddé ahérót'ót o-fúrání kúci fai'ballá gorón saá'dé híin' tará're sáp sap góri zanai de. Híba'yé, nizor nizor mon, hóráf hóráf fúñwájjá, hóráf hóráf kitaf adde midhiar'or dúka hái'yóre

CEREF ED-DÎN MUNÎRÎ

‘rahímah-Allâhu taâlâ’r

DUWÁ SÍYÁRÁ

(782 A.H/1380’t entekal ôi’ye’dé) Indhiá’t fonná fojjííl’dé Islâm Dórmó’r boro âlim ókkól’ór bútóttú uggwá, Ceref ed-dîn Ahmad ibn Yahyâ Munîrî’yé híba’r Fârsi kitaf **Maktûbât**’ór síyará añçáro’t lekkyé’dé:^[1]

sóyi rassa eri di, kuféri (be-imâni) áddé gumrá rassa mozin soloiya ókkól’ór bútóttú Niz’óttú mon’e hoó’dé híba’ré hiba’ré sóyi rassa’r uzu dahái de. Híba’yé tará’ré sóyi rassa’r uzu thani loi za. Híba’yé niyamot yaán, zâlim adde ód’ór baaré zoiya ókkól’óré boccíc no goré. Híba’yé tará’ré tará fosón áddé azzu gorí fori táikké’dé tará’r kuféri’r dherá’t eri di raké.

- [2] Yaán’tú kitaf, **I’ tiqâd-nâma**’ré dui-bácá gojjá ôi’gi’yé’gói. Dui-bácá iín gojjé’dé Hají Fayzullah Efendi óildé Erzincan’or ekkán cóor, Kamâh’r accííl. Híba’yé (Turki’r) cóor Söke’ót boóut bosór uggwá porfésár isáfé fonná foráíl, ar Híjri 1323 [1905 A.D.]’t entekal ôi’yé. Kitaf’fwá lekóiyá, Moulânâ Khâlid-i Baghdâdi ‘Usmânî ‘quddisa sirruh’ Híjri 1192’yot, Bagdâd’or utor híssá’r Cahrazûr cóor’ót óoil, ar Híjri 1242 [1826 A.D.]’t Damaskás’ót entekal ôi’ye. Híba’ré ‘Usmânî hoó’dé, híba Házrá’t ‘Usmân-i Zinnûrayn ‘radiy-Allâhú ‘anh’ór boncó’ttú accé’dé hétólla. Híba’yé híba’r báí Moulâna Mahmûd Sâhib’óre Imâm-i Nawawî’r kitaf **Hadîs-i Arbaîn**’ór dui lombó’ór hadîs, **Hadîs-i Jibrîl**’ór babute cíkai’báccót, Moulânâ Mahmûd-í Sâhib’é nizor bor báí’yóré hadîs carí’fwá buzé’fán góri uggwá kitaf leki’tó aroz gojjé. Moulânâ Khâlid, ‘rahmatullâhi ‘alaih’yé nizor báí’yór foór-óla mon kúci gorí’bállá aroz’zán gosí’yóré hadîs carí’f híba Fârsi hotá’t buzái’yé.

- [1] Síyará iín dola gojjá kitaf, **Maktûbât**’ót ek cót síyará asé. Híba Híjri 741 [1339 A.D.]’t kitaf bañdí 1329 [1911]’t, Indhiá’t sábai’ye. Kitaf híba’r kopi uggwá Istanbul’ór Süleymâniyye Kitaf háná’t asé. **Ircâd ás-sâlikîn** áddé **Ma’din ál-ma’ânî** óildé híba’r aró duwá kimoti kimoti kitaf. 1240 A.H [1824]’t entekal óiyé’dé uggwá Áhl ás-Súnná’r boro âlim, Ghulâm ‘Alî ‘Abdullah ád-Dahlawî “rahimah-Allâhú taálá”yé nizor kitaf’or síyará nobboi no (99)’t Ahmad ibn Yahyâ Munîrî’r **Maktûbât**’or taid di’yóré híba náfs sâp gorí’bállá bici haz’ot gólle bóli lekkyé. Ceref ád-dîn Ahmad ibn Yahyâ Munîrî “rahimah-Allâhú taálá”

“Becbák mancé andecá gorí gorí áddé golot golot buzí buzí golot goré. Héndíllá hóráf báfá-ólá manúc hodúné hoó’dé: ‘*Allâhú ta’âlâ’ttú aâñrâ’r ‘ibâda’ no lágé. Aâñrâ’r ibâda’yé Híba’ré honó bálái no goré. Mancé Híba’r ibâda goróuk, (ar noói’lé) Híba’ré no manouk, hîin lói Híba’r Baríkgírí’t honó keccú forók no. Ibâda goré’dé manúc ókkól’é hánnak duk gorí nizore nize ocántí goré’dé.*’ Híyan óildé ekkán golot ahol-háçá; ibâda gorí’bár hókúm goré’dé hîin Allâhú taâlâ’ttú hazot gólé’dé hétólla bólí tháarí’yóré Islâm Dórmó no siné’dé mancé héen hoó’dé. Híyan óildé ekkán bicí golot tháará, ar híyan’é mancó’ré ói-no-faré’dé cic ói-faré’de cic boli tháaré’fân biyankúwál’ót félai’dé. Zibá’yé ibâda ziyán goré, híyan baná híba’llá haz’ot gólé’dé. Híyan héndíllá bólí Allâhú ta’âlâ’yé Sûrá Fâtir’ór añçáro lombór’ór âyat’ot sâp gorí elan gojjé. Héndíllá golot báfá-ólá manúc híba, dhaththor’e háná homai hái’bállá hoi’léyó homai no hái’yóré “Muiñ háá no homai’lé dhaththor’ottú honó gunári no ói’bó.” hoó’dé uggwá be-arammya’r mesál ói’bó.”Dhaththor’oré honó hání no gorí’bó.” hoi’yé’dé híyan, sóyi hoi’yé. Hálí híyan’é híba’ré hání gorí’bó.Dhaththor’e híba’ré uzón homai’tó hoó’dé híyan dhaththor’ottú haz’ot gólé’dé hétólla noó, rugiwá’r be-aram’mán thík gorí’bállá hoó’dé. Híba’yé dhaththor’or sólla dóri’lé híba’ttú gom ói zai’bo’gói. No dóri’lé, mori’bó, ar híyan’é dhaththor’oré honó hání no gorí’bó.

“Golot-báfá-ólá manúc ar hodún’é hónó ottó’t honó ibâda no goré; ar tará harâm cis ókkól gorá bon no goré. Maání, tará Islâm Dórmó mozin no sole. Tará hoó’dé, ‘Allâh Karîm ar Rahám-ólá. Híba’ttú Nizor insán bonda ókkól’óllá bicí feth fure. Híba’r Maf-gorí-diya óildé o-fúrání. Híba’yé kiyó’ré toziya no di’bó.’ Ói, tará hoó’dé hotá’ttú foóilá-gín sóyi, hálí laás’ór’gân golot. Cóitán’é tará’ré búlábuthkí di golot rassa dórái’yóré na-fórmán banai félá’dé. Ahol-ola mancó’ré Cóitán’é bóñr di no faré.Allâhú ta’âlâ baná Kerîm áddé Rahámót-ólá’dé noó, Híba’yé cáñza’yó bicí dorómóro

híba’r hobor asé’dé Indhiá’r Bihár’ót accíil. Munîr óildé Bihár’ór ekkán fara’r nam. 1332 [1914 A.D.]’t Indhiá’r Dioband’ot sábai niyalai baadé fisóttú Pakistan’ór Lahór’ót ar ek bar niyalaáil’dé Câh ‘Abd al-Haqq ád-Dahlawî “rahimah-Allâhú taálá”r Fârsí kitaf **Akhbâr al-akhyâr**’ót híba’r nizor zindegi’r babute zora zora gorí lekkýé.

áddé hótórá góri di'bo. Híba'yé e duniyai't becábicí mancóré gorifi adde dukkót foida goré'dé aáñrá deki'r. Híba'yé, honó kutumutúsará, Nizor becábicí bonda ókkól'óre toziya't taká'bá. Híba bicí Rahám-ólá áddé Razzâq (Rezúk-Doiya) ói'léyó, ál céc, két holá áddé háná niyola'de ham'or meénn'ót no gori'lé, Híba'yé ek gorác háná úddá no di'bó. Híba foitto zon'óre ziyañta Rakóiyá ói'léyó, Híba'yé honó uggwá mancóré háá fíyá-sará tora't no di'bó. Híba'yé dabai no há'dé be-arammya'r ocúk gom no gori'bó. Híba'yé tora, ocúk no-ówá áddé mal dón'ór girós bona héndíllá héndíllá duniyai'r niyamot beggún'óllá zoriya ókkól banai'yoré, duniyabi niyamot'or zoriya híin dóri náo také'dé hítára're maárúm gorát honó feth-furani náo dáhá. Dabai 2 dhoilla asé: (Cisbís lói bana'de) Cis-dabai adde ruú lói goré'dé ruú-dabai. Foitto kisím'ór be-aram thík góri'bállá ruú-dabai óildé sódká-gorá áddé duwa-gorá. Namedhak Hadís caríf duwá't hoi'yé'dé: **“Tuwáñrá'r be-aram ókkól sódká gori gori thík goró.”** ar **“Ze honó be-aram thík gori'bó'dé uggwá dabai óidé bicí gónó 'istiqlfâr”** (hoó'dé uggwá duwa) **hoón.**”^[1] Cis-dabai becábicí asé. Híin siní'té tojruba lage. Ruú-dabai ókkól gónó estemal gorá'yé cis-dabai ókkól tuwai faa't'ó bol de.Ahérót'ór niyamot ókkól faiba'llá'yó héen gorá fore'de írí. Híba'yé kuféri áddé no-zaná're ruú mari fêlá'dé bic banai'yé. Ar gaáli'yé ruú't be-aram ané. Dabai estemal no gori'lé ruú'ttu be-aram ói'yoré mori zai'bo'gói. Kuféri áddé no-zaná'r baná ekguillyá dabai óildé zana adde ma'rifa. Ar gaáli'r dabai óildé namáz forá áddé ibáda beggún gorá. Duniyai't, ossé manúc uggwá'yé bic hái'yoré *'Allâh óildé Rahám-ólá, ar Híba'yé moré bic'ór lussani gorá'ttú basai'bó.'* hoilé'yó, *híba ocúk ói'yoré mori zai'bo'gói.* Ossé, *gaa lamer'de manúc uggwá'yé béráng-tel [ar noó'ilé miçá be-arammyá'yé miçá (ar noói'lé) gulkús-ólá háná] hái'lé, híba'ttú aró hóráf ói zai'bo'gói. Moniccó'r gaa norom córóm'dé hétólla, becá bicí dhooilla bodhooilla cisbís bicí lage [háná, hoor, adde tókíyót.]. Híin fai'te, banai'té boóut duk ó, estemal gori'té'yó hé dúk* (Dorhari cis iin tuwai loi'bar adde

[1] (Istigfâr hoó'dé) duwa'wá eén góri hoó'dé yá: “Estaghfirullah al 'adhîm al-ledhî lâ ilâha illâ Hu-w-al Hayy-al-Qayyûma wa atubu ilaih.” Híba bicí gónó gonó hoón saá. Bicí duwadi'r ottót híba'r baçi fôrma “Estaghfirullah,” hoilé ham di'bo.

banai'bár) meénnot'tán zuit gorí áddé aásán'ór sánté gorí fare'fán moniccó'r bútoré **Náfs** hoó'dé alok takot ekkán foida gorí di'yé. Januwar ókkól'ór bútoré takot híyan foida gorí diya no fore. Náfs'é gaa'ttú lage'de cis ókkól fura gorí'bállá beci saá. Híyan'é héndíllá cis gorá't be-niyomo'r bicí kúci ó. Nafs'ór azzu híin'óre cáhwá (herós) hoó. Demag'e sóoñlí no fare'fán ódé be-niyomór bicí cáhwá'r kúci'yé mancór dil adde gaa't hání goré, ar onnyo zon'óre hání goré ziyán guná. Meérbání gorí **Endless Bliss**, híssá ek'or teró síyará'r ahérí híssá't soó!

“Golot báfóiyá dhaái ar uggwá'yé nizer cáawót (cáhwá), guccá (ghadab) áddé mono'r azzu ókkól búzái felái'bár niyot loi waáccá tákí **riyâda** goré ziyán Islâm Dórmó'yé jaez no de. Tará Islâm Dórmó'yé tará're (híin-)sára tákí'bar hókúm goré bóli tháaré. Deri'fán waáccá tákí baade, tará'r nizer hóráf hóráf azzu ókkól ajó noó zágóí'dé deki'yóré, láásóttú tará, Islâm Dórmó'yé (mancóré) gorí no faré'dé ham gorí'tó hókúm goré bóli hoó. Tará hoó'dé: *'Islâm Dórmó'r hókúm yaán fura gorí no faré. Mancé nizer nizer kuduroti adot ókkól fêlai di no faré. Híin'óre fêlai di'ba'r kucic gorón'nán hala manúc uggwá're dólá gorí'bállá meénnót gorá'r dóíllá. Ói no faré'dé cis ekkán gorí'ba'r kucic gorón'nán ottó borbád gorá.'* Tará báfi'yóré ham goré'dé golot muwálá lói. Zeén ói'bó óuk, Islâm Dórmó'yé guccá áddé cáawót'ór dóíllá moniccó'r hásiyót ókkól felái di'bar hókúm no goré'dé hétóllá, Islâm Dórmó'yé héndíllá hókúm goré hoói dabi goré'dé híyan tará'r bódhda be-elómí áddé bekufí. Héndíllá héndíllá dabi híin Islâm Dórmó'r bodnai gorá. Ossé, Islâm Dórmó'yé héndíllá hókúm gorí'tó, Islâm Dórmó'r Sóddár, Muhámmád “aláihis-salâm”óttú hásiyót híin no tákí'tó. Aró, híba'ye hoi'yé'dé: **‘Muiñ yó uggwá manúc. Foitto zon'or dóllá, mo'ttú yó guccá uci'bó.’** Mazé mazé, híba're guccá daha zai'to. Híba'r guccá nitti Alláhu ta'âlâ'r wassé accífl. Alláhu ta'âlâ'yé Kur'ân ál-Karîm'ót **‘nizer nizer guccá're sóoñlí fare'de'** mancór taarif gojjé. Híba'yé guccá noó'dé mancór taarif noó goré. Golot báfóiyá híin'ór ‘cáawót fêlai doon saá' howá híyan ebbe maání-sára. Rasûlulláh ‘sállAlláhu taálá aláihí wasállám'é nowá mayya “radiy-Alláhu taálá ánhúnná're biyá gojjé'dé hotá'gán'é hitára'r hotá híyan golot'de sáp sáp gorí dahár. Ossé, manúc uggwá'ttú cáawót zai'lé'gói, híba'ttú híin dabai ocút

háí'yóré wafes aná fori'bó. Guccá'r mamala'yó héndíllá; mancé nizor guccá'r hásiyót lói nizor beçi fuwain'dóré sóoñlí basai fare. Hásiyót híyan'ór bol loi Islâm Dórmó'r ducmon ókkól lói hojja (jihâd) gorí fare. Manúc uggwá'yé fut-ziyáin fa'de adde híba'r moron'or baade'yó mancé híba'r é izzot di, nam gorí híba'r babute howá howí goré'dé híin híba'r cáawót'ór zoriya ó'dé. Ín óildé Islâm Dórmó'yé fosón goré'dé addé taarif goré'dé cis.

“Islâm Dórmó'yé cáawót áddé guccá félai di'tó hókúm goré'dé noó, híin'óre sóoñlí'yóré Islâm Dórmó'r cíkkatá mózín estemal gorí'tó hókúm goré'dé. Híyan óildé, gũnrá soloya (ar noói'lé) follán'óttú nizor gũnrá (ar noói'lé) nizor kuiñr'óre dur no gorí'yóré híba'r é estemal gorí fare'fán híba'r lói boni banai raká fore'de híyan lói ekkui. Maání, cáawót áddé guccá óildé follán'ór kuiñr adde gũnrá soloiya'r gũnrá'r doillá. E duniyán-sárá, ahérót'ór niyamot ókkól cíyár gorí no faré. Hálí, híin estemal gorí'bállá, híin'óre banai kuwaic gorái'yóré Islâm Dórmó'r lói háçé'fan gorí estemal gorá fore. Ossé híin'óre kuwaic no gorái'lé, híin be-niyom'or beec ói Islâm Dórmó'r címá ókkól bárái félai'yóré mancóré nac gorí félai'bó. Riyâda óildé hásiyót e duniyán'óre félai di'ballá noó, híin'óre kuwaic gorái'yóré Islâm Dórmó mozin sola bai'bár irâda loi goré'dé. Ar yaán foitto zon'e gorí fare.^[1] ethom buúm'ór takot estemal gorón (ar noói'lé) jéth peleng'or dóillá cisbís banon'nán adof'de noó. Híin'óre moniccó'r kérmós'ólla estemal gorón'nán adof'de. Tói, (adof) híyan Islâm Dórmó mozin soli'yóré loi fare.

“Golot báfóiyá'r dhaái sair lombór'ór'gwár babute hoi'tó sái'lé; tará *‘Giyói'dé abadulabad hal'ot, foitto ekkán cis'or takdir age dórí banai'yé. Fuwa uggwá ói'bár age, híba sa'id (Biyossó'r laikkyá) né, caqî (Zuzuk'or laikkyá) ói'bó fáisálá goré. Híyan híya'r baade ar no bodoli'bó. Hétólla, ibâda gori fáidá náí. hoói hoói nizoré nize bóóñr de. Rasûlulláh ‘sállAlláhú taála aláihí wasállám'é qadâ' áddé qadar no bodoli'bó ar foitto cis'or takdir abadulabad'ólla age dórí banai félai'yé hoi'yé'rár, as-Sahâbat ál-kirâm'é'yó héndíllá hoóil: ‘Aiyó abadulabad'ólla agori banai'yé'dé*

[1] Meérbání gorí **Endless Bliss**, híssá 6'r síyará 26't soó.

takdir'or acá rakí'yóré honó ibâda no gorí boói tákí'. Hálí Rasûlullah'yé juwaf diyé: **'Ibâda ókkól goró! Foitto zon'ottú abadulabad'ollá agori banai'yé'dé nizer nizer takdir'ot asé'dé híin gorí'té aásán!** Maání, abadulabad'ollá sa'id óibá'r fâisálá gojjé'dé híba'ré sa'id'wáyé goré'dé híin gorá bai'bó. Hétólla, abadulabad sa'id ói'bár fâisálá gojjé'dé hítára ibâda goré'dé híyan áddé caqi ói'bár fâisálá gojjé'dé hítára Híba'ré no mane'de híyan, abadulabad aram tákí'ballá takdir-ola ókkól'é háná áddé dabai há, ar be-aram ói'yóré mori'bár takdir-ola ókkól'é háná áddé dabai no há'dé hotá'gán lói ekkui dhoilla. Búke (ar noói'lé) be-aram loi mori'bállá takdir'ot asé'dé hítára háná áddé dabai'ttú fáidá lói no faré. Agori banaiya-takdir'ót tuwangor ói'bá'r asé'dé hítára'llá hamai'bár rassá ókkól kúlá táké. Takdir'ot fuk mikkyá mori'bár táké'dé mancé fosím mikkyá zai'bar foñt bon loot fa. Fúnni'dé mozin, 'Azrâ'il "aláihís-salâm"é [Nabi] Sulaimân "aláihís-salâm" héce giyé'dé híyá, híba'yé boiça accíil'dé manúc'gín'ór bútóttú ek zon'or uzu díyán dí sai'yé. Fírissa'wá'r murhai saá'r zoriya manúc'cwá dhoorai'yé. 'Azrâ'il "aláihís-salâm" gi'yé'gói'rár, híba'yé 'Azrâ'il "aláihís-salâm"óttú hárí fare'fán híba'ré fosím mikkyá'r ekkán dec'ór uzu urai lo zai'bo'góillá boiyar'oré hókúm gorí'tó Sulaimân "aláihís-salâm"oré fori dorí hoi'yé. 'Azrâ'il "aláihís-salâm" wafes accé'dé híyá, Sulaimân "aláihís-salâm"óttú híba'yé manúc'cwá'r úzú díyán dí kiyóllá sai'yé fusár gojjé. 'Azrâ'il "aláihís-saám"é hoi'yé, 'Moré, ek góndhá baade fosím'ór thoón ekkán'ót híba'r foran loi'félái'bállá hókúm gojjé. Hálí, híba'ré tuwáñr fúwáñti dekkýóm'órár ammók ói saá'giyé'dé. Fisóttú hókúm'man fura gorí'bállá fosím mikkyá gi'yóm, híba'ré héce loot fai'yoré híba'r foran loi'yóm.'^[1] Dahá zár'dé mozin, manúc'cwá'yé 'Azrâ'il "aláihís-salâm"oré dhorai'yé'dé híyan, híba'r agori-banaiya takdir'gán ói fare'fán, tói Sulaimân "aláihís-salâm"é hé mózin gorí'diyé; abadulabad'ollá agori banai'ya takdir'gán zoriya ókkól lói fakkái ói'ye . Héndíllá, abadulabad sa'id ói'bár fâisálá gora gi'yé'dé manúc uggwá'yé imân fai'bo, ar riyâdâ gorí'yóré nizer hórâf horâf adot thík gorí'bár mouka fai'bo. Surá ál-An'âm'or âyat 125'ot asé'dé: **'Allâhú ta'âlâ'yé, Nizer bonda**

[1] Kissá yaán Híjrí 672 [1273 A.D.] entekal ói'yé'dé Jalâl ad-dîn Rûmî'r **Metnewî**'t zora zora gorí hoi'yé.

zibá're sóyi rassa dahái di'tó saá, híba'r dil'ot Islâm Dórmó gólái de. Abadulabad caqî accíil'dé manúc uggwá, maání, Zuzuk'ot zaibar fáisálá gorá giíl'dé híba're 'ibâda gorá no fore.' hoó'dé báfá'gán gólái'dé. Manúc uggwá sa'îd ói'bó né caqî ói'bó abadulabad'ollá agori fáisálá gorí raikkyé.' Híba'yé nizor báfá híyan'óllá bóli ibâda no goré. Báfá híyan asé'dé hétóllá híba'yé ibâda no goré'dé híyan'é híba're abadulabad caqî ói'bár fáisálá gorá giíl'dé dahá zá. Héndíllá, abadulabad be-elómí ói'bó bóli agori fáisálá gorá giyé'dé manúc uggwá 'ré "Foitto ekkán cis'or abadulabad takdir'or fáisálá agori gorí félai'yé. Manúc uggwá'llá leká forá behaz'or ói'bó, ossé híba're age dóri be-elómí ói'bár fáisálá gorá giyé'dé ói'lé.' hoó'dé báfá'gan gólái di'bo. Hétólla, híba'yé honó ekkán no saá, no cíké. Híba be-elómí roói za'gói. Ossé, manúc uggwá're álcác gorí thal gorí dán-dana-duna gula-gala fai'bo boli agori fáisálá gorá gi'lé, híba're nizor bil'ot al soói'yóré dana lagai'bár mouka de. Abaduabad sa'îd ói'bá'llá agori fáisálá gorá gi'yé'dé hitára imân fai'yóré ibâda goré'dé híyan áddé caqî ói'tó agori fáisálá gorá gi'yé'dé híin'é inkar gorí no mane'de híin'ór mamala'yó héndíllá. Híyan no buzé'dé bekuf ókkól'é hoó'dé: 'Imân adde ibâda táká lói abadulabad sa'îd ó'wá lói, (ar noói'lé) kuféri áddé na-fómání lói caqî ó'wá lói ki bazá asé?' Tará'r baiththá ahol loi, tará talukot híyan'óre buzí'bállá kucíc gorí'yóré foitto cis'óre tará'r nizor ahol loi hól gorí'tó saá. Hálí, monicc'ór ahol óildé címá-óla, tói ahol loi buzí no faré'dé híin'óre ahol loi buzí'bállá kucíc gorón'nán bekufí. Héndíllá tháaré'dé híin'óre bekuf'de híyan fáisálá gorón saá. 'Isâ "aláihís-salâm"é hoi'yé'dé: 'Mottú maa'r feç'ottú ańdá ói'yé'dé híba're deke'fán gorí'té duk nóo ó, mora're ziyańta gorí'té úddá nóo ó. Hálí, muiń honó úggwá bekuf'óre háńsá'gan buzái nóo fáróm.' Alláhu ta'álâ'yé, Nizor O-címáná Elóm áddé Ahol (Hikma) lói, Nizor bonda hodún'óre firíssa'r héddur góri topka barái dé, aró, hé'ttuwáro barái dé. Ar, ar hodún'óre, Híba'yé topka homai'yóré kuińr cúwór'ór'gín'ór dóillá gorí dé."

Házrát Ceref ad-dîn Ahmad íbn Yahyâ Munîrî'yé híba'r síyará 76't hoi'yé:

“ ‘**Sa’âda**’ maání ‘Biyossó’r laikkyá’. Ar, ‘**caqâwa**’ maání ‘Zuzuk’or laikkyá’. Sa’âdá áddé caqâwa óildé Allâhú ta’âlâ’r dui’yán gudam’or mesál. Gudam foóilá’gán’ór sabí óildé wafádárí áddé ibâda. Du lombór’ór gudam’or sabí óildé gúnágár bóná. Allâhú ta’âlâ’yé manúc uggwá sa’id né náki caqî ói’bó abadulabad’ollá fáisálá gojjé. [Aáñrá híyan’óré takdir hoói.] Abadulabad’ollá sa’id dhaha giyé’dé manúc uggwá’ré sa’âda’r sabí duniyai’t de’félé, tói híba Allâhú ta’âlâ’rgín mózin sole. Abadulabad’ollá caqî ói’ye’dé manúc uggwá’ré duniyai’t caqâwá’r sabí de’félé, tói híba’yé nitti guná gorá’t táké. Duniyai’t, foitto zon’e nize sa’id né caqî nizor át’or sabí saái’yóré buzí fare. Ahérót’ór báfá-ólá dórmó’r âlim ókkól’é híyan’óttú manúc uggwá sa’id né caqî buzé. Hálí, duniyai’t hof baijjé’dé dórmó’r topka-ola manúc uggwá’yé híin no zané. Foitto izzot adde niyamot Allâhú ta’âlâ’r hotá mani’yoré ibâda gorá’t asé’dé. Ar foitto ekkán hóráfí (ar noói’lé) mosibot guná gorá’ttú cúru ó. Foitto zon’ott’ú duk adde kusáát ó’dé guná gorá’ttú. Ar zuit adde aásání ai’yé’dé wafádárí’ttú.^[1] Jerúsâlim’or mosít Aqsâ’t, boóut bosór namâz áddé ibâda ókkól gorí gorí nizor zindegí haçai’yé’dé uggwá manúc accíil; híba’yé ibâda áddé ikhlâs’ór corót ókkól noó cíké’dé hétóllá, híba’yé uggwá sóidá inkar gojjé’râr, híba’yé eén hárá hárái’yé’dé híba’ré furussaf nac gorí di’yé. Héen ói’lé’yo, As’hâb ál-kahf’ór kuuiñ’gwá’yé siddiq’gín’ór fisé fisé ho ek haiñ áinñthe’râr, híba’ré eén topka barái diíl’dé, híba hoñsora bósorá accíil’dé úddwá híba’r topda wafes homai nóo dé. Hotá yaán bicí tajuppya óiyé; elómdár manúc ókkól’é cót cót bosór fojjonto mockillya súwál híyan’ór juwaf noó fá. Híyan’ór bútoré luhaiya asé’dé Allâh’r Buddí’ré moniccó’r ahol loi buzí no faré. Allâhú ta’âlâ’yé ‘Âdam “aláihís-salám”óré moida no hái’tó hoóil, hálí híba’yé híin hái’bó’dé abadulabad hoói fajjíl’dé hétólla, híba’ré hái’tó diyé; Híba’yé Cóitán’óré Âdam “aláihís-salám”or muúntú sóidá gorí’tó hókúm gojjé’, hálí Híba’yé híba’ré sóidá no gorá bai’tó saail; Híba’yé hoí’yé’dé, aáñrá’ttú Híba’ré tuwon saá, hálí Híba’yé híyan

[1] Yaán óildé Allâhú ta’âlâ’r Barík Kaanun. Híyan honó kiyé bodoli no faré. Aáñrá’ttú nizor nizor nafs’óllá aásán áddé miçá ói’bó’fán lage’de híyan’óré sa’âda ísáfé mani no loon saá. Ar duk adde tita lage’de híin’óré caqâwa (ar noói’lé) Zuzuk boli’yó no tháarón saá.

ikhlâs-sará manúc ókkól'oré fai'to di'to nóo saá. [Mamala iin'ór babute] siyon kerenghal yaán buzi'bállá lage'de héduún elóm nizottú náí bóli hoói'yoré Allâh'r Rassa't sófor goróiyá ókkól'óttú cíkár gorá fojjé, tói tará ar keccú nóo hoó. Héen ói'lé, aáñrá keccú ekkán keén góri hoói fajjúm? Híba'ttú noó moníccó'r imân adde ibâda lage, noó tará'r kuféri áddé guná gorá'yé Híba'ré hání goré. Híba'ttú honó ottó't Nizor mokhlúk'oré no lágé. Imân adde wafádári elóm'óttú cûru ó, tói kuféri áddé guná be-elómi'ttú foida ó. Wafádári ekkán, sai'té bicí niróc lagi'lé úddá, híyan eri no don saá! Guná ekkán, sai'té maf góri diyaza'de héndíllá ebbe cûñçó lagi'lé úddá, híyan gorá'ttú basi tákón saá! Islâm Dórmó'r âlim ókkól'é hoi'yé'dé, tin'nán cis'e ar tin'nán cis ówá'bá: wafádári'yé Allâhú ta'âlâ'r Ridâ' (Rahámót) ówá'bá; guná-gorá'yé Híba'r Guccá (Gozzof) ówá'bá; Imân'e mancóré izzot kodor faa'ba. Hétólla, aáñrá'ttú cûñçó'ttu cûñçó guná gorá'ttú úddá dorómóro góri basi táká fori'bó; guná híyan'ót Allâhú ta'âlâ'r Gozzof tákí't fare. Aáñrá'ttú foitto uggwá imândár'oré aáñrá nizottú aró gom buzón saá. Híba Allâhú ta'âlâ'yé bicí ador goré'dé uggwá gulam'ó óit fare. Abadulabad'ollá fáisálá gojjé'dé foitto zon'or takdir'oré honó ottó't bodoli no faré. Allâhú ta'âlâ'yé sai'lé, Nizor hókúm no mani'yoré nitti guná gorá't táké'dé mancóré maf góri di'lé'yó di't fare. Fírissa ókkó'lé, **'Yâ Rabbî! One duniyai agagura hóráfí áddé kúná kuní gori'bódé mokhlúk ókkól banai'bá dé níkí?** hoói fusár gojjé'rár, Híba'yé híin'é hóráfí no gori'bó nóo hoó, Híba'yé hoi'yé'dé: **'Tuwáñrá'ttú zana náí'dé híin Mo'ttú zana asé.'** Híyan'ór maání óildé, 'Muiñ be-kimoti (cis'o)'ttú kimoti (cis) banom'de. Muiñ bicí durór'gín'oré dháké aá'bóm. Muiñ niróc (cis'o)'ttú main-ola (cis) banom. Tuwáñrá tará'r ham saái tará'r babute fáisálá goró'dé, hálí Muin tará'r dil'ot soóm. Tuwáñrá guná-sará ói'tó báfó'dé; tará nizollá Mor Rahámót lói bol goré. Muiñ guná-sará ówá fosón goróm'dé héndíllá, Muiñ Musólmán'ór guná ókkól maf-gorí diya'yó fosóm goróm. Muiñ zanom'de híin tuwáñrá zani no farí'bá. Muiñ hitára'ré mor nitti táké'dé niyamot ókkól faa'bai'yoré, tará beggún'oré Mor abadulabad táké'dé Meérbáni lói ouzai lom.''' Aáñrá'ttú síyará hoíttór-sóo (76)'r maání gorá yaán'tú fúrái'yé.

Cerefuddîn Ahmad bin Yahyâ Munîrî “rahmatullâhî taálá ‘alâih” Híjri 732 [1380 A.D.]’t entekal ôi’yé. Híba Indhíá’r Bihár cóor’ót táki’tó. Híba’r hobor’ó héçe. Munîr óildé Bihár cóor’ór elaka’r ekkán fara’r nam. Cáh ‘Abdulháq Dahlawî “ráhmatullâhî taálá alâih”r kitaf **Akhbâr-ul akhyâr**’ót híba’r babute zora zora gorí lekkye. Kitaf híba Fârsi hotá’t, ar híba Híjri 1332 [1914 A.D.]’t, Indhíá’r Diobond cóor’ót sábaaíl, fisó’ttú Pakistán’ór Lahóur’ót sábaí niya laaíl. Kitaf híin, **Ircád-ussâlikîn, Ma’din-ul-ma’ânî** áddé **Maktûbât** óildé bicí kimoti. Áhl ás-Súnná’r bóhdha uggwá âlim, Ghulam ‘Alî’Abdullah-i Dahlawî “rahmatullâhî taálá alâih”yé^[1] Ahmad bín Yahya Munîrî’r kitaf **Maktûbât** forí’bállá taid diyé, ar híba dil sáf gorí’bállá bicí asór ó bóli hoói’yóré híba’r nobboi-noo (99) lombórór kitaf’fwá’t hoi’yé:

[Imâm-i-Rabbâni “rahmatullâhî alâih”yé nizor kitaf boóuttwá’t endilla hoi’yé’yá: Allâhú ta’âlâ’r hókúm ókkól’óre **fárd**, ar Híba’r maná ókkól’óre **harâm** hoó. Noó fárd, noó harâm, ar (Islâm Dórmó’yé) eri diya hoói di’yé’dé (ham horas, howá búlá, hássá hasólót) híin’óre **mubáh** hoó. Fárd ókkól gorá, harâm ókkól’óttu basi táká áddé Allâhú ta’âlâ’ré razi gorí’bár niyot’e [maání Híba’r Rahámót’óllá] mubáh ókkól goré’dé híin’óre **ibâda** hoó. Ibâda ekkán sahíh áddé maqbûl, maání sóyi áddé Allâhú ta’âlâ’yé fosón goré’dé héndíllá ôi’té, **‘ilm** (zana), maání, híyan’óre sóyi góri góri’bár corót ókkól cíki lowa, **‘amal**, maání dorhari corót ókkól mozin háçé’fán góri gorá, áddé ikhlâs lói gorón, corót iín táká fore. Ar honó ekkán cis ikhlâs lói gorón maání, híyan’óre thiyañ, topka, adde nam’or dóillá duniyai’r fáidá ókkól’ór úzú no báfi baná Allâhú ta’âlâ’r rahámót áddé ador fai’bar niyot’e, adde híyan baná Híba’yé hókúm gojjé’dé hétólla gorón. Ar ‘ilm (zana) fa’de, dormó’r habil ustad ókkól’ór icára mózin Fíqh’ór kitaf ókkól forí forí. Ar Ikhlâs fa’de, Buzurgó ókkól’ór hotá áddé hássáhasólót ókkól’ór úzú kiyál góri, áddé Tasáuwúf’or inyom’or babute tará’r kitaf ókkól forí forí. Islâm Dórmó’r elóm’ót dui bák asé: Dórmó’r elóm áddé Sáin’s’ór elóm. Híin’óre lage’de héd’duúr cíki loon’nán fárd. Mesál, manúc uggwá’yé estemal gorí’bó’dé dabai’r estemal’or torika adde fojjal cíki lóón, (ar noói’lé), kaárún’ór cis ekkán

[1] ‘Abdullah-i Dahlawî Híjri 1240 (1824)’ot, Delhi’t entekal ôi’yé.

estemal gorá fore'de manúc úggwá'ttú kaárún'ór babute lage'de héd'duúr hóbórbáttíri tuwai loon'nán fárd. Noói'lé, hótórá góri moot ói't fare.

“Ossé, gaálí (ar noói'lé) hóráf mancór lói birá'r zoriya nizor ibâda'r zimma ókkól adai no goré'dé Musólmán uggwá toubá góri náo'fêláí'té mori zai'lé'gói, híba'yé fárd ókkól áddé hárám ókkól'óre biccác gori'léyó, híba'r híba'r guná mozin diya fore'de héduúr Zuzuk'or oin'ot toziya di'bo. Fárd ókkól no cíké'dé, (ar noói'lé), zani'lé'yó híin'óre dorhari góri no goré'dé áddé honó zimma (ar noói'lé) Allâhú ta'âlâ'r dhor'or báf-sará híin'óre cúci de'de manúc Islâm Dórmó'ttú baáir ói'yóré Kafér ói za'gói. Híba'r é abadulabad'ollá Zuzuk'or oin'ot gólái di'bo. Harâm ókkól gorá'llá'yó fatwâ yaán.

“Ossé, manúc uggwá'yé honó ekkán ibâda'r babute zani no loi'lé, tói híyan sóyi ói'bállá lage-de corót ókkól no zani'lé, híba'yé gojjé'dé ibâda'gán sóyi no ói'bó, híba'yé híyan ikhlás lói gojjé'dé ói'lé'yó. Híba'yé ibâda híyan ebbe náo goré'fán góri, híba'r é Zuzuk'or oin'ot diya zai'bo. Corót ókkól zani'yóré híin adai goré'dé manúc úggwá'yé goré'dé ibâda sóyi ói'bó, ar híyan'é híba'r é Zuzuk'ottú basai'bó. Hálí, ossé híba'yé híyan ikhlás lói náo goré'dé ói'lé, híba'r é ibâda no gosi'bó, ar híba'r é oinno gom-ham ókkól'ó no gosi'bó. Híba'yé híin'óllá honó sawâb no fai'bó. Allâhú ta'âlâ'yé híba'r é ibâda híyan áddé híba'r é oinno gom adde dan sótká goré'dé ham ókkól lói kúci no ói'bó bóli elan gojjé. Elóm áddé ikhlás-sará goré'dé ibâda honó sóyi no ói'bó. Híya'né ibâda goróiyá'wá'r é kuféri, guná-gorá, áddé toziya'ttú no sóoñlí'bó. Zidegi'bór ibâda gojjé'dé dui-mukkyá (munafék) ókkól Kafér boni mojjé'dé bici zón loot faa gi'yé. Elóm áddé ikhlás lói goré'dé ibâda'ye ibâda goróiyá'wá'r é kuféri áddé gúná-gorá'ttú sóoñlí'yóré híba'r é duniyai't 'azíz (bici izzottyá) banai'bó. Híba'r é Ahérót'ór zindegí'r babute hoi'tó sai'lé, Allâhú ta'âlâ'yé híba'r é Zuzuk'or toziya'ttú basai loi'bo boli súra Mãida'r áyat Karím 9't adde súra Wá-l-ásr'ót elan gojjé. Allâhú ta'âlâ Nizor waada mozin háñsá táké. Híba'ye nitti Nizor waada fale.”]

Allâhú ta'âlâ'yé Nizor Bodola Nizor bonda ókkól átá'yó lo.

'ilm-i-ladunnî náí'dé hítára'r é bonda'r átá gorá'bai'yé.

Bonda'r hazor cis beggún (Osól) Banoiya'r.

Allâh'r Hókúm-sará ekkán nará úddá no lori'bó.

ALLÂH ÓILDÉ NITTI TÁKÉ'DÉ EKGÜLLYÁ ZÂT. MOKHLÚK BEGGÚN AGE NO ACCÍL'DÉ HÉNDÍLLÁ HÍN HÓTÓM'Ó ÓI'ZAI'BO'GÓI.

Aañrá aañrá'r dhákédhukó'r cisbíc'óre aañrá'r gaa'r sút-ólá híssá ókkól lói siní. Aañrá'r sút-ólá gaa'r híssá ókkól'é ót goré'dé cisbís'óre **mokhlúk** hoó. Aañrá'r fañs kisimmyá sút'ót asé'dé ót-gorá ókkól'óre **hásiyót** hoó, ar hín ekkán lói ekkán forók. Foór, abas, faní, boi'yar adde fóçík'ór cisbís óildé beggún mokhlúk ókkól; hín beggún asé, táké. Sáaiz, uzón áddé hák, maání, zaga há'dé mokhlúk ókkól'óre (ingirazi't) **sábsthéns** (ar noói'lé) **methar** hoó. Sábsthéns ókkól zar zar hásiyót mozin te te ekkán lói ekkán forók ó. Boiyar, faní, cíl áddé fóçík ókkól óildé foitto'gán sábsthéns. Foór áddé abas óildé sábsthéns noó, hín'é noó zaga há, ar noó hín'óttú uzón asé'd é hétóllá. Foitto mokhlúk'óttú bol cóttí asé; maání, híyan'é ham gorí fare. Foitto ekkán sábsthéns tin háálót'ót táki't fare: doró, fainná áddé géés. Doró sábsthéns ókkól'óttú cokól táké. Fainná áddé géés cisbís'é hín táké'dé tárá'r cokól'ót boni táké, ar hín'óttú dójjá cokól náí. Cokól-ólá sábsthéns'óre (ingirazi't) **object** hoó. Sábsthéns ókkól óildé becbák óbjékth. Mesál, sabí, fin, cúbon, fáaçá áddé zoloi ókkól óildé alok alok cókól'ór dhooillabodhooilla óbjékth ókkól. Háli, hín beggún ekkui cis loi banai'yé'dé óit fare, maání, luwá. Sábsthéns dui kisím asé: (Hín'óre Ingirazi't) elíménths áddé kompáond (hoó).

Bodola sódóllá foitto óbjékth'ót ó. Mesál, híyan'é lori'yoré nizor zaga bodoli't fare, (noói'lé) aró dhoóñr (ar noói'lé) aró cúnçó ói't fare. Híyan'ór rong bodoli't fare. Jandár cis ói'lé, híyan'óttú ocúk ói't fare, noói'lé, mori't fare. Bodlola sódóllá iín'óre **mamala** hoó. Baár'ór honó asór no táki'lé, meethar'ot honó keccú no bodole. Methar'or hásiyót'ót honó keccú no bodole'de héndíllá mamala're (Ingirazi't) **fizikel ívénth** hoó. Ekkán habos fáçón'nán óildé ekkán fizikel ívénth. Sábsthéns ekkán'ót fizikel ívénth ekkán ói'bállá, sábsthéns híyan'ót bol uggwá fora fore. Sábsthéns

ekkán'ór boni-táká (ar noói'lé) hásiyót'óre bodoli félá'dé mamala ókkól'óre (Ingirazi't) **kemikel ívénth** hoó. Habos ekkán zoli'yoré saí ói'za'gói'dé híyá, ekkán kemikel ívénth ó. Sábsthéns ekkán'ót kemikel ívénth ékkán ói'bállá sábsthéns híyan'ót ar ekkán sábsthéns'ór asór fora fore. Sábsthéns dui'yán ar noói'lé beec'e tará tará talukot gorí foitto'gán'ót kemikel ívénth ói'lé, híyan'óre (Ingirazi't) **kemikel reaction** hoó.

Sábsthéns ókkól'ór maz'ór kemikel reaction, maání, híin'ór guri guri híssá ókkól'ót ó'dé híin'ór ekkán'é ar ekkán'óre asór-gorá (híin kemikel bodola-ówá ekkán'ót híssá loi fare.)'ré (Ingirazi't) **ethom** hoó. Óbjékth foitto ekkán'óre becábíci ethom loi banaiyé. Ethom ókkó'óre banai'yé'dé torika ekkui ói'lé'yó, híin'ór sáaiz áddé uzón forók forók. Hétólla, aáñrá, yaa, ethom ek-có-fańs (105) dhoilla asé'dé zani. Ethom ebbe bódhdha'wá, ebbe tes maikroskóup loi úddá dahá no za'de héndíllá be-niyom'or bici guri. Ekkui dhoilla ethom dola ó'dé híyá, híin uggwá **élíménth** bone. Ethom ek-có-fańs kisím asé'dé hétóllá, élíménth ek-có-fańs (105) kisím asé. Áiyén, salfa, makyuri, oksijen adde kabon foitto'wá óildé uggwá uggwá élíménth. Forók forók ethom dola ói'lé, híin **uggwá kompáond** bone. Kompáoun lak lak asé. Faní, nicá, nun adde sódí óildé kompáon ókkól. Duwá noói'lé híya'ttu aró beec élíménth (ar noói'lé) ethom buńda ói'yóré kompáon bone.

Óbjékth beggún, mesál, murá, dojja, foitto zat'or gasgusalá áddé januwar ókkól'óre ek-có-fańs (105) élíménth lói banai'yé. Jan'dár áddé jan-sará sábsthéns beggún'óre banaiyé'dé osól cis'gín óildé, ek-có-fańs élíménth. Sábsthéns beggún, e ek-có-fańs élíménth'óttú uggwá (ar noói'lé) beec'or ethom ókkól mile'de hintu bone'de. Boiyar, meçi, faní, gorom, foór, kaárún áddé (dahá noza'de héndíllá guri guri) be-aram'or fukzúk ókkól'é kompáond ókkól'óre alok goré (ar noói'lé) sábsthéns ókkól'óre ekkán lói ekkán mila ba. **“Hónó ekkán zoriya-sará honó keccú no bodole.”** Bodola iin'ót, élíménth'ór híssá, ethom ókkól uggwá sábsthéns'óttú ar uggwá't híjrót goré (ar noói'lé) sábsthéns uggwá'ttu niyoli'yoré azad ói'zagói. Aáñrá óbjékth ókkól áńzí za'gói'dé deki'yoré, baár'tú dehá za'de híyan lói fáisálá gorí'dé hétólla, aáñrá'ttu golti ó'dé, baár'tú sai'lé “áńzí za'gói'dé” (ar noói'lé) “dahá za'de” híin

keccú noó, híin bodoli'yoré oinnyo sábsthéns ókkól boni zagói'dé; óbjékth ekkán áñzí zoon'gói, mesál, hobor'or murda uggwá áñzí za'gói'dé híyan óildé, híba bodoli'yoré faní, gées áddé meçi'r cisbís'ór dhóillá sábsthéns ókkól boni za'gói'dé. Ossé, bodoli'yoré bone'de noiya sábsthéns'gín'é aáñrá'r gaa'r sút-goré'dé híssá ókkól'ót asór no gori'lé, híin bone'de aáñrá ót gori no farí. Hétólla írí, foóilá'r cis'sán bodoli'yoré oinnyo cis boinné'dé héçe, aáñrá híyan áñzí gi'yé'gói hoói'dé. Aáñrá aró, ek-có-fañs éliménth foitto uggwá'r kudurut bodole'de adde, éliménth foitto uggwá't fizikel adde kemikel ívénth ókkól ó'dé híin'ó zani. Kompáon úggwá't, éliménth uggwá ar uggwá (ar noói'lé oinnyo'gín) lói 'juçe'dé híyá, híba'r ethom ókkól'é elekthron (ókkól) fa (ar noói'lé) hárá'dé hétólla, éliménth'wá'r becábicí fizikel adde kemikel cis ókkól bodole. Éliménth foitto uggwá'r ethom'wá're uggwá niyúklíás áddé **elekthron** hoó'dé guri guri zora ókkól lói banai'yé. Niyúklíás'swá óildé ethom'mwá'r fúwán mazé. Haidhrojen baddi éliméth beggún'ór ethom ókkól'ór niyúklíás'swá're **prothon** adde **niyuthron** hoó'dé guri guri zora ókkól lói banai'yé. Prothon'ot, kaárún'ór pozitív caáz táké, ar niyuthron'ot honó kaárún'ór caáz náí. Elekthron óildé niyúklíás'swá'r dhákédhuké sole'de negétív-kaárún'ólá guri zora. Elekthron ókkól nitti nizer nizer fak mozin guré dé noó; híin'é nizer nizer fak bodole.

Ethom ókkól'ór niyúklíás ókkól'ót'ó (Ingirazi't) **fissions** hoó'dé bodolasódólá ókkól ó'dé híyan **redhiyoéktiv** éliménth ókkól'ót sáábút dahá zá. Aró, niyúklíás'ór bodola iín'ót, éliménth uggwá bodoli'yoré ar uggwá boni za'gói; ar methar'or dhaái hodún cóttí boni za'gói, bodola híyan'óre (Híjri 1375 [1955])'ót mara gi'yé'dé) Yahúdí, Fízík'ór elóm'dár Aiñstháin'é hoí'yé. Héndíllá, kompáon, éliménth ókkól bodoli'yoré ek'gín'óttú ar ek'gín boni zai'gói't fare.

Jandár óuk, jan-sará óuk, foitto sábsthéns bodole, maání, furan'nán áñzí zai'gói'yoré noiya ekkán foida ó. Ajja asé'dé gasgusalá (ar noói'lé) januwar, foitto jandár iín age no accííl, onnyo jandár ókkól accííl. Ar ai'bó'dé hal'ot, ehón'ór jandár ek'gín'ó basi no tákí'bó, jandár ar hodún foida ói'bó. Jan-sará cis beggún'ór háálót'ó héndíllá. Jandár áddé jan-sará cis beggún, mesál, élimént

aiyén, kompáon cíl áddé ándhdhí, áddé zora beggún nitti bodole, maání, furan'nán áñzí zai'gói onnyo'gín foida ó. Foida ó'dé cis'sán áddé áñzí za'gói'dé híyan'ór hásiyót'tín ekkui óilé, mancé, bodola'gán étí no farí'yóré, sábsthéns'sán nitti táké bóli tháaré. Híyan'ór mesál filing'ót dahá za, hotúún baade baade alok alok ekkán sába ai'yé'dé suké deká zá; toó, étí no farí'yóré, soóiyá'gín'é eskirin'ot sába óde ódé foólá'gán sole boli tháaré. Habos ekkán zoli'yoré sái boni zai'lé'gói, aáñrá hoói'dé, habos'sán áñzí zai'gói'yoré sái foida ói'yé, aáñrá bodola híyan ót gori fajji'dé hétólla. Borók unái'lé, aáñrá borók áñzí'yoré faní boinné hoói.

Kitaf, **Cárh ál-'Aqâ'id**'ór cúru't, lekkyé'dé: “Allâhú ta'âlâ nitti táké'dé zaat'dé híyan, foitto ekkán cis'ottú, dahá za'de hétólla, mokhlúk beggún'óre **'âlam** hoó. Ekkui dhoilla cis'or zat foitto'wá're'yó **'âlam** hoó, mesál, moniccó'r zat, firissa'r zat, januwar'or zat, jan-sára'r zat. Noói'le, óbjékth foitto'gán'óre ekkán ekkán **'âlam** hoó.

Kitaf, **Cárh ál-Mawâqif**'ór sábbá 441'ot lekkyé'dé:^[1] “**'âlam** óildé **hâdís**, maání, foitto ekkán mokhlúk. Hoitó sai'lé, híin foóilá no accííl, fisóttú foida ói'yé'dé. [Tói, mokhlúk ókkól nitti ekkán ar ekkán'óttú foida ó'dé aáñrá woo'ttú buzái félai'yí.] Sábsthéns ókkól'ór methar adde hásiyót ókkól duní'gín óildé hâdís. Yaán'ór babute alok alok buzá sair kisím asé.

1) Musólmán, Yahúdí, Kíristán áddé oin fuñzoiya ókkól'ór howá mozin sábsthéns ókkól'ór methar adde hásiyót ókkól hâdís.

2) Arísthothel áddé híba're mane'de montek'or elóm'dár ókkól'ór howá mozin, sábsthéns ókkól'ór methar adde hásiyót

[1] Kitaf, **Cárh-i Mawâqif** lekkyé'dé Sayyid Cerif Alí Jurjâní, Híjri 816 [1413 A.D.]'t ,Círaz'ót entekal óiyé. Kitaf'fwá óildé, Ahmád 'Alâ'uddîn Íjî'r fuwa, ([700 A.D.]'t, Íj Círaz'ót ói'yoré 756 [1354 A.D.]'t) entekal ói'yé'dé, Qâdî 'Adûd Âbd-ur-Rahmân “ráhmatullâhí 'alâih'r kitaf **Mawâqif**'ór ugghwá caráh (kúli-boyan goré'dé kitaf). Híba'yé híba'r nizer kitaf'oré baçı gori ugghwá lekí'yoré híba're **Jewâhîr** nam di'yé. Fisóttú, Cems-addîn Fenârî “ráhmatullâhí 'alâih'yé baçı'wálla caráh ugghwá lekkyé.

ókkól dui'nígín abadulabad táké. Tará hoi'yé'dé, híin no accíil'dé cis foida ói'yé'dé no ó, híin nitti accíil'dé. Noiya zobona'r kemisthiri'ye barábári híyan'óre ebbe golot sábut goré. Héndíllá mane'de (ar noói'lé) hoó'dé manúc Islâm Dórmó'ttú baáir ói'yóre Kafér ói za'gói. Íbn Sînâ^[1] áddé Híjrí 339 [950 A.D.], Damáskás'ót entekal ói'yé'dé Muhámmád Fârâbî'yé'yó héen hoi'yé.

3) Arísthóthél'ór agor montek'or elóm'dár ókkól'ór howá mozin, methar abadulabad táké, hálí hásiyót ókkól hâdís. Yaa, becbák sáaiñs'dár ókkól'ó'ttú golot báfá yaán asé.

4) Methar óildé hâdís, ar hásiyót ókkól abadulabad táké bólí honó kiyé nóo hoó. Kalínós'é e sair'ó'wán'óttú honó ekkán'ó fáisálá gorí nóo fáré.

Musólmán ókkól'é methar adde híin'ór hásiyót ókkól hâdís'dé híyan boóut dhóillá gorí sábut goré. Foóilá'gán óildé, methar adde híin'ór zora beggún nitti bodola't táké'dé híyan. Bodole'de cis ekkán abadulabad táké'dé ói no faré; sábsthéns foitto ekkán híyan'ór agor'gán'óttú foida ó'dé ham'mán gi'ye'gói'dé hal'or abadulabad fojjonto fissa zai no faré'dé hétólla, híyan'óttú hâdís ówá fori'bó. Bodola iín'óttú cúru ekkán tákón saá, maání, foóilá'r cúru't, age no accíil'dé sábsthéns hodún banaáil'dé ówá fori'bó. Ossé, foóilá'r cúru't, age no accíil'dé sábsthéns ekkán banaáil'dé no ói'tó, maání, sábsthéns ekkán híyan'ór agor sábsthéns ar ekkán'óttú cúru ó'dé sílsilá'gán fissá o-fúrání gi'yé'gói'dé hal'ot giíl'dé ói'tó, ekkán ar ekkán'óttú foida ó'dé sábsthéns ókkól'ór cúru no tákí'tó, ar yaa, honó sábsthéns no tákí'tó. Ehón sábsthéns ókkól asé'dé hotá'gán áddé híin ekkán ar ekkán'óttú foida ó'dé hotá híyan'óttú híin age no accíil'dé sábsthéns hodún foóilá'r cúrut banaáil'dé híin'óttú barí barí bec ói'yé'dé hotá'gán dahá zar.

Aró, asman'or híkka'ttú fore'de cíl'ór dola uggwá címá-sará o-fúrání zaga (ar noói'lé) cúru-sará o-fúrání óttó'ttú accé bólí hoói no faré, lofzó iín'é cúru-sará címá-sará ówá're dahá'dé hétólla.

[1] Íbní Sînâ Husain, Híjrí 428 [1037 A.D.], 't entekal ói'yé.

Héen óilé'dé, címá-sará'ttú aá'r maání, no accíil'dé háálót'óttú foida ówá ói zai'bo'gói, tói, cúru-sará'ttú accé'dé hoó'dé honó ekkán cis ebbere'yó no aiyón accíil. “Híin cúru-sará'ttú aiyé.” hoón'nán be-elómi áddé bekufi. Héndíllá, manúc ókkól ek'gín'óttú ar ek'gín barí barí beec ór'dé híin abadulabad'óttú aiyér'dé ói no faré. Híin hámaká keccú-sará'ttú bana-gíil'dé ebbe cúru'r manúc'cwá'ttú cúru góri barí barí beec óiye'dé ówá fori'bó. Ossé, keccú-sará'ttú bana'gíil'dé foóilá'r cúru'r manúc uggwá no tákí'tó, ar manúc ekzon'óttú ar ekzon barí barí beec ór'dé híin abadulabad'óttú óiyé'dé ói'tó, ajja manúc ek zon'ó no tákí'tó. Mamalá'gán foitto mokhlúk'óllá ekkui. Sábsthéns ókkól (ar noói'lé) mokhlúk ókkól ekkán'óttú ekkán foida ó'dé híin'ór babute “Híin zeén accé, héen zai'bo'gói. Keccú-sará'ttú bana'giyé'dé ebbe cúru'r cis ekkán'ó no accíil.” hoón'nán ahol adde sáaiñs lói no háçé'dé héndíllá be-elómi hotá ói'bó. Bodola sódóla ówá'yé abadulabad ówá'ré dahá'dé noó, híin'é keccú-sará'ttú foida gorá'ré dahá'dé; maání, híyan'é **Wájib al-wujûd** ówá'r hásiyót'óre dahá'dé noó, **mumkin ál-wujûd** ówá'ré dahá'dé.

Súwál: “ ‘âlam'óre Banoiya Nize adde Híba'r Hásiyót ókkól óildé abadulabad táké. Híba'r Hásiyót, ‘Banai-fara’ abadulabad'dé ísáfé, ‘âlam'óttú'yó abadulabad ówá no fore níki?”

Juwaf: Aáñrá nitti deki'dé, abadulabad Banoiya'ye sábsthéns ókkól áddé zora ókkól'óre becábici dhoillabodhoilla zoriya ókkól lói bodole; maání, Híba'yé híin'óre fáná gorí félái'yóre híin'ór zaga't ar hodún bana. Abadulabad Banoiya'ye Nizottú zeéñtté mone hoó hééñtté bana; maání, Híba'yé nitti sábsthéns ókkól'óre ekkán'óttú ar ekkán foida goré. Híba'yé foitto ‘âlam, foitto sábsthéns áddé foitto zora ókkól'óre hodún hodún zoriya ókkól lói foida goré'dé héndíllá, Híba'ttú mone hoó'dé híyá híyá, Híba'yé híin honó zoriya-sará'yó banai fare.

Mokhlúk ókkól hâdis'dé híyan biccác goré'dé manúc uggwá'yé, híin'óre ar ek bar fáná gorí'bó'dé híyan'ó biccác gorí'bó. Ek hal'e, no accíil'dé mokhlúk ekkán banaiyé'dé híyan, aró ek bar no tákí'bó'dé dahá za. Yaa, becábici mokhlúk ókkól fáná ói za'gói (ar noói'lé) bodoli'yóre aáñrá'r gaa'r sût-óla híssa

ókkól'ór wore asór gorí no faré'dé háálót'ót ói za'gói'dé aáñrá'r dekí.

Musólmán ói'té, sábsthéns, óbjekth áddé mokhlúk beggún'óre keccú-sará'ttú banai'yé, ar híin ar ek bar fúrai'yó zai'bo'gói'dé hotá'gán biccác gorá fore. Aáñrá' sábsthéns ókkól keccú-sará'ttú foida ói'yóré, fitín hótóm ói zar'gói'dé deká't así; maání, híin'ór cókól súrót áddé híssá ókkól áñzá't asé. Óbjekth hótóm ói zai'lé'gói, híin'ór sábsthéns táái zá'gói. Héen ói'lé'yó, wortú buzái'yí'dé héndillá mózin, sábsthéns iín'ó abadulabad noó; híin'óre Alláhú ta'âlâ'yé bici age banaáil, ar Híba'yé duniyai fúrai'bá'r ottó ai'yé'dé híyá, híin hótóm gorí félai'bó. E zobona'r sáaiñs'é aáñrá'ré hotá híyan biccác gorá'ttú no ruké. Híyan biccác no gorón maání, sáaiñs'óre incá gorón áddé Islâm Dórmó'r lói guccá ón. Islâm Dórmó'yé sáaiñs'ór elóm'óre inkar goré'dé noó, dórmó'r elóm no cíká áddé ibâda'r zimma ókkól adai no gorá'ré inkar goré'dé. Sáaiñs'ór elóm'é'yó Islâm Dórmó'ré inkar no goré'dé no goré, aró uzan híyan háñsá'dé híyan háthi gorí de'de.

Álam hâdís'dé hétolla, aáñrá wor'tú buzái'yí'dé héndillá, honó ekkán mamala zar'gín te ói no faré'dé isáfé, híyan'óre keccú-sará'ttú banai'yé'dé hámaká uggwá banoiya táká fori'bó. Yaa, meél ókkól'ót, ázár azár dabai ocút, gór'ór sáisamáná, hasharbar adde códóri'r cisbís, kaárún'ór mal fottoro, adde átíyár ókkól banai niyalar. Híin becbák'óre niyala'de noya salan'or kerenghallya isáf ókkól áddé cótácotí theés ókkól gorí baade. Tará híntu ekkán cis úddá híyan'órgín híyan oneggáné foida ói'ye bólí hoóné? Noó, tará hoó'dé, híin'óre uñc'or sáñté, iccá mozin fáisálá góri bana'de, ar híin foitto ekkán'óttú banoiya lage; toó, tará jandár, jan-sará áddé banai'yé'dé fórna ajó no siné'dé héndillá noiya loot fa'de cisbís áddé mamala ókkól'ór laká lakí sábsthéns ókkól, ziyán'órgá híyan oneggáné foida óiye bólí dabi goré. Yaán, munafékí, ekguwajja zaa (ar noói'lé) sam'ot bazáiyá bekufi noói'lé ar ki ói'bó? Foitto sábsthéns áddé lorsor foida goré'dé Banoiya baná uggwá asé'dé híyan'ór sábut asé. Banoiya híba óildé **Wâjib álwujûd**, maání, Híba keccú-sará'ttú foida ói'ye'dé noó; Híba'ttú abadulabad táká fore, Híba'ttú Nize tákí'ballá honó keccú'r dorhar náí. Ossé, Híba hámaká abadulabad tákkiíl'dé no ói'tó, Híba 'âlam'ór dóillá uggwá

mokhlúk, mumkín ál-wujûd (ar noói'lé) hâdís ôi'tó, Híba'ré keccú-sára'ttú (ar noói'lé) ódé ódé ar uggwá banoiya'ye keccú-sára'ttú banai'yé'dé ar uggwá mokhlúk'óttú bodolasódólá'r zoriya banai'yé'dé ôi'tó, hétólla ó-címáná banoiya hodún hámaká lage; mokhlúk ókkól'ót ó'dé bodolasódólá ókkól'ót ó-címáná ôi no faré bóli aáñrá wor'tú buzaiyí'dé héndíllá, aáñrá'yó ekkui dhooilla gorí báfi'lé, o-címáná banoiya hodún táki no faré'dé híyan áddé bana cúru gojjé'dé uggwá foóilá'r cúru'r ekgúillyá banoiya'ye'de híyan buzá zai'bo. Ossé, banoiya ókkól'ór ekkán baade ar ekkán gorí gorí ekkán'óttú ekkán banai'yé'dé híin abadulabad fojjonto fissa zai'to, cúru gorí'bár honó banoiya no fai'tó, ar honó banoiya no táki'tó. Hétólla, honó kiyó'r bana-sára asé'dé foóilá'r cúru'r banoiya'wá óildé, mokhlúk beggún'ór Alok-Háas Banoiya. Híba'r age fisé ar honó banoiya náí. Híba'ré kiyé foida goré'dé noó. Híba nitti táké'dé. Ossé, Híba'yé ek saát táká bon gorí'tó, mokhlúk beggún'ó'r táká'yó bon ôi zai'to'gói. Wâjib ál-wujûd'óttú hónó dórán'é honó keccú no lágé. Duniyai, asman, ethom adde jandár ókkól'óre héen cóm niyom áddé isáf'ór saáñté báil gorí banai'yé'dé Híba'ttú, beggún zanoiya adde beggún faroiya, Híba'ttú mone hoó'dé híyan héhon banai faroiya óón saá, ar uggwá óón saá, hálí, Híba'ttú honó bodolasódólá no tákón saá. Ossé, Híba'r takot o-címáná no ôi'tó, Híba beggún-zanoiya no ôi'tó, Híba'yé mokhlúk ókkól'óre héen cóm niyom áddé isáf'ór saáñté báil gorí banai no fari'tó. Ossé, banoiya uggwá'ttú áro beec ôi'tó, ar keccú ekkán banai'bár tará'r irâda no boni'tó, zitará'r irâda a-gojjá táki za'gói, hitára banoiya no ôi'tó, tói héen'é héen'é banai'yé'dé cisbís beggún miáiyá ôi zai'to'gói. Aró hóbórbáttíri zani fari'bállá, meérbáni gorí (Híjri 575 [1180]'t entekal ôi'yé'dé) 'Alí Ūci'r **Qasîdat ál-Amâli**'ré Arabi adde Turki hotá't kúlí boyan gojjé'dé kitaf'fin foró.

Banoiya'r bútoré honó bodolasódólá noó. Kulle duniyai banai'bár age, Híba óde óde ehón asé'dé héndíllá accífi'lé. Híba'yé foitto ekkán cis'óre keccú-sára'ttú banai'yé'dé héndíllá, Híba'yé ódé odé héndíllá nitti adde ajó foitto'gán bana't asé; (ar noói'lé), honó ekkán bodola'ye mokhlúk-ówá áddé keccú-sára'ttú bana'giyé'dé-ówá're dahái'tó. Híba nitti táké, ar Híba'yé honó ottó't táká bon no gorí'bó'dé híyan aáñrá wor'tú buzai félai'yí.

Hétólla, Híba'r bútoré honó bodolasódóla no ó. Mohlúk ókkól'óttú cúru't híin'óre banai'bállá Híba're laggíil'dé héndíllá, híin'óttú Híba're foitto ottó't lage. Foitto cis bana'de, foitto lorsor ówá'ba'dé gaa gaa Híba'yé. Híba'yé foitto ekkán cis'óre mancé jane basi'yoré hássáhasólót izzottya bone'fán, áddé foitto cis niyom mozin báil bail góri ó'fan ekkán ekkán zoriya loi foida goré. Híba'yé zoriya ókkól zeén bana, héndíllá Híba'yé zoriya ókkól'ór takot adde asór'ó bana. Mancé keccú foida góri no faré, manc'ór ham óildé, zoriya ókkólé sábsthéns ókkól'ór wore asór goré'dé héçe usilá bonon.

Búkk'ór ottó't háná hóón, ocúk'ór ottó't dabai hóón, bumbatti dórái'bállá sólói maron, haidhrojen fai'ballá zínk'ót hodún esíth dhálí doon, címith banai'bállá sóodí're fúñth lói miyái'yoré híin'óre gorom doon, dut fai'ballá gai'yoré adár doon, kaárún niyalai'bállá faní-lói-kaárún-dede-meél banon áddé ze honó kisím'ór meél banon iin beggún óildé Allâhú ta'âlâ'yé noiya noiya cisbíc bana'fán (moniccó'yé) zoriya ókkól estemal gori'yoré mazó'ttú usilá ísáffyá ham goré'dé mesál ókkól. Moniccó'r irâda adde takot'ó Híba'yé bana'de zoriya ókkól. Ar moniccó óildé Allâhú ta'âlâ'yé foida gori'bár zoriya ókkól. Allâhú ta'âlâ'yé héndíllá góri foida gori'tó saá'dé. Dahá zar'de mozin, “Giya'ye adde giya'ye banaiyé,” ar noói'lé “Aáñrá banaiyi.” hoón'nán ahol adde sáaiñs lói no háçí'yoré be-elómí, be-akkolí hotá ói'bó.

Moniccó'ttú, tará're banai, ziyañta rakí, tará'ttú lage'de cisbís banai'yoré tará'r hañsé difeçá'dé Háás Banoiya're ador gorá fori'bó. Tará'ttú Híba'r bonda adde gulam óón saá. Maání, foitto mokhlúk'óttú Híba'r ibâda góri, Híba're mana adde izzot gorá fori'bó. Hotá yaán'ór babute kitaf ibá'r foriso síyará'wát lambá góri lekkyá asé. Ekgúillyá Hásti, Húdá, Wâjib ál-wujûd ibá'r Nam **Allâh** boli Híba'yé Nizebaze elam gojjé. Híba'yé Nizebaze zanai diyé'dé Híba'r Nam'mán'óre bodoli'bállá moniccó'ttú hók nái. Gori'bá'r hók nái'dé ham ekkán gorón'nán ekkán bicí golot, féderá ham.

Kírístán ókkól áddé tará'r fadúrí ókkól'é banoiya tinnwá asé bóli biccác goré. Aáñrá wor'ottú boiyan gojjí'dé súwál juwaf'fin'é banoiya baná uggwá asé'dé híyan áddé Kírístán

Dórmó'yé áddé fadúrí ókkól'é hoó'dé hiin golot, ar hiin'é
(mancóré) óúr goré'dé híyan dahá.

*Elóm zai'légói, Islâm Dórmó'yó zai'bo'gói;
Tói, be-elómi hoói'dé hóráfí yaán'óttú,*

*Aáñrá'ttú aáñrá niz'oré áddé koum thiyá're azad
gorí'bállá kucíc gorón saá.
Gel'de docá'gán'óttú ajó buddí nóo fái'dé niki?*

*Ossé, agorí gona híyan'ór zoriya hání ói'ye'dé hūn'ór
báfá báfíta bólí!
Tuwáñr mogos unái'yóré, suk'ór faní lou boni zai'to'gói!*

*Giyói'dé mamala'gín'é aáñrá're ki hoó'r, tuwáñrá
zani'táyá!
Koum dónco ói zai'bo'gói, ossé thík noói'lé!*

*Noiya búsál uggwá't bicí toziya fai't fare'de hétólla.
Hétun'ót gúm zoon maání gunaárí no fa'de héndíllá
mout ói't fare'de hétólla!*

*Tuwáñrá'r adof ahklák thík gorí'yóré sáaiñs'ót dhuf
maro;
Ethóm buúm áddé dindar laráibás ókkól'óttú!*

*Islâm Dórmó áddé larái'r mamala't torki óón saá;
Hé duni'yán,mili'yoré, koum uggwá're cánti't aní di'bó.*

“SALAFÍYYÁ”

Aáñrá ebbe cúru’t hoi’yúm’dé, Áhl ás-Súnná’r âlim ókkól “ráhmatúllâhí taálá aláihím ájma’in”é lekkyé’dé kitaf ókkól’ót “Salafíyyá” (ar noói’lé) “Salafíyyá Mázháb” hoói’yóré keccú nâi. Nam iín, fisóttú fisóttú dórmó’r be-elómí manúc ókkól’é Arabi hotá’ttú Turki hotá’tdui-bácá’gojjé’dé Mázháb-sára ókkól’ór kitaf ókkól’ór zoriya Turki’r manúc ókkól’ór mazé aamfáng ói’yé. Tará’r howá mózin:

“Salafíyyá óildé Ac’aríyyá áddé Mâturîdíyyá Mázháb’fin cúru ói’bár age Súnní beggún’é mani’tó’dé uggwá Mázháb. Tará Sahâbât ál-Kirâm áddé Tâbi’in’órgín mozin soloiya accífl. Salafíyyá Mázháb óildé Sahâbât ál-kirâm, Tâbi’in áddé Taba at-Tâbi’in’ór Mázháb. Bódhdha imâm sair’ó’wá Mázháb ibá’t accífl. Salafíyyá Mázháb’oré bol diye’dé foóilár cúru’r kitaf’fwá óildé ál-Imâm al-a’zam’é lekkyé’dé **Fíqh ál-akbar**. Al-Imâm al-Ghazâlî’yé nizor kitaf **Iljâm ál-awâm ‘ani-I-kalâm**’ót lekkyé’dé, Salafíyyá’ Mázháb’ót dorhari cis hâñt’tan asé. Mutaákhhirîn(físsó’ttú accé’dé híin)’ór ilm ál-kalâm, ál-Imâm ál-Ghazâlî loi cúru ói’ye. Agor agor kalâm’or ‘ulumâ’r Mázháb ókkól áddé Islâm Dórmó’r montek’or elómdár ókkó’lór báfáná ókkól zará gorí’yóré, ál-Imâm ál-Ghazâlî’yé ilm ál-kalâm’ór torika ókkól’ót bodola sódóla ókkól gojjé. Híba’yé ilm ál-kalâm’ót híin’ór ulda za’de héndíllá buzá-óla montek’or fón hódun gólái di’yé. Ar-Râdî áddé ál-Âmidî’yé kalâm áddé montek’oré uggwá gorí’yóré híin’oré elóm’ór uggwá dhéiñlá banai’yé. Tói, ál-Bédâwî’yé kalâm áddé montek’oré sírá gorí no faré’fán gojjé. Mutaákhhirîn’ór ilm ál-kalâm’é Salafíyyá Mázháb’ór aamfáng ówá’ré ouñsí félái’yé. Íbn Taimíyyá áddé híba’r cágíríd Íbn álQayyím ál-Jawziyyá’yé Salafíyyá Mázháb’fwá’ré torki gorí’tó kucíc gojjííl zibá fisóttú bânghi dui bák ói’ye; agor Salafí ókkól’é Allâhú ta’âlâ’r hásiyót ókkól (noói’lé) mutacâbih’r náss’ór babute zora zora gorí nóo saá. Fisór Salafí ókkól’é híin’ór babute zora zora gorí díyán diya fosón gojjé. Mamala yaán

Íbn Taymíyyá áddé Íbn ál-Qáyyím alJawzíyyá tará'r dóillá fisór Salafí ókkól'ór lói beec deká za. Agor adde fisór Salafí beggún'óre fúwānti **Áhl ás-Súnnát ál-khâssa** hoó. Áhl ás-Súnná'r kalâm-óla ókkól'é náss hodún'óre kúlí maání gojjé, hálí Salafíyyá híyan'ór ulda accííl. Allâh'r Muk adde Híba'r Aá mancór muk adde tará'r aá lói ekkui noó hoói'yóré, Salafíyyá Mucábbiha lói forók ó."

Mázháb **ál-Ác'arî** áddé **ál-Mâturîdî** fisóttú bená gojjé'dé hoón'nán sóyi noó. E bódhdha bódhdhá imâm duní'wá'yé Salaf ás-sâlihîn'é hoói diyé'dé í'tiqâd adde imân'or elóm'óre hoicá ókkól'é buzé'fán gorí buzái'yé, ar topka topka gorí báil goríyóré sábai niyalai'yé. Ál-Imâm ál-Ác'arî óildé ál-Imâm ác-Câfi'î'r cágírít'ór sílsilá'ttú accííl. Ar ál-Imâm ál-Mâturîdî óildé ál-Imâm ál-ázam Abû Hanîfá'r cágírít ókkól'ór bútó'ttú uggwá bódhdha zoriya accííl. Ál-Ác'arî áddé ál-Mâturîdî'yé tará'r ustad óól'ór osól Mázháb'ór baá're nóo zá; tará noiya Mázháb bená nóo goré. E duní zón áddé tará'r ustad ókkól áddé Mázháb sairó'wá'r imâm, beggún'ór Mázháb uggwá accííl'dé: Imân'or lain'or nam'e dhak Mázháb, **Áhl ás-Súnnát wa-l-Jamâ'a**. Dhaái iba'r mancé mane'de imân'or osól dorhari cis'gín óildé Sahâbat ál-kirâm, Tâbi'în áddé Tabá' át-Tâbi'în'órgín lói ekkui dhoillya. Ál-Imâm ál-a'zam Abû Hanîfá'yé lekkyé'dé kitaf, **Fíqh ál-akbar**'é Mázháb Áhl ás-Súnná're bol de. Kitaf híba't áddé ál-Imâm ál-Ghazâlî'r **Iljâm Ál-awâm 'ani-l-kalâm**'ót 'Salafíyyá' hoó'dé lofzó'wá náí. Kitaf e duníwá't áddé **Fíqh ál-akbar**'ór tafsír ókkól'óttú uggwá, **Qaul ál-fasl**'ót^[1] Mázháb Áhl ás-Súnná'r cíkkatá áddé gumrá dhaái ókkól áddé montek'or elomdár ókkól'óllá juwaf asé. Ál-Imâm ál-Ghazâlî'yé nizer kitaf **Iljâm ál-awâm**'ót lekkyé'dé: "Kitaf ibá't, muiñ Salaf'ór Mázháb sóyi ar thík bóli hoóim. Mázháb ibá'ttú lori za'gói'dé híin bid'á goróiyá ókkól'dé híyan muiñ buzái dim. Salaf'ór Mázháb maání, Sahâbat ál-kirâm áddé Tâbi'în'ór Mázháb. Mázháb ibá'r hámaká mana fore'de cis háñt'tan." Dahá za'r'de mozin, kitaf **Iljâm**'ót 'Salaf'ór Mázháb'ór hámaká mana fore'de cis háñt'owán lekkyé. Híin "Salafíyyá"rgín

[1] **Fíqh ál-akbar, Iljâm** áddé **Qaul ál-fasl** kitaf iín Istanbul'ór Hakikat Kitâbevi'ttú fitín'ó sábai niyalai'yé.

hoón'nán, kitaf'fwá'r leká'gín'ór golot maání gorón áddé ál-Imâm álGhazâlî'ré be-izzoti gorón. Áhl ás-Súnná'r kitaf beggún'ót asé'dé héndíllá, Fíqh'ór babute uggwá bicí kimoti kitaf **Durr al-mukhtâr**'or "cákki"r babute síyará'wa't, lama'ttú 'Salaf' áddé 'Khalaf' lekkyé: "Salaf óildé Sahâba áddé Tâbi'în'ór ekkán lokób. Tará'ré **Salaf ás-sâlihîn**'ó hoó. Tói, Salaf ás-sâlihîn'ór fisóttú aiccé'dé Áhl ás-Súnná'r 'ulamâ' ókkól'óre '**Khalaf**' hoó." Tafsîr'ór 'ulamâ'ye beggún'óttú aró ador adde izzot gorí'tó'dé ál-Imâm ál-Ghazâlî, ál-Imâm ar-Râdî áddé ál-Imâm ál-Beydâwî tará beggún Salaf ás-sâlihîn'ór Mázháb'ót accííl. Tará'r ott'ót accííl'dé bid'á dhaái ókkól'é ilm ál-kalâm'ót montek miyál di'yé. Hoi'tó sai'lé, tará tará'r imân'óre montek loi bená gojjé. Kitaf **ál-Milal wa-n-nihal**'ót, gumrá dhaái híin'é mane'de biccác'ór babute hóbór báttírí zora zora gorí diya asé. Áhl ás-Súnná'r Mázháb'fwá'ré férókbás dhaái híin'óttú sóoñlí'báccót áddé tará'r gumrá báfáná ókkól golot sábut gorí'báccót, imâm e tini'wá'yé tará'r montek'or babute bicí aamfáng gorí juwaf ókkól' di'yé. Juwaf híin diyé'dé maání, montek'óre Áhl-ás-Súnná'r Mázháb lói miyái'yé'dé noó. Aró uzan, tará montek'or báfáná ókkól góláiyá kalâm'ór elóm'óre niyalai alok gorí félai'yé'dé. Ál-Beydâwî'r kitaf'ot, (ar noói'lé), **Cáikh-zâda**'r tafsir ókkól'óttú ebbe kimoti'wá't honó montek'or báfáná (ar noói'lé) montek'or torika náí. Barík barík imâm iín'é montek'ór uzu gi'yé hoón'nán ekkán bicí be-adoffya bonnai. Bonnai yaán foóilá Ibn Taymíyyá'yé nizor kitaf **ál-wásita**'t Áhl ás-Súnná'r 'ulamâ'ré lagaáíl. Aró, Ibn Taymíyyá áddé híba'r cágíríd Ibn ál-Qayyím ál-Jawzíyyá'yé Salafíyyá Mázháb'óre torki gorí'bállá kucíc gojjé hoón'nán, sóyi rassa't asé'dé manúc ókkól áddé golot'or uzu giyé'gói'dé manúc ókkól ek'gín lói ar ek'gín forók ói'ye'dé híyan'ór ekkán bicí dorhari gujjali'gán niyalai dahón. Manúc hé duní zón'ór age, noó "Salafíyyá" hoó'dé uggwá Mázháb accííl, noó "Salafíyyá" lofzó'wá úddá accííl; tará híba'ré torki gorí'tó kucíc gojjííl keén gorí hoói fari'bó? Tará duní zón'ór age, **Áhl ás-Súnná wa-l-Jamâ'a** hoói nam diyé'dé sóyi Mázháb, Salaf ás-Sâlihîn'ór Mázháb baná uggwá accííl'dé. Ibn Taymíyyá'yé sóyi Mázháb ibá't bodola sódóla gorí'tó kucíc gorí'yóré bicí bid'á ókkól banai'yé. E zobona'r lâ-Mázhábí (Mázháb no manoiya) ókkól áddé dómó't bodola sódóla goróyá ókkól'ór osól kitaf ókkól áddé férókbáz ar óóur goré'dé báfáná ókkól iín óildé baná Ibn

Taymíyyá'yé foida gojjé'dé bíd'á ókkól. Musólmán ókkól'óre bóóñr di'ballá áddé tará'r gumrá torika'gán sóyi torika hoói hocca ókkól'óre boñçai'bállá, gumrá iín'é uggwá bici hótórá cail gojjé; tará Íbn Taymíyyá'r bíd'á bókízokí báfáná ókkól'óre sóyi hoi'faré'fán áddé hocca're híba'r úzú gorí fare'fán, “Salaf ás-sâlihîn”óttú fókórái gorí “Salafíyyá” nam'mán banai'yé; tará montek adde bíd'á ókkól'ór bonnai'gín Salaf ás-sâlihîn'ór fisó'ttú aiccé'dé Islâm Dórmó'r âlim ókkól'ór gaa't bazái di'yé di, tará're tará'r banaiya nam Salafíyyá'ttú lori gi'yé'gói bóli hoói hosúri di'yé; tará Íbn Taymíyyá're Salafíyyá're basai loi'yé'dé uggwá mujtahíd ísáfé, uggwá barík sóddár ísáfé muún'tú raké. Sóyi óildé, Salaf ás-Sâlihîn hoódé âlim ókkól'ór fisóttú accé'dé Áhl ás-Súnná'r âlim ókkól “rahmatullâhí taálá aláihím ajma'in”é Salaf ás-SâlihÎn'ór Mázháb accííl'dé Áhl ás-Súnná'r i'tiqâd'or cíkkatá ókkól'óre bol de, ar tará lekkííl'dé kitaf ókkól'ót áddé ajjó leké'rdé kitaf ókkól'ót, Íbn Taymíyyá, ac-Caokânî áddé héndíllá manúc ókkól'é Salaf ás-SâlihÎn'ór torika'ttú lori zai'gói'yóre Musólmán ókkól'óre cáñza áddé Zuzuk'or uzu loi za't asé bóli tará hóbór diya't asé.

Kitaf at-Tawassuli bi-n-Nabî wa bi-ssâlihîn, Ulamâ' ál-muslimîn wa'l-mukhâlifûn, Cifâ' ás-siqam áddé híba'r nosíyót'ór hotá iín fojjé'dé manúc'gín'é “Noiya Salafíyyá” hoó'dé bókízokí biccác banoiya ókkól'é Musólmán ókkól'óre Zuzuk'or uzu loi zai'yóre Islâm Dórmó're bútoré bútoré nac gorí fêla'rdé buzi'bó.

Yaa, hodún hodún mancé ‘Salafíyyá’ nam'mán gónó gónó estemal goré. Islâm Dórmó't, Salafíyyá Mázháb'ór nam loi honó keccú náí'dé híyan áddé Hadís corif'ót nam gojjé'dé Islâm Dórmó'r foóilá dui cót bosór'ór Musólmán, **Salaf ás-Sâlihîn**'ór Mázháb baná uggwá asé'dé híyan, foitto uggwá Musólmán'óttú bici cúndór góri zanon saá. (Islâm Dórmó'r) tin lombór'ór áddé sair lombór'ór cót bósór'ót accííl'dé Islâm Dórmó'r âlim ókkól'óre **Khalaf ás-sâdiqîn** hoó. Izzottya manúc iín'ór biccác'óre **Áhl ás-Súnnát wa-l-jamá'a'r Mázháb** hoó. Iba óildé biccác gorá fore'de cis, îmân'or Mázháb. Sahâbat ál-kirâm áddé Tâbiîn'ór îmân ekkui dhoillya accííl. Tará'r biccáci cis ókkól'ót honó forók no accííl. Yaa, duniyair becbák Musólmán Áhl ás-Súnná'r Mázháb'ót asé. Hóittór

dui'wá gumrah bid'ár dhaái beggún Islâm Dórmó'r foóilá dui cót bósór'ór baade foida óiyé'dé. Tará'r bútó'ttú bená goróiyá hodún age accííl, hálí, tará'r kitaf ókkól lekkyé'dé híin áddé tará dhaái dhaái ói'yóré Áhl ás-Súnná'r ulda giyé'dé híin óildé Tâbi'in'ór baade.

Rasûlullâh 'sáll-Allâhu 'alâihí wa sállám'é Áhl ás-Súnná'r biccás'gín ainné'dé. Sahâbat ál-kirâm'é imân'or cíkkatá iín osól gujja'ttú niyalai'yé. Tói, Tâbi'in izám'é fítín, cíkkatá iín Sahâbat ál-kirâm'óttú cíkke. Tói, tará'ttú tará'r fisóttú accé'dé híin'é cíkke; Áhl ás-Súnná'r cíkkatá ókkól híntu híntú faldai diya adde tawâtur'or rassa báí aânra'r hañsé foónccé'dé. Cíkkatá iín'óre ahol háçái'yóré faa'de noó. Híin'óre ahol'e bodoli no faré, baná híin buzí'tó modod gori'bó'dé. Maání, híin buzí'bállá, híin sóyi'dé híyan buzí fari'bállá áddé híin'ór kimot zani'bállá ahol hámaká lage. Hadîs'ór âlim beggún'é Áhl ás-Súnná'r biccác ókkól mane. Mázháb sair'ówá'r imâm'mín'ó gom gom Mázháb ibá't accííl'dé. Aró, imân'or lain'or aânra'r Mázháb duníwá, ál-Mâturîdî áddé ál-Âc'arí tará'yó Áhl ás-Súnná'r Mázháb accííl. Imâm hé duní'wá'yé Mázháb ibá're aamfang gojjé'dé. Tará nitti Mázháb ibá're gumrah ókkól áddé furan haillya Grik'ór montek'ór dherá't bazí giyé'goi'dé duniyai'r cisbic'ór lalós-ólá ókkól'óttú sóoñllé'dé. Tará noiya zobona'r accííl'dé óilé'yó, tará alok alok zaga't accííl, ar tará'r báfi'bár torika áddé tará'ttú muwámíkká ówá fojjííl'dé hórâf manúc ókkól'ór lói sóllúk gorá forók accííl, héndílla, Áhl ás-Súnná'r boro âlim e duníwá'yé estemal gojjííl'dé sóoñlí'bár torika adde tará dííl'dé juwaf ókkól'ó forók accííl. Hálí, híyan'ór maání honó tará alok alok Mázháb'ót accííl'dé noó. Barík cíkkatá faiya imâm e duníwá'r baad'e accé'dé bicí cíkkatá-ólá laká lakí âlim adde Auliyâ ókkól'é tará'r kitaf ókkól forí saái baade, tará duní zón Áhl ás-Súnná'r Mázháb'ót accííl bóli ettefák'ór sânté hoi'yé. Áhl ás-Súnná'r âlim ókkól'é náss'ór maání're óde óde baártú saái'yóré buzá za'de héndíllá gori buzí loi'yé'dé. Maání, tará âyat ókkól áddé hadîs ókkól'ór maání baártú asé'dé héndíllá gojjé'dé, ar dorhar noó fore'de ói'lé, (ta'wîl) náss'ór babute kúlí náo buzá (ar noói'lé) maání híin bodoli náo féfé. Tói baade, tará honó ottó't nizer nizer buz adde rai mozin bodola sódólá náo góre. Hálí, gumrah dhaái ókkól'ór manúc ókkól áddé Mázháb no manoiya ókkól'é imân adde

‘ibādāt’or cíkkatá ókkól’óre Islâm Dórmó’r ducmon accííl’dé Grik dec’ór montek’or elómdár ókkól áddé nokoli sáaiñsdár ókkól’óttú cíkké’dé hé mózín honó kutumutu sára bodoli felai’yé.

Ze ottó’t Islâm Dórmó’ré sóoñlóiya áddé Áhl ás-Súnná’r âlim ókkól’or kermósgár accííl’dé Usman’or hókúmót báingye, fríméisén, mícnári ókkól áddé híin’ór maali bol beggún thiyañ hóssá gorí zuhar gorí di’yé’dé Bríthíc Empaiyar’or niróc folósi’r zoriya ói’ye’dé cótá cótí bosór’ór meén’nót ókkól’óttú hárí noó faré’dé hétólla, lâ-Mázhabí ókkól’é mouka fai’yé. Cóitánnyá cóitánnyá misá hótá áddé cáil ókkól lói, tará Áhl ás-Súnnár âlim ókkól’óre hámálá gorí gorí Islâm Dórmó’ré bútoré bútoré nac gorá’r cúru dojjé, háás gorí Sáudí Arab’or doillyá dec ókkól’ót zeçé Áhl ás-Súnná’r âlim ókkól’óre azaadi’r sáñté hotá hoi’bá’r ezin no de. Wabhâbi ókkól’é hóssá gojjííl’dé o-gona cúná cañdí’gín’ór modod’or zoriya hóráfí yaán duniyai agagura sórái’ye’dé. Pakistán, Indhiá áddé Afiríká’r dec ókkól’ór ripoth ókkól mozin, hámálá goróiyá ducmon iin’óre bol diyé’dé híyan’ór bodol, hodún hodún dórmó’r elóm hom-ola adde Allâh’r dhor-sára dórmó’r elómdár ókkól’óre topka adde félóth ókkól diyé. Háás gorí, hoicca ókkól’óre bóñr dibar adde tará’re Áhl ás-Súnná’r Mázhab’óttú duré gorí félá’dé tará’r férók bazi’ttú bicí hótórá mouka ókkól fai’yé. Modorósá’r foróinná áddé Musólmán’ór onnyo foróinná ókkól’óre gúrai di’ballá tará lekkyé’dé kitaf uggwá’t, lekoiyá’wá’yé hoi’yé’dé: “Muiñ kitaf ibá lekkyóm’dé, Mázhab thanathani fúrai félai’yóré foitto zon’óre nizer nizer Mázhab’ót cántír sáñté tákí’ballá modod gorí’bár díyán lói.” Manúc ibá’r hotá’r maání óildé, Mázhab thanathani dur gorí’bár hól’lan Áhl ás-Súnná’ré hámálá gorá’t áddé Áhl ás-Súnná’r âlim ókkól’óre niróc bana’t asé’dé. Híba’yé Islâm Dórmó’t hótórá ekkán gólai di’yé di, aró hoi’yé’dé híba’yé híin gojjé’dé Musólmán ókkól cántí’t tákí fare’fán. Kitaf híba’r ar ek zaga’t, híba’yé hoi’yé’dé: “Ossé, báfóyá uggwá’yé nizer báfá lói ham ekkán gorí fari’lé, híba’ré doc’cán sawâb di’bo. Ossé, híba’ttú híyan golot ói zai’lé’gói, híba’yé ekkán sawâb fai’bo.” Hé mózín, Kírístán óuk, húdá ókkól manoya óuk, híba’ré híba’r foitto ekkán báfá’llá ekkán ekkán sawâb di’bo; híba’r sóyi báfá ókkól’óllá doc’cán doc’cán sawâb fai’bo! Soó, híba’yé aáñrá’r Nabi “sáll-Allâhú taâlâ ‘aláihí was sallám”ór Hadís’swá’re

keén gorí bodoli fêláí'yoré hondilla gorí gúrái der! Hadís caríf'f'wát hoi'yé'dé: “**Ossé mujtahíd uggwá'yé Kur'ân ál-Karím'ór âyat uggwá'ttú (ar noói'lé) hadís caríf uggwá'ttú usól niyala'dé híin sóyí ói'lé, híba'ré doc'cán sawâb di'bo. Híba'r'gán golot ói'lé, híba'ré ekkán sawâb di'bo.**” Hadís caríf iba'yé dahár'dé sawâb iin foitto uggwá báfóiyá'ré di'bo'dé noó, ijti'hâd'ór topka't foóné'cé'dé Islâm Dórmó'r âlim'oré di'bo'de, ar híin híba'ré di'bo'de, híba'r foitto báfá'llá noó, Náss'óttú usól niyala'dé híba'r ham híyan'óllá di'bo'de. Híba'r ham híyan ekkán ibâda'dé hétólla. Oinnyo zehónó ibâda'or dóillyá, híyan'óllá'yó sawâb di'bo.

Salaf ás-sâlihîn áddé tará'r fisóttú accé'dé mujtahíd âlim ókkól'ór óttó't, maání Islâm Dórmó'r cót bosór sair'gwá'r fúrantí fojjonto, zeéntté zeéntté zindegí'r solasol adde háálót ókkól bodola sódólá'r zoriya noiya mosólá ekkán accé, mujtahíd ókkól'é din rait kucíc gorí'yoré mosólá'gán keén gorí hól gorá fori'bó'dé híyan **ál-adillat ác-car'íyyá** hoó'dé dhuwa sair'ówá'ttú lamai loi'to, tói Musólmán beggún'é, nizor nizor Mázháb'ór imâm'e híyan'ór babute niyalai'yé'dé híin mozin gorí gi'yé. Héen gojjííl'dé boro âlim híin'oré doc'cán (ar noói'lé) ek'kán sawâb diya'gi'yé. Sair lombór'ór cót bosór'gwá'r baade, mancé mujtahíd híin'ór'gín mozin lattá't mainné. Biti giyói'dé eddúúr lamba thaim iín'ót, solasolo'r torika'r babute uggwá Musólmán úddá óóur ói'ye'dé (ar noói'lé) kerenghal'ot fojjé'dé náí. Tará'r baade, honó uggwá âlim (ar noói'lé) uggwá mufti ijti'hâd'ór háñt lombór'ór topka fa'de hédduúr úddá elómdár nóo ai'yé; hétólla, yaa, aáñrá'ttú Mázháb sairó'wá'ttú honó uggwá'r âlim uggwá'r kitaf'fin fori buzí fare'dé Musólmán uggwá'ttú cíki loi'yoré aáñrá'r ibâda adde foittó dínnýá zindegí'ré híin mozin háçái sola fori'bó. Alláhú ta'âlâ'yé Ku'ân ál-karím'ót foitto ek'kán cis'or usól hoói di'yé. Híba'r barík Nabi Muhámmád “aláihís-salâm”é híin beggún buzái di'yé. Tói, Áhl ás-Súnná'r âlim ókkól'é Sahâbat ál-kirâm'óttú cíki'yoré, híin tará'r kitaf ókkól'ót lekkyé. Yaa, kitaf híin duniyai agagura asé. Kiyamot ai'yé fojjonto, duniyai'r ze honó zaga't ai'bó'dé noiya ham foitto ekkán'ór mesál, kitaf híin'ór cíkkátá honó ek'kán'ót dahái fari'bó. Héndíllá ói-fará híyan óíldé, Kur'ân ál-karím'ór ekkán **mu'jiza**, ar Islâm Dórmó'r âlim ókkól'ór ekkán **karâma**. Hálí, hámaká uggwá

sóyi Súnna Musólmán'óttú cíkon'nán dorhari. Ossé, tuúñ lâ-Mázhábí dómó'r âlim uggwá'ttú fusár gorí'lé, híba'yé tuwáñré Fíqh'ór kitaf loi no bone'dé héndíllá juwaf di'yoré fakkárái di'bo.

Nizor nizor zindegi're kúci áddé kettali loi guná gorí gorí borbad di félái'yé'dé lâ-Mázhábí o-bus híin'é, ho ek bosór Arab dec ókkól'ót tákí, Arabi hotá cíki, Áhl ás-Súnná'r ducmon, lâ-Mázhábí uggwá'ttú cíil majja habos ekkán ekkán loi loi, Pakistán (ar noói'lé) Indhíá't wafes zai'yoré hoicca ókkól'óre hondilla gorí bóóñr de'de aáñrá yaar age buzái félai'yí. Hoicca ókkól'é tará'r banawathi diploma adde tará Arabi hotá hoó'dé deki'lé tará're dómó'r âlim boli tháaré. Héen ói'lé'yó, tará uggwá Fíqh'ór kitaf úddá buzí no faré. Ar tará kitaf'ot aséd'dé Fíqh'ór cíkkatá ekkán'ó no zané. Agor zobona'r Islâm Dómó'r âlim ókkól'é tará'ttú fusár goittó'dé súwál'lin'ór juwaf'fin Fíqh'ór kitaf'fin'óttú tuwai'yoré súwál goróiyá ókkól'óre tará fai'yé'dé juwaf'fin di'to. Hálí lâ-Mázhábí dómó'r âlim ókkól'é Fíqh'ór kitaf forí (ar noói'lé) buzí no fari'yoré, nizor o-buz matá áddé una ahol loi buzón'ót ziyán ai'yé híyan hoói súwál goróiyá'wá're gumrá gorí'yoré híba're Zuzuk'ot zaa bai'bó. Hétólla írí, aáñrá'r Nabi Muhámmád “sáll-Allâhú ta'âlâ 'aláihí wa sallám”é hoi'yé'dé: **“Gom âlim óildé moniccó'r ebbe barík'kwá. Hóraf âlim óildé moniccó'r ebbe hóraf'fwa.”** Hadís corif ibá'yé dahár'de, Áhl ás-Súnná'r âlim ókkól'óildé moniccó'r ebbe barík'kín, ar lâ-Mázhábí ókkól'óildé moniccó'r ebbe hóraf'fin, foóilá'rgín'é mancó're Rasûlullah'r'gín mozin sola'r uzu, maání Biyossó'r uzu rassa dahá, ar fisó'r'gín'é tará'r gumráh báfána ókkól'ór úzú, maání Zuzuk'or uzu loi za'de hétólla.

Islâm Dómó'r Yuniversithi, Jâmi' ál-Azhar'ór fárék, Ustâd Íbn Khallífa Alíwí'yé nizor kitaf **Aqídat ás-Salafi wa-lkhalaf**'ót lekkyé'dé: “ ‘Allâma Abû Zuhra'yé nizor kitaf **Târikh ál-mazâhibi-l-Islâmíyyá**'t lekkyé mózin, Híjrót'ór baade, sair lombór'ór cót bosór'ót, Hanbalí Mázháb'óttú alok ói'ye'dé hodún mancé, tará're tará **Salafíyyín** hoi'yé. Abu-l-Faraj íbn ál-Jawzî áddé onnyo Hánbálí Mázháb'ór âlim ókkól'é'yó, Salafi híin Salaf ás-Sâlihín'órgín maoiya noó, Mujássímá dhaái'yór bíd'á goróiyá

ókkól hoói'yóré fitná híyan no sórá'fán oñsí félaail. Háñt lombór'ór cót bosór'ót, Íbn Taymíyyá'yé fitná híyan fitín'ó solai'yé.”^[1]

Lâ-Mázhabí ókkól'é Salafíyyá nam'mán rakí'yóré Íbn Taymíyyá're “Salafí ókkól'ór boro imâm” hoói dhake. Híba'r age ‘Salafí’ lokob yaán no accíil'dé ísáfé, lofzó híba ek kisímmýá sóyi asé. Salaf ás-Sâlihîn accíil'dé, zitará'r Mázháb Áhl ás-Súnná acíil. Íbn Taymíyyá'r gumráh biccác ókkól Wahhâbí ókkól áddé lâ-madhhabí manúc ókkól'óllá ek'kán gujjali boinné. Íbn Taymíyyá'yé Hánbalí Mázháb'ót thenning faail'dé, maání, híba Súnní accíil. Héen ói'lé'yó, híba'yé nizor elóm'óre barái'yóré fátwá'r topka't foõñc'cé'dé híyá, híba'yé nizoré nize barík buzí'yóré Áhl ás-Súnná'r âlim ókkól'óttú aró dhoõñr tháará'r cúru dójjé. Híba'r elóm bará'yé híba'r gumráyí ainné. Híba ar Hánbalí Mázháb'ót no accíil, Mázháb sair'ó'wá'ttú honó uggwá't tákí'te Áhl ás-Súnná'r hámaká mana fore'de dorhari cis'sín biccác gorá fore. Áhl ás-Súnná'r imân'or dorhari cis'sín náí'dé manúc uggwá're Hánbalí Mázháb'ót asé hoói no faré.

Lâ-Mázhabí ókkól'lé tará'r dec'ór dór mó'r zimma-ola Súnní ókkól'ór bonnai gori'bár mouka foitto'gán estemal goré . Tará'ttú Súnní kitaf ókkól no foré'fán áddé Áhl ás-Súnná'r cikkatá ókkól no cíké'fán oñsí félái'bár foitto kisím'ór bondus beggún asé. Mesál, lâ-Mázhabí manúc uggwá'yé sóyi âlim uggwá'r nam dóri hoi'yé'dé, “Dór mó'r elóm'ót dabalí'r duwannya uggwá'ttú ki ham asé? Híba'ttú híba'r nizor lain'ot ham gorá fori'bó'dé éná, aañrá'r ham'ot théng gólái diya'de no fore'r.” Ki be-elómí áddé be-ahollya dabi gorá'yá! Híba'yé sáaiñsdár uggwá'ttú dór mó'r elóm no tákí'bó bólí tháajjé'dé. Híba'yé, Musólmán sáaiñsdár ókkól'é foitto ottó't Barík Mokhlúk deki ót goré, Mokhlúk'ór kitaf'ot daháiyá asé'dé Banoiya'r Furussaf Hásiyót ókkól buzí fare, ar, mokhlúk ókkól'ór komzuri're Allâhú ta'âlâ'r O-címáná Taakot loi mafi deki'yóré Allâhú ta'âlâ, honó keccúr dhóillá noó, ar kulle aif'óttú duré'dé

[1] 340 sábbá-ólá kitaf híba't, Salafí ókkól áddé Wahhâbí ókkól'ór becábici bíd'á ókkól, Áhl ás-Súnná'r babuté tará goré'dé bonnai ókkól áddé híin'ór juwaf ókkól zora zora gorí lekkyá asé. Híba 1398 A.H. [1978 A.D.]'t, Damáskás'ót sábaíl.

híyan lattá't buzí fare. Híyan'ór babute, Jarmón'ór niyúklíar fizík'ór uggwá namedhak elómdár, Meéks Plénk'é nizer kitaf, **Der Strom** ót bicí cúndór góri hoói dahái'yé. Aj'ó, lâ-Mázhabí be-elómí híba'yé, híba'r dhóíllá gumráh ek zon'óttú fai'ye'dé habos fonna adde gumráh ókkól'é de'de kursí'r wore biccác gorí'yóré, ar ói't fáré, bidec'óttú de'de cúná cáñdí'r lalós'ót bazi'yóré dóróm'r elóm'óre (monmáik gorí fare'de héndíllá) nizer át'or múñç'ór cís bólí tháaré. Alláhu ta'álâ'yé córómsará manúc híba áddé aáñrá beggún'óre hédáyót douk. Be-guná hoicca iín'óre'yó sálthíkoth faiyya dóróm'r sur híin'ór fán'óttú sóoñl'ók. Âmîn.

Sóyi'gán óíldé, hóiyé'dé âlim'wá'yé dabai ocút áddé kemikel inginiyáring'ór lain'ot borái-sará nizer dec'óre tiríc-bosór'ór wore fojjonto kérmós di'yé. Tói baade'yó, óde ódé híyá, dóróm'r elóm cíki loi'yóré, háñt bosó'r fojjonto din rait ham gojjé, tói híba'ré Islâm Dóróm'r uggwá bódhdha âlim'e de'de 'ijâzá boccíc'cwá di'yé. Sáaiñs'ór áddé dóróm'r elóm'ór barík josba loi'yóré, híba'yé nizer komzuri're furussaf dekkýé. Yáan buzí'yóré, híba'yé, gom uggwá kérmós'gár boni'tó kucíc gojjé. Híba'yé nizer dhigiri adde 'ijâzá'r lalós'ót fori nizeré nize fón iín'ór habil tháarón'nán'óre nizer dhor adde sinta ókkól'óttú ebbe dhoóñr'gán bólí tháajííl. Híba'yé hoddúr bicí dhoraáil'dé híyan híba'r kitaf beggún'ót dahá gi'yé. Híba'ttú híba'r kitaf honó uggwá't'ó nizer báfáná ókkól lekí'bállá hímmót no accííl. Híba'yé bus-ola manúc ókkól'é izzot kodor gorí'tó'dé Áhl ás-Súnná'r âlim ókkól'ór kimoti kimoti leká ókkól Arabi (ar noói'lé) Fársi hotá'ttú dui-bácá gorí gorí gura gura báí'yain'dóré di'to nitti kucíc'ót accííl. Híba'ttú bicí dhor laggiíl'dé hétóllá, híba'yé boóut bosór fojjonto kitaf lekí'bállá noó báfé. Híba'yé **Sawâiq-ul Muhriga'r** foóílár cúru'r sábbá't **"Fítná aamfáng ói za'gói'dé híyá, háñsá'gan zane'de híba'ttú onnyo zon ókkól'óre zanai diya fori'bó. Héen no gorí'lé, híba'r wore Alláh'r adde manúc beggún'ór laánót óuk!"** hoói asé'dé hadís caríf'fwá deki, tóói báfá cúru gojjé'dé. Ek dhák'óttú, híba'yé Áhl ás-Súnná'r âlim ókkól'óttú dóróm'r elóm'ór bus adde tará'r óttó't accííldé sáaiñs'ór elóm'ór ahol, ar tará'r 'ibâdât adde taqwâ'r babute meénnót'ór barík'giri're zani fari'yóré, híba'yé nizeré nize cúñçó bujjé: híba'yé nizer elóm 'óre, barík barík âlim híin'óttú accííl'dé elóm'ór doriya'r loi borabor gorí mafi, nizo'ttú asé'dé

elóm'mín baná uggwá fanír fúçá bóli bujjé. Ar ek dhák'óttú hoi'tó sai'lé, Áhl ás-Súnná'r âlim ókkól'é lekkyé'dé kitaf ókkol buzí fare'de dindar manúc ókkól zetó hétó homí zar'gói'dé híyan áddé, be-elómí gumráh ókkól'é dórmó'r zimma-ola manúc ókkól'ór lói miyái thoçínóçí gumráh kitaf ókkól lekkyé'dé deki'yóré, híba'ttú bicí ocántí laiggyé; Hadís carí'fwá't di'yé'dé laánót'ór dóónk'é híba'r dil mon cúñço gorí fêlai'yé. Híba'ttú nizor adojsa hoicca báiyáin'dóllá hámaká kermós di'to mone hoó'fán accé'dé rahám áddé josba'r zoriya'yó, híba'yé Áhl ás-Súnná'r âlim ókkól'ór kitaf ókkól'óttú basí basí loi'yóré dui-bácá gorí sábai niyala'r cúru gojjé. Híba'yé fai'yé'dé tarif adde cabací'r o-gona ceñçi habos fonna ókkól'ór fúwáñtí fúwáñti, mazé mazé lâ-Mázhábí ókkól'ór hosurí áddé bonnai ókkól fúinne. Híba'ttú Rabb'or wore accííl'dé nizor ikhlás áddé sóyi'gírí'r babute honó andecá no accííl'dé hétólla, nizoré nize Allâhú ta'âlâ'ré gosái di, Híba'rNabi "sáll-Allâhú ta'âlâ aláihí wa sállám"ór borkottya ruú áddé Híba'r dindar bonda ókkól'ór uzu tawassul gorí'yóré, híba'yé nizor kermós diya't accííl. Allâhú ta'âlâ'yé aáñrá beggún'óré, Nize razi ó'dé Sóyi Rassa'r wore rakóuk! Âmîn.

Ijíp dec'ór Jâmi'ál-Azhar Yunivasithi'r uggwá porfésár, Hánañi'r uggwá boro âlim, Muhámmád Bahît ál-Mutí'í'yé nizor kitaf **Tat'hîr ál-fu'âd min danisi-l-i'tiqâd**ót lekkyé'dé:

"Manúc beggún'ór bútoré, Nabi "aláihímu-s-salátu wa's-salâm" ókkól'óttú ebbe barík ar futtani ruú accííl. Híin golot-ówá, golti-gorá, no-zaná, nafórmání, zat thanathani, zit-gorá, náfs'ór mozin sola, kena adde nafórót, héndíllá cis ókkól'óttú héfázót accííl. Nabi ókkól'é Allâhú ta'âlâ'yé tará'ré lamai di'yé'dé híin mancóré hoói dahái buzái di'yé. Tará mancóré hoói dahái'yé'dé Islâm Dórmó'r cikkatá ókkól, gorí'bár áddé no-gorí'bár cis ókkól óildé beggún sóyi. Híin'ót ekkán úddá golot adde fókkráí noó. Nabi ókkól baade, ebbe barík áddé futtani manúc óildé tará'r Sahâbat ál-kirâm, tará'ré Nabi ókkól'ór suhbá't theníng di, sáf gorí'yóré futtani banai'yé'dé hétólla. Tará Nabi ókkól'óttú fúnnííl'dé híin nitti duwárái duwárái buzái di'to. Tará zanai di'yé'dé cis beggún sóyi, ar híin yar age hoi'yí'dé golot thoçínóçí cis ókkól'óttú duré. Tará zat thanathani (ar noói'lé) zit gorí'yóré ek

zon loi uldha nóo ó'dé nóo ó, tará nizer náfs'ór mozin'ó nóo sólé. Sahâbât ál-kirâm'ór âyat ókkól áddé hadîs ókkól buzâi-diya áddé Allâhú ta'âlâ'r dórmo Híba'r bonda ókkól'óre hoói di'bar ijtihâd gorá, iín óildé Umma (Musólmán ókkól) iín'ór wore gojjé'dé Híba'r bódhdha meérbání, ar Híba'r adojja Nabi, Muhámmád “alâihíssalâm”óllá gojjé'dé rahám. Kur'ân ál-Karîm'ót asé'dé, Sahâbât ál-kirâm kafêr ókkól'ól lói doró, hálí tará tará ek zon loi ek zon norom córom áddé ador doya-ola accíil bóli, tará salât'óre meénn'ot gorí díyán di fojjé, ar tará Allâh'ttú foitto cic adde Biyossó'r acá rakí'tó. Tará'r ijmâ' ói'yé'dé ijtihâd óildé beggún háñsá. Híin beggún'é sawâb fai'yé, háñsá'gan baná ekkán'dé hétólla.

“Sahâbât ál-kirâm'ór baade, ebbe barík manúc óildé tará're deki'yóre tará'r suhbá't thening fai'yé'dé Musólmán ókkól. Híin'óre Tâbi'in hoó. Tará tará'r dórmo'r elóm Sahâbât ál-kirâm'óttú cíki loi'yé. Tâbi'in lói bazâiyá asé'dé ebbe barík manúc ókkól óildé Tâbi'in'óre deki'yóre tará'r suhbá't thening fai'yé'dé Musólmán ókkól. Híin'óre **Taba'-at-Tâbi'in** hoó. Tará'r baade, kiyamot bór cót cót bosór ókkól'ót aá't asé'dé manúc ókkól'ór bútoré, tará'r cíkkatá ókkól cíki tará'rgín loi háçé'fan gorí sole'de híin óildé ebbe uñsol topkar adde ebbe barik'gín. Salaf ás-Sâlihîn'ór baade aá't asé'dé dórmo'r kémótá-ólá manúc ókkól'ór bútoré, nizer hotá áddé ham ókkól Rasûlullah áddé Salaf as-sâlihîn'ór cíkkatá ókkól lói bone, ar imân adde amól'ór lain'ot tará'r rassa'ttú honó dín no lore, ar Islâm dórmo'r girá farái no za'gói'dé héndíllá uggwá aholbon buddí-ólá mancé onnyo zon'or bonnai gorá ókkól'óre no dhorai'bó. Híba tará'r golot foñt dahái-diya mozin ói no zai'bo'gói. Híba'yé be-elómi ókkól'ór hotá no fúni'bó. Híba'yé nizer demag estemal gorí'yóre mujtahíd imâm ókkól'ór Mázhâb sairówá'r baá'r kúlé no zai'bó. Musólmán ókkól'óttú héndíllá uggwá âlim tuwai dórí, nize no zané'dé híin fusár gorí cíki lói'yóre tará goré'dé foitto'gán'ót híba'r buddí mozin solon saá, kíyóllá hoi'lé, héndíllá takot-ola âlim uggwá'yé Allâhú ta'âlâ'yé Nizer bonda ókkól'óre golti gorá'ttú basai'yóre nitti sóyi gorí gorá bai'bállá banai'yé'dé ruú'r dabai ókkól siní'yóre mancóré sinái di'bo; maání, híba'yé ruú'r ocút ókkól siní'bó. Híba'yé demag-be-arammýa o-bus ókkól'óre thík gorí'bó. Âlim

híba'yé, nize hoó'dé, goré'dé, ar biccác goré'dé foitto'gán'ót Islâm Dórmó mozin goré. Híba'r buzá nitti sóyi ói'bó. Híba'yé foitto súwál'ór juwaf sóyi góri di'bo. Allâhú ta'âlâ'yé híba'r ham beggún fosón gori'bó. Allâhú ta'âlâ'yé Nizor ador tuwa'de manúc ókkól'óre rassa dahái di'bo. Allâhú ta'âlâ'yé î mân-ola adde î mân'ór dorhari cis ókkól ada goré'dé manúc ókkól'óre toziya adde duk'ottú sóoñlí di'bo. Híba'yé tará're nûr, kúci áddé héfázót faa'bai'bó. Tará goré'dé foitto cis aásán ar zuit ói'bó. Háñcór'ór Dîn, tará Nabi ókkól, Siddîk ókkól, Cóhídî ókkól áddé Sâlih (dindar) Musólmán ókkól'ór fúwãñti ói'bó.

“Cót-bosór zibá't ói'bó óuk'gói, ossé dórmór topka-ola manúc uggwá'yé Nabi adde híba'r Sahâba'r hotá ókkól no mani'lé, ossé híba'r hotá, ham adde biccác ókkól tará'r cîkkatá ókkól lói no boni'lé, ossé híba'yé nizor báfáná ókkól mozin soli'yoré Islâm Dórmó'r girá farái zai'lé'gói, ossé híba'yé nize buzí nóo fâré'dé héndíllá Mázháb sairó'wá'r niyom ókkól'óttú bárái zai'lé'gói, híba're dórmó'r topka-ola uggwá hóraf manúc howá zai'bo. Allâhú ta'âlâ'yé híba'r dil bon gori di fêlai'yé. Híba'r suk'é sóyi rassa no deké. Híba'r han'e sóyi hotá no fúné. Híba're Ahérót'ót hóraf gori toziya di'bo. Allâhú ta'âlâ'yé híba're fosón no goré. Héndíllá manúc híin óildé Nabi ókkól'ór ducmon. Tará nizoré nize sóyi rassa't asé bóli tháaré. Tará, tará'r nizor hásolót'óre fosón goré. Héen ói'lé'yó, tará Cóitán'ór fisálí soloiya ókkól. Tará'r bútóttú buzí'yoré sóyi rassa't firí ai'yé'dé bici hom. Tará hoó'dé foitto'gán sai'té izzottya, cúndójjá (ar noói'lé) haz'or dóillyá lage, hálí, tará báfé'dé áddé fosón goré'dé híin óildé beggún hóraf. Tará bekuf ókkól'óre bóñr di, óur gori'yoré Zuzuk'ot loi za. Tará'r hotá're sai'té fori táikké'dé dak-sará dúúp kúwa'r dóillá lage, hálí, sóyi'r roit fore'de híyá, híin unái, faní ói goli za'gói. Allâhú ta'âlâ'yé dil hala gori bon gori di'yé'dé dórmó'r topka-ola hóraf manúc iin'óre dórmó'r topka-ola **áhl álbíd'a** or **lâ-Mázhábí manúc** hoó. Tará'r biccác áddé ham ókkól Kur'ân ál-kerîm lói, Hadîs ác-carîf (ar noói'lé) ijma'âlÚmmá lói no bone. Nizoré nize sóyi rassa'ttú lari fêlai'yoré, tará Musólmán ókkól'óre'yó golot rassa dahái Zuzuk'ot loi za'gói. Tará'rgín mane'de manúc ókkól laás'óttú Zuzuk'ot goli'bo'gói. Salaf ás-Sâlihî'n'ór óttó't áddé tará'r baade accé'dé dórmó'r kémótá-ólá manúc ókkól'ór bútóré héndíllá munafék ókkól

becá bicí accífl. Tará Musólmán ókkól'ór mazé takón'nán, gaa'r honó híssá't be-aram [(ar noói'lé) kensar] táké'fán. Be-aram'mán dur gorí no félái'lé, gaa'r gom híssá'gín'ó docá'gán'óttú basi no fari'bó. Híin óildé fará'dé be-aram-ola mancór dóillá. Tará'r lói talukot goré'dé mancó'ttú hání ói'bó. Tará'r lussani'ttú basa forer'dé ói'lé, aáñrá'ttú hámaká tará'r lói duré taká fori'bó.

Dórmó'r topka-ola hóráf gumráh manúc ókkól'ór bútoré, Íbn Taymíyyá óildé ebbe hótórá'wá. Híba'r kitaf ókkól'ót, háás gorí **ál-Wásita**'t, híba'yé íjmâ' ál-Muslimín lói nóo bóné, Kur'ân ál-karím áddé hadís coríf'ór sáp sáp hótá ókkól lói ulda gi'yé, ar Salaf ás-sâlihîn'ór torika mozin nóo sole. Híba'r hóráf mon adde golot báfáná mózin soli'yoré, híba gumráh ói'gi'yé'gói. Híba uggwá bicí bódhdha elómdár accífl. Alláhu tá'âlâ'yé híba'r elóm'óre híba'r gumráyí áddé cáñza'r zoriya banai di'yé. Híba'yé nizor náfs'ór iccá mozin soillé. Híba'yé sóyí hoói hoói nizor golot adde gumráh báfáná ókkól aamfáng gorí'tó kucíc gojjé.

Boro âlim Íbn Hajar ál-Makkî “rahmatullâhi ta'âlâ ‘alâih”yé nizor kitaf **Fatâwâ ál-hadîthiyya**'t lekkyé'dé:

“Allâhu ta'âlâ'yé Íbn Taymíyyá'ré gumráh'yí áddé cáñza't záp mara bai'yé'dé. Híba'yé híba'ré aĩdá áddé náfang banai félai'yé. Becá bicí âlim ókkól'é híba'r ham ókkól hóráf, ar híba'r hotá ókkól golot boli hoi'yé, ar tará híin sábut fónná lói sábut gojjé. Islâm Dórmó'r boro boro âlim, Abû Hasan ás-Subkî, híba'r fut, Tâj-ad-dîn ás-Subkî áddé Imâm ál-'Izz ibn Jamâ'a tará'r kitaf foré'dé manúc ókkól áddé híba'r ottó't accífl'dé Câfi'î, Mâlikî áddé Hânañî âlim ókkól'é híba'ré juwaf di hoi'yé'dé áddé lekkyé'dé hotá ókkól'óre taákík gojjé'dé manúc ókkól'é aáñrá'rgín sóyí'dé deki'bó.

“Íbn Taymíyyá'yé Tasáowúf'ór âlim ókkól'ór babute bonnai gorí hóráf hóráf hosúrí ókkól di'yé. Aró, híba'yé Islâm Dórmó'r bódhdha bódhdhá kúnça Házrát Umár áddé Házrát Alí tará'ré hámálá gorí'tó úddá nóo córmá'dé. Híba'r hotá ókkól beniyom'or bicí be-adoffya ói'ye, híba'yé waá cíya'r uzu úddá tir

majjé. Híba'yé sóyi rassa'r wore asé'dé âlim ókkól'óre bíd'á, gumráhyí áddé be-elómi lói bazái bonnai gojjé.

“Híba'yé hoi'yé'dé: ‘Tasáowúf’ór boro boro âlim ókkól’ór kitaf ókkól’ót Islâm Dórmó'r lói no bone'de héndíllá Grík dec'ór montek'or elómdár ókkól'ór hóráf hóráf báfána ókkól di'yé,' tói, híin'óre híba'r golot, gumráh báfána ókkól lói sábút gori'bállá bicí kucíc gojjé. Sóyi'gán zana náí'dé hoicca ókkól híba'r uskai de'de toçínóçí hotá ókkól'ór zoriya golot rassa't fori't fare. Mesál, híba'yé hoi'yé'dé:

‘Tasáowúf’ór âlim ókkól'é tará Láuh ál-mahfûz deké bóli hoó.^[1] Íbn Sínâ'r (Avicenna) dóillá hodún hodún montek'or elómdár ókkól'é, híyan'óre án-náfs ál-falakíyyá hoó. Tará hoó'dé, mancó'r ruú barík furussaf ó'dé híyá, ruú'yé, gúm'ót óuk, seton'ot óuk, án-náfs ál-falakíyyá (ar nooi'lé) ál-ákl ál-fa'âl boni uggwá ó, tói manúc uggwá'r ruú e duni'gín lói boni'lé, híyan'é duniyai't foitto cis ówá'bá, híba'yé héçe asé'dé foitto cis'or hóbór fa. Híin Grík dec'ór montek'or elóm'dár ókkól'é hoi'yé'dé noó. Híin Íbn Sínâ áddé fisó'ttú accé'dé híba'r dóillá manúc ókkól'é hoi'yé'dé. Imâm Abû Hâmid ál-Ghazâlî, Muhíiddîn ibn ál-Arabî áddé Andhalúsia'r montek'or elómdár, Kutb ad-dîn Muhámmád ibn Sa'bîn tará'yó héndíllá héndíllá hotá ókkól hoi'yé. Híin óildé montek'or elómdár ókkól'ór hotá. Héndíllá cis bic Islâm Dórmó't náí. Tará báfána híin lói sóyi rassa'ttú lori gi'yé'gói'dé. Cí'á, Ismâ'íliyyá, Karâmitî áddé Bâtinî hoó'dé mulhíd ókkól'ór dóillá tará'yó mulhíd boni gi'yé'gói. Áhl ás-Súnná'r âlim ókkól'é áddé Hadís (hoó'dé Saáiñs)ór âlim ókkól'é áddé Fudáil ibn Íyâd'ór dóillá Tasáowúf'ór Súnní âlim ókkól'é mani sole'de rassa're tará eri di félai'yé. Tará, e dhák'óttú montek'ot dhuf mari'yoré, o dhák'óttú Mu'tazila áddé Kurâmíyyá'r dóillá dhaái ókkól'lór ulda lorhórá'yé. Tasáowúf'ór dhaái tin'nwá asé: ek lómbór'ór dhaái'wá Hadís áddé Súnná manoiya. Dui lombór'ór dhaái'wá óildé

[1] **Lauh ál-mahfûz'**ór babute zora zora hóbór battiri'llá **Endless Bliss, Híssá tin'**or síyará 36't soó.

Kurâmiyyá'r dóillá gumráh ókkól. Tin lombór'ór dhaái'wá óildé **Ikhwan ás-safá'**r kitaf ókkól áddé Abul-I-Hayyân'ór hotá ókkól manoiya ókkól. Íbn ál-Árabî áddé Íbn Sa'bîn áddé híba'r dóillá manúc ókkól'é montek'or elómdár ókkól'ór hotá ókkól loi'yoré híin'óre Tasáuwúf'ór âlim ókkól'ór hotá banai'yé'dé. Íbn Sînâ'r kitaf, **Âkhîr ál-icârât 'alâ makâmi-I-'ârifîn**'ót héndíllá hotá bicí asé. Íbn Imâm ál-Ghazâlî'yé'yó **ál-Kitâb ál-madnûn** áddé **Mickât ál-anwâr**'or dóillá nizor kitaf hodún'ót héndíllá hotá ókkól hoi'yé. Sóyi óildé, híba'r fúwâiñjá, Abû Bakr íbn ál-Árabî'yé híba motek'or uzu ói'yé'dé hoói'yoré híba'r é hín'tú basai loi'to kucíc gojjííl, hálí háçái nóo fáré. Ar ek dhák'óttú, ál-Imâm ál-Ghazâlî'yé montek'or elómdár ókkól be-imân boli hoi'yé. Híba'r zindegî'r ahéri'r híkkya, híba'yé [**Sahîh**] ál-Bukhârî fojjé. Ar hodún'é, hotá híin ál-Imâm ál-Ghazâlî'r bazá de'de híba'r bodnai gori'bállá bóli hoó. Híyan'óllá ál-Imâm ál-Ghazâlî'r babute boóut dhoíllá hoi'yé'dé asé. Sisíli't fonná fojjé'dé uggwá Mâlikî âlim Muhámmád Mâzarî, uggwá Andhalúsíá'r âlim Íbn al-Jâwî, Íbn Úkail áddé onnyo zon ókkól'é bicí cis ókkól hoi'yé.'

“Wor'tú háwálá di'yé'dé Íbn Taymiyyá'r hotá'gín'é Áhl ás-Súnná'r âlim ókkól'ór babute híba'r hóráf hóráf báfaná ókkól sáp sáp góri dahár. Híba'yé héndíllá hosúri híin Sahâbat ál-kirâm'ór ebbe bódhdha'gín'ór wore úddá di'yé. Híba'yé Áhl ás-Súnná'r âlim becbák'óre gumráh ókkól bóli hoói bonnai gojjé. Híyá, híba'yé bódhdha Walî adde **qutb al-'ârifîn** Háizrát Abu 'l-Hásán ác-Câdilî'r é híba'r kitaf **Hizb al-kebîr** áddé **Híz b al-bakhr**'ór babute bicí dorómóro góri bonnai gojjé'dé áddé Muhíiddín Íbn ál-Árabî, 'Umar íbn ál-Fârid, Íbn Sab'în áddé Hallâj Husáin íbn Mansûr tará'r dóillá Tasáuwúf'ór barík barík âlim ókkól'ór wore cárá bicará hosúri ókkól lagai'yé'dé hétólla, híba uggwá gunágár gumráh accííl bóli híba'r óttó'r âlim ókkól'é ettefák'ór sâñté hoi'yé. Aró, híba uggwá be-Imân boli hoói fátwá ókkól niyalai'yé'dé âlim ókkól'ó accííl.^[1] Híjri 705 (1305)'ót Ínb Taymiyyá'r héçe

[1] Islâm Dórmó'r namedhak âlim Ábd ál-Ghanî án-Nablûsî'yé nizor kitaf **ál-Hadîkat án-nadiyyá'**r sábbá 363 adde 373'ot Tasáuwúf'ór barík

difeçáil'dé ceñcí ekkán'ót hoi'yé'dé: 'O nizoré nize uggwá bódhdha álim adde e zobona'r imâm mano'de mor Musólmán báí! Muiñ tuwáñré Allâh'r wasté ador gojjóm. Álim ókkól tuwáñr lói ulda accíil'dé ói'léyó muiñ ulda no accíilúm. Hálí ador gori'tó mon'e no hoó'dé héndíllá tuwáñ'r hotá ókkól fúni'yóre kerenghal'ot fori giyom'gói. Aholbon manúc uggwá'yé, beil gólá'r fúwáñti fúwáñtíl rait cúru ó'dé hoó'dé hotá'gán'óre andecá gori'bó né? Tuúin sóyi rassa't tákí ál-ámru-bi-lma'rûf wa-n-nahyi 'ani-l-munkar goró'r bóli hoi'yó. Tuwáñr irâda adde niyot ki'de híyan Allâhú ta'âlâ'yé zane. Hálí, manúc uggwá'r ikhlâs'óre híba'r ham ókkól'óttú buzá za. Tuwáñr ham ókkól'é tuwáñr hotá'r forda fáçi felái'yé. Nizor náfs mozin soloiya ókkól áddé hotá biccác gorá no za'de manúc ókkól'ór fân'ót fori, tuúin baná tuwáñr ottó'r manúc ókkól'ór bonnai gojjó'dé noó, mori giil'gói'dé murda ókkól'óre úddá be-imân hoói bonnai gojjó. Salaf ás-sâlihîn'ór baade accé'dé hitára're hámálá gori kúu noó furá'dé, tuúin Sahâbát ál-kirâm, háás góri, ebbe bódhdh'gín'ór bonnai gori félai'yó. Háñcór'ór Din, boro boro manúc híin'é tará'r hók magi'bó'dé híyá, tuúin hon hálót'ót ói'bá bafi no faróór níki? Sâlihíyyá cóor'ór Jâmi' ál-jabal'ór minbar'or wore, tuúin HáZRát 'Umar "radiy-Allâhú ta'âlâ ánh"óttú hodún hodún golot hotá áddé bod-duwa ókkól accíil hoi'yó. Ki ki bod-duwa accíil'dé? Salaf ás-Sâlihîn'é tuwáñré héndíllá bod-duwa howán hoói dahái'yé? Tuúin HáZRát 'Alî "radiy-Allâhú ta'âlâ ánh"óttú tin cót'ttú aró bicí golti ókkól accíil bóli hoi'yó. Ossé, HáZRát 'Alî'r'gin héen ói'lé, tuwáñ'ttú sóyi ói'yé'dé héndíllá mesál ekkán ánik tákí'bo né? Yaa, muiñ tuwáñr ulda zaa cúru gorómór. Tuúin girá farái félai'yó'dé hétóllá, muiñ Musólmán ókkól'óre tuwáñr hóráfi'ttú basai'bállá kucíc gorím. Tuwáñr toziya ki ziyañta, ki mora beggún'é fai félai'yé. Imândár ókkól'óttú tuwáñr hóráfi'ttu hámaká basi taká fori'bó.'

“Taj ad-dîn as-Subkî'yé, Íbn Taymíyyá Saláf as-sâlihîn lói no bone'de mamala'gín'óre lama'r tú asé'dé héndíll'a gori líis gojjé:

álim iin'ór nam lekkyé, aró hoi'yé'dé, tará Auliyâ accíil, ar tará'r babute ulda fúldá hoó'dé híin óildé zana-sará be-elómí ókkól.

- 1 - Híba'yé hoi'yé'dé: '(Islâm Dórmó'yé dahái di'yé'dé) Talâk sóyi noó; [ossé híyan ói'lé,] kaffâra (soun'ór lá diya fore'de hédún) diya fore.' Híba'r age accé'dé Islâm Dórmó'r âlim ókkól'ór tú ek zon'e'yó kaffâra diya fori'bó bólí náo hoó.^[1]
- 2 - Híba'yé hoi'yé'dé: 'Uggwá hâid (háis ói'ye'dé) beçi're de'de Talâk sóyi noói'bó.'
- 3 - Híba'yé hoi'yé'dé: 'Zani fúni noó fore'dé namâz'ór qadâ forá no fore.'
- 4 - Híba'yé hoi'yé'dé: 'Hâid ói'ye'dé beçi uggwá'yé Ka'bán'ré tawâf gorón'nán mubâh (ezin asé). [Ossé, híba'yé gori'lé híba'ttú kaffâra diya no fori'bó.]'
- 5 - Híba'yé hoi'yé'dé: 'Tin talâk' hoói'yóré talâk di'lé'yó ek talâk fore'de.' Héen ói'lé'yo, héndíllá hoi'bár age, híba'yé íjmâ' ál-MúslimÎn'é náo hoó'dé híyan boút bosór duwárái duwárái hoi'yé.
- 6 - Híba'yé hoi'yé'dé: 'Islâm Dórmó lói no háçé'dé theéks ókkól híin tuwa'de hitára'r lá halâl.'
- 7 - Híba'yé hoi'yé'dé: Códór ókkól'óttú theéks ókkól lo'de híin, [zakât'ór] niyot'e di'yé'dé noói'lé'yó zakât ói za'gói.'
- 8 - Híba'yé, 'Faní hodún'ót undur (ar noói'lé) héndíllá honó keccú mori'lé, híin nájs noó.' hoi'yé.
- 9 - Híba'yé hoi'yé'dé: 'Junub ói'ye'dé manúc uggwá'ttú raittya ghusl gorá-sará náfl namâz fori'bár ezin asé.'

[1] 'Talâk'ór babute **Endless Bliss**'ór híssá 5'ór síyará 6't, áddé híssá 6'ór síyará 15't maání gori'yóré zora zora gori buzái'yé.

- 10 -Híba'yé hoi'yé'dé: '(cómbóttí wákf'ót doiya) **Wákí'**é de'de córóót ókkól fala no fore.'^[2]
- 11- Híba'yé hoi'yé'dé: 'Manúc uggwá ijmâ' ál-úmmá lói no boni'lé, híba be-imân (ar noói'lé) gunágár no ói'bó.
- 12- Híba'yé hoi'yé'dé: 'Allâhú ta'âlâ óildé mahall-i hawâdít, ar guri guri zora ókkól lói boinné.'
- 13- Híba'yé hoi'yé'dé: 'Kur'ân ál-karím'óre Allâhú ta'âlâ'r Dhât (Nize) banai'yé.'
- 14- Híba'yé hoi'yé'dé: 'Âlam, maání, mokhlúk beggún óildé zar zar zat loi te te abadulabad táké'dé cis.'
- 15- Híba'yé hoi'yé'dé: 'Allâhú ta'âlâ'ttú gom gom cis bana fore.'
- 16- Híba'yé hoi'yé'dé: 'Allâhú ta'âlâ'ttú gaa adde mikkyá asé; Híba'yé Nizor zaga bodole.'
- 17- Híba'yé hoi'yé'dé: Zuzuk abadulabad táké'dé cis noó; híyan ahéri'ttú fúrai zai'bó'gói.'
- 18- Híba'yé Nabi ókkól'óttú guná náí'dé híyan no mane.
- 19- Híba'yé hoi'yé'dé: 'Rasûlullah "sáll-Allâhú ta'âlâ 'aláihí wa sállam" onnyo mancór lói honó forók no ó.'
- 20- Híba'yé hoi'yé'dé: 'Rasûlullah'r ziyarat gorí'bár niyot loi Medina zoon'nán guná.'
- 21- Híba'yé aró hoi'yé'dé: Héçe zai cafâ'á (cúwaríc) gorí'tó hoón'nán harâm.'
- 22- Híba'yé hoi'yé'dé: **Taurât** áddé **ál-Injíl** kitaf'fin lofzó lói forók ói'ye'dé no ó. Híin maání lói forók ói'ye'dé.'

[2] 'Wákf', Wákí', héndíllá héndíllá lofzó'gín'ór babute zani'bállá, meérbáni gorí **Endless Bliss**'ór híssá 5'or síyará 44'ot soó.

“Hodún hodún âlim ókkól’é hoi’yé’dé, wor’tú háwálá di’yé’dé hotá’gín’óttú becbák Íbn Taymíyyá’r noó bólí, hálí, Alláhu ta’âlâ’ttú mikkyá asé, ar Híba gur guri zora ókkól loi boinné bólí híba’yé hoi’yé’dé híyan’óré honó kiyé inkar no goré. Héen ói’lè’yo, híba ‘ilm, jalâla áddé diyâna’t tuwangor accííl’dé híyan ettefák’ór sáñté hoi’yé. Fíqh, zana, insáf áddé ahol asé’dé manúc uggwá’ttú mamala ekkán’óré ago’ttú taákík gorí saái’yóré baade tói híyanó’r babute diyán di fáisálá gorá forí’bó. Háas góri, Musólmán uggwá’r be-imâni (ar noói’lé), fitín’ó kafér-ówá, (ar noói’lé), gumráhyi, (ar noói’lé) híba’ré marí fêlai’bár hókúm gorá iín’óllá zora zora gorí soón’nán áddé diyán don’nán bící dorhari.”

Yaa, Íbn Taymíyyá’r’gín’ór dóillá gorón’nán córo boni gi’yé’gói. Tará híba’r gumráh gumráh leká ókkól’óré bol de, híba’r kitaf ókkól, háas góri **ál-Wásita**’ré bar bar sábái niyala. Cúru’ttú fúrantí fojjonto, kitaf híba’t Kur’ân ál-karîm, hadîs ác-caríf áddé ijma’ ál-Muslimîn lói no bone’de héndillá híba’r báfáná ókkól furaiya. Híba’yé foróiyá ókkól’ór mazé forók gorí bící bódhdha fitná tuli di’yoré báiyain’dór mazé ducmoni ówá’bá. Indhiá’r Wahhâbî ókkól áddé onnyo Musólmán dec ókkól’ót tará’r fán’ót fojjé’dé dórmo’r be-elómí âlim ókkól’é Íbn Taymíyyá’ré tará’rlá barík sóddár banai’yoré híba’ré ‘Bódhdha Mujtahîd’ áddé ‘Céikh al-Islâm’ór dóillá nam ókkól di fêlai’yé. Tará biccác áddé imân hoói hoói híba’r gumráh báfáná ókkól áddé hóráf hóráf lekká ókkól mani loo. Musólmán ókkól’óré bák gorí fêlai’yóré Islâm Dórmó’ré bútor’tu tái nac goré’dé hótórá solasol ibá’ré oñsí’bállá, aañrá’ttú, gumráh iín’óré sábút fónná lói juwaf di tará’r’gín golot sábút gojjé’dé héndillá Áhl ás-Súnná’r âlim ókkól’é lekkyé’dé kimoti kimoti kitaf ókkól forá forí’bó. Híin’ór búto’ttú, bódhdha imâm, becábicí cíkkatá-óla âlim Taqî ad-dîn ás-Subkî ‘ráhmatúlláhi ta’âlâ aláih’yé lekkyé’dé **Cifâ ás-sikâm fî ziyârat-kháiri-l-anâm**’é Íbn Taymíyyá’r gumráh báfáná ókkól fáná gorí fêlá, híba’r faáth-gorá’ré fúrai fêlá ar híba ekguwajja’de híyan dahá. Híba’yé híba’r hóráf niyot adde golot biccác ókkól sórái’tó no de.

Lugat

Tasáuwúf'ór babute lekkyé'dé leká ókkól'óre házrát Ahmad ál-Fârûqî ás-Sírhindl'r **Maktûbât'**ót barík gorí cíki fare.

-adillat ác-Car'íyyá: Islâm Dórmó'r gujjali sair'ó'wán: **ál-Kur'ân ál'karím, hadís-ác-caríf, ijma'** ál-Umma áddé kiyâs álfukahâ'

áhl: people; **Áhl ál-Bayt,** Nabi'r bazáiyá egena ókkól: (Islâm Dórmó'r **âlim** becbák'ór howá mozin) Alî (sañsa'to báí áddé zamaí), Fâtima (zíí), Hásán áddé Húsáin (nati); **Áhl ás-Súnná(t) wá-l-Jamâ'a**

a'ímmát ál-mazâhíb: imâm ál-Mázhab ókkól

Allâh: Allâhu ákbár, Allâhu ta'âlâ, Allâh, zibá'ttú kulle barík'gírí-ólá

Âmin: (Allâhú ta'âlâ'ré) “Mor dua kabul goró.”

-ámru bí-l-márûf (wá-n-náhyú 'aní-l-múnkár): Allâhú ta'âlâ'r hókúm ókkól cíkai'bár (áddé onnyo zon'oré Híba'yé maná gojjé'dé cis ókkól'óttú oñsí'bár.) zimma

-Ansâr: Makka nize fai'bar age Islâm Dórmó kobul gojjé'dé Madina'r bácíndá ókkól

aqâ'id: biccác, mana, hámaká biccác gorí mana fore'de dorhari cis ókkól

Árafât: Makka'r uttor'e 24 kilumithár'ót asé'dé kúlá zaga'gán.

ârif: maárifá'r babute zaní'bár táké'dé híin zane'de uggwá âlim

- **Árc:** asman háñto'wán áddé háñt-asman-sará **Árc'**ór bútor'ór **KursÍ'**r maz'ór methar'or fúrantí

As-hâb ál-kahf: Kafér ókkól'é nizer zaga loi félai'yé'rár imân hárá no fore'fán ar ek zaga't híjrát gojjííl'dé híyan'óllá uñsol topka faáil'dé (Tarsus'or kúñda uggwá'r) Imândár háñt'o zón

-**Basmala:** “Bismi-llâhí-r-Rahmân-ír-Rahîm” hoó'dé Arabi hotá'gán (Ebbe Bici Rahámót-óllá Allâh'r Nam loi)

Bâtinî: Bâtiníyyá gumráhyi mozin soloiya

-**Fadîla, -Wasîlá:** Biyossó'r ebbe barík topka duníyán

faqîh: (fúqahâ ókkól) **Fiqh;** fúqahâ ás-sab'á'r barík elómdár

fárd: Allâhú ta'âlâ'yé **ál-Kur'ân ál-karîm'**ót hókúm gojjé'dé (ham, hásolót, hotá)

fatwâ: i) (**mujtahíd** uggwá'r) **ijtihâd:** ii) **Fíqh'**ór kitaf ókkól'óttú, híin'ót dahái'yá náí'dé cis ekkán jâez né noó (**mufti** uggwá'r) muth gorí buzí niyalai lowa; Islâm Dórmó'r âlim ókkól'é de'de dórmó'r súwál ókkól'ór juwaf

Fiqh: Musólmán ókkól'óttú gorón saá'dé áddé no gorón saá'dé híin'ór babute zana; **'ibâdât, a'mâl**

fítná: Musólmán ókkól áddé Islâm Dórmó're hání goré'dé aamfáng hotá áddé ham ókkól

ghúsl: **Fiqh'**ót maání gorí di'yé mozin cárá gaa dúwón

hadîs (carîf): i) Nabi'r hotá; **ál-Hadîs ác-carîf,** hadîs beggún; ii) Hadîs'ór niyom ar noói'lé kitaf ókkól; **hadîs sahîh,** Hadîs'ór âlim ókkól'é de'de córóót ókkól mozin gom gorí ek zon'e ar ek zon'oré hoói hoói accé'dé sóyi hadîs

Házzrát: Nabí ókkól áddé Islâm Dórmó'r âlim ókkól'ór nam'or muúntú estemal goré'dé izzot'tya lokób

halâl: Islâm Dórmó'r jâez (ham, cis)

Hánafi: Abû Hanîfá'yé bená gojjé'dé **Mázháb'**ór(uggwá sáf)

Hánbalî: Imâm Áhmád ibn Hánbál'é bená gojjé'dé **Mázháb'**ór (uggwá sáf)

harâm: Islâm Dórmó'r maná gojjá (ham, cis)

-Hijâz: Makka adde Madina asé'dé héçiyár, Lal Dojja'r hañsá'r Arab'or Diya'r matá't asé'dé Lal Dojja'r hañsa'r zaga

ijâza: Islâm Dórmó'r elóm'ót habil boli hoói gobá de'de sálthikóth.

ijmâ' (ál-Úmma, ál-Muslimîn): Sahâbát ál-kirâm áddé Tâbi'ûn'é goré'dé ekkui ham, ar noói'lé ekkán mamala'r babute ettefák'ór sânté goré'dé fáisálá; héndillá ettefák

ijtihâd: uggwá âyat (ar noói'lé) uggwá **hadîs'**ór bútoré táké'dé lukaiya maání'ré buzí'bállá meén'nót gorí'yóré (**mujtahíd** uggwá'yé thani niyala'de maání (ar noói'lé) muth fáisálá)

Îbâhatîs: Musólmán ókkól'óré marí félón (ar noói'lé) na-insáfí góri tará'r cómbóttí harí loi félón'nán'ór dóillá **harâm** ham'oré '**halâl** hoó'dé Wahhâbî ókkól'ór dóillá manúc ókkól

ikhlâs: foitto ekkán cis baná Allâhú ta'âlâ'llá gorí'bár (niyot)

ilm: elóm (ór dhéiñlá); Ílm; **ilm ál-hâl:** foitto uggwá Musólmán'óttú cika fori'bó hoói hókúm gojjé'dé (**Mázháb** uggwá'r) Islâm Dórmó'r cíkkatá ókkól (ór kitaf ókkól); **ilm**

ál-kalâm: î mân'or elóm; **ál-ilm ál-ladunnî:** Allâhú ta'âlâ'yé **Auliyâ'r** dil'ot gólái di'yé'dé elóm

imâm: i) barík **âlim;** **Mázháb** uggwá'r bená goróiyá (**imâm ál-mázháb, mujtahíd imâm**), **ál-Imâm ál-ázam,** ii) jamâ'át'ór sânté foré'dé namâz'ór imâm: iii) kaliph

incâ-Allâh: “Allâhú ta'âlâ'yé sai'lé.”

istighfâr: Allâhu ta'âlâ'ttú guná maf gorí maga

jalâlâ: baríkgirí

jamâ'á: cómáz; (**imâm** sáf'óre bád di) mosít ekkán'ór bútor'ór Musólmán ókkól; fúwãnti tákóiyá ókkól; dhaái, jamâ'á'r sânté namâz

junub: **ghusl'**ór dorhar ói'yé'dé héndíllá Musólmán uggwá'r hálót

-**Ka'bá:** Makka'r bódhdha mosít'tán'ót asé'dé **borkottya** bódhdha gór'gan

kalimat: lofzó (ar noói'lé) hotá

karâmá: (_ât =_ókkól) **Allâhú ta'âlâ'yé** uggwá **Walî'r** áta goré'dé tadjjupya cis

Karîm: Rahám-óla

khútbá: Cúkkúrbár áddé Islâm Dórmó'r id'ór namâz ókkól'ót **imâm'e** minbar'or wore uçí hoó'dé boiyan, zibá duniyai agagura Arabi hotá't forá fore (onnyo hotá't forí'lé guná)

-**Kursî:** **Árc'**ór maání soó.

-**Madînat al-munáwwára:** dúúf foór Madina cóor

-**Mahcár:** Ebbe Ahérí Fáisálá

-Mákkát ál-Mukárrámá: izzottya Makka cóor

makrûh: Nabi'ye na-fosón gori'yóre basi tákkííl'dé betallya (ham, cis)

Málíkí: Imâm Málík'é bená gojjé'dé **Mázháb'**ór (uggwá sáf)

mandub: gori'lé **sawâb**, no gori'lé guná no ó, na-fósón gori'lé **kúfr** ó noó; **adab**, mustaháb

ma'rifa: Alláhu ta'âlâ'r **Dhât** áddé **Sifât'**ór babute **Auliyâ'r** dil ókkól'ót gólái de'de elóm

Míládî: Kíristán'ór Zobona'r; Gregóriyén Kelendhar'or

minbar: wore uçí **khútba** foré'dé mosít'ór bútór'ór ekkán tók-óla uñsol zaga

mu'âmalât: **Fiqh** elóm'ór uggwá dhéiñlá

mubâh: noó hókúm gojjé, noó maná gojjé'dé héndíllá (ham, cis); ezin asé

mudârrís: madrasa (Islâm Dórmó'r eskul (ar noói'lé) yunivasithi)'r uggwá porfésár

mufassir: **tafsîr'**or habil **âlim**

mufti: **fatwâ** niyalai'bár kémótá-óla boro **âlim**

-Muhâjirûn: Makka nize fai'bar age Islâm Dórmó kobul gojjé'dé Makka'r bácíndá ókkól

mu'jiza: Alláhu ta'âlâ'yé uggwá Nabi'r átá goré'dé tajjuppya cis

mujtahíd: **ijtihâd** gori fare'de bódhdha **âlim**; **mujtahíd imâm**, **mujtahíd muftí**

munâfík: Islâm Dórmó no maní'yoré Musólmán kúwalóiyá; munafék

murcíd: ráabár, torika dahái doiya

mutacábîh: ahol loi buzí no faré'dé, bútórgwá maání-ólá (uggwá **âyat** (ar noói'lé) **hadîs'**ór); **mutacábîhât**

-Mucábbíhá: **Allâhú ta'âlâ'**ré cis mane'de manúc ókkól

najs: dórmó'r howá mozin na-fak cis

náfs: dórmó'r lain'ot nizoré nize hání gorá bai'tó saá'dé mancó'r bútoré táké'dé uggwá bol

náss: uggwá **âyat** (ar noói'lé) uggwá **hadîs'**óllá (aam fang nam); **Náss**

qadâ': dahái diya ottó'r wore náo goré'dé **ibâdá** ekkán'óre, ottó bárái baade fucái diya

qibla: (Islâm Dórmó't) namâz forí'báccót (**Ka'ba'**r uzu) muu diya fore'de muwálá.

qiyâs (ál-fúqahâ'): **Náss** áddé **ijmâ't** sáp gorí hoói dahái'yá náí'dé mamala ekkán'óre sáf gorí dahái'yá asé'dé héndíllá ar ekkán lói zurazujja gorí mafi saá (yóre **mujtahíd** uggwá'yé thani loi niyalai de'de fáisálá); **ijtihâd** (ór uggwá torika)

qutb ál-ârifîn: ebbe uñsol topka'r uggwá Walî

Rább: **Allâhú ta'âlâ,** Osól Banoiya ar “Thenning Doiya”

Ramadân: Musólmán'ór kelendhar'or kodojja mac

rasûl: (rúsul = rasûl ókkól), Hóbórgwá, Nabi; (**Rasûl-Allâh**), Muhámmád, Allâhú ta'âlâ'r Nabi

riyâdâ: náfs' é fosón goré'dé híyan no gorón; nizor'gín nize hokkan gorón

Sahâbâ: Imân anniil ar Nabi uggwá dekkíil'dé manúc ókkól; **ás-Sahâbât ál-kirâm, Rasûl-Allâh'r** Fúwâñti-Tákóiya ókkól

salâm: i) sólâm-diya, cántí, gom duwa; ii) **salât'**ór fúrantí't hoó'dé hotá “Ássalámú ‘aláikúm wa ráhmatullah”

sâlih: (sulahâ = sâlih ókkól) guná'ttú basi táké'dé dindar

Câfi'î: ál-Imâm ác-Câfi'î'yé bená gojjé'dé **Mázhâb'**ór (uggwá sáf)

Cáikh ál-Islâm: Islâm Dórmó'r Mamala ókkól'ór Hañsari'r Cáaf

Síddîk: imân aní Nabi'r hotá manoiya; ebbe uñsol topka'r uggwá **Walî**

sûfi: múttasáuwíf, theníng fai'yoré **Tasáuwúf'**ót furussaf ói'ye'dé manúc.

suhbâ: fúwâñti táká; uggwá Nabi (ar noói'lé) uggwá **Walî'r** fúwâñti táká

sulahâ': sâlih ókkól

súnnâ: Allâhú ta'âlâ'yé hókúm náo goré, Nabi'ye fosón gorí'yoré 'ibâda ísáfé gojjé'dé (ham adde cis), (gorí'lé **sawâb** asé, hálí, no gorí'lé guná no óo, toó, ossé, lattát gali gali tákí'le guná ó, nafórót gorí'lé kuféri ói'bó.); **Súnnâ:** i) (fârd lói) súnnáh beggún; ii) (Kitaf'fwá (ar noói'lé) **Kur'ân ál-karîm** lói) **Hadîs ác-carîf** íii) **Fíqh**, Islâm.

sûra(t): ál-Kur'ân ál-karîm'ór uggwá síyará.

taqwâ: Allâhú ta'âlâ're dhooron; harâm ókkól'óttú basi tákón.

Tasáuwúf: **îmân**'oré doró goré dé áddé **Fíqh**'ór mozin sola aásán gorí'yoré **ma'rifa** fai'ballá modod goré'dé héndíllá elóm áddé (nizoré nize **Fíqh** lói óde ódé ó'fan góri baade) Nabi'r adof ókkól mozin gorá

tawâf: **háj** gorí'báccót Makka'r **Ka'bâ**'ré berái fak de'de **ibâda**

taubá: taubá, taubá gorá: gojjé'dé guná'llá **Allâhú ta'âlâ**'ttú maf magi'yoré ar no gorí'bó bólí wada doon

sawâb: **Allâhú ta'âlâ**'yé fósón goré'dé híin gorá áddé howá'llá gunári ísáf'é ahérót'ót di'bo boli waada gojjé'dé ar di'bo'de (hodún) boccíc

úlamâ': âlim ókkól

umma: Nabi uggwá'rgín mozin sollííl'dé Imândár ókkól, **Umma**, Musólmán umma

wahí: **Allâhú ta'âlâ**'yé Nabi ókkól'óre dííl'dé elóm

wâjib: Nabi'ye honó ottó't náo cúcé, hétólla, ebbe **fard**'ór hañsé hañccá dorhari ar cúcí no faré'dé (ham, cis); **ál-Wâjib**, **Wâjib álwujûd:** Zibá'r táká hámaká dorhari ar no tákí no faré

Walí: (**Auliâyâ** ókkól) **Allâhú ta'âlâ**'yé ador gorí sóoñlé'dé manúc

Wilâya: **Walí**'girí

zuhd: duniyabi cisbís'ót dil no lagon; **mubâh** ókkól'óttú (úddá) basi tákón

BOOKS PUBLISHED BY HAKÎKAT KITÂBEVİ

ENGLISH:

- 1- Endless Bliss I, 304 pp.
- 2- Endless Bliss II, 400 pp.
- 3- Endless Bliss III, 336 pp.
- 4- Endless Bliss IV, 432 pp.
- 5- Endless Bliss V, 512 pp.
- 6- Endless Bliss VI, 352 pp.
- 7- The Sunni Path, 128 pp.
- 8- Belief and Islam, 128 pp.
- 9- The Proof of Prophethood, 144 pp.
- 10- Answer to an Enemy of Islam, 128 pp.
- 11- Advice for the Muslim, 352 pp.
- 12- Islam and Christianity, 336 pp.
- 13- Could Not Answer, 432 pp.
- 14- Confessions of a British Spy, 128 pp.
- 15- Documents of the Right Word, 496 pp.
- 16- Why Did They Become Muslims?, 304 pp.
- 17- Ethics of Islam, 240 pp.
- 18- Sahaba 'The Blessed', 384 pp.
- 19- Islam's Reformers, 320 pp.
- 20- The Rising and the Hereafter 112 pp.
- 21- Miftah-ul-janna, 288 pp.
- 22- Book of Namâz, 240 pp.
- 23- O Son, 352 pp.

DEUTSCH:

- 1- Islam, der Weg der Sunniten, 128 Seiten
- 2- Glaube und Islam, 128 Seiten
- 3- Islam und Christentum, 352 Seiten
- 4- Beweis des Prophetentums, 160 Seiten
- 5- Geständnisse von einem Britischen Spion, 176 Seiten
- 6- Islamische Sitte, 288 Seiten

EN FRANÇAIS:

- 1- L'Islam et la Voie de Sunna, 112 pp.
- 2- Foi et Islam, 160 pp.
- 3- Islam et Christianisme, 304 pp.
- 4- L'évidence de la Prophétie, et les Temps de Prières, 144 pp.
- 5- Ar-radd al Jamil, Ayyuha'l-Walad (Al-Ghazâli), 96 pp.
- 6- Al-Munqid min ad Dalâl, (Al-Ghazâli), 64 pp.

SHQIP:

- 1- Besimi dhe Islami, 96 fq.
- 2- Libri Namazit, 208 fq.
- 3- Rrefimet e Agjentit Anglez, 112 fq.

ESPAÑOL:

- 1- Creencia e Islam, 112

PO RUSSKI:

- 1- Vsem Nuynaq Vera, (128) str.
- 2- Priznaniq Anglijskogo Wpiona, (144) str.
- 3- Kitab-us-Salat (Molitvennik) Kniga o namaze, (224) str.
- 4- O Syn Moj (256) str.
- 5- Religq Islam (256) str.

NA BbLGARSKI EZIK:

- 1- Vqra i Islqm. (128) str.
- 2- NAMAZ KITABb (256) str.

BOSHNIJAKISHT:

- 1- Iman i Islam. (128) str.
- 2- Odgovor Neprijatelju Islama, (144) str.
- 3- Knjiga o Namazu, (192) str.
- 4- Nije Mogao Odgovoriti. (432) str.
- 5- Put Ehl-i Sunneta. (128) str.
- 6- Ispovijesti Jednog Engleskog Spijuna. (144) str.

اسماء الكتب الفارسية التي نشرتها مكتبة الحقيقة

اسماء الكتب عدد صفحاتها

- ۱ - مکتوبات امام رباني (دفتر اول) ۶۷۲
- ۲ - مکتوبات امام رباني (دفتر دوم وسوم) ۶۰۸
- ۳ - منتخبات از مکتوبات امام رباني ۴۱۶
- ۴ - منتخبات از مکتوبات معصومية ويليہ مسلک مجدد الف ثاني (با ترجمه اردو) ۴۳۲
- ۵ - مبدأ و معاد و يليہ تأييد اهل سنت (امام رباني) ۱۵۶
- ۶ - کيمياي سعادت (امام غزالي) ۶۸۸
- ۷ - رياض الناصحين ۳۸۴
- ۸ - مکتايب شريفة (حضرة عبدالله دهلوی) ويليہ الجند الثالث ويليہما نامهای خالد بغدادی ۲۸۸
- ۹ - در المعارف (ملفوظات حضرت عبد الله دهلوی) ۱۶۰
- ۱۰ - رد وهابي و يليہ سيف الابرار المسلول على الفجار ۱۴۴
- ۱۱ - الاصول الاربعة في ترديد الوهابية ۱۲۸
- ۱۲ - زبدة المقامات (برکات احمدية) ۴۲۴
- ۱۳ - مفتاح النجاة لاحمد نامقي جامي ويليہ نصايح عبد الله انصاري ۱۲۸
- ۱۴ - ميزان الموازين في امر الدين (در رد نصاری) ۳۰۴
- ۱۵ - مقامات مظهرية و يليہ هو الغني ۲۰۸
- ۱۶ - مناهج العباد الى المعاد و يليہ عمدة الاسلام ۳۲۰
- ۱۷ - تحفه اثني عشرية (عبد العزيز دهلوی) ۸۱۶
- ۱۸ - المعتمد في المعتقد (رسالة توريشتي) ۲۸۸
- ۱۹ - حقوق الاسلام ويليہ مالابند منه ويليہما تذکرة الموتى والقبور ۲۷۲
- ۲۰ - مسموعات قاضي محمد زاهد از حضرت عبيد الله احرار ۱۹۲
- ۲۱ - ترغيب الصلاة ۲۸۸
- ۲۲ - أنيس الطالبين و عدة السالكين ۲۰۸
- ۲۳ - شواهد النبوة ۳۰۴
- ۲۴ - عمدة المقامات ۴۸۰
- ۲۵ - اعترافات جاسوس انگليسی به لغة فارسی و دشمنی انگليسیها به اسلام ۴۸۰

الكتب العربية مع الارودية والفارسية مع الارودية والاردية

- ۱ - المدارج السنية في الرد على الوهابية ويليہ العقائد الصحيحة في ترديد الوهابية النجدة ۱۹۲
- ۲ - عقائد نظاميه (فارسي مع اردو) مع شرح قصيدة بدء الامالي ويليہ احكام سماع از کيمياي سعادت ويليہما ذکر ائمه از تذکرة الاولياء ويليہما مناقب ائمه اربعه ۱۶۰
- ۳ - الخيرات الحسان (اردو) (احمد ابن حجر مكي) ۲۲۴
- ۴ - ہر کسی کیلئے لازم ایمان مولانا خالد بغدادی ۱۴۴
- ۵ - انگریز جاسوس کے اعترافات ۱۶۰

- ٤٤ - النعمة الكبرى على العالم في مولد سيد ولد آدم ويليهِ نبذة من الفتاوى الحديثة ويليهِما كتاب جواهر البحار ٣٢٠
- ٤٥ - تسهيل المنافع وبهامشه الطب النبوي ويليهِ شرح الزرقاني على المواهب اللدنية ويليهِما فوائد عثمانية ويليها خزينة المعارف ٦٢٤
- ٤٦ - الدولة العثمانية من الفتوحات الاسلامية ويليهِ المسلمون المعاصرون ٢٧٢
- ٤٧ - كتاب الصلاة ويليهِ مواقيت الصلاة ويليهِما اهمية الحجاب الشرعي ١٦٠
- ٤٨ - الصرف والنحو العربي وعوامل والكافية لابن الحاجب ١٧٦
- ٤٩ - الصواعق المحرقة ويليهِ تطهير الجنان واللسان ٤٨٠
- ٥٠ - الحقائق الاسلامية في الرد على المزاعم الوهابية ١١٢
- ٥١ - نور الاسلام تأليف الشيخ عبد الكريم محمد المدرس البغدادي ١٩٢
- ٥٢ - الصراط المستقيم في رد النصارى ويليهِ السيف الصقيل ويليهِما القول الثبت ويليها خلاصة الكلام للنبهاني ١٢٨
- ٥٣ - الرد الجميل في رد النصارى ويليهِ ايها الولد للغزالي ٢٢٤
- ٥٤ - طريق النجاة ويليهِ المكتوبات المنتخبة لخمّد معصوم الفاروقي ١٧٦
- ٥٥ - القول الفصل شرح الفقه الاكبر للامام الاعظم ابي حنيفة ٤٤٨
- ٥٦ - جالية الاكدار والسيف البتار (لمولانا خالد البغدادي) ٩٦
- ٥٧ - اعترافات الجاسوس الانكليزي ١٩٢
- ٥٨ - غاية التحقيق ونهاية التدقيق للشيخ السندی ١١٢
- ٥٩ - المعلومات النافعة لأحمد جودت باشا ٥٢٨
- ٦٠ - مصباح الانام وجلاء الظلام في رد شبه البدعي النجدي ويليهِ رسالة فيما يتعلق بادلة جواز التوسل بالنبي وزيارته صلى الله عليه وسلم ٢٢٤
- ٦١ - ابتغاء الوصول لحبّ الله بمدح الرسول ويليهِ البنيان المرصوص ٢٢٤
- ٦٢ - الإسلام وسائر الأديان ٣٣٦
- ٦٣ - مختصر تذكرة القرطبي للشعراني ويليهِ قرة العيون للسمرقندي ٣٥٢

- ٢٢ - الحبل المتين ويليهِ العقود الدرية ويليهِما هداية الموفقين ١٣٦
- ٢٣ - خلاصة الكلام في بيان امراء البلد الحرام ويليهِ ارشاد الحيارى في تحذير المسلمين من مدارس النصارى ويليهِما نبذة من الفتاوى الحديثة ٢٨٨
- ٢٤ - التوسل بالنبي وبالصالحين ويليهِ التوسل لمحمد عبد القيوم القادري ٣٣٦
- ٢٥ - الدرر السنية في الرد على الوهابية ويليهِ نور اليقين في مبحث التلقين ٢٢٤
- ٢٦ - سبيل النجاة عن بدعة اهل الزيغ والضلال ويليهِ كف الرعاع عن المحرمات ويليهِما الاعلام بقواطع الاسلام ٢٨٨
- ٢٧ - الانصاف ويليهِ عقد الجيد ويليهِما مقياس القياس والمسائل المنتخبة ٢٤٠
- ٢٨ - المستند المعتمد بناء نجاة الابد ١٦٠
- ٢٩ - الاستاذ المودودي ويليهِ كشف الشبهة عن الجماعة التبليغية ١٤٤
- ٣٠ - كتاب الايمان (من رد المحتار) ٦٥٦
- ٣١ - الفقه على المذاهب الاربعة (الجزء الاول) ٣٥٢
- ٣٢ - الفقه على المذاهب الاربعة (الجزء الثاني) ٣٣٦
- ٣٣ - الفقه على المذاهب الاربعة (الجزء الثالث) ٣٨٤
- ٣٤ - الادلة القواطع على الزام العربية في التوابع ويليهِ فتاوى علماء الهند على منع الخطبة بغير العربية ويليهِما الحظر والاباحة من الدر المختار ١٢٠
- ٣٥ - البريقة شرح الطريقة (الجزء الاول) ٦٠٨
- ٣٦ - البريقة شرح الطريقة ويليهِ منهل الواردين في مسائل الحيض ٣٣٦
- ٣٧ - البهجة السنية في آداب الطريقة ويليهِ ارغام المريد ٢٥٦
- ٣٨ - السعادة الابدية فيما جاء به النقشبندية ويليهِ الحديقة الندية ويليهِما الرد على النصارى والرد على الوهابية ١٧٦
- ٣٩ - مفتاح الفلاح ويليهِ خطبة عيد الفطر ويليهِما لزوم اتباع مذاهب الائمة ١٩٢
- ٤٠ - مفاتيح الجنان شرح شرعة الاسلام ٦٨٨
- ٤١ - الانوار المحمدية من المواهب اللدنية (الجزء الاول) ٤٤٨
- ٤٢ - حجة الله على العالمين في معجزات سيد المرسلين ويليهِ مسألة التوسل ٢٨٨
- ٤٣ - اثبات النبوة ويليهِ الدولة المكية بالمادة الغيبية ١٢٨

اسماء الكتب العربية التي نشرتها مكتبة الحقيقة

عدد صفحاتها

اسماء الكتب

- ١ - جزء عم من القرآن الكريم ٣٢
- ٢ - حاشية شيخ زاده على تفسير القاضى البيضاوى (الجزء الاول) ٦٠٤
- ٣ - حاشية شيخ زاده على تفسير القاضى البيضاوى (الجزء الثانى) ٤٦٢
- ٤ - حاشية شيخ زاده على تفسير القاضى البيضاوى (الجزء الثالث) ٦٢٤
- ٥ - حاشية شيخ زاده على تفسير القاضى البيضاوى (الجزء الرابع) ٦٢٤
- ٦ - الايمان والاسلام ويليهِ السلفيون ١٢٨
- ٧ - نخبة الآلاي لشرح بدء الامالي ١٩٢
- ٨ - الحديقة الندية شرح الطريقة المحمدية (الجزء الاول) ٦٠٨
- ٩ - علماء المسلمين وجهلة الوهابيين ويليهِ شواهد الحق ويليهِما العقائد النسفية ويليهِ تحقيق الرابطة ٢٢٤
- ١٠ - فتاوى الحرمين برجف ندوة المين ويليهِ الدرّة المضئّة ١٢٨
- ١١ - هدية المهديين ويليهِ المتنئى القادياني ويليهِما الجماعة التبليغية ١٩٢
- ١٢ - المنقذ عن الضلال ويليهِ الجام العوام عن علم الكلام ويليهِما تحفة الاريب ويليهِما نبذة من تفسير روح البيان ٢٥٦
- ١٣ - المنتخبات من المكتوبات للامام الرباني ٤٨٠
- ١٤ - مختصر (التحفة الاثني عشرية) ٣٥٢
- ١٥ - الناهية عن طعن امير المؤمنين معاوية ويليهِ الذب عن الصحابة ويليهِما الاساليب البديعة ويليهِما الحجج القطعية ورسالة رد روافض ٢٨٨
- ١٦ - خلاصة التحقيق في بيان حكم التقليد والتلفيق ويليهِ الحديقة الندية ٥١٢
- ١٧ - المنحة الوهبية في رد الوهابية ويليهِ اشد الجهاد ١٩٢
- ١٨ - البصائر لمنكري التوسل باهل المقابر ويليهِ غوث العباد ٤١٦
- ١٩ - فتنة الوهابية والصواعق الالهية وسيف الجبار والرد على سيد قطب ٢٥٦
- ٢٠ - تطهير الفؤاد ويليهِ شفاء السقام ٢٥٦
- ٢١ - الفجر الصادق في الرد على منكري التوسل والكرامات والخوارق ١٢٨
- ويليهِ ضياء الصدور ويليهِما الرد على الوهابية